




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3385/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3385/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3385/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3385/A

1 v. 8

coll. of Ambrosius

3385


A

308

N W b

AMBLICHUS





IAMBLICHVS

DE MYSTERIIS

ÆGYPTIORVM,

Chaldæorum, Af-

syriorum.

*

PROCLVS in *Platonicum Alcibiadem de*
Anima, atque Demone.

Idem de Sacrificio & Magia.

PORPHYRIVS de *Diuinis atq; demonib.*

PSPELLVS de *Demonibus.*

MERCVRII *Trismegisti Pimander.*

Ejusdem Asclepius.



APVD

IOANNEM TORNAESIUM.

CIC. MCVII.



3

MARSILIVS FICINVS

*Florentinus Reuerendissimo in Christo Pa-
tri D. Ioanni Medici, sanctæ Romanæ
ecclesiæ Cardinali, suppliciter
se commendat.*

✱

QVVM epistolam ad te scribere statuis-
sem in Cardinea dignitate nuper tibi
collata gratulaturam, cogitarémque,
cui potissimum eam darem tibi red-
dendam, qui congratulationem nostram effice-
ret admodum gratiorem, in academiam me su-
bitò contuli, sperans in ejus saltem penetralibus
salutatorem nobis aliquem tibi acceptissimum
non defuturum. Illic ergo diuina quadam sorte,
primus occurrit Iamblichus, inter academicos
cognomento Diuinus, & magnus ibi sacerdos.
Cui quidem, Salue, inquam, Iambliche sacerdos
magne. In præsentia (ut vides) Ioanni Medici, no-
uo Christianæ religionis antistiti congratulatu-
rus sum: tu precor, si iusta peto, congratulatio-
nem nostram, alioquin jejunam, diuinis verbis
mysteriisque tuis efficies pleniorē. Annuit ille
precibus, atque hac ad te sententia Ioannes sa-
cerdos magne, venit magnus ille sacerdos. Tu
igitur salutatorem tantum lætus excipe, atque
post salutationem primam, post lectam episto-
lam, quid diuinus ille loquatur, si placet atten-
tius audi. promisit enim, ut sua, tuâque persona
pariter digna diceret. se tibi breuibus, quid Ægy-
ptij, & Assyrij sacerdotes de religione, rebusq;
diuinis senserint, expressurum.

a. 12


Arg.

Argumentum in librum Iamblichī.

Porphyrus, qui inter Platonicos propter excellentiam Philosophus appellatur, longam in Aegyptū misit epistolā ad Anebonem sacerdotem, variatū & grauiū questionum plenam ad omnes philosophiæ partes spectantiū, præsertim ad Deum, atq; angelos, demonesq; & animas, ad providentiam, ad fatū, vaticinia, magicen, miracula, sacrificia, vota. Porphyrii questionibus respondit Iamblichus ejus auditor. Introducit verò Porphyrio respondentē Abamonē Aegyptium sacerdotem pro Anebone discipulo suo, ad quē Porphyrius misit epistolam. Hujus ergo questionis totius, atq; responsionis profectio diuinæ, tanquam in Plotino adhuc nimium occupatus, singula ferme non verba, sed sensa traduxi, ut non mirum putari debeat, sicubi diuulsa videatur oratio, præsertim inter ipsa disputandi principia, ubi lenior jactura verborum. Iam deinceps verborum etiam contextus magis perpetuus apparebit. Coactus verò sum interdum in eum aliquod verbum vel continuationis, vel intelligentiæ gratia interserere. Velocioris autem editionis etiam in causa fuit Pierleonius vir omnium cupidissimus secretorum. Verū, id quod in primis admiror, hic semper affectare videtur, quæ jam possidet. Nam diuinitate quadam ingenij Philosophorum arcana, & Græcorum, & barbarorum nondum lecta consequitur.


IAMB

5




IAMBLICHVS

DE MYSTERIIS.



De cognitione diuinorum.

 EGYPTII scriptores, putantes omnia inuenta esse à Mercurio, suos libros Mercurio inscribebant. Mercurius præest sapientiæ, & eloquio. Pythagoras, Plato, Democritus, Eudoxus, & multi ad sacerdotes Ægyptios accesserunt. Dogmata huius libri sunt Assyriorū, & Ægyptiorum, & ex columnis Mercurij. Pythagoras, & Plato didicerunt philosophiam ex columnis Mercurij in Ægypto. Columnæ Mercurij plenæ doctrinis. Ante omnem rationis vsum inest naturaliter insita deorum notio: imo tactus quidam diuinitatis melior, quàm notitia, ex quo incitatur naturalis appetitus boni, & ratiocinatio, atque iudicium. Essentialis cognitio diuinorum, quæ anima est perpetua, ac re vera non est cognitio hæc, qua Deo fruimur. In cognitione enim est alteritas, sed contactus quidam
a 3 essent

essentialis, & simplex. Non enim possumus attingere unitatem ipsam, nisi unitissimo quodam, & unitate mentis, quæ super animæ, mentisq; proprietatem extat. Unitas ipsa deorum unit sibi animas ab æterno per unitates earum secundum cōtiguitatem tam propriam, & efficacem, ut esse continuitas videatur. Intellectus diuinus dat esse animæ per intelligere suum essenziale. Ergo esse animæ, est quoddam intelligere, scilicet deum, vnde dependet. Esse nostrum, est deum cognoscere, quia præcipuum esse animæ, est intellectus suus, in quo idem est esse, quod intelligere diuini actu perpetuo. Ab illo autem esse præcipuo deriuantur potentia animæ discurrentes. Post deos ponimus dæmones, heroës, animas puras: hi tres ordines pedissequi sunt deorum. Non possumus totius humanæ rationis discurtionibus attingere deorum pedissequos dæmones, heroës, animos puros. Sed necesse est confurgere ad essentialem intelligentiam, & æternam. Sicut dii semper attinguntur notione innata, sic numina deorum pedissequa, tunc primùm attinguntur, quando anima deposuit modum cognitionis mobilem, qui ad potentiam spectat rationalem, quæ intellectu, intelligentiaq; formatur,

maior, quem vocat intellectum adeptum. Nam prima notitia in agente intellectu consistit. Quum cognitio per adæquationem fiat, sequitur ut minima sempiterna, & immobilia attingamus, notione sempiterna, immobili, simplici. Cognitio, qua cognoscimus substantias separatas, est in alia specie, quam illa, qua cognoscimus alia. Cognitio diuinorum fuit semper in anima per simplicem intuitum, vel contactum. Aliqui putant se assequuturos separata per quendam oppositionis modum, scilicet materialia sunt, mobilia, localia, patibilia, &c. Ergo separata sunt immobilia, &c. Sic utique cognoscitur, quid non sint, quid verò sint, adæquatione cognitionis ad illud, quod animo naturaliter per intellectum inest: acquiritur autem in rationali potentia studio quodam, nec tam comparisonis, & cōiecturæ, quam separationis, & purificationis officio. Erat & modus disunctionis, scilicet, dij, & diuina, vel sunt temporalia, vel æterna. Non temporalia, ergo & æterna. hic etiam modus sua mobilitate non congruit immobilibus.

*De proprietatibus vniuscuiusque
superiorum.*

SIqua compositio cōtrā substantiis separatis, & separabilibus inest, non est

ex genere per se indeterminato, & differentia terminante. Illæ enim substantiæ sunt completæ species vndiq; in actu determinato, atq; cōpleto. Si substantiæ separabiles tanquam simplices nō differunt inter se per differentias speciales sub eodem genere, ergo neq; per individuales sub eadem specie discrepant. quælibet igitur est, quasi vnum genus, vel species per se existens. differunt verò se ipsis, & ordine graduum, & quoniam ad primum, aliter referuntur. Intelligentiæ inter se non conueniunt, vel differunt genere, & differentiis vllis: simplicissima enim sunt, sed quatenus vel eadem, vel diuersa ratione referuntur ad primum, & aliæ in prioribus, aliæ in sequentibus perfectionis gradibus dispositæ sunt. Differentiæ rerum inter se in actionibus, passionibusq; resolvendæ vbiq; sunt in iurium differentias, atq; hæ in differentias essentialium, neq; alicubi quiescendum est in sequentibus, sed ad priora proficiendū. Neq; in substantiis superioribus anima nostra, neque in hac est motio vlla passiva, sed totum est actus efficax. Motus animæ, quo ex se mouetur, non diuiditur in motorem, & motum vel mouere, atque moueri, sed est essentialis actus progrediens temporaliter.

ter. Cōpositis & formis, quæ sunt in sub-
jecto, competunt accidentia, formis im-
materialibus non conueniunt. Quicquid
est in formis separabilibus, est esse, & es-
sentiale præcipua quadam, æqualiq; for-
te. Neque aliquid ibi accidens, aut conse-
quens reperitur. Motus, & actiones, sunt
differentes propter differentias natura-
rum, non è cōuerso. Si dicamus vnum esse
genus separatorum, confundimus theolo-
giam. Substantiæ separabiles non conue-
niunt vno quodam genere, in quo per dif-
ferentias distinguuntur, sed se ipsis, & or-
dine graduum distinguuntur: quatenus
per alios perfectionis gradus referuntur
ad primum. Cōueniunt autem magis in-
ter se quæ per similiorem modum refe-
runtur ad primum, atq; vltimum. Bonum
duplex, quod super essentiam, quod secun-
dum essentiā. Essentia est proprietas Deo-
rum omnium. Ipsum verò bonum super
essentiam, & dicitur causa boni, scilicet es-
sentialis boni principium. proinde secun-
dum gradus essentię, gradus Deorum in-
ter se distinguuntur. Animabus rationali-
bus vltimis non inest essentiale bonum,
sicut diis, sed participatio boni secundum
pulchritudinem intellectualem, sed hæc
immobiliter inest.

De ordine superiorum.

ANimæ nostræ in diuinorū generibus
cōputātur. Heroës sunt maiores ho-
minibus, ergo multò grandiores sunt dæ-
mones. Primum diuinorum est ipsum bo-
num diuīq; sequentes, vltimū particulares
animæ rationales : horū media duo sunt,
scilicet heroës prope animas, & dæmones
prope deos, sicut inter ignem, ac terrā est
aër, & aqua. Heroës etsi potentia, virtute,
pulchritudine, magnitudine nobis præ-
stant, tamē cum anima nostra, & vita ejus
multum cōgruunt. Dæmones sunt supe-
riores heroibus, & ministri deorū tanquā
architectorum in opificio mundano. Quæ
sunt in diis ineffabilia, & occulta, dæmo-
nes exprimunt, atque patefaciunt. Dæmo-
nes, & heroës accōmodant inferioribus
vniuersales, simplices, immobiles deorū
dotes, & cōciliant omnia, atq; harmonici
consensus, & compassionis omnium inui-
cem sunt auctores. Traducunt diuina ad
nos, & nostra æqualiter ad diuina perdu-
cunt. Præterea gradus in donis superiorū,
& in præparatione susipientiū æquē dis-
ponunt. Diuersa diuinorum genera dif-
ferunt inter se per triplicem modum pro-
prietatum, scilicet quātum ad essentias, &
virtutes, & actiones pertinet. Proprietas
deor

deorum est vnitas, permanētia in se ipsis, immobilis motionum causa, providentia eminens, nihilq; commune habens cum iis, quibus prouideat: atq; hæc proprietas in eis secundum essentiam, & virtutem, actionemq; seruatur. Animarū proprietas est inclinatio ad multitudinem, & motum, cōiunctionemq; cū diis, atq; ad accipiendū ab aliis aliquid, & ea motu vitali replēda, & congruendum vbiq; cū omnibus partim manētib, partim verò fluentibus, & ad omnia in se, & per se ipsam cōtēperanda. hæc verò proprietas in eis secundum essentiam, & virtutē, actionemq; seruatur. Proprietates dæmonū sunt, continere in se dotes deorū, inferiori quidem modo, quā dii, sed sub idea, rationeq; earum continere deteriorum cōditiones, dum scilicet multiplicatur quidē, sed vnitē miscetur quoq; sed impermittē: mouetur denique, sed stabiliter. Heroēs contrā, sub conditione multitudinis, & motus, permissionisq; vnitatē, identitatē, statū, excellentiā habēt. Dæmones, & heroēs sunt proximi extremis. illi quidem diis, hi animabus. Differentiæ dæmonum ad heroēs præcipuē, quoniā heroēs magis aliquādo declināt ad particularia, mobiliaq;, quā dæmones. Duo media, scilicet dæmones,
hero

heroësq; componuntur ex proprietatibus extremorum, scilicet deorum, atque animarum, sed in dæmonibus plus est diuini, in heroibus plus humani.

Quomodo superiorum actiones inter se distinguantur.

Dij tenēt entium summum, animæ infinitum. Dij possunt omnia, momento vniti: animæ cōtrā, nec omnia, neq; momento, neque vnita: Dij faciunt, curantq; omnia non inclinati: animæ cum inclinatione, & conuersione quadam agunt. Dij sunt præcipuæ causæ: animæ ex illorum voluntate perpetuò pendent. Dij vigore celerrimo fines suos intimos vnà cū principiis comprehendunt: animæ ab aliis in alia, ab imperfecto ad perfectum pergūt. Dij cōprehendi nequeunt aliqua mēsurā, vel forma: animæ inclinatione, & habitudine, & nutu detinentur, atq; superātur. Et appetitu deteriorū, familiaritateq; tangūt, & certas inde contrahunt qualitates.

De Intellectu, & Anima.

Intellectus omnium opifex adest semper omnibus diis plenissimè per actū vnum in seipso manentem. Anima est particeps intellectus magis partibilis, multiformisq;
ad

ad gubernationem accommodati, ac naturaliter inanimatis prouidet aliâs aliis figuris affecta. Item, diis adest à causis superioribus ordo, ipsaq; pulchritudo, vel causæ vtriusq;: animæ verò adest ordo, intellectualisq; pulchritudo. Itē in diis est mēsurā in omnia potens: anima verò mensuram illā determinat, ac per eā agit in aliqua. Dæmones, & heroës tanquam mediij inter deos, & animas, competenti proportionē quo ad extrema, & seiplos pertinet, componuntur ex proprietatibus tam animarū quā deorum, quas in superioribus enarrauimus. Si vis ergo deorū speciē apprehendere, proprietates animæ rationalis vltimæ cogita, & oppositas in perfectione diis attribue. Si speciem dæmonis componere placet, ex vtriusq; cōpone, plus interim diuinitatis attribuēs. si deniq; species heroïs, verū ex ambobus, plus tamen de animæ conditionibus inferens. Carpit Porphyrium separata per habitudines ad corpora distinguētē, scilicet deos per habitudinem ad corpora ætheria, dæmones ad aëria, animas ad terrena: quia videlicet nō debeant priora & causæ per posteriora effectusq; distinguī. Incorporeæ substantiæ nō sunt in corporibus: sed extrinsecus ea ducunt, dantq; eis aliquid, nō accipiūt:
igitur

igitur nec vnā cum his cōmutantur, neq;
ad eorū distributionē distribuuntur. Non
enim sunt habitus corporū, vel materiales
formę, sed subsistētes, separabilesq;, immo
jam separatæ, & ante corpora viuunt. Sub-
stantiæ separatæ separabilesq;, non tales
euadunt, quia talem sortem prouinciamq;
elegerint, vel sortitæ sint, immo vicissim,
qualē anima ante corporis ingressum, vi-
tam, speciemq; in actum in se eduxit, tale
corpus sortitur organicum, talemq; conse-
quentē sibi naturā, quæ quidē vitæ ipsius
animæ perfectiori subijcitur, anima ratio-
nalis, in corpus jam viuum venit, sed im-
perfectè viuum. Diuina progenerant in se
ipsis naturaliter totum opus suum distin-
ctum antè quàm pariant. Penes illa, quæ
rationē vniuersalis principij habent, infe-
riora in superioribus, corporea in corpo-
reis, opificia in opificibus producuntur, in
eisq; circulariter continentibus dirigun-
tur. Circuitus ergo cælestes ad circuitum
cælestiū animarum rediguntur, animæ ve-
rò mundorū, id est sphærarum, syderumq;
in intellectū suum accedentes cōprehē-
duntur ab ipso penitens, atq; in ipso primū
progenerantur. Intellectus particularis in
vniuersalem, ac ille in superiora similiter.
Quū ergo semper sequentia conuertantur
in.

in prima, & superiora tanquā exemplaria ducāt inferiora, certè à superioribus producitur, adestq; inferioribus essētia simul, & species, & omniño in meliorib⁹ primo sequētia producūtur. Ideoq; ab illis ordo, & mēsurā in sequētib⁹ non è cōuerso dependet. non sunt igitur ab his illorū assignandæ proprietates. essentia igitur incorporea per corporea qualia, quibus cum nihil habet commune, distingui non potest. Principia diuina operibus suis non solum essentiā tribuunt, sed totam distinctionem ordinemq; formalem. Essentia, quæ adest corporibus non localiter, locis corporeis non distinguitur, & quæ non cohibetur particularibus circumscriptionibus subjectorum, eadem particulariter à mundi partibus minimè continetur. Natura incorporea subito vbicunque vult, adest, nullo alicubi prohibente.

Omne diuinum & incorporeum vbique.

MUltò magis diuinitas quo minus sit, vbique nullo limite coërcetur. Item, quæ apud nos sunt, fieri formariq; nequeunt, nisi vna quædam virtus opifex, & specierū participatio per omnia diffundatur. Deniq; nisi diuina sint, vbiq; tollitur sacrificij virtus, quæ in quadam deorum ad homines cōmunionē consistit. *Dij ex hoc*

hoc maximè omnia continent, quòd nusquam continentur. Terrena quoniam facta sunt, & constant munere diuinorum, quoties paratiora ad diuina redduntur, deos subito sortiuntur existentis hinc etià ante naturas proprias terrenorum : præterea, quò in quolibet deo potentia sit infinita, & natura indiuidua, incòprehensibilisq; , meritò certis alicubi locis cohiberi non possunt. Item non esset vera inter deos vniuersalis prouidentiae vnio, nisi omnes pariter essent ubiq; præsentes. Dicitur etiam, deorum alij quidem aërij, alij verò aquei, non quia ibi solùm sint, sed quia ibi maximè regnāt. Sacerdotes deos terrenos, & subterraneos aduocabāt, qui certè dicuntur tales, non quia ibi sint solùm, (sunt enim vbique omnes) sed quoniam alij alibi potissimùm operantur. Nam & anima cuiuslibet stellæ est ubiq; , quamuis ibi potius agat. Statuis diuina quædam illustratio capitur.

*De Prouidentia, & quomodo Dij
sint ubique.*

QVando dij varias mundi partes, vrbes, ædes, statuas propriè sortiri dicuntur, intellige essentiã, potentiãq; illorũ ubiq; in se vigentem, hoc aut illud potissimùm illustrare: atq; sicut lumen in se manens

nens, sine mixtione, diuisioneq; sui diuersa
passim illuminat, ita dij. Sicut lumen so-
lis idem totū continuū est vbiq; neq; po-
test in partes diuidi, neque alicubi claudi,
neq; à fonte proprio separari, neq; misce-
tur aëri, licet adsit. Quippe quum nihil re-
linquat luminis, calore tamē à calefaciēte
relictā, ita cuiusq; Dei lumē, totū indiui-
duē, toti mundo penitus adest, licet parti-
cuidā præcipuē vim suā maximē sibi accō-
modatæ cōcedat. interea tamē quodāmo-
do implet omnia, ob potentiā perfectā, &
excessum causalem prorsus immensum.
Vnde perficit omnia, vnitq; cum extre-
mis extrema, per media cōprehendēs in se
omnia, & se ad sic reflectens sibi prorsus
vnitum. Quod quidem munus imitatur &
mundus circulari motu, partiumq; in vnū
connexione, & cōciliatione quadā trans-
ferente elementa, vicissim in elemēta, atq;
virtutē superiorum ad inferiora mittente.
Qui manifestā hanc suscipit deorum sta-
tuā vbiq; prorsus vnitam, vereri debet
omnino de diis mūdi causis aliena senti-
re, scilicet esse localiter (vt ita dixerim)
separatos. Si enim nulla est cōmunio mū-
di ad numina quo ad essentiā, vim, actio-
nē spectat, nullaq; cōdistributio, vel con-
fortiū, nulla nimirū nec coextensio, & cō-
bu distribo

distributio secundū locum, atq; determinans quātum ad illud. pertinet, specie, vel genere cogitata sunt, mutua cōprehensio, & permissio esse potest. Quæ verò se totis omnino differunt, reciproca inter se cōdistributionem, vel mīstionem, vel cōprehensionem nullam prorsus admittunt. Quādo per diuersas mundi plagas fit nūminum distributio, intellige alias plagas aliter munera deorū pro sua proprietate suscipere. Quod quidē considerās ars sacerorum operum propriis inuocationibus vtitur, quæ ejusmodi distributioni, proprietatiq; nūminū cōsentaneæ videantur. Quælibet mundi pars accipit aliquid à quolibet Deo: quilibet enim Deus cuilibet parti mūdi rotus adest. Sed partes aliæ aliter hinc accipiunt, Æther quidē ætheria, Aër autem aëria suscipit ratione. Ceteris nanq; materiis, inuocationibusq; munera deorum naturaliter attrahuntur.

Quod omne diuinum sit à passionibus alienum.

NVmina nobis superiora nihil habent in se passibile: atq; hanc (vt ita dicā) impassibilitatem nō habent acquisita virtute, sed natura: neq; etiam anima, quæ est vltima diuinorum, passibile quicquam habet:

bet: animam dico à corporibus purā, quæ neq; etiā tangitur perturbatione voluptatis ejus, quæ est restitutio in naturā. Quū sit vita supernaturalis ingenita, neq; dolore quopiā dissoluēte, quum sit extra omne corpus, naturamq; circa corpus diuisam, & harmoniā descendantē in corpus ab harmonia animæ principali, neq; etiā passionibus sensum præcedentibus eget. Nō enim corpore continetur, neq; per instrumenta exteriora corpora percipere cogitur. Iam verò quū sit individua, & vniformis essentia secūdum se incorporea permanēs, cum corpore nihil cōmunicans, nimirum passionibus diuisionis, vel alterationis, vel mutationis alicujus nullas admittit.

Loquitur de anima separata à corpore.

Anima neq; etiam, dum adest corpori, patitur: vel ipsa quicquam, vel rationes seminales, quas ipsa corpori tradit. Species enim sunt simplices, vniformesq; nullā turbationē, vel exitū, à seipsis suscipiētes. Passiones, qualescunq; sint, in animali, nō sunt in anima, qualiscunq; sit, sed in corpore, quod sub anima certam possidet qualitatem, qua & patiatur, & agat. Nulla est in anima passio, vel peremptoria, vel turbatoria: Atq; hanc impassibilitatem anima non solū acquirit electione, sed possidet

b a

det

det ipsa natura admodū superiore corporibus. Dæmones, & heroës sunt impassibiles, atq; sempiterni. Semper enim sequuntur deos in mūdi ordine cōseruando. vbi verò passio est, ordo perpetuus nō seruatur. Porphyrius suspicabatur dæmones mundi rectores aliquo modo esse passibiles per ea, quæ adhibeantur illis in sacris. Iamblichus negat, quia vbi est ordo perpetuus, nō est passio, quā essentia incorporea per sempiterna nequit accipere. Forte verò concederet dæmones infimos, malosq; & gubernatione priuatos tangi passionibus effectiuis, nō quidē in anima, sed in corpore tali per animę pręsentia constituto. Sicut natura ex occultis rationibus manifesta facit, ita Sacerdos adhibet manifesta, vt occulta significet. Sacerdos operatur sæpe multa, quibus aliquid simile, propriumq; diuinis efficiat, qua quidē cognatione aliquid diuinitus attrahat. Interea operatur & multa, per quæ purificet animā, ac mala nobis auertat. Dæmones, qui sunt nobis pręstantiores, nullā naturalem utilitatem à nobis accipiūt. aut enim nō indigēt, aut ipsimet sibi abundē ubiq; suppeditant. Nullam verò ex rebus corporalibus mutationē aliquando patiūtur. In sunt nobis perturbationū principia quædam.

dā, quæ si violentius à principio, & subito
 cohibetur, tandē acriores erumpūt instar
 flāmæ cōpressę, risusq; cohibiti. sunt ergo
 remissiùs corrigenda. Heraclitus sacrificia
 medicamenta nominat, quia purgent ani-
 mam à morbis in hac generatione cōcre-
 tis. Porphyrius suspicabatur non modò
 dæmones, sed etiam deos aliqua passione
 tangi, quoniam inuocationibus mouean-
 tur. Voluntas boni in Deo, diisq; qui sunt
 bonitates, excellentior est, ideoq; liberior
 quàm vita nostra electiua circa bonum.
 Itaq; dij nō quia inuocantur, mouētur ad
 bonū hominibus adhibendum, sed sponte
 nos ad bonū prouocant, nobisq; inuocan-
 do conuersi occurrunt vltro, ostenduntq;
 aliquid, atq; largiuntur. Putant quidē ho-
 mines se esse liberos ad petendū. Esto er-
 go, dij liberiores ad dandum. Dij propter
 liberā voluntatē boni, actionemq; peren-
 nem, atq; perfectā omnibus benefaciunt,
 quū primū ad illos sunt inuocando cō-
 uersi. Anima in supplicationibus ad con-
 templationē perueniēs diuinorum, vitam
 priorē obnoxia passionibus transmutat in
 vitam passionis expertē, dum subit actio-
 nē vitamq; deorū. Quomodo igitur sup-
 plicationes nostræ passionibus deos tan-
 gūt, quū & animas antè passiuas reddant

b

3

à pass

à passionibus liberas? Supplicationes animi influxui deorum aptum efficiunt, qui & vtrò facile peruenit propter diuinam amicitiam omnia connectentem.

De ira Deorum.

QVando à benefica cura deorum quasi à lumine solis nos diuertimus, in tenebris statim sumus, diciturq; Deus nobis iratus. Placare igitur deorum iram, est ad illos supplicando redire. Placatio, ejusmodi non affert passionem deo, immo & animi à prioribus liberat passionibus. Dij, daemonesq; diuini suppliciter adorati, cultiq;, mala multa repellunt, quæ alioqui naturaliter evenirent.

*De necessitate & libertate
Deorum.*

NEcesse est deos ita se habere, ut sunt, non necessitate extrinsecus illata, sed naturali sibi, optimaq; sibi: ideoq; maxime voluntaria, quam & nollent unquam optione proposita aliter se habere. Porphyrius, multiq; philosophi dicunt deos quidem esse intellectus puros, daemones autem intellectus, vel participationes intellectus, aliquos animales. sed Iamblichus non ita recte poni daemonum proprietatem objicit. nam & animæ intellectus

ctus sunt animales, & intellectus ipsius participationes quædam, neque rursus deorum proprietatem rectè poni, nam puris intellectibus dii præsent.

*De differentia Deorum ad Demonas
apud Græcos, atq; deuotissimos.*

Di non secundum rationem intellectus ipsius, sed unitatis, & bonitatis, & intelligibilis objecti ritè definiuntur.

Porphyrus suspicatur intellectus purus, separatosq; habitudinem ad sensibilia non habere, neque preces audire. Principalis cultus, separatis substantiis tamè est adhibendus. in hoc utique cultu excitatur animæ summum, summisq; coniungitur. supremi in vno omnia nostra comprehendunt, atque cognoscunt, actionesq; orationum religiosarum in seipsis comprehendunt. neque à se discedunt, sed in se stantes orantium intentioni prorsus intersunt. supplicare verò humillimè cōuenit. agnoscere enim vilitatem nostram, si superis conferamur, efficit ut maximè supplicemus, conuertamurq; ad illos omnino, & assidua consuetudine similes euadamus. Apprimè verò conferunt orationes missæ diuinitus, quibus diuina vis inest: hæc cōtra Porphyrium opinantem colendos nobis esse propriè mundanos deos, quia

sentiant. Item supplicationes diuinarum mentium puritati minimè cōuenire. Iamblichus conuenire putat propter sensum intimum, qui supplicationibus inest, præsertim quæ sunt datæ diuinitus. Intellectus puri sine sensu sensibilia noscunt.

Iterum de Supplicationibus.

Porphyrus ait, materialia quædam in supplicationibus adhiberi, ideo adhiberi diis tantū illis, qui sint animalia. Respondit Iamblichus, in iis materialibus ultra corporeas qualitates latere etiam rationes, & species, & mēsuras incorporeas, atq; diuinas, per quas quæ adhibētur sunt congrua diis. Profectò quicquid admouetur quomodocunque cōsentaneum, & simile diis, mox dii adsunt, junguntur, exhibentq; munera, precesq; exaudiunt. Parua quædam congruitas rerum nostrarum ad deos nobis sufficit, vt aliud ab illis hauriamus. Illi enim ad hoc semper promptissimi sunt propter bonitatem naturalem, mirabilemq; potentiam. Causa verò præpotens agit in materiam, vel exiliter præparatā. Porphyrius ex eo distinguit daemones à diis, quòd illi sunt incorporei, hi verò corporei. Iamblichus ait, per hæc substantias, & proprietates eorum discerni non posse.

De

*De differentia inter deos, & demones,
atque de celestibus.*

Dij cælestes dici incorporei possunt, quoniam ad suam excellentiorem actionem, & vitæ felicitatem nihil à corporibus impeditenti contingit. Sed quatenus dij ad ipsum vnum tendunt, corpora sponte contendunt eodem, neq; continent animas, sed excellentissimè continentur. Cæleste corpus rebus est incorporeis cognatissimum, propter naturam simplicē, indiuisam, cōstantem, & actionem vnam, id est circuitum, & vitam sibi cōgenitam, atque lucem. Non fit in cælo compositio ex anima, & corpore, in tertiam naturam vnam, sed prorsus ad naturam animæ trahitur, atq; est quasi visibilis quædam anima, fortè cælum est lumen ipsum sine materia, & sine dimensione. Dimensio enim ibi propter amplam præsentiam ejus apparet. Vnde cælum est anima cæli se ipsam accommodans oculis, rebusq; caducis, atque circulus ille est circuitus animæ, lumen est intellectus ejusdem. Sicut in infimo corporum forma fit materialis, sic in summo materia fit formalis: & corpus animale non anima corporalis, si qua modò est in cælo materia. Sicut summus aër fit igneus, ita cælestis ignis

b s fit

fit animalis. Anima illa intellectualis euadit, intellectus boniformis efficitur. Cælestia animalia dici incorporea possunt. Omnes cælestes boni sunt, atq; benefici, suspicientes tantū ipsum bonū, & hoc intuitu agentes æterno. Virtutes inæstimabiles cōpertæ sunt, tum in animalibus cælestibus, tū in earū corporibus insitæ, tum per defluxus in omnia sine impedimento vsque ad infima descendentes, cōmunicatæ tam diuiduis quàm in speciebus, immutabiles vbique, quāuis in materia mutabili regētes generationē perpetuo quodā ordine, semperq; beneficæ. perinde fluxū cæli in materiā discordibus plenā resultat aliquid nobis dissonū. Tēporalia tēporaliter æterna capiūt. Corpora incorporea corporaliter. Materialia hæc immaterialia cælorū vires mutabiliter, & inordinatè suscipiūt. Quæ sunt in mundo diuino, figurata non sunt, quāuis vt figurata recipiantur in cælo: sic cælestia nō sunt mala, quamuis hīc suscipiantur, vt mala. Vires cælestiū omnes inde bonę descēdūt, in hac autē cōtrariorū permistione mutātur: ideoq; qualitas, quæ nocet in terris, alia jā est præter illā, quæ cælitus hucusq; peruenerat. Primò quod datur, aliud quidē est in datore, aliud autē extra, etiāsi in seipso permaneat. præterea

terea est & minus. Secūdo, dū in subiecto
viliori suscipiūtur, fit & vilius. Tertio, pro
pter naturā suscipiētis diversā suscipitur
modo diuerso. Quarto, qualitatibus inter
se differētibus quæ à subiecto eodem pa
riter capiuntur. Quinto, pariente subiecto
paritur. Sexto, ex omnibus subiecto com
prehensis aliud quiddam postremò resul
tat. Influxus cælestes immateriales exten
dunt. Saturni quidem vis contentiua est,
Martis verò motrix. Illa verò per accidēs
frequenter obest, quando materia frigi
diore suscipitur, hæc autē quando feruen
tiore. Itē illa nocet, quando recipitur, per
modū congelationis accipitur, hæc quan
do per æstum, quod quidem fit pro di
spositione materiæ, id est, quando videli
cet materia illa neq; satis calida est, atque
est interea densior. hæc autem per se est
calidior, atq; subtilior. Lux, colorq; solis
quamuis offendere languidum videan
tur, necessaria tamen sunt ad vitam, simi
liter omnes cælestium influxus veniunt
salutares quamuis subiecti, vel peruersi
tas peruersè recipiat, vel debilitas facilè
tolerare nō possit efficaciam superiorum.
Omnes motus conferunt, & vniuerso,
& necessariis partibus vniuersi, quamuis
interim inter particulas minimas sub hoc
motu

motu vel alia lædatur ab alia, vel tales particulæ nõ faciliè motum vniuersi sustineant. Sicut in chorea, dum singuli harmonicè saltant, congruuntq; gestibus inter se, & toti choro digitus, & pes premitur, & offenditur. Et si quid debile incederit, pessundatur.

De vicinitate cælestium corporum ad species incorporeas.

Dij cælestes principium suum habentes in mundo intelligibili, dum ideas sui cõtemplantur, in eo mouent cælos hoc ipso actu intelligentiæ, voluntatisq; efficaci admodum, & perpetuo. Ideoq; sine labore regunt, quod ex ordine semper constante euidenter apparet. Ita verò affectis diis separatis conjuncti sunt potius quàm corporibus. Regimen circa cælos non potest deos ab intelligentiæ intentione distrahere, quàm eò potentiùs, faciliusq; regant, quò illic attentius specularur: ex hoc enim procedit & illud, idè quoque nostris accideret animalibus, si causam suam cõtẽplarentur, vnde est, & vegetandi facultas.

Confirmatio superiorum.

Mens diuina per ideas suas deorum cælestium animas procreat, atq; per eas cælestia corpora, & vtraque sibi conjuncta perpetuò retinet. Dij mundani,
qui

qui & intellectuales species nominantur, inter se vniti sunt, tum quia cuncti idem exemplar, in quo sunt species intelligibiles contuētur, tum quia exemplar illud in quolibet deo immūdano viget vbique totum. Non spatium, non subjecta diuersa prohibent, quin quælibet essentia incorporea vbique sibi inuicē infint. Dij mūdani in se inuicem sunt, suisq; ideis, tū quia sunt ab vno, & referuntur ad vnum, tum quia diuina vnitas vbique præualens vnit eos, tum quia procedunt inter se, & conuertuntur, mutuoq; accipiunt. In compositis naturalibus vnitas aduentitia est dependens à superioribus, & à multitudine vincitur. In formis separabilibus vnitas superat multitudinem, & in diis adeò superat, vt illorū esse sit vnitas quædam: dico autē quædam, quia primum principiū est ipsa simpliciter vnitas. Quū igitur vnitas in diis intrinsecus ita præualeat, meritò à prioribus exuberat in sequentes: ita vt hi in illorum vnitate consistant, qua vnitate quasi omnibus cōmuni cuncti sunt vnum, actu quodam, sicut corpora inter se potentia quadam materiali sunt vnum. Dij cælestes inuisibilibus diis penitus sunt vniti, tum quia cælestes animæ sunt extracorpora, tū quia dij superiores, id est, ideæ
vniat

vnitatem infinitam habent, prout omnes sunt in quolibet, per quam vnitatem sibi & inter se deos sequentes vniunt. Quum enim omnes dij definiatur per vnitatem, vna cōmunis vnitas dilatatur in omnes, per quam sunt vnum actu cūctorum vno ad vnum prorsus objectum, & principiū, atque finem, in eodem omnes puncto simul, atque momento.

De Prouidentia, & de Dijs, atq; Dæmonibus.

DEorum prouidentia vniuersalis est, dæmonum verò particularis. Deus primus dat omnibus omnia, dij sequentes omnibus aliqua largiuntur. Dæmones, atq; animæ aliquibus solum, & aliqua tantum, Sunt dij inuisibiles, sunt & in cælo visibiles, sunt & dæmones: dij quidem in cælo conspicui in ipsa vnione ad deos occultos existunt, dæmones autē longē ab illis distant, velut à contēplatoribus puris ipsi in agēdo propensius occupati. Ideo & à diis cōspicuis lōgē distant. Item essentia vtrunq; deorum, & potentia, prouidentiaq; vniuersalis est per omnia tendens: dæmonum verò natura prouidentia particularis circa res quasdā, atq; prouincias. Item dij corpora sua adeò supereminēt, & corpora adeò his obsequuntur, vt à corporibus separati dicantur. Dæmones verò contra-

ria

ria ratione magis affecti sunt, & copulati corporibus. Itē dij sunt architecti, dæmones verò ministri. dæmones, quòd occulti sunt sensibus, dij rationi quoq; humanæ. quòd si fortè aliquando dij appareant, circa terrā adhuc dæmonib⁹ aëris erūt præstantiores. Mutatio enim loci, vel officij naturā nō mutat diuinam. Deniq; dij à potentiis fluentibus in generationem liberi sunt, dæmones verò nequaquam. Confutat quæ ex historia Porphyrius adduxerat, scilicet fieri multa ad deos quasi passibiles essent. Quia lex sacrorum jubet à passionibus esse inter sacrificia liberum, quæ quidem lex est data diuinitus etiam à primo patre mundi, à quo & omnia symbola in sacrificiis significantia aliquid occultissimū. Deniq; quæ in sacris ritè fiunt, habēt causam diuinā adeò à passione remotam, vt nec ratio eam possit attingere. Vulgus rationē ceremoniarum diuinitus institutarum attingere nequit, verū tamen assignare conatur. ex suis igitur passionibus assignando, diis passiones attribuit. Vulgus erga potentes vritur gestibus venerationis, & donis vritur ad deos eisdē. Sed erga homines id agit, tum passionibus suis, tum propter passiones maioris. putat autē & similes passiones diis inesse, quæ

quæ hominibus potentibus insunt, atque propter similes passionibus in subditis, adoratoribusq; diis talia exhiberi. Sed re vera cæremonia diuinitus instituta nō passione aguntur vlla, sed admiratione potius, & veneratione, & constante prorsus intelligentia, gaudioq; persimili.

Quo differant Dæmones, Heroës, Animæ.

SVnt in diis vires generatiuæ, opificesq;, sunt & viuificæ, quæ & in prioribus sublimiùs continentur. Primæ latius diffunduntur quàm secundæ. Secundæ per primas definiuntur: dæmones post longum earum processum exordiantur, vbi jam ad partitionē plurimā deriuantur, heroës definiuntur per secundas, id est, viuificas antè quàm deueniāt ad postremum. Nam in postremo earū exordiantur animæ: officium ergo dæmonū est opificium circa naturas mūdanas, vsque ad singula trāfigere simul, atque perficere, & animas ligare corporibus. Heroum verò est viuificare, ratiocinariq;, & animas custodire, easq; à corporibus soluere. Dæmonum officium latius est quàm heroum: illi circa vniuersum magis, hi circa animas potius operantur. Nō dicimus animas fieri, sed accipere à dæmonibus, heroibusq; nonnihil, & ex se multa insuper adhibere, exordiriq; suū officium.

officium circa diuinorum finē : non quia diuina non vlteriùs agant , sed quoniam animæ in vltimis diuinorum officiis adseiscuntur. Item anima ex se tam varias viuendi formas promere potest, vt pro earũ congruitate singulas habiter mundi plagas. Potest & congredi quibus vult , iterumq; regredi in seipsam, & tã diis quàm inferioribus se coniungere , quatenus rationes diuinorum sicut inferior promit: etsi sæpe per demones, heroasq; iungatur diis , potest tamẽ per sua quædã media ab illis differentia se coniungere diis. Anima nonnunquã conciliat se diuinis per alias harmonias essentia, actionumq; suarum, quàm sint illæ , per quas dæmones superis se coniungunt. Etsi anima non seruet vitæ tenorem adeò similem , tamen sæpe benefica voluntate Deorum illuminata dæmones supergreditur ad vitam angelicam potius quàm animale. Anima quãuis videatur omnes rationes, & totas in se species exhibere, tamen determinata semper est secundum aliquid vnum , id est, vnã speciem. Atque interim ex causis præcedentibus aliàs aliis seipsum coordinat ipsa se mouens.

Quando alia numina aliter appareant, atque agant.

C.

Omnes

Omnes superi inuocati veniunt in cō-
 spectum, sed alij sub aliis formis, viri-
 busq; occurrunt. Animæ quoq; stellarum
 nouis quibusdam modis aspectū mouent.
 Deorum visa occurrūt vniformia, simpli-
 cissimaq;, archangelorū aliquantò minus
 vniformia vel simplicia. Angelorū quoq;
 minus, dæmonum varia jam, principatū
 magis varia, sed ordine varietatis miro,
 herorū his quati similia, principatū varia
 admodū, ordinata parū. Animarū scilicet
 particularum omniformia. Quū enim di-
 uersi sunt superi naturis, actionibusq;, &
 modo suo appareant singulis, meritò di-
 uersi diuersis modis occurrūt. Dij in aspe-
 ctum veniunt admodū insalutares, archā-
 geli horribiles simul & mansueti: mitio-
 res angeli: dæmones metuendi: heroës ve-
 rendi minus: principatus stupendi: princi-
 pes noxij & infesti: animæ similes heroi-
 bus, quamuis inferiores. Deorū imagines
 apparent penitus immutabiles, magnitu-
 dine, forma, figura, actione: archangelorū,
 & angelorū gradatim minus immutabi-
 les, sed prope Deos: dæmonum mutabiles
 quidē magnitudine, atq; forma, his enim
 aliās aliter apparēt, sed eadem agnoscun-
 tur: principatū immutabiles: herorū fer-
 mē sicut dæmonū: principū multiformiter
 varian

variantur: animarum mutabiliores longè
quàm demonum. Dij apparent cum quie-
te quadam, & ordine: archangeli cum eif-
dem, sed his adhibent efficaciam: angeli eif-
dem scilicet quieti, & ordini adhibet mo-
tū ordinatum, & moderatū: demones cum
turbatione ordinē transgrediente: princi-
patus cū stabilitate, cōstantiaq; in seipsis:
heroēs cū motu atque festinantia: princi-
pes cū tumultu: animę ferme sicut heroēs,
sed minori cū stabilitate, & ordine. Deo-
rum pulchritudo occurrit inæstimabilis,
incōparabilis, admiranda, supra modū de-
lectans: archangelorū, angelorumq; con-
similis, sed gradatim inæqualis. Dæmo-
num & heroum spiritus per se apparentes
pulchritudinē in speciebus determinatis
habent, sed illi secundū rationes essentiaē,
hi secundū fortitudinis actū. principatū
pulchritudo principalis est, & natua: prin-
cipum ficta, adornata, elaborata. Animarū
pulchritudo in rationibus consistit deter-
minatis quidē, sed diuisis magis quàm in
heroū forma, sub vna tamen specie cōpre-
hensis. Deorum actiones, effectusq; velo-
ciores sunt quàm intelligentia deprehen-
dere possit. sed interea penitus stabiles.
Archangelorum celeritas mista est, quodā-
modo efficacibus actionibus: angelorum

cum motu, neq; pariter habet, ut vnâ cum dicto perficiant. Dæmonum actiones celeriores apparēt, quàm sint effectu, & veritate. Heroēs magnificè quidem incedūt ad actionem, tardius tamen quàm dæmones peragūt: principatus cum auctoritate, & imperio veniunt ad agendū. principum conatus plurimam quidem habet emphasim, sed defuit ab effectu. animarū actiones mobiliiores sunt, quàm heroū, sed debiliores. Deorū apparentium magnitudo totum cælum occupare videtur. Quā incedentē nec terra putatur sustinere posse. Archangelis apparentibus partes mundi quādā commouētur, & lumē præcedit in se diuisum: ipsi verò pro magnitudine dominationis suæ magnitudinē lucis, & figura præferunt. Angelica forma, & lux, & minor est, & diuisa magis: dæmonum magnitudo, formaq; diuisa magis & minor: heroica rursus angustior, aspectusq; magnanimus: principatus prægrandes, & vasti: principes inflati, superbiq;, & insolentes apparent. animarū effigies inæquales, heroibusq; minores. Denique quilibet pro magnitudine potētiae suæ, & imperij latitudine magnitudinem formæ, lucisq; præfert. Deorum spectacula prælucida nobis occurrunt, fulgentiaq; ad summū, & splen-

& splendore dearticulata mirificè, & lucidiora quàm sint re vera: archangelorum vera, perfectaque: angelorum effigies speciem eandem seruant, præterquam quòd à notitiæ plenitudine agnitionis discretionem deficiunt: dæmonum exilia, & quasi caduca: heroum exilia: principatum perspicua: principum obscura, sed utraque imperiosa: animarum vmbrosa. Deorum imagines quamplurimo splendore coruscant: archangelorum quoque præfulgidæ: fulgidæ insuper angelorum: dæmones turbidus ignis apparent: heroes mistum lumen ex pluribus habent: principatus quidem purius, principes autem ex dissimilibus contrariisque confusum ostendunt: animæ ignem reddunt plenum ex multis generationis admistionibus, atque diuisum. Deorum imagines occurrunt tanquam ignis indiuiduus, ineffabilisq; implens vniuersum mundi profundum: archangelorum ignis etiã indiuisus, habens circa se, vel ante, vel retro quamplurimam multitudinem: angelorum diuisus ignis, sed in ideis absolutissimis: dæmonum magis quoque diuisus, sed angustius circumscriptus facile exprimendus, & apud illos, qui superiora viderunt, facile cõtemnendus: heroicus ignis habet, quod horum

confimilia, sed nō æqualia, principatuum ignis apprime lucidus: principum aliquid habet opaci: animarum valde diuisus, & multiformis, atq; ex multis mundi naturis admistus. Deorum ignis omnino stabilis est aspectu, archangelorum stabilitatis particeps: angelorum stabiliter mouetur: dæmonum instabilis: heroum properantior: principatuum quietus aduenit: principum verò tumultuosus: animarum ignis multis motibus transmutatur. Dij animas perfectissimè purgant: archangeli sursum reuocant: angeli tantum solvunt à materiæ vinculis: dæmones ad naturam trahunt: heroës ad curam sensibiliū operum deducunt: principatus quidem præfidentiam mundanorum, principes verò materialium studium exhibent: animæ, quum apparent, contendunt, trahuntq; in generationē. Quicquid purum, firmumq; est in imagine nobis occurrente, superioribus attribuito generibus. Iam verò præfulgidum ejus, quódve in seipso firmiter permaneat diis attribue: quod verò fulget, atque permanet quidem, sed quasi in alio, archangelis: quod in alio permanens, angelis. Item quod mobile est, & vagabundum, & alienis plenum naturis, ubiq; inferioribus ordinibus attribuito. Dæmones

nes mistos in se habet mundi vapores, ferunturque instabiliter prater vel juxta mundi motum: heroibus generatiuæ spirituum compositiones admiscuntur, circa quas & ipsi commouentur. Principatus eodem modo permanent, mundanum quod habent ostēdentes: principes materialibus liquoribus pleni sunt, animæ superfluis maculis, & alienis spiritibus sunt repletæ, quibuscum quoties apparent, vnumquodque horum generum se ostendit. Dij materiam repente cōsumunt: archangeli paulatim, angeli solunt ab ea, & ad sublimia reuocant, dæmones diligenter exornant eam, heroēs coaptant ad eam competentibus vbiq; mēsuris eam strenuè commodeq; curantes: principatus adstant ei supereminentes, & hoc pacto seipso ostendunt: principes impletos se penitus materiā monstrant: animæ puræ quidem seorsum à materia veniunt: impuræ verò materiā inuolutas se nobis ostendunt. Exhibent insuper alij nobis alia. Dij præsentēs dant corpori sanitatem, virtutem animæ, menti synceritatem, omnia nostra impropria principia reuocant, quod in nobis est frigidum, letiferumq; delent, calorem fouent, efficaciorēq; reddunt ad vitam: faciunt quoq; ut omnia animæ, menti q; congruant,

C 4

gruant,

gruant, & mensurentur eisdē, harmoniaq;
intelligibili lumē effundunt: quodve non
est corpus, ostendunt tanquā corpus ipsis
animæ oculis per corporis oculos. Ar-
changeli eadem agunt, sed non adeò suffi-
cientia, vel permanētia, vel extra propor-
tionem nostram: angeli bona etiā magis
particularia diuisē distribuūt, effectumq;
agunt, valde ab intimo eorum vigore de-
ficientem: dæmones præsentia sua corpus
grauant, morbis affligunt, aliter puniunt,
animas quoq; ad naturā trahunt, & à cor-
poribus, cognatoq; eorū sensu non disce-
dunt: atq; eos, qui ad ignem cælestem, di-
uinūmue cōtendunt, circa locum inferio-
rem detinent, nec à fati vinculis soluunt:
Heroēs alia dæmonibus similia faciunt,
propriū verò id habent, quod ad opera
quædam generosa, magnaq; nos suscitāt:
principatus apparentes bona largiuntur
mundana, resq; vitæ hujus omnes suppe-
ditant: principes materialia, terrenaq; bo-
na: animæ quū apparēt, si animæ sunt pu-
ræ in ordine angelico constitutæ, sursum
reuocant, salutem animo præbent, spemq;
sacram, sacraq; dona, quæ sperantur: ani-
mæ impuræ, ad generationem detorquēt,
spem frustrantur ejus fructus auferentes,
passionibusq; intuentes implent animam
corp

corpori copulantibus. Ordinem quoque, quem vnusquisq; obtinet, in apparēdo designat: Dij ostendunt Deos, vel angelos circa se adstantes: archāgeli angelos præferunt, vel præcurrētes, vel circumstantes, vel sequentes, siue aliam quādam turbam angelorum quasi stipatorum circumualantium: angeli opera ordini suo congrua præferunt. Boni dæmones opificia sua, & bona, quæ tribuunt, in conspectum adducunt: dæmones vltiores ostendunt suppliciorum species. dæmones alij quomodo- cunq; prauī occurrunt circundati feris lethiferis, voracibusq; principatus, prouincias mundi quasdam secum demonstrant: principes, conditionē materiæ ordine carentem, errantemq; secum afferunt in cōspectum. Anima quidē tota in nulla particularium specie detenta ignem ostendit sine certa specie circa mundū totum, quo animæ mundanæ natura significatur indiuisa, & vna, & nulli addicta speciei. Anima purificata igneam ostendit figuram, ignem purum, & lumen micans, simulq; stabile, & ipsa vnā cum duce sublimi sequitur bona voluntate gaudens, atq; ita in operibus suis ordinem, quem obtinet, patefaciens. anima verò, quæ deorsum labitur, occurrit trahens secum signa vin-

culorum, atque pœnarum, materialiumq;
spirituum compositione se grauata ostendit, turbationibusq; materiæ dissimilibus occupatam. seq; subdentem imperio dæmonum generationi fauentium. Singuli quum apparent, ostendunt provincias, sortesq;, quas sortiti inhabitant, aërii quidem ignem aërium, terreni verò terrenū, atque nigrum, cælestes autē ignem splendidiorē, atque in his tribus terminis omnes distributi sunt eorum ordines. Dij demonstrant omnium ordinum principia in se, quū apparent. Angeli declarant se ab archangelis dependere: dæmones heroēsq; patefaciunt se superioribus ministrare, quamuis aliter hi quàm illi: principatus, principesq; præfecturā ostendunt. Illi circa mundū, hi circa materiā animæ declarant se superiorum postrema tenere: vnde vnā cum seipsis primi quidem prima loca designant, secundi secūda, tertij tertia, cæteri q; deinceps eodem ordine. Dij tenuitate luminis tanta effulgent, vt corporis oculi non possint capere, atq; perinde afficiantur, vt pisces ab aqua turbida, pinguiq; tracti in aërem tenuissimū: qui enim diuinum spectant ignem, non potentes ignis diuini respirare subtilitatē, quū primū spectare videntur, virtute deficiunt, atque innato

innato spiritu, prorsus intercluduntur. Archangeli quoque splendorē emittunt, subtiliorem purioremque quam tolerari queat, non tamen adeo intolerabilem, sicut dii. Angeli occurrentes tolerabilem perficiunt aëris iniectionē, ut sacerdotes eam attingere possint. Dæmones, quū apparent, nihil totus aër compatitur, nec eis circumfusus aër fit subtilior, neque præcurrit lumen, in quod eorum species emicat, aërem anticipans: neque circa illos circumlucet aër undique; heroibus apparentibus plagæ quædam terræ commouentur, sonitusque circumsonant, totus verò aër non fit subtilior, neque adeo ineptus sacerdotibus, ut sustinere non possint. Sub principatibus circumcurrit eos visorum circumuolutio plurimorum difficilis toleratu, & volumen ejusmodi circa eos est mundanum: circa principes verò terrenū: neque tamen supermundana subtilitas, neque supremorum elementorum. Animis apparentibus, aër apparens magis conatus est eis, earumque descriptionem suscipit coaptatus eis. Affectiones invocantium animorum occurrentibus diis excedentē reportant perfectionem, actionemque, & amorē diuinum, incredibilemque lætitiā: archangelis contemplationem intellectualem summopere puram, immuta

mutabilemq; potentiam: angelis rationalem cognitionē, virtutemq; in ordine positam: ad summū dæmonibus appetitū generationis, atq; heroibus talia quædam, & insuper studia ciuilis gubernationis: principatibus, vel principibus motus mundanæ, vel materiales agunt animo naturæ. operumq; fatalium expletionē animis, appetitus, generationis, & studia corporum curandorū. Deorum apparitio veritatem, potestatem, actiones ad summum corroborat, & bona præbet amplissima, archangelorū similia, sed particularia magis, & cognitionem. potentiamq; non simpliciter, sed ad hoc, & ibi, & tunc, & hoc pacto, angelorum etiam determinata magis: dæmonū non animæ bona, sed corporis, corporea q; , quādo mūdanus ordo concedit: heroum dona Reip. mūdane, siue terrene: principatū mundana: & omnia vitæ cōmoda principū, inferiora, id est magis materialium copiam: animarum quæ ad humanam vitam cōferunt familiari prorsus occurſu. Porphyrius narrauit opinionem dicentē communem hoc est diis, angelis, dæmonibus, omnibus deniq; superis. quū apparēt, ostentare se, & jactare mirificē, & imaginariam similitudinem ex se producere. Iamblichus vtrāq; confutat. Deus,
angel

angelus, dæmon bonus, docet hominem, quum apparent, quæ qualisve re vera sit eorū essentia, nihil ultra, vel citra veritatē loquentes. Sicut enim lumen naturaliter, & assiduē solē sequitur, sic veritas Deum, ejusq; pedissequos, præsertim quū perfecti, pleniq; sint, neq; egent, neque possunt sibi ultra quā sint, arrogare. Quando in theurgia, id est deifica, & sacerdotia facultate delinquitur, tunc non bona quidem numina, quæ optantur, sed deteriora, malaq; nobis occurrunt sub prætextu bonorum: mali enim spiritus in similitudinem bonorū se sæpe transformāt, jactabundiq; veniunt, & supra quā sunt, sibi arrogāt. Nempe vbi initium primum adulteratum suboritur, mēdaciū plurimū ex perversitate procedit. Oportet sacerdotes apparitiones spirituum regula ordinis totius examinare, & meminisse arrogantiam iactabundā non esse vllō modo propriā veris spiritibus atq; bonis. Et cauere ne à ritu sacrorū aberretur vnquā. At si in errore apparitionis quædā repente insolentes aduentent, non decet ex earum cōditione communem, omnemq; numinum naturam, cōditionemq; perpēdere. Quæ enim multis seculis, & operoso labore in sacris cōprobata sunt, nefas est ex nonnullis repente

pente incidētibz temere iudicādo mutare. Et si falsi spiritus mentiuntur, boni tamen circa ignem veridici sunt, atq; legitimi. In omni siquidem genere principalia primū à seipsis exordiantur, sibiq; ipsis præbent, quod cæteris exhibent. idq; fit in essentia, vita, motu. similiter superi veritatem omnibus exhibentes. primò de seipsis vera prædicant, ipsamq; eorum essentiam præcipuè contemplationibz patefaciūt. Ideoq; ignem per se, propriaq; forma spectandum sacerdotibz rite demonstrant. Non enim est caloris frigefacere, vel luminis obtenebrare, atq; occultare, vel vilius per essentiā aliquid faciētis, aliquādo cōtraria facere. Phantasma, id est simulacrum missum ab aliquo sine natura ejus, sed solum per modum idoli specularis, vanè trahit animum intuentis, fallitq;, dum simulat se esse aliquid, de cujus natura nihil habet. Est igitur causa falsitatis, quod nullo modo competit alicui essentiæ veræ. Ideo neq; diis, sed hi, eorumq; sectatores, non exiles, inanesq;, sed naturales, & veras sui reuelēt imagines, non quidē speculares (vt dixi) vanas; cur enim eas mitterent? non vt demonstrent essentiam suam, atque potentiam. nam illæ ab hac ex tota natura deficiunt, non etiam ad intuētium
vili

utilitatem. Quæ enim utilitas est ex mendacio simul, atq; deceptione? Non deniq; ob hoc mittunt, quia natura eorum sit ita ex se idolū mittere, nempe essentia firma in seipsa cōsistens, & ita reliquis essentiæ, veritatisq; causa nullo modo in aliud mittit imitamen sui vllum fallax, & deceptoriū, quod simul & se esse aliquid, de cuius natura nihil habeat. Neq; igitur dij, neq; sequaces eorum vel transformāt naturam suā in aliqua simulacra, neq; hæc in aliud ex se producunt, sed veras sui formas in veris animæ moribus illustrant, atque demonstrant. Nota huic simile illud, quod in patria mens beata diuinā essentiam videt non per imaginem ab ea creatā prorsus deficientem, sed per eādem essentiam, sicut is, qui lumen videt per lumen in lumine: non sicut qui calorem per lumen, vel qui corpus speculo. Substantiæ separatae, non habent vllum sibi commune genus. Item dij, angeli, dæmones boni non apparent phantastico modo, sed proprio prorsus, & verò. Spiritus verò mali phantastico, fallaciq;, neq; decet ex cōditione, qua hi apparent nobis, reputare modum, quo boni sua præsentia formant animam. Porphyrius ait, cognitionem quidem diuinorum esse rem sacram, ignorantiam verò

verò profanam. hæc Iamblichus comprobat: quia quū dii per intelligentiam agāt entia, meritò nos per intelligentiā entium placere diis, atq; probari, sed operationē religiosam anteponit intelligentiæ: tanquam quæ sola sit efficax ad acquirēdam animæ cum Deo deificam vnitatē. Tanta est virtus sacrorum rite Deo factorum, ut etiam si hæc ignores, piē tamen observes, non minorem habeant efficaciam. Non enim intelligentia conjungit sacrificatores Deo, alioquin philosophi vñionem deificam reportarent.

De virtute Sacramentorum.

Observantia decens præceptorū, operumq; divinorū, quæ omnē excedunt intelligentiam, atque symbolorum, sacramentorumq; potestas mira solis nota numinibus, præstat nobis deificā vñionem. Quādo operamur in sacris, nō cōficimus per intelligentiā sacramento, alioquin & actio eorū intellectualis foret, & daretur à nobis: contra verò & nobis nō intelligētibz hæc propriū opus peragūt, & deorū potestas, quò hæc referūtur, ineffabiles ex se ipsa proprias agnoscit imagines non à nostris intelligentiis excitata. Vniuersales enim causæ à particularibus effectibus non.

non mouentur: vnde nec ab intelligentiis nostris diuina principaliter mouentur ad operandum, sed intelligentias, & affectionem optimam, puritatemq; præcedere necessarium est, tanquã concausas quasdam. Quæ verò principaliter diuinam prouocant voluntatem, ipsa sunt sacramenta diuina: atq; ita diuina à seipsis incitantur, neq; ab ullo subdito principiũ actionis accipiunt. Ne putes igitur totam in nobis auctoritatem esse efficacis rationis in sacramentis, neq; in veritate intelligentiæ nostræ, verum eorũ opus absolui, vel hæc ex nostra deceptione mentiri. Nam nec etiã si nouerimus, quæ genus quodlibet propriè cõsequuntur, subito consequimur ipsam eorũ in opere veritatem. Absque cognitione quidem nunquam aduenit efficax vnitas ad diuina, neque tamẽ idem est omnino. Quapropter neque diuina puritas per rectam cognitionem efficitur, sicut corporis puritas per sanitatem. sed super cognitionẽ vnita est, & purificata puritas, id est per potestatem cognitione superiorẽ. Neq; igitur aliud quicquam in nobis humanũ ad diuinarum actionũ finem aliquid confert. Cõclude sententiã Iamblichi, Aegyptiorum, Assyriorum, sicut in agricultura, medicina, arte imaginum, coitu huma-

d

no

no homo materiam opportunè coaptat. causa verò superior, vniuersalisq; adhibet formā: sic in sacrificio, quando sunt symbola, atq; synthemata, id est signacula, & sacramenta, sacerdos adhibet materialia quædam, quo ordine decus instituit. Deus autem vim efficacē imprimi sacramētis.

Vaticinium quid, & vnde.

Vaticiniū ipsum nec ab arte, nec à natura, nec à naturalibus, vel animalibus rationibus motibúsve efficitur: neq; fit vlllo modo, sed vtrinq; sempiternum est missum ad nos vsq; diuinitus, totaq; potestas prælaga refertur ad deos: & omnis huius auctoritas consistit in eis, atq; inde traditur, diuinisq; operibus, signisve perficitur. Spectacula quidem habet diuina, & contemplationes vera sciētia præditas. Cetera verò cuncta, velut instrumenta subiiciuntur, misso diuinitus præfagij dono. quæcūq; ad animā pertinent, aut corpus, vel in totius natura sunt, siue naturis: loca verò & talia quædā ad vaticinium exiguntur vice materiæ. Non decet vaticiniū deducere sine causa, scilicet à quibusdā nullam in se habentibus præscientiam, sed à diis continentibus in se terminos totius scientiæ rerum. Contemplari decet vaticinium.

nium distributum circa totum mundū, & circa omnes diuisas in mundo naturas: sic utiq; causa vaticinij præcipua est, & communissima, possidensq; in se ipsa quæcūq; sui participatibus exhibet, præcipuè præbēs veritatem qua opus est vaticinio, & in primis essentiā, causamq; eorū, quæ fiunt, obtinens in se ipsa, à quibus necessario procedit, perpetua prælagij consequutio. Porphyrius ait, quādo dormimus, aliquādo præsentire futura, absq; vlla præsentis status animaduersione, etiam si in ecstasi minimè concitemur. Volens arbitror non tam externo influxu tūc diuinitus influēte, quā ex ipsa natura animæ, mentisq; prælagire: Iamblichus ait somnia, quæ humanis proueniūt causis, siue per naturam nostrā, siue per affectus, & cogitationes, & actus, rarò admodū & obscurè nimiū, & sæpius casu quodam attingere verum.

De somnijs.

Somnia quandoq; incitantur in nobis ab innatis intelligentiis, rationibūsve, vel ab imaginationibus, curisq; diurnis, quæ aliquando verum assequuntur, plurimum verò falluntur, atque hæc humanis principiis oriuntur, dormientibusq; contingunt vigiliæ nihil habentibus. Somnia verò missa diuinitus non ita contingunt.

d

22

sed

sed veniunt, vel inter vigiliā, atq; somnū,
vel inter somnum, atque vigiliam, vel in
ipsa vigilia. Tunc breues audiūtur voces,
quid agendum sit admonētes, & aliquan-
do spiritus quidam non corpulentus, nō
tractabilis, se iacentibus circumfundit: qui
tamen non perspicitur, sed alio quodam
sensu, & animaduersione, quæ in consen-
sū percipitur, impetu quodam ingrediēs,
& se vndiq; circumfundens absque conta-
ctu, atq; mirificè passiones animi, corpo-
risq; expellit, aliquando verò lumē synce-
rum, quietumq; fulget, sub quo visus clau-
ditur anima patēs. Sed alij sensus interim
peruigiles sunt, persentiuntq; quando dii
in lumine se ostendunt, & quæ illi loquū-
tur, arguuntq;, continuata animaduersione
percipiunt. perfectius verò id totum
discernitur, quando visus quoq; perspicit:
atque intellectus corroboratus, quæ sunt
assequitur, & qui spectant similiter com-
mouentur. Tanta, tamq; differentia qualia
diximus, non sunt humana. cōtingunt ve-
rò quando somnus noster est grauedo
quædam capitis, vel inclinatio, & occu-
pato visus, vel medium quiddam inter
vigiliam, atq; somnū, vel excitatio subita,
vel ipsa vigilia. Quæ omnia diuina sunt
ad decos suscipiendos idonea, diuinitusq;
mittunt:

mittunt: atqui talia quædā præcedūt, quasi
 apparitionis diuinę partes. Somnia huma-
 nis causis procedentia defectus patiuntur
 duos. Nam & in ipso somno omnino dor-
 miētibus accidūt, & nos tūc nō distinctē,
 vel plenē animaduertimus, aut quę occur-
 rūt, aut statū ibi nostrū. Quādo verò diui-
 nitus mittuntur somnia, neq; re vera dor-
 mimus, & assequimur, animaduertimusq;
 clariūs quā consueuerimus vigilantes:
 ideoq; in eiusmodi somniis maximē po-
 nitur vaticiniū. Anima duplicē habet vi-
 tam, vnā quidem simul cum corpore, alte-
 ram verò ab omni corpore separabilem.
 Quando vigilamus, vtimur plurimū vita,
 quæ communis est cum corpore, præter-
 quā si quando penitus separamur ab eo,
 propterea quòd vel intelligam⁹, vel puris
 rationib⁹ cogitemus: sed in dormiēdo pe-
 nitus solui possumus, velut à vinculis ad-
 hibitis animo, atq; vita à generatione se-
 parata tunc vti. Quando quodāmodo dor-
 miētibus animus à corpore soluitur, tunc
 illa vitæ species secūdum seipsam perma-
 nens separabilis, separataq; , siue intelle-
 ctualis, siue etiam sit diuina, protinus ex-
 pergiscitur in nobis, agitq; quēadmodum
 sua fert natura. Quoniam verò & intel-
 lectus entia cōtemplatur, & anima ge-
 nerab

nerabilium rationes in se complectitur, meritò secundum causam comprehendēte futura in præcedētibz sui rationibus ordinata prænoscit. Dictum est de præfagiis animæ redeuntis in se in statu simili somno. In se, inquam, id est in rationes seminales, & intellectuales: sed hæcenus sub forma quadam propria præfenti vitæ, id est sub forma particularis actionis huius, & vitæ: sed si mox explicet vniuersam rationum cogitationumq; formā, secundum quam vixit aliquando, tunc reportabit præfagia pertinentia magis ad vniuersalem mundanarum rerum conditionem, sub qua & particularia passim conspiciere poterit. Si rursus per formam vniuersalē ejusmodi suam ipsis deorū mentibus copuletur, videbit insuper, quæ ad mundum spectant superiorem, & quæ ad hunc, item per illa tanquam præcipuas causas intelliget absolutius, in quo statu non solū cogitatio erit perfecta, sed imaginatio quoque habebit imaginamenta sincera de rebus corporeis, atque diuinis. Quoniā verò sunt in anima rationes generabilium penes potentiam ejus, tum effectiuā, tum etiam cognitiuā, atq; hæ rationes dependent à rationibus, quæ sunt in diis, ideò anima his conjuncta, rationes in se suscit

tat

eat in actum, saltem cognitionis amplif-
simum, & sub diuinæ prouidentiae modo,
per quem & per quas reputat præterita,
futuraq; , & temporalia omnia, eorumq;
actiones, & passiones, passionumq; reme-
dia, & curationes morborum, vitiorumq;
animi, & statuta legum, & artes generi
hominum necessarias: sic in Æsculapij
templo accipiuntur somnia, quibus mor-
bi curantur, ipsaq; ars medendi somniis est
comparata diuinis. Exercitus Alexandri
morbis mox deperiturus euasit discrimē
remediis adhibitis in somno à Dionysio
deo. Lylander res Aphutim urbē obsede-
rat, & in somno iussus ab Ammone, soluit
obsidionem. Multa quotidie similia fiunt
supra orationem, rationemq; humanam.

De inspiratione diuina quæ fit in vigilia.

Porphyrus duas diuinas afflationes
retigit: vnā, quæ cōmuniter dicitur
in somno fieri: alterā, quæ in vigilia, vbi
afflati, & perciti præfagiunt, ita vigilātes,
vt etiam vtantur sensibus. Neq; tamen in-
terim sunt humanæ rationis compotes.
Iamblichus ait animos verè præfagiētes,
afflatosq; , & quum dormire videntur, non
dormire, & quū vigilare, non propriè vi-
gilare, neq; more hominum sensibus vti.
Animi diuinitus afflati, percitiq; , subje-
cerunt

cerunt vitam suam penitus afflanti deo. Ideo siue vt vehiculum, siue vt instrumentum se subiecerint, priorem vitæ modum deposuere, atque vel vitam propriam in vitam diuinam cōmutauere, vel vitam suam penitus ad deum agunt. Ideo neque vruntur sensibus, neque ita vigilant, vt qui vigiles habēt sensus, neque ipsi præsagiunt, vel mouentur humano quodam impetu, atque more, neque suum statū animaduertunt, neq; vllam edunt cognitionē, actionēque propriam, sed totum illic agitur sub forma, actionēque diuina.

Miracula multa sunt à Prophetis.

QUòd autem afflati diuinitus non viuunt, tunc ipsa animalis vita patet, quia multi eorum, admoto igne, nō vruntur, ignem videlicet repellente deo intus afflante: vel si vruntur, non persentiunt, neque pungentia percipiunt, vel radentia, vel vlla tormenta. Item quòd actiones eorum non sint humanæ, cōstat, quoniam per inuia vadunt, pērque ignem feruntur intacti, & flumina transeunt mirabiliter, quod & ipsa sacerdos agit in Cataballis. per hæc patet illos non viuere vitam humanam, nec animalem sensibus, impetuq; vrētem, sed diuinam, quasi anima eorum ardetur, & deus ibi sit pro anima, moueatq;

atq; tanquam excellentior anima. Variæ sunt diuinitus inspiratorum species, tum pro varietate deorum, qui alij aliter inspirant, tum pro differentia modorū inspirationibus: hi modi sunt tales. Aut enim deus ipse nos occupat, aut nos ei nos addicimus, totiq; illius efficimur, aut communem agimus ad deum actionem: item vel ultimæ diuinæ potentia euadimus cōpotes, vel mediæ, vel supremæ. Item aliquando nuda est dei præsentia, aliquando ultra præsentiam fit communio, interdum ultra hanc conficitur vnio, rursus inspirationis vel anima sola fit compos, vel etiam corpus subinde fit quodāmodo particeps, vel etiam commune animal ex æquo fit compos. Secundum horum diuersitatem, differentia sunt inspiratorum signa, & effectus, & opera. Secundum prædictam inspirantium, inspirationisve diuersitatem, inspirati alij mouentur vel toto corpore, vel quibusdam membris: vel contrà quiescunt. Item choreas, cantilenasq; concinnas agunt, aut contrà. rursus corpus eorum vel excrecere videtur in altum, vel in amplum, vel per sublimia ferri, atque contrà. Item voces edunt, vel æquales, perpetuasve, vel inæquales, & silentio interruptas. Et tum remittunt tonos,

d s tum

tum intendunt.

*Inspiratus vacat ab actione propria, ac
deum habet pro anima.*

Maximum vero afflationis diuinæ signum est, quòd ille, qui numen deducit, insinuatq, , prospicit spiritum descendentem, & quātus sit & qualis, atque ab eo mysticè docetur, & regitur. Quinetiam qui numen suscipit, ante susceptionem aspicit quandam ignis speciem. Interdum vero hæc conspicitur, & præsentibus, siue adueniente, siue recedente deo. Quo ex signo in his rebus periti verissimè discernunt, quæ sit potestas numinis, quis ordo, & de quibus vera loquatur, & quæ perficiat: sed qui absque ejusmodi spectaculis clam spiritus introducēt, velut in tenebris latitantes concutiunt. Neq; quid agant intelligunt, nisi exigua quædam, id est signa nonnulla in ipso afflati corpore. Quū igitur ignis diuini præstantia, & luminis species quædam, ineffabilis extrinsecus incubet occupato, impleatq; ipsum totum, & penitus dominetur, & circum undique in se complectatur, adeò ut nec ullam queat actionē peragere propriam, quicquam sensus, perceptiōe, & animaduersione propria potest adesse animo diuinum ignem suscipienti? vel humana motio,

tio, passio, peruersio phantasia, & alienatio, qualem aliqui suspicantur? Porphyrius afflationem diuinam definit ita, Motio mentis vnà cum inspiratione daemonica. Iamblichus ait, in animo afflato diuinitus, neque mentem, cogitationemve humanam ferri, si re vera continetur à deo. Neque daemonum, sed deorum fit inspiratio, neque rursus definiti debet exitus, & alienatio. hæc enim lapsum significant in deterius, sed potius dici debet reductio, restitutioq; in melius. Est igitur afflatio nihil aliud quàm totos à Deo animos occupari, atque contineri. Hinc verò posterius sequitur ecstasis, id est exitus, vel alienatio quadã tanquã consequens ad afflationem accidens. Plato in Phædro dicit antiquos vaticinium nominasse maniam, id est furorẽ, quoniã soli diuino furore correpti, verè vaticinantur. posteriores autem adjuncto r, nominasse mātiam. Irē Sacerdotes, Sibyllas, Prophetas quandiu prudētes sunt, vel paulū admodum, & obliuiscuntur præsagire, vel nihil: quando verò rapiuntur deo, verè vaticinari. vnde præuidisse apud multas gentes pericula diuinitus imminetia, admonuisse populos, & per sacrificia diuinā Nemefim placuisse. item ait præsagium arte factū appellari

pellari putationem coniecturalem, nec vilius esse momenti, si cum diuina inspiratione, & vaticinio comparetur. Iamblichus ait, diuinum afflatum, vaticiniumq; non esse in mente, vel anima, siue vt qualitas in subiecto, siue vt actio in agente, sed totum esse actum ipsius dei ex deo simpliciter dependentem. Actum dico à deo peractū in mente, vel anima simpliciter, vt instrumētis ab omni proprio motu vacātibus: atque ita vera præsagia dari. at si quis motus ex corpore, vel anima, vel qualitas talis interim inseratur, vel præcedat, confundi visa, neque vera vaticinia fore, neque legitimā esse ibi diuinam afflationem, vbi aliquid miscetur humanum. Tres generatim opiniones erant de afflatu, vaticinioq; diuino: prima, causam eius referebat ad animam, secunda ad corpus, tertia ad compositum. Prima ponit ipsum in eo statu, in quo anima tota est redacta in diuinum suum, vel in mentem, aut quando eius actio facta est vehemensior, siue amplior, aut quando cogitatio facta est acuta, motuq; velocissima, aut quum mens incaluerit. Secunda ponit illius causam in corpore, quādo certam habet complexionem, scilicet vel melācholicam, vel temperatam, siue qualitatem
quan

quandam elementalem, siue præterea spe-
 cialem, siue certū spiritum. Tertia causam
 dicitur ait certam proportionem, qua cor-
 pus, & anima inuicem sunt cōpacta. Iam-
 blichus ait, ipsum non esse opus animæ,
 vel corporis, vel compositi, nec causam
 in eis habere. Nam afflatus ille fatidicus
 agit tum in prædicendo, tum in efficien-
 do, super omnem humanæ naturæ con-
 suetudinem. Non potest autem homo,
 vel aliquid hominis ultra terminos suos
 ad diuinos progredi terminos. Neq; pos-
 sunt præstantiora à deterioribus genera-
 ri. causa igitur huius est duntaxat ipsa di-
 uinitas, quando scilicet à diis descendunt
 in nos lumina, spiritusq; tradūtur ab eis,
 adestq; nobis dominatio potestasq; illinc
 absoluta comprehendens omnia, quæ sunt
 in nobis, & exterminās penitus propriam
 nobis animaduersionem, & motionem,
 proferensq; sermones, per hominem qui-
 dem, sed non cum ipsa cogitatione homi-
 nis, imò pronuncians ipsa per os furen-
 tis extra se positi. Dum videlicet quæcun-
 que sunt in nobis seruiunt rota numini,
 ceduntq; soli dominanti actioni diuinæ.
 Porphyrius ait Musicā passiones inferre
 animo, itēq; sedare: & alios sonos aliis ani-
 mis, & moribus cōuenire. Itē cōplexiones
 affect

affectionesq; corporis permutare, furorē
monere, cohibere furorē. Iamblichus ista
cōcedit, sed negat hæc esse causas afflatus
diuini: quoniam sunt humana, partim na-
turalia, partim artificiosa, nec quicquam
in se diuinum habent. Quod videtur su-
spicari Porphyrius, dicens aliquos afflari,
quū audiunt tibias, vel cymbala, aut tym-
pana, alios verò quū alias melodias. Va-
riis deorum ordinibus respōdent in mun-
do variæ motionum species, certæq; cer-
tis. ex his verò variæ profluunt melodiæ,
quæ congruunt similiter per suos, quæq;
motus certis ordine diis principiis mo-
tionum. hi, quum ubiq; sint, & sua potissi-
mum suis impartiant melodiis sibi præci-
puè congruentibus adsunt præcipuè, no-
strisq; spiritibus. per eas affectis se infi-
nuantes occupant hominem, suaq; mox
essentia & potestate penitus implent. cu-
jus afflationis causa est, nō tam passio ho-
minis excitata per musicam, quàm ipsa ad-
deum musicæ congruentia, cui naturali-
ter deus adest. Quæ ad visum veniunt, ni-
mis imaginaria sunt, & intelligibilia po-
tius referunt. Quæ ad sensum infra audi-
tum, materialia nimis. quæ ad auditum,
media, & animæ congruunt; spirituiq; in-
finuata cum motu, affectu, significatione
vehe-

vehementer afficiūt animā quidem. hinc,
& inde corpus, vnde totus homo, secundū
proprietas melodiarū, euadit suscepta-
culum huius numinis, aut illius: & qui af-
fati sunt aliter, aliterq; se habent in mo-
tu, & quiete, aliisq; habitibus, pro diuersi-
tate numinum, quibus afflantur princi-
palius quā pro differentia musica. Ces-
sat enim jam hic affectus soni, quando
deus agit. Anima in mundo intelligibili
audiuit harmoniam diuinā, cuius hic re-
miniscitur, quando audit melodias habē-
tes diuinæ vestigium; reminiscēs verò ad
eam vehementer afficitur, si est e numero
animarum, quæ ipsam harmoniæ ideam
præcipuè contēplatae sunt in patria. Ejus-
modi verò affectu facta familiaris deo,
jam afflatur singulari quadam præsentia
dei, vnde mirabilia facit. huius ergo affla-
tionis, miraculūq; causa est non passio ex
sonis illata, non animæ natura ex harmo-
nia composita, sed similitudo ad deum,
dei q; præsentia. Multò quoque minus di-
cendum est, afflationem in eo consistere,
quòd per musicam & afflationem ipsam
superflua quædam in anima, corporeq;
concreta pūgentur. Vaticiniū jus non est
ex certa complexione. deorum enim do-
na non variè spirātur secundū corpoream
varietatem.

varietatem. Munus enim diuinum impati-
bile est, & super naturę vim datur per pre-
prium dei actionē: neque aqua, neque aër,
aut corporeum aliud præbet vaticinium,
sed facta, quæ fiunt circa hæc, imò men-
tis purificatio vna, cum purificatione ve-
hiculari, intentioq; in deū suscipit vim diui-
nam vbique, semperq; prōptissimā. Quū
afflatus animus & dicat, & agat supra, &
cōtra naturę morē, causa afflationis eius-
modi non est naturalis, vel ex corpore
nostro, vel qualitate loci, vel dispositione
cælesti nascente homine, vel operante,
sed ex dei præsencia ista fiunt, vnde & va-
riæ afflatorum species non sequuntur na-
turales varietates in nobis, sed differentes
species, tum numinum afflantium, tum mo-
dorum, quibus diuinæ præsentiæ partici-
pes sumus. Quòd igitur homines afflati
diuinitus alij conquiescant, alij conciten-
tur, alij montes & deserta petant, aliterq;
alij se habeant, non procedit ex differen-
tiis naturalium in nobis causarum, vel lo-
corum, vel musicarū, quas nuper audiue-
rint, audiantve, sed ex variis deorum
proprietatibus, quibus afflati reguntur,
atq; ex variis afflandi modis. Porphyrius
tria ē multis in medium adducit oracula,
vnum Colophonium, vbi aqua bibita va-
ticia

ticinium veniebat: alterum Delphicū, vbi
sedens ad os antri vaticinabatur: tertium
Branchidicum, vbi hauriētes vaporem ex
aqua prophetabant. Vnumquodq; secun-
dū naturæ suæ modum agit circa se effe-
ctus, & opera. Ideo spiritus ipsi, qui à diis
pendentes suscitant homines, atq; concit-
tant, in hoc ipso opere excedūt omnē na-
turalem, humanūq; motū. atq; hæc ipsa
eorum actio nulla conditione similis est
consuetis actionibus homini notis. Erat
in Colophone subterraneus locus, in quo
fons erat. Sacerdos igitur statutis nocti-
bus sacrificabat, postea gustabat aquā, tan-
dem vaticinabatur ibi factus præsentibus
inuisibilis. Videri potest alicui spiritus di-
uinus transisse per aquam in sacerdotem.
Neq; tamen est ita, ipsum nanq; diuinum
non ita secundū distantiam, diuisionemq;
transcurrit per ea, quæ participant, sed ex-
trinsècus cōprehendit, penitusq; illustrat,
& implet aquam virtute quadam ad vati-
cinium conferente, scilicet purgatoria. ita
quòd quando sacerdos bibit, ipsa purifi-
cat luminoso spiritum nobis insitum, &
accommodat ipsum deo: qua purificatio-
ne, accommodationeq; deum capere pos-
sumus. Sed extat præterea alia dei præsen-
tia præter virtutē infusam aquæ, ac prior,

c

&

& de super, circum, & intus illustrans, quæ à nullo abest, modò propter cōgruitatem contingere possit. Adest itaq; subito, virtur propheta vt instrumento, qui interim neq; sui juris est, neq; animaduertit quæ loquitur, sed & vbi sit ignorat, vnde & post responsum vix seipsum recipit, quin etiam ante potum aquæ, diem noctemq; cibis abstinet, & ad sacra quædam se reuocat inaccessibleia vulgo. Itaque propter sequestrationem à rebus humanis, syncerum se reddit, aptumq; ad deum suscipiendum. Ex quibus colligitur, duobus modis hîc ad deum hominẽ præparari. vno per purgatoriam aquam factam à deo talem, quæ purificat spiritum: altero per sobrietatẽ, solitudinem, separationem mentis à corpore, intensionemq; ad deum. Sibylla in Delphis duobus modis suscipiebat deum, vel per spiritũ quendam tenuem, igneũque, qui erumpebat alicui ex ore antri cuiusdam: vel sedens in adyto super sedem æneam, habẽtem tres, aut quatuor pedes, & deo dicatam, & vtrobiq; exponebat se spiritui diuino, vnde radio diuini ignis illu-
 minabatur. itaque aliquando ignis plurimus simul totus ex antro euolans, vndiq; circũfunditur, repletq; splendore diuino. Aliquando, cum inpharet sedi sacratæ deo,

deo, per quam accommodatur deo, coaptatur stabili vaticinio dei. utroque; verò per hæc Sibylla fit rota dei, unde subito deus adest, sed interim separatus, existens alter præter ignem & spiritum, sedemque propriam, & omnem ejus loci apparatus, vel artificiosum, vel naturalē. Fœmina quinetiam in Brancis fatidica, vel sedet in axe, vel manu tenet virgam ab aliquo deo datam, vel pedes, aut limbum tingit in aquā, vel ex aqua quadā vaporem haurit, & his modis impletur splendore divino, deūque nacta vaticinatur. Nam ex his omnibus fit accommodata deo, quem extrinsecus accipit. Quod autem ex nulla virtute corporea vel animali propria, vel locorum, instrumentorumve vaticinium fiat, sed ex præsentia dei venientis extrinsecus, patet ex eo, quod ipsa sacerdos, antequam det oracula, multa rite peragit sacrificia, observat sanctimoniam, lauatur, triduum prorsus abstinet cibo, habitat in secessu, jamque incipit paulatim illuminari, mirificeque gaudere. Per quæ patet provocari deum extrinsecus, ut adueniat, & forinsecus aduenire. & prius quam sacerdos ad locum aquæ veniat, quodam modo inspirari, & in ipso loco, dum spiritus quidā ex aqua euolat fontis, constat aliud quiddam:

c. 2.

dam:

dam præter hæc esse deum separatum ab his omnibus, causamq; loci, & fontis ejusmodi, totiusq; vaticinij. Virtus, quæ inspirat nobis vaticinium, est absoluta à locis & temporibus: alioquin non posset omnia simul loca, temporaq; exprimere. Si enim inseparabiliter inhæreat naturæ locorum, materialiumve, vel procedat secundum motum determinatum numero, non poterit, quæ ubique, semperve sunt, nec ipsa ubique, & semper æquè prænoscere. si autem ab his fuerit absoluta, tanquã præstantioribus, quæ tempore fiunt, vel continentur loco, omnibus, ubicunq; sint aquæ, adest, & iis, quæ tempore fiunt, undiq; simul adest, atq; in vno simul comprehendit omnium veritatē, propter essentiam ejus separatā prorsus & omnia superantem. Vis diuina vaticinij origo est, ubique tota & semper tota. Ea vis non est à corpore, neq; ab animo corpori addicto, sed absolutis, id est angelis, deoq;, qui sunt ubiq;, vel saltē vis ipsa est, ubicunq; est aliquis angelorū, qui sunt ubique: ipsaq; ab omnibus separata corporeis, præsens omnibus, nō comprehensa loco vel corpore, vel anima, quæ in aliqua specie particulariū sit addicta. sed hæc ipsa fatidica deorum potestas, & separata est ab omnibus, & ideo tota simul
ubiq;

vbique adest subito participare potentibus, illustrans forinsecus, & omnia replens, perque omnia elementa discurrens: nec relinquens animal aliquod, vel naturam, cui pro capacitate sua non imprimat ex se aliquid conferens ad præsagium: ipsa verò propterea implere se omnibus æquè potest, quòd pariter est ab omnibus absoluta. Porphyrius præter vaticinia publicè celebrata cōmemorat aliquod priuatum, eorum scilicet, qui profitentur per certos characteres se spiritus attracturos ad vaticiniū, quod Iamblichus reprobat, quia, quū totam religionem, sanctimoniamque negligant, solis confisi characteribus, nequeunt ipsam alicujus dei, bonique numinis præsentiā adipisci, qua solent vera vaticinia dari. sed in eo falluntur, quòd per characteres quidem diis congruos, & intentionem animi, reportant imaginariam quandā à superis apparitionem exiguan, & obscuram & quoniam interim sanctimoniam negligunt, veniūt sub malorum dæmonum potestatem, qui mentiuntur, & fallunt, & quātulumcumque indiciorum, apparitionumque à diis contigerit, peruertunt, atque confundunt. Sed qui veram deorum præsentiā sortiuntur, præsagium reportant verum & immutabile, quod à

malis spiritibus deturbari non possit. Sicut enim veniente sole tenebræ ejus præsentiam sustinere non possunt, sed subito subterfugiunt, nihil solem impediētes: sic vndiq; refulgente potestate deorum, quæ replet omnia bonis, perturbatio omnis, quæ solet à spiritibus malis accidere, nullum habet locum, sed repēte disperditur. Bonis enim numinibus omnino præsentibus, mali spiritus euanescent, neq; mouere se valent, neq; splendorē obfuscare diuinum. Damnat eos, qui omnem contemplationē, sanctimoniamq; religiosam negligunt, solis cōfisi characteribus, qui sperant se inclusuros substantiam ipsam alicujus dei, quo præsentē vaticinētur. Horū quoq; confidentiam Porphyrius improbabat. Qui etiam narrat præter hos, esse alios, in quibus phantasia aliquando concitatur, quando certa quædam adhibuerint, etsi alioquin in aliis mentes compostes sunt, dum sint phantasia furētes in sacris. Quando scilicet vel in tenebris laruerint, vel certa pocula biberint, vel cantibus, vel constructionibus quibusdam vfi sint. Tunc ergo furentes imaginantur occulta, futuraq; alij quidem in aqua videntes, alij in muro, alij sub dio, id est sereno aëre, alij in sole, alij in stellis aliis. Lumen
hoc

hoc diuinum venit in phātāsiā propriē,
ac si quid extra videmus, mirabile fit, per
visum phātasiæ pedissequum. Dij vel præ-
sentia tantū sine medio mouent animum
quoties volunt paratum, scilicet vel lunē
aliquod ex se fundunt in ætherium ani-
mæ vehiculum, quo imaginationes mo-
uentur in phantasia, quales ipsi volunt, &
vtrobique diuinitas nusquam includitur.
Quum adhibētur prædicta vaticinio con-
grua, attentio quidem animi, & cogitatio
animaduertit, quæ fiunt, quando diuinum
lumen nō attingit propriē ad hæc, scilicet
ad rationales potentias, sed interim ima-
ginatio furit alienata, quia supra morem
humanum desuper incitatur. Tenent ali-
quando in tenebris hominē diuinandum.
Nihil enim in eis obsistit venturo lumini.
Aliquando tenent in lumine quādo eum
præparant, vt major sit ad lumen diui-
num similitudo, & tunc accipitur illud in
lumine solis, vel lunæ, vel serenæ noctis,
vel in aqua propter diaphanon parata, vel
in pariete sacris characteribus præpara-
to. hic enim propter soliditatem, quod di-
uinitus semel accipitur, diutiùs retine-
tur. Admouēt præterea quædam cognata
diis insinuandis, & exhibent diuinaturo
portiones, & compositiones quasdam, &

cantilenas, vel excantationes conuenientes ad præparandum susceptaculum, & ad commodandam præsentiam, apparentiamq; deorum scilicet, quod lumen eorū occultum alicubi pateat sensui, sed semper pro voluntate deorū, siue deducatur ex æthere, siue aëre, vel sole, vel luna, vel alia sphaera cælesti. Quatenus placet diis, qui liberi dant, & ut præcipui auctores, & mouent imaginationem, & per eam quādoq; sensum in objectis accommodatis, & aliquando eam per sensum, imagines magicæ factæ ex materia solida, diutius virtutē seruant. Superi dant dona paratis, nō solū naturaliter, sed per intellectum & liberā voluntatem ipsorum deorum. dii dant futurorum ostenta in extis, auibusq; & stellarum nouis prodigiis, ex quibus humana sagacitas conicit euentus per proportionem signorum adiectus, ut ex casu auis casum viri, ex defectu membrorum in extis defectioni, exiguè cadente deiectionē eorum. Diij imprimunt futurorum signa in rebus ministerio naturæ vniuersalis, & naturarum vel obsequio dæmonum seruientium diis, & dominantium elementis, animalibusq; similibusq; cunctis, quæ agunt faciliè pro voluntate deorum. Et si symbolicè declarant in signis voluntatem dei,

dei, & futuros euentus, vt inquit Heraclitus, repræsentant interim opificij modū. sicut enim per imagines firmas faciunt res, & euentus præsignant, sic & per noua ostenta, & qualiacunque signa, & interim acuunt ex eadē causa, & occasione sagacitatē nostrā. Viscera in ostentis transmutantur contra naturam in animalibus ab anima eorū, & à dæmone eis præsidente, & à motu aëris, motuq; cæli, præter naturam & pro voluntate deorum ad homines admonendos. Quod autē diuinitus fiat, patet, quia sæpe non inueniuntur in animalibus principalia quædam membra ad vitam necessaria, quæ repente miraculo auferuntur, quū necesse sit ea pauloante non defuisse. In auguriis captandis aues miraculosæ mouentur ab anima sua, & dæmone præside, motuq; aëris, atq; cæli: à quo cælo descendit virtus per totū aërem conformans, & commouēs illum ad deorum sententiam, pro signis efficiendis. Sententiam dico ab initio præsignatam, atq; decretam: sic aues sæpe se ipsas præcipitant, vel allidunt, vel aliter se necant, dum ad significandum cōferunt, quod non sponte faciunt, sed tractæ diuinitus. Flammæ quædam stellarum instar factæ diuinitus, aliquando pro signis futurorum in aëre

e s

facil

facillimæ fiunt, ad nutū deorū cælestium
accenso illic aëre summo, qui ductu, for-
matuq; facillimus est, præsertim à diis, at-
que in ignē descendūt interim in hūc aë-
rem corporum cælestiū influxus quidam,
cōducentes ad creandas, mouendasq; stel-
las ejusmodi, similes cælestibus luce, vir-
tute, motu. Mundanum animal est adeò se-
cum vnitum, vt membra ejus compatiā-
tur inuicem, commoueanturq; etiam quæ
remota inter se videntur, quasi sint proxi-
ma, tanquam ejusdem animalis membra.
Atq; hæc vnio, & compassio confert diis
ad exhibēda signa hominibus, primò per
cælum, subinde per aërem. Dij nō imme-
diatè, sed per media instrumenta scilicet
dæmones, animas, naturas, & omnia hinc
dependentia faciunt hominibus signa,
exordietes secundum principium vnum:
& inde diffundentes deinceps motionem
ab ipsis descendantem, quocunq; volunt
ipsi. Ideoq; sine habitudine, & coordina-
tione eorum ad generabilia, regunt ejus-
modi singula: & sicut in opificio, & pro-
uidentia, ita in exhibendis signis non de-
fectitur eorum intellectus ad nostra, sed,
dum ille in se permanet, signa omnia, va-
riciniumq; cōuertit ad se, eaq; animaduer-
tit à se ipso procedere. Vates omnes con-
fident

fitentur, per deos, vel dæmones vaticiniū
nancisci, quia nequeāt futura videre, nisi
qui sint causæ, & domini futurorum, per
quos & alij videant. Porphyrius admira-
tur, quòd dij adeò inseruiant hominibus,
vt vates aliqui etiam per farinam vatici-
nentur. Respondet Iamblichus, deos non
obsequio id præstare suo, sed excessu po-
testatis & bonitatis. & causa omnia in se
continente, dum in seipsis manent absq;
cōuersione ad subdita, eis pro gradu præ-
parationis dona & signa largiri, sicut sol
diaphanis, oculisq; lumen, atq; hoc calo-
rem. Quia videmus homines subiecta cu-
rare conuersione quadam ad opera, & dis-
tractione ad diuersa, & distrahi à seipsis,
& laborare, ideo similiter suspicamur pro-
uidere deos, qui cōtra, quatenus ad se con-
uertuntur, vnamq; sui formam, quæ est
inferiorum causa, eatenus agūt, mouēt, re-
gunt omnia, non distracti per diuersa, sed
ab vno principio, nutuq; simplici vibran-
tes cuncta, successionem quadam inde pen-
dencia: neq; ipsi ad subiecta flectūt, sed
statu, & plenissimè sua reddunt sibi cūcta
similia. Deus diuersos suppeditat vaticinij
modos, nō quidem distractus ipse, sed in-
diuiduo nutu, formaq; simplici suggerit
omnes, & diuersis temporibus suggerit
diuer

diuerfos, non ipse per tempora varius, sed æterno, eodemq; mētis, & voluntatis ictu omnes inspirat, quamuis hi tēpōribus variis explicentur, neq; in ostentis continentur, distrahiturve, sed in vna sui forma complectens omnia signa. ex ea exprimit in se ipso consistens, dum vno voluntatis actu omnia tradit. Tanta est exuberantia prouidentia ad ostēdenda nobis signa, vt etiā in calculis, virgis, lignis, lapidibus, frumento, farina, indicia præbeat futurorum, vbi mirabiliter inanimatis animam, immobilibus motum, ratione carentibus intelligētiā quandam præstare videtur, quasi hæc cognoscere videantur, vbi nobis futura portendunt. Et sicut deus sæpe per fatuos homines loquitur sapientiam, declarans nō hominē ibi loqui, sed deum: sic per vilissima quæq; portendit futura, his ipse admodum supereminens, & per omnia nostrū instruēs intellectum. Deus per infima quæq; cognitione carentia parefacit quædam cognitione superiora, vbi testatur se longè supereminere naturam: Qui dum diuersa porrigit signa, nō coercetur in eis, neque per illa distrahitur, sed stans in vna, indiuiduaq; sui forma cōprehendit illic omnia signa, & illinc vnico, simpliciq; nutu explicat omnia, præbetq; nobis

nobis argumenta passim præteritorum,
præsentium, futurorum.

*Non fit in sacris opus alicujus efficacie nisi
per potentiam, immo & præsen-
tiam numinis alicujus.*

IN religione non potest fieri opus vllum
alicujus mirabilis efficacie, nisi adsit
illic superiorū aliquis spectator operis, &
impletor. Opera quidem absoluta ducunt
dij, media angeli, tertia dæmones. Natura
quidē humana nec rationem quidē, ora-
tionēque de diis suscipere potest sine
diis, nedū diuina opera facere valeat sine
illis. Est enim imbecillis, & hebes vsque-
adeo, vt nullum nullitatis suæ remedium
habeat, nisi quandam diuini luminis por-
tionem desuper accedentem, sine qua ni-
hil à nobis fit diuinum. Sicut falluntur,
qui confidunt ex inanimatis animam, &
ex amentibus facere mentem: ita qui ex
rebus non diuinis diuina facere, & sine
diis propria deorum opera, qualia sunt
vaticinia, & miracula, & similia, vt appa-
ritions, & expiationes.

*Numina inuocata nobis adsunt, non
coacta, sed volentia.*

Confessum est efficacia religionis ope-
ra perfici præsentia deorum, ange-
lorum,

lorum, dæmonū. Porphyrius quidē suspi-
catur numina ad hæc trahi quadam inuo-
cationis necessitate. Iamblichus negat
necessitatem inferri vel ab homine, vel à
mundo numinibus, quæ, quū sint imma-
terialia, non suscipiunt ordinem aduenti-
tium aliunde. Item inuocatio, & operatio
sacra, admouet quidem sacerdotes ad nu-
mina assimilatione, & familiaritate qua-
dam non violentia sacerdotibus illata, ne-
dum numinibus inferatur. Deus, omnisq;
chorus numinum deo conjunctus est, su-
pra omnem necessitatem extrinsecus ve-
nientem. Vaticinium perficitur, dum sa-
cerdos operatur sacra. neque tunc passio
cadit in sacerdotem, vel in diuinantem,
quando diuinitus inspirantur. multo mi-
nus in numina, quæ non illabūtur in ani-
mos, nisi vacuos passione. Neque dicen-
dum est, fatidicum animum esse instru-
mentum medium, & efficax diuinorum,
sacerdotem verò inuocantem esse velut
causam efficacem operum diuinorum.
Immo deus est omnia, potest omnia, im-
plet omnia semetipso. humana verò natu-
ra nullam in his efficaciam habet. est enim
ad diuinitatem ludus. deridemus eos, qui
dicūt deum sorte quadā aliquibus adesse
potentia figuræ cælestis in genesi. Non
enim

enim decet ingenitos, & vniuersales causas mancipari alicui per generationem, ejusve periodum, & per causas alienas. Quidam, quum & nollent curis onerare deum, & non perciperēt modum aliquem opificij, prouidentiaēq; , præter eum, qui solitudine fit humana, negauerunt deos facere, atque prouidere. similiter negarent deos interesse vaticiniis, & miraculis, qui non viderent modum excellentem, quo dij adsunt sine labore, & mutatione sui, modus autem per hæc omnia diis proprius eisdem duntaxat est notus.

Porphyrus ait opera diuina, qualia sunt vaticinia, & miracula, esse aliquando passiones quasdam animæ ex paruis scintillis excitatas, & animam sua virtute posse hæc imaginari, loqui, facere. Iamblichus dicit, opus diuinum neque fortuito fieri, quum sit ordinatum, neq; ab homine longè inferiore. Oportere enim diuinum opus à diuinitate fieri. omnia igitur opera diuinitati similia non ab humana, sed diuina pullulare natura.

Opera miraculorum, & prophetia, non sunt aliqua virtute stellarum, corporis, anime, sed mera, & libera potestate dei.

Anima

Anima humana & vna specie comprehensa est, & à caduco corpore nimiū obumbrata. Ideò nullā habet ad diuinum opus potentiam efficacem. siquando verò videmur tale aliquid quodāmodo posse, solum id agimus illustratione diuina desuper influēte, per quam & actionis diuinæ videmur esse participes, si opera diuina fierent ab anima ipsa natura animæ, & virtute propria, anima virtutis & prudentiæ compos, vel etiam omnis anima talia faceret. Nunc verò nec omnis anima facit, & quæ perfectā videtur anima, ad diuina adhuc est imperfecta. Non igitur anima, sed diuinitas ipsa causa est operum diuinorum. Alioquin non esset nobis ad hæc religio necessaria, sed absq; deorum cultu compotes essemus operum diuinorum, si hæc ipsa animæ fierent potestate. Denique, si anima sua potestate diuina perageret, vel omnis anima faceret, vel quæ haberet virtutē, & perfectionē animæ, propriam scilicet scientiam, artem, prudentiam, mores, qui per prudentiā acquiruntur. nunc autem non tales hæc faciūt, sed concitati quidam potiūs & abstracti. Tria proposuerat Porphyrius de diuinis operibus. Primum, ad hæc animam esse causam instrumētalem: secundū, animam quand

quãdoq; esse causam principalẽ : tertium, animam posse ita esse ex æquo concausam, vt ex ea, spirituq; diuino, tertia quãdam species substantiæ, vel subsistẽtiæ fiat. Iamblichus dicit, Quando vnum aliquid fit ex pluribus, illa plura & esse cognata, & mutabilia, ex eo, quod sunt, in aliud sic commisceri in vnum quintũ quatuor elementa, & animas plures in vnã rotã, forte vegetalem, sensualem, motiuã, in nobis concedere intellectualem, & in eius actũ redigi, vel fortè ex illis omnibus harmoniam vitalẽ in corpore resultare, vel fortè animas in patria conspirare in vnã ideam omnium animarum, diuinitas verò velut à cunctis exempta non coit in vnũ. Tertiũ, quũ anima præsertim è suo statu iam lapsa, & quia diuinitas velut longè diuersa non cadit in misturam: & quoniã immutabilis, non cõmutatur in aliud cõmune duobus. Prius quidem dictum fuerat scintillis exiguis suscitari in anima species diuinas: esto: sed hæ non traducerentur ad species simpliciter diuinas, si corporales, & naturales essent. nunc denique, vbi dicitur animam cũ diuinitate in vnum tertium congregari, æquatur anima deo, & cõceditur, deũ ibi ita mutari accipereq; ab anima, sicut mutari animam, &

f. aliq.

aliquid à deo suscipere : quod est absurdū,
præsertim quia hinc admittitur, quòd dii
elementorum instar coibunt in effectibus
suis in vnam formā tēporaliter factam, &
ex sempiternis, & in re temporali conti-
nebuntur. Quando dicitur ex anima, &
deo, vel ex diis inuicē vnum aliquid fieri
temporale, quærimus vtrum præter con-
gredientia resultet aliquid necne : si non
resultat, tunc non fiet vera vnio, neq; verè
vnum: sicut neq; in artificio sola arte pen-
dente si resultat res, sempiternè è suo sta-
tu cadent, vt fiat aliquid temporale : nisi
enim mutantur, tertiū non resultat. omni-
no verò absurdum est, hoc ipsum, quod
generatione quadam fit temporali, po-
nere sempiternum. neque tamen decet po-
nere temporale, ne sempiterna seruiant
temporali : nec decet ponere, hoc esse so-
lubile, vtrinque factum ex sempiternis. &
tamen per nouam generationem videtur
esse solubile. Illa igitur opinio est absur-
da. Porphyrius ait, animam quandoque
generare potestatem, essentiamq; dæmo-
niacam imaginantem futura, per motio-
nes ejusmodi. Generare, inquam, dum cō-
ducit in vnum materias quasdam habētes
in se vires ejusmodi, præcipuè verò ma-
terias acceptas ex animantibus. Iambli-
chus

chus negat generari demones, & corrum-
pi. Negat enim ab anima ex viribus cor-
poreis generari demones, corporibus,
animaq; superiores. Negat & actiones
animæ particularis, clausæq; in corpore
procedere in essentias, in se extra animam
subsistentes. Negat vires corporum, materiæ
prorsus addictas, solui ab eis ad demones
generandos. Præterea quærit, quænam sit
potestas, quæ vires materiales à materiis
soluit, rursusq; conflatur in vñ ad demo-
nem generandū, vbi videtur potestas hæc
esse demonica, atq; ita existere, demon
etiam antè quàm generetur. Non potest
ex rebus carètib; anima, vaticinioq; ge-
nerari anima, præsertim fatidica. Nequit
ex deteriori præstantius procreari. Ne-
quit essentia vlla, substantiaq; constitui,
ex motionibus animæ, viribusq; corpo-
reis, quæ nec substantiæ sunt, neque essen-
tiæ. Item nullum eorum, quæ per genera-
tionem seminantur, majus aliquid habet,
quàm quod ei traditur à causa principaliter
generante. Quñ ergo nec corpus, nec
anima per se habeat vaticinium, nō potest
anima ex suis motibus, atque corporibus
vaticinantem demonem procreare. Dicet
forsan aliquis, non generari à nobis de-
mones, sed eos animantibus ordine præsi-
dere,

dere. Itaque quando materiæ ex animalibus huic dæmoni commendatis, opportunè adhibentur huc, dæmonē quasi compatientem ad talia ferri. Iamblichus ait, dæmones, qui vsque adeo compatiantur, vera vaticinari non posse. Verum nanque vaticinium non esse naturæ passibilis, & aliquo corpore, loco, tempore clausæ, sed ab his omnibus absolutæ, ut queat quocunque in loco vel tempore facta, pariter, simpliciterq; prospicere.

De Somnijs diuinis, & humanis.

POrphyrius ait, præfagia somniorum partim esse ex nobis, partim ab extrinseco. Iamblichus ait, solū extrinsecus aduenire: quia sæpe studemus, agimusq; nonnulla ad hoc præfagium aucupandū, neq; tamen datur, & sæpe id non quærentibus datur. Quòd si somnialis effectus esset ex nostra natura, arbitrioq; humano, nobis ad hoc providentibus cueniret. Mittitur autem à diis pro eorum arbitrio, scilicet quando, & quomodo volunt benignitate quadam demonstrare futuri. Idem declarat Orphicus hymnus. Porphyrius ait, vaticinij causam, esse quādam animi passionem. Iamblichus negat, dicens passionem esse suapte natura instabilem,

bilem, inordinatamq; , atq; perturbatam. Vaticinium verò esse debere stabile prorsus, & ordinatum, ideoq; non posse in passione versari. Item quando anima prudens est, & constans, agitq; secundum vires ejus præstantiores, scilicet intellectuales, rationalesq; , futura non prospicit. Quomodo igitur hæc assequetur, quando patitur secundum inordinatos motus. atq; perturbatos? Item passio nihil habet proprium ad entium veritatisq; contemplationem, sed affert impedimentum. Præterea si res ipsæ in mundo essent passionibus constitutæ, passio similitudine quadam has attingeret. Quæ verò rationibus, speciebusq; constitutæ sint, & agantur, certè alia quædam prænotio est ab omnib⁹ passionibus aliena, rursus passio præsentia tantum sentit. Quum igitur vaticinium futurum etiam assequatur, non versatur in passione. Porphyrius ait, vaticinium esse passionem quandam phantasiæ subortam, vel ex cogitationibus nostris, vel instinctu corporalis in nobis naturæ, vel similiter incidetem, ut & phreneticis cõtingit vaticinari. Ad hoc autem adhibet signa, quòd in statu vaticinij agit quidem imaginatio vehementer, sensus autem interim occupantur, & cohibentur. Item, quòd suffu-

f 3 migat

migationes adhibentur diuinaturo, videlicet ad phantasmam afficiendam. Item inuocationes, ad eandem affectionem incitandam. Item quod non omnes, sed iuuenes, simplicesq; ad hoc idonei sunt.

Iamblichus ait, occupationem sensuum esse signum, quod phantasma tunc nullum est humanum. Vapores adhiberi ad efficiendam cum deo congruitatem, non ad afficiendam spectantis animam. Inuocationes non excitare, vel cogitationes, vel corporeas passiones in nobis. Nam nobis incognitæ sunt, soli deo, qui inuocatur, cognitæ: solos simplices esse expositos diuino spiritui extrinsecus venienti. Quod Porphyrius ait, vaticinium esse passionem phantasiæ talem, qualis accidit melancholicis, & desipientibus sæpe fardicis, abutitur diuino vaticinij munere, dum alienationem diuinitus factā in melius cōparat alienationi à morbis, ebrieta-
te, rabie in deterius accidēti. alienatio animi ex passionibus nostris accidens, infra humanum statū dejicit animū, sed à Deo facta, attollit hominem super hominem, deoq; coniungit. Illa reddit instabilem, & in materiā prorsus immergit: hæc constantem, ordinisq; cōpotem, & à materia soluit. Nullo modo dicēdum, afflationem
diuin

diuinā habere aliquid simile cum alienatione facta ab humorib⁹, ebrietate, rabie. nam hæc à deo supra quàm cogitari possit, distantia sunt. tantundem ergo distat infania ejusmodi ab inspiratione diuina: nihil igitur habent simile, vel commune. Alienatio à causis facta corporeis, est animi deprauatio ex debilitate contingens. Facta verò diuinitus, est salus animæ contingens ex plenitudine potestatis. In illa quidem, dum animo suas operationes aggredditur, eas edit peruersas, atq; turbulenter. in hac autem, dum secūdum propriam vitam, intelligentiamq; vacat, superiori se exponit vtendam. Denique, quantò distant diuina ab infimis naturalibus, tantò illorum actiones effectusq; ab effectibus naturalium. Alienatio itaque inducta diuinitus nihil habet simile cum ea, quæ fit humanitus. Quū igitur illam cogitas, separa prorsus ab illa omnes hujus defect⁹, accidentia omnia. Quinetiam quando sobrietatem, vigilantiamque sacram acceptam diuinitus meditaris, noli cum sobrietate hominum comparare. Et vtrobiq; ab imaginationibus diuinitus adhibitis animo remoue, quicquid vllō modo simile est imaginationibus vllis, quas humores, similesq; causæ suscitant. Item

ambiguum hominis statum inter sobriū
animum, alienatumq; mediū, ne similem
putes statui animi sacri, vno intuitu spe-
ctantis deum, nec certissimos intuitus di-
uinorum similes esse credas imaginatio-
nibus arte venefica suscitatis. Nā quæ fa-
scinati imaginamur, præter imaginamen-
ta nullam habent actionis & essentiæ ve-
ritatem. Eiusmodi nanq; magicæ finis est,
non facere simpliciter aliquid, sed vsq; ad
apparendum imaginamenta porrigere.
Non est putādum diuinū vatem incidere
in veritatem casu, sicut insani solent ali-
quando: nec etiam passione quadam natu-
rali, sicut & animalia solent pati sæpe à
partibus, viribusq; quibusdā mundi futu-
rum aliquid inchoantibus, & jam in aëre
quodammodo facientibus prius quàm in
terra. Atq; ita patiendo nonnunquam fu-
turas persentiunt terræ concussiones atq;
procellas, præsertim animalia, quæ vel fa-
cilè patiuntur, vel acutè persentiunt. Præ-
notio enim vel casu vel eiusmodi passio-
ne proueniens, rara fit, inordinata, non
continuada, prorsus obscura. Vaticinium
verò diuinum vniuersū ordinem cōtinua-
ta, & firma, connexaq; conspicit ratione.
Siqua nobis innata sit facultas ad futurum
percipiendū, nō est propterea vaticinium:
hæc

hæc enim nec semper, sed aliquando veridica est, nec in omnibus, sed quibusdam. vaticinium verò & semper, & in omnibus est veridicum. Item prænotio arte facta ex signis aucupatur futurum nō omnino fidelibus, quia nō semper sibi conjunctum habent euentum, sed diuina prouidentia factum effectus à causis conspicit, intuitu firmo, præsentiq; & prorsus continuato, connectēs omnia mutabilia, temporaliaq; & inter se distantia, futura anticipans, vt præsentia. Dicit aliquis, posse prænunciari futurum, ex quatuor donis simul junctis, scilicet ex certa hominis natura, & ex arte huic adhibita, & ex cōmuni rerum inter se cōpassione tanquā animalis ejusdem partium, atq; ex ea corporum dispositione, qua alia aliis indicia subministrēt: sed re vera quando his concurrentibus indicia manifestè percipiuntur, habet & hæc perceptio aliquid simile vaticinio, & vniuersum vestigia vaticinij habet vbiq; sed non vbiq; clara. Tametsi sicut imago ipsius boni in omnibus deum præfert, sic in cunctis est vestigium aliquod vaticinij. Neq; tamē vaticinij species vna diuina, immitta, definienda est per simulacra ejus in generationem demissa, & multo minùs per imaginamenta delirantium

f s tium

tium. hæc enim omnia fallacia sunt. Vaticinium ipsum definiendum est, per vnā rationem, ordinemq; vnū, & vnā speciē diuinā, vnāq; intelligibilem, & immutabilem veritatem: contra verò omnis perceptio mutabilis inde segreganda, velut indefinita, & deis, diuinisq; nullo modo conueniens: quando fit à nobis aliquod opus nobis naturale, certè ad hoc sunt ab initio tributa semina, & præparamenta ab ipsa natura, quæ est operis ejusmodi causa. Nulla ergo sunt data præparamenta, seminaq; à natura vel communi, vel humana ad vaticinium illud, quod est supra naturam, consuetudinemq; humanam. natura enim & intelligentia caret, nec est præcipuus auctor eorum, quæ fiūt, præsertim quatenus in nobis est natura, sed vaticinium plus quàm intellectuale est, & causas attingit euētuum. & vno, subitoq; intuitu complectitur ordinem vniuersi si opus ejusmodi dei proprium est agentis hoc in nobis, nobis tunc à propria actione vacantibus. Præfagium, si quod nobis incidit, instinctu naturæ vel arte peragitur: potest utiq; in nostra natura præparationē, aptitudinemq; habere: sed hoc præfagiū valde angustum est, & obscurum, & magis minusve suscipit: vaticiniū verò diuinum
amplif

amplissimum est, & certum, & vnum, sta-
 bilemque, id est summum ubique gradum pos-
 sident, ideo nequit fuisse nobis inditum à
 natura. Porphyrius conjectabat affectio-
 nem quandam nostræ naturæ vel corpo-
 ralem, vel animale ad vaticinium con-
 ferre præcipue, ex eo quod qui aduoca-
 bant in hominem vaticinium, gestabant lapillos
 quosdam, atque herbas, ligabantque nodos
 sacros, iterumque ligata soluebant. mutabant
 quoque proposita in eis, qui talia ab illis
 acceperant, & ex malis meliora reddebant.
 Sed Iamblichus observationes, effectusque
 ejusmodi retorquet in conjecturam, quod
 inspiratio vaticinij forinsecus, desuperque
 proveniat. talia enim certis numinibus
 consentanea, quum adhibetur nobis, ad eo-
 rum inspirationem suscipiendam, nos ac-
 commodant. Porphyrius ait, non esse con-
 temnendam artem, quæ ex certis vaporibus
 ad ignem sub opportunis stellarum in-
 fluxibus facit deorum idola in aëre pro-
 tinus apparentia similia quodammodo diis,
 & habentia similem aliquam efficaciam.
 Iamblichus ait, hæc idola parvipendi à sa-
 cerdotibus, qui veras deorum species per-
 uiderunt: neque posse excellens aliquod bo-
 num reperiri in eo, quod pullulat ex ma-
 teria, formisque in ea, formarumque ejusmodi
 virib

viribus, & arte simul humana. Nam quod fit ab homine, est deteri⁹ homine: & quod fit ita, vt idolum, est adumbratio quædam appa^rēs potius quàm existens, ac dum fit, protinus euanescens: neq; fit arte opificia, quæ veras essentias fabricat, sed imitatoria potius, quæ essentiarum reddit imagines. Profectò deus mundi opifex non per cælestes motus, non per particularem materiam, nō per potentias ita diuisas fabricat omnia, sed intelligentiis, voluptatibusq; & immaterialibus speciebus, ac per animam sempiternam supermundanam, simulatq; mundanā mūdōs efficit. Factor quidē ejusmodi idolorum dicitur per stellas efficere, nō tamē eo modo per ipsas efficit stellas, quo fortē videtur: quum enim innumeræ sint in diis cælestibus vires, omnium infima est potentia naturalis. In ipsa potentia deorum cælestium naturali sunt rationes, tum seminales, id est formarum generatiuæ, tum aliæ quædā immobiles seminalibus præcedētes ibidē, id est coordinatiuæ formarū: vtrarumq; igitur rationum auctoritas generationem vniuersam præcedit. Post eas sunt in corporibus cælestibus qualitates, vires, motus, atque ex eis defluxus dominantes sub rationibus toti rerum mūdānarum exordinationi:

nationi: infima verò potestas cælestium,
quas dixi, viriū generationē terrenorum
ducit. Multæ artes, ut medicina, gymnasti-
ca, agricultura, quæcunq; videlicet in ope-
ratione sua communicant, cum operatio-
ne naturæ utuntur qualitatibus, viribusq;
per defluxus cælestes ad inferiora traje-
ctis, atqui & idoloficus ipse trahit à cæle-
stibus defluxibus portionē aliquam geni-
talem, quamvis exiguam, atq; debile. Non
enim utitur ipsis cælorum motibus, aut
viribus ipsis, quæ illis insunt, aut viribus,
quæ naturaliter fundantur circa cælestes
motus: nec potest eas attingere, sed occu-
patur circa vires quasdam, quæ ab illorum
natura ad ultimum defluerunt, prolapsæ
ad infimum mundi locum. Utitur quidem
is arte quadam, sed non pia, atque deifica.
hæ quidem infimæ cælestium vires con-
spirantes, circa materiā quādam particula-
rē, possunt eam transmutare, trāsfigurare,
trāsformare alias aliter. Iā verò, & trāsposi-
tionem ab aliis in alia suscipiunt poten-
tiarum earum, quæ particularibus insunt.
Quando aliquis ejusmodi fabricat idola
ex multis materiis, & sub cælestibus in-
fluxibus, tunc varietas illinc quidem cæ-
lestium actionum, hinc verò potētiarum
materialium cōgregata, facit quidem ali-
quid.

quid, sed actio hæc longè degenerat, non
solum ab opificio diuino, sed etiam ab ef-
fectione naturali. Natura enim & vno si-
mul renore, & actione simplici proprium
peragit opus. Hæc igitur idolorum fa-
brica est artificiosa commistio circa deflu-
xum cælestium vltimum, & circa illa, quæ
ad postremum à cælesti natura mouen-
tur, atq; recedunt. Homo, quum sit melior,
& ex melioribus procreatus, non debet
idolis fabricandis incumbere, quæ non
sunt animata, sed ostentamento quodam
vitæ sunt inflata. nec intima, veraque, sed
externa, fictaque harmonia continentur,
prorsus ad breue mansura, nec habent ve-
rum aliquid, & legitimum, quum sint arte
solum humana conficta solum verò, quod
simplex & vniforme est actionis, vel com-
positionis in eis præualet. Ideoq; valde
deficiunt, quoniam ex qualitatibus longè
diuersis, contrariisq; congesta sunt, neque
potentiam aliquam perfectam habent,
quoniam ejusmodi defluxu multitudine è
multis captatur, & in aduentitium aliquid
commiscetur exile penitus & infirmum:
nec stabilitatem vllam habent hæc idola,
imò velocius quàm quæ apparent in spe-
culis, euanescent. Quando enim admoue-
tur suffumigatio vaporibus exhalantibus,
protinus

protinus componuntur: at quū per totum
aërem fumus, vaporq; se fundit, subito dis-
soluuntur. Prodigiorum ejusmodi fabrica
idolaris est omnino contemplatore veri-
tatis indigna. qui enim hæc machinatur,
siue eorum vilitatem agnoscens, delecta-
tur tamen, similis illis euadit, siue colat, vt
deos, peccati reus est factu, dictuq; nefan-
di: nec lux vlla in animam diuina subruti-
lat, circa tenebrosa idolorum phantasma-
ta occupatam. Porphyrius ait, idolorum
factores in fabrica obseruare cælestium
cursum, dicentes, quo potissimum cæle-
stium currente, & cū quo, vel quibus con-
currente vaticinia vera proueniēt, aut fal-
sa: item quæ ibi sunt, vtrum significatiua
sint, effectiuaue, vel contra significationis
efficaciæ vacua. Quamuis ex materiis ele-
ctis idola construant obseruatione syde-
rum, nihil tamen hæc inde habent in se
diuinum. nam materiæ, quæ hîc mouen-
tur cælitus, in generatione sunt postre-
mæ, atque ad vltimos è cælo defluxus
compatiuntur. Quæ enim tam facilè per-
mutentur ejusmodi phantasmata, vt ad
minimum nutum vel inertia sint, vel
contrà scilicet fatidica, siue significati-
ua, siue effectiua, certè passio tam faci-
lis, & mutabilitas adeò velox declarat, ea
diui

diuinæ potentia nihil habere. Non sunt in materiis ullæ potentia, quæ sint elementa dæmonum: neque hi possunt ex particularibus corporibus generari, imò ab eis hæc generantur, atque custodiuntur. Neq; potest homo suis machinis formas ipsas dæmonum procreare, imò nos secundum corpus à dæmonibus formati sumus. Non est putandum ex elementorum coitu confluere aliquam multitudinem, siue compositionem in se propriam dæmonibus vim habentem. Nam ipse dæmon simpliciter, vniformiterq; , & in se consistens, in vnū diuersa congregat elementa, atque ex eis composita generat, & quicquid inest perseuerantiæ, ipse largitur: neque decet idola dæmones appellare. Nam & aliud est idolorū auctor, aliud dæmon magnus dux dæmonum: ipsaq; substantia dæmonum diuersa est à phantasmatis idolorum, quibus & tu Porphyri confiteris, neq; deum, neq; dæmonem aliquem deorsum trahi. Igitur hæc idolorum fabrica, quum dei, dæmonisq; sit expers, neque varietiniam, neq; sacrum opus aliquod affert.

*Chaldaeorum mysteria de Sacerdotio, Deo,
Dæmonibus bonis, & malis.*

Porp.

Porphyrus commemorat opinionem dicentium omnia vaticinia nobis à dæmonibus malis infundi, quorum natura sit subdola, omniformisq; atq; versatilis, qui deos, & sublimes dæmones, & animas defunctorum simulent, & hac fallacia nobis occurrentes præsagia præbeant. Horum opinionem Porphyrius, etsi non probat, commemorat tamē de hac quoq; Ægyptium consulens. Iamblichus hoc quoq; damnat inter sacra commemorare profana, atq; subinde narrat mysteria, quæ audiuit Ægyptius à prophetis Chaldaeorum talia. Dij vera bona dant bonis per sacrificia expiatis, quibuscum & versantur, suoq; commercio prauitatem, passionemq; ab eis longè propulsant, suoq; splendore tenebrosos inde spiritus arcent. Mali enim spiritus intrante deorum lumine, velut sole tanquam tenebræ subterfugiunt, neq; turbare ulterius pium sacrificatorem possunt, omni prauitate, & perversitate, passioneq; liberum. Qui verò perniciosi sunt, & interim contra ritus, ordinemq; sacrorum sacra insolenter inuadunt, hi sanè propter actionis infirmitatem, potentiaq; defectum, deos assequi nequeunt. Sed propter inquinamenta quædam, tum à diis arcentur, tum dæmonibus malis

g

accom.

accommodantur, quorum flatu prorsus implentur pessimo, pessimiq; illinc euadunt, profani scilicet, atq; dissoluti pariter & iniqui, desiderio dissimili diis, atq; in omnibus simillimi demonibus improbis, quibuscum versantur assidue. Hi igitur passionibus, & prauitate pleni per ipsam cognationem malos ad se trahunt spiritus, quibus mox occupati, ad omnem iniquitatem inde iterum incitantur, ubi alter alterum ad hoc ipsum vicissim adiuuat, & corroborat. sicut circulus aliquis principium cum fine coaptans, reddensq; æqualem eodem pacto vicissitudinem. hucusque Chaldæi. Quando profani contra ritus tractant sacra, frustratur eventus. nam & pro diis aliis alij celebrantur, & pro bonis spiritibus insinuantur mali. horum ergo errata non debent, ubi de legitimis sacris agitur, commemorari, neq; quæ accidunt illis pro lege putari. sicut sacrilegium diuino cultui contrarium est, ita malis demonibus intemperantiæ auctoribus, fallacibusq; occupati contrarij sunt legitimis sacerdotibus, à quibus procul abest spiritus omnis iniquus, & prauitas, atque passio: adest verò honorum præsentia numinum, atque desuper ab igne diuino veritate replentur. His ergo mali spiritus impedi-

menti

menti nihil afferunt ad animæ bona. nec inde suggeritur superbix fumus, vel adulationis mollis, neq; subfumigatione falluntur, neq; vi vlla turbantur. Sed hæc omnia mala, tunc boni præsentia numinis, velut fulguris ictu, percussa, disperduntur statim, & euanescent. Talibus ergo veridicum prouenit vaticinium, cum quo nulla ex parte aliud est conferendum, cui ritè studendum est, ea, qua diximus, sanctimonia. Hac enim ratione duntaxat acquiritur & in vaticinando veritas inconcussa, & in anima virtus penitus absoluta, quibus sanè duobus sacerdos ad ignem ascendit intelligibilem. quod tanquam finis omni præfagio, sacrificioq; debet esse propositum. Temere nimium, ô Porphyri, vbi de diuino agitur vaticinio, opinionem eorum commemorandam existimasti, qui omne præfagium arbitrantur à malo dæmone tribui. hi nanq; in tenebris ab initio, semperq; versati, nec verum à falso discernere possunt, neque principia, quibus hæc adueniunt, intelligere.

*Inuocationes, & imperia hominum
aduersus spiritus.*

PORPHYRIUS dubitat, quare spiritus
tum suppliciter inuocamus tanquam
§ 2 nobis

nobis superiores, tum quasi cogimus imperando tanquam inferiores. Iamblichus ita distinguit: Dij quidem, & omnes nostra natura superiores plenitudine bonitatis, & voluntate bonorum, & benignitate quadam dignis animis conuenientia tribuunt: deligunt religiosos tanquam genituras suas, & alumnos, atq; discipulos, & laborantium miserentur. Sunt præterea media quædã genera numinũ, qui ephori, præfidesq; sunt discretionis, atq; iudicij. consulunt, quæ facere deceat, quæ declinare. ad iusta quidem adjuuant, reuocant ab iniustis: & sæpe in homines iniquos iniurias, quas inferre conantur, iustè retorquent, ut quæ agere moliebantur, patiantur ipsi. Est rursum aliud genus spirituum nobis circumstantium indiscretum, & inconsideratum, quod vnã numero potentiam est sortitum, propter ipsam à singulis vniuersi partibus distributionẽ. vnde vnum vni tantũ operi est addictum. Sicut enim gladius solũ diuidit, nec aliud afficit, sic spirituum in mundo distributorum propter ipsam partibilem naturæ necessitatem, hic quidem solũ diuidit, ille verò solũ colligit, quæ fiunt atq; generantur. quidã igitur occulti spiritus, alijs aliam sortiti potentiam, illud tantũ singuli, ad
quod

quod ordinati sunt, peragunt. Siquis igitur accipiens illa, quæ ordine distributo ad totum conferunt, deflexerit aliorsum, & aliquid quasi præuaricando transfegerit, hoc ipsum, quod fit, sequitur, nec ipsius malè utētis est damnum. sed redeamus ad quæstionem. Ut ad quæstionem respondeam, iussa, & imperia violenta diriguntur ad spiritus, nec videntes propria ratione, nec iudicij, discretionisq; principium possidentes. Quum enim cogitatio nostra habeat rariocinandi naturam, atq; discernendi, qua res conditione se habent, multas quoq; in se vitæ potentias complectatur, spiritibus imperare solet, non videntibus ratione, & ad vnam duntaxat actionem determinatis. Inuocat eos igitur tanquam superiores, quoniam ab vniuerso mundo nos continente, quæ ad tota cōferunt, trahere conatur circa quædam, quæ in particularibus, diuiduisq; continētur. Imperat rursum tanquā inferioribus, quia natura nostra intellectualis præstantior est, quàm intellectu carens, etsi illa latior in mundo habeat actionem. Item duplex est in sacerdote figura, siue prætecta, vna quidem humana, altera verò diuina, quam ex sacramentis induit, in quibus latet diuina potestas, sursum ad diuinitatem

animū eleuās, deoq; coniungens: ideoq;
figuram diuinam adhibens animo, quam
indutus potest sub prætectu dei, tanquam
superior ejusmodi spiritibus imperare. ta-
met si tanquam homo rogare solet inuo-
cans eos eatenus superiores, quatenus ab
vniuerso inuocat potestates. Sed ita ve-
rius soluimus quæstionē: Communio quæ-
dam consentientis beneuolentiæ, & com-
plexio indissolubilis vnitatis omnem sa-
crorum expeditionē continet, vt hæc effe-
ctio sit diuina, & excedens omnem expe-
ditionis humanæ modum: ideoq; hunc
omnē illinc auferre debemus. Non igitur
sacerdos numerum accersit, velut abiens:
nec mandat aliquid segregato perficien-
dum, quod homines inter se solent: imo
vna quædam, eademq; cōmuniter diuini
ignis actio spōte sua per se prompta, præ-
sensq; ex se agens refulget, agitq; eodem
modo per omnia simul, tum quæ dein-
ceps inde tradunt aliis, tum quæ possunt
accipere inde nō nihil. Diuina igitur ope-
ra, quæ in sacris explētur, non per contra-
rietatē huius ad illud, vt generabilia: non
per differentiam vocantis, mouentisve ad-
uocātur, atq; motum trāfiguntur, sicut hu-
mana solent, sed identitate, vnione, cōsen-
sione, id totum expletur: & sublata discre-
pantia,

pantia, hoc ipsum quod agit, & cuius virtute agitur, est cōmune vbiq; aliquid, atq; simplex. Porphyrius quærit, cur nam superi sæpe jubeant suos cultores esse justos: aliquādo tamen obsecrati inferre injuriā, inferant. Respondet Iamblichus, nō inferre injurias, sed justa supplicia. ac si fortē injusta, non esse deos, sed demones improbos. Dij non partem quandam hujus vitæ tantum, sed totam: nec hanc solam, sed vniuersam ab æuo in æuum conspiciunt animæ vitam, atq; ita pro meritis in antecedente vita contractis, sæpe puniunt in sequenti, siue rogati punire, siue nō rogati. Interea nos, qui nihil videmus vltra præsens, opinamur aduersa nonnunquam nobis cōtingere præter meritum, dum tamē sæpe in hac vita patimur, quæ in alia jam intulimus, & quæ nunc facimus, aliquādo patiemur. Præterea multa nos latent hominum peccata, quæ deos minimè latent. Item nos justitiā definimus, vt suū quisq; officiū faciat, secundum præsentis patriæ leges. Dij verò definiunt eam latius admodum spectantes, videlicet ad totum ordinem vniuersi, atq; spectātes eam præcipuè rationem, qua animæ diis conducāt, iudicium inde peragūt. Tantaq; diuersitas est inter iudicium diuinum de ipso jure, atq;

nostrum, vt ad illud attingere non possimus. Iam verò & ipsi dij, quid iustum sit, aliter perpendunt ad vnam spectâtes animam, aliter ad totâ animarum cognationem. Si enim ejusdem naturæ communio existens inter animas, tum in corpore viuentes, tum extra corpus positas, complexionem quandam eandem, atq; communem cunctis efficit ad totâ mundi vitam, ordinemq; mundanum, necessariû est expeditionem iudicij à totis exigere: scilicet ab ordine vniuersali, & à necessitudine animarû inter se requireretur: præsertim vbi scelerû magnitudo ab vna anima commissorum excedit supplicium consequens ex peccatis. Dij ergo nunquam obsecrati inferunt supplicia, nisi iusta. Quû enim secundum essentiam bonum habeant, mali, iniusti; causa esse non possunt. Verûm si quis fortè cõuicerit ex imprecationibus ad superos factis, aduersa quædam aliquibus injustè cõtingere, alias quasdam præter deos, bonaq; numina causas inquirere compellemur: quas si fortè non inuenimus, non tamen ob hoc suspicari aliquid debemus de diis indignum diuina natura, eaq; scientia certa, quæ de bonitate deorum nostris intelligentiis est innata, in qua proculdubio Græci omnes, barbariq; consen-

consentiunt. Proinde quū malorum species diuersæ sint, atq; dissidentes, non in vnā, sed in diuersas referendæ sunt causas. Si verum est, quod de idolis dicebamus, improbisq; dæmonibus, hinc sanè exoritur multiplex origo malorū. Simulant enim deorum præsentia, dæmonumq; bonorum: ideoq; cultorem suum iubent esse justum, vt ipsi videantur boni, sicut & dij. quoniam verò natura sunt mali, rogati mala inferre, libenter inferūt, atq; nobis ad injusta conducunt. Hi sunt omnino, qui & in oraculis mentiuntur, & fallunt, & turpia consulunt, atq; peragunt. Dij verò, boniq; dæmones, neq; fallunt vnquam, neq; conferunt ad iniqua. Est insuper malorum natura dæmonum sibi inconstans, instabilis, secumq; dissidens, aliàs alia suadens. superiorum verò natura, sibi constat assiduè, eundemq; seruat semper in actione tenorem. Corporeæ mūdi partes non sunt virtute vacuæ, sed quanto maiores, pulchriores, perfectiores sunt, quàm nostra corpora, tanto vires, actionesq; maiores habent. Igitur vnaquæquæ earum vires seorsum differentes habet, & actiones diuersas edit. Item habitudine quadam inuicem multò plura conficere possunt. Quinetiam à totis mundi

partibus descendit in particulas quædam actio multiformis : descenditq; facillimè, propter potentiarū similitudinem, quatenus videlicet sequentes gradatim potentia antecedentibus correspondent : præsertim vbi patiens insuper ad agens accommodatur. Corporis ergo necessitatibus contingūt ex totis in particulas quasdam mala & perniciofa quædam totis quidem salutaria, & harmonia vniuersi consona, quamuis interea noxia partibus, vel quia totorum actiones sustinere non possunt, vel propter commistionem inferius accedentem, imbecillitatemq; infimis naturalem, vel quia partes partibus cōmensuratae non sunt. Proinde præter ipsum mundi corpus multa potest ipsa mundi natura. Nam & similitum concordia, & discordia dissimiliū non pauca facit, quin etiam multorum coitus in vnum totius animal, & potentiae vigentes in mundo quotcunque sint, & quales aliud quidem in totis, aliud in partibus agunt ob ipsam partium debilitatem ad vltimum distributam, atque diuisam. Amicitia totius, & amor, atque contentio, & similia in ipsis quidem totis actiones sunt, in particulis passionēs. Item quæ in intellectu diuino species sunt, rationesq; puræ, in vniuersi
natura

natura materialē quandā participant indigentia: in singulis tandem informitatē & quæ in totis sunt vnita, in particularibus dissident. Corruptuntur insuper particulæ quædā, vt tota secundū naturā constituta seruētur: conterūtur & partes quædā, atq; premuntur, totis interea sic inde nascentibus passionis expertibus. Quando veneficus aliquis imprecationibus suis deducit desuper in quempiam calamitatē, vtendo videlicet ad hoc naturalibus quibusdā, corporeisq; potentiis: vniuersi traditio quidē actionis ejusmodi venit desuper absq; electione, atq; prauitate, tametsi interim maleficus hac ipsa vtens, traditionem deflectit ad cōtraria prorsus, atq; mala: & ipsa quidem traditio, actioq; supernè descendens compassione quadam propter similitudinem sub contrariorum passionibus commouetur. Maleficus autē electione trahit præter justum, quod traditum est ad mala. jam verò ipsa traditio secundū vnā harmoniam mundi conficit, vt quæ distātissima sunt, tamen cooperentur. si quis interim id deprehēdens ducere molitur iniquè partes sortēsve, quasdā totius in partes alias, ita lædens ejusmodi damni non est causa vniuersum, sed abusus humanus transgrediens ordinē vniuersi, legitim

gitimaq; peruerrens. Non igitur dij mala nobis inferunt, sed naturæ corporaq; diuinitus dependentia. Atqui & hæc non vt malos, sed vt bonos defluxus, mūdoq; salutare ad ima demittunt, qui verò suscipiūt propria mistione, peruersitateq; transformant adeò, vt aliter quidem data recipiatur condicione contraria. Post hæc interrogas, cur natura superi non exaudiant inuocantem, nisi castum? ipsi verò interim obsecrati illicitos concubitus adjuuent: neq; pudeat cultores suos ad turpes libidines incitare. Quando causis occultis incitamus ad coitū non legitimū scilicet, apud leges humanas fortē legitimū, hoc est apud mūdanas leges, quando videlicet inde nascitur hominibus necessarius. Iam verò instinctus ad venerē in mūdo quidē ad amicitiam tēdit, & harmoniā: in partibus autē fit vehementior, propterea quòd hæc ob complexionem suā facile nimium, & mutuò, & tori compatiantur: denique quod cælitus descendit ad bonū, hīc sæpe transfertur ad malum. Mundus est vnum animal, in quo partes, quāuis loco distantes, tamē propter naturam vnā inuicem ad se feruntur. Atqui vis ipsa conciliatrix mūdi, & causa communis omniū mistionis, trahit quidem partes ad se inuicem
suapte

suapte natura. potest ejusmodi tractus & appetitus arte quadam præter ordinē augeri. Vis quidē ipsa concilians infusa cunctis bona est, & causa ubiq; implexionis, communionis, harmoniæ, amoris mutui, unionisq; mundanæ, quæ sunt, fiuntq; imperio continētis: in partibus autē propter earum distantiam, & inuicem, & à totis, atq; ob naturā debilem & egenam, compassione mutuum congressum conficit, unde acrior appetitus plurimus est ingenuus. Ars itaque deprehendens hanc vim coaguli passim in natura dispersam, contrahit eam vndiq; colligitq; simul, derivatq; in vnum. Atq; ita appetitum necessariæ unionis naturaliter moderatū, red- dicit suis machinis effrænātū, dum & materiam admovent genituræ præcipuè conferentem, & vires vndique naturales inter se differentes, cōmiscet in vnum: quarum commistione pro arbitrio regit, & conficit congressus ad geniturā. Proinde, quum sint in herbis, atq; lapidibus vires, & dissolutiæ, & rursus congregatiæ, sintq; multò majores in rebus, naturisq; majoribus, potest utiq; ad coitum nixus intendi ejusmodi rebus adhibitis, atque ab his ipsis sine artis opera amor accendi, tractusq; fieri. Cōpertū habemus dæmones impro-

improbos, in generatione, rebusq; terrenis, humanisq; posse quamplurimum. Ideoq; nihil mirū videri debet, ardorē ad illicitū coitū in nobis frequēter ab eis accēdi. possunt & ad idē conferre vires quædam animæ, tum in hoc corpore viuentis, habentisq; vim mirabilem attrahendi, tū etiam hinc absolutæ, sed adhuc in spiritu turbido, humidoq; inuolutæ, & hoc circa loca generationis adhuc oberrātis, ideoq; talia committentis. Nemo itaq; vel deos, vel dæmones eorū pedissequos amoris, & coitus non legitimi causas esse dicat, sed vel naturales instinctus apud nos deprauatos, vel veneficā insuper artē, vel malos dæmones, vel animas nondum puras.

De Sacrificijs vnde vim habeant, & quid conferant.

QUæritur qua ratione sacrificia & superis cōueniant, & hominibus cōferant, & in mundo quid agant. Porphyrius ait, non solū Prophetas, sed hypophetas, id est omnes sacerdotes, qui vaticinium tradunt ab aliis acceptum, debere animalibus abstinere, ne dii vaporibus illinc exhalantibus contaminentur. huic verò sententiæ contrarium est commune dictum, deos videlicet animalium nidoribus maximè

mè demulceri velut esca, capique. Iamblichus vtrunq; damnat, scilicet deos nidoribus carniū vel infici, vel irretiri, atq; infescari. Anima mundi, cælestesque ex eo, quòd corporibus suis adsint, neq; passionibus inde suscipiunt, neq; ab intelligentiis distrahūtur: animæ verò particulares patiuntur vtrinq;. aberraret verò nimium, qui defectus similes animabus superioribus attribueret. non enim est vniuersaliū, atq; particulariū, vel principiorū, atq; effectuiū æqua conditio. Vesci quidem corporibus quondam conjunctis animæ onus procul dubio, inquinamentumq; nobis infert, & procliuatatem animæ, per quam voluptatibus lique scat, atq; succumbat, multosq; alios in anima morbos procreat, sed vapor exhalans ab animalibus, & suffumigatio sacra ritè peracta diis, mundanisq; & vniuersalibus causis nihil officit. Non enim ipsa cōtinet, ordinatq; superos ad se ipsam, sed cōtinetur ab eis, atq; ad vniuersum coordinatur pariter, atq; deos: ideoq; ita potest illorū imperio superis coaptari, harmoniceq; congruere. abstinent igitur animalibus religiosi: non tamen quia dii vaporibus animalium fœdari possint. potestas nanq; deorum, prius quàm materiale aliquid eam attingat, ipsa quoque
 fine

sine tactu discutit, nec solū hæc absq; propinquitate sua corporalia, prius quàm sibi propinquent disperdit, & delet, sed nec ipsa cælestia corpora materiale aliquid elementū in se suscipiūt, nec peregrinum aliquid intromittunt, nec amittunt proprium, quinetiam vapores terrenorū vix ad quinque stadia progressi refluunt, nec immateriale, volubileq; corpus inficiunt, aut alunt. Quod nullam in se potentiam ad mutationem habet, nec in se, neq; sibi contrarium habet quicquā, neq; fertur à medio vel ad medium, sed vel quiescere debet, vel reuolui. corpora igitur infra Lunam, quū sint ex discrepātibus potentiis, motibusq; composita, & transmutabilia sint, omnino & sursum, deorsumve ferantur, nihil habent commune cum cælo, nec naturam, nec potestatem, nec actionem: nec ergo vapor ex eis, nec aliud attingit cælum ab eis omnino secretum, & merito ingenita permutationē ex generabilibus nullam capiunt. Nunquid ergo natura deorum à vaporibus ejusmodi fœdari potest, quæ vapores materiales, vno (ut ita dicam) ictu propulsat? Talia ergo non superis noxia sunt, sed nobis. hæc enim diuidua, materialiaq;, & cognata nobis, aliquid erga similia commune habent in:
passio

passione, vel actione, sed aduersus celestia, diuināq; in alio genere essentia posita, diuersisq; naturis, viribusq; prædita, & excedentia prorsus, agere quicquam, & communicare non possunt.

Quæ ratio sacrificiorum, quæ utilitas.

POrphyrius offerri sacrificia diis hac ratione putat, vt eos veneremur ejusmodi donis, vt majores sæpe solemus: atq; etiam, vt pro bonis acceptis diuinitus ita gratiā referamus, pro bonis bona red-dentes. Iamblichus causam ejusmodi ductam inquit ex communi hominū ad homines consuetudine, neq; conuenire naturæ deorum mores humanos supra modum exuperanti. Maximam verò sacrificiorum efficaciam tales modi, declarationesq; sacrificiorum non omnino demonstrant, efficaciam inquā, sine qua non liberamur à peste, fame, penuria, nec impetramus oportunos imbres, immo & per quā purificationē quoq; , perfectionemq; consequimur animorū, & ab hac generationis prouincia libertatem. Itaq; aliquis ex assignatione tua nō multum approbat hos modos, quasi tu dignā causam ad effectus eorum assignaueris. Ac si fortè probauerit, accipiet profectò secundo eos
h loco

loco quasi consequentes, & modo secun-
dario coaptatos, primis, antiquissimisq;
operū ejusmodi causis. desideramus itaq;
rationem, ob quam sacrificia efficaciam
ad res efficiendas habeant, & vnde co-
aptentur diis præcipuis eorum, quæ sunt,
causis, atq; principiis. Dicet aliquis, quia
mundus sit animal vnum, habeatq; vnā,
eandemq; vbiq; vitam, ideo communione
ipsam viriū cōsimilium, vel etiam distan-
tiam dissimilium, aut certè aptitudinem
quandam agentis ad patiens commouere
similia, aptaq; eodem modo, dum videli-
cet discurret secundum cōpassionē vnā
etiam à remotissimo ad remotissimum,
tanquam hæc quoq; sint proxima. Nam
inter hæc quoq; ipsa vitæ communio est
æqualis assignatio ejusmodi, verum qui-
dem dicit, & quod ad sacrificia necessariò
sequitur, non tamen verus sacrificiorum
modus ita monstratur. Ipsa nanque deo-
rum essentia, nec in natura, nec in necessi-
tatibus naturalibus posita est, ob quam
obligationem ex passionibus naturalibus
coëxciteretur, vel per totam naturam exten-
sis potentiis commoueatur. sed extra hæc
secundum seipsam determinata est, nul-
lum ad hæc cōmune habēs vel in essentia,
vel potētia, vel actione simul & passione.

addunt.

addunt ad superiorē assignationem aliqui
quandā in rebus inferioribus congruen-
tiam superis. Ideoq; ad sacrificiorū effica-
ciam conferentiam, velut in Crocodilo
hexagonarius numerus cum sole cōgruat,
in Cane rursū, & Cynocephalo ratio-
nes physicæ quædam, & vires rationes
communes sint ad Lunam: itemq; in aliis
materiales quædam species, sicut in sacris
animalibus, colores, figuræ, formæ, cui piā
conueniant superiorum, vel membrorum
aliquod animalis, vt cor galli, & alia quæ-
dam similiter naturalia sacrificiis adhibi-
ta operum sint causæ mirabilium. Ex su-
periori causarū assignatione, non assigna-
tur causa diuina, quæ supernaturalis est
omnino: nec naturalibus motibus cōmo-
uetur, sed assignatur naturalis quædā po-
tentia in materia, & corporibus compre-
hensa, ideoq; corporeis motibus, rebusq;
materialibus cōexcitatur, rursūq; seda-
tur, naturaliter inquā, atq; hæc simul, quæ
sunt circa naturam. Siquid verò tale ad sa-
crificia cōsequitur, id quidem præceden-
tibus causis coaptatur, velut cōcausa, sine
qua non eueniat opus. Præstat itaq; dice-
re mirificos sacrificiorū effectus, tanquam
à causa procedere ab amicitia quadam, &
accōmodatione, & habitudine concilian-

h 2 te

te opifices ad opificia: & genitores ad genita. Quando igitur præcedente, atq; ducente hoc communi principio accipimus aliquod animal, vel aliter animatum, natumque è terra, quod effectoris voluntatè propositumq; syncerè, & exactè conseruet, tunc per tale quiddam propriè mouemus causam opificiã huic immistæ præfectam. quũ verò multæ sint causæ tales, & aliæ quidẽ absq; medio familiariter præsent, sicut dæmonia, aliæ verò his superiores sint ordinatæ, sicut diuinæ per ordinem causæ, atq; his omnibus vna quædã antiquissima præsit causa, certè in sacrificio perfecto, omnes per ordinẽ causæ cõmouentur. Secũdũ verò ordinẽ, quem vnaquæq; sortita sunt, cognata quadam conditione sacrificio familiariter accommodantur, & (vt ita dicam) appropriantur. Sinautem sacrificiũ sit imperfectum, vsq; ad aliquẽ gradũ ascendit, sed non transcendit vlteriũ, vnde multi existimant sacrificia fieri dæmonibus bonis: multi & potētis deorũ vltimis: alij mūdānis, vel terrenis dæmonum potestatibus, vel deorũ partem quidẽ re vera sacrificiorum explicantes, ignorantes tamen totam eorum potentiam, omniaq; bona ad omne diuinum se penitus dilatātia: nos autẽ omnia
admit

admittimus, simulatq; comprehendimus naturalia quidē, & quæ tanquam in vno animali secūdum aptitudinem, vel cōpassionem, vel repassionem inuicē commouentur, accipimus, velut simpliciter subiecta, & consequentia seruientiaq; causę efficaciz in sacrificiis apparentis. Dæmonia verò, diuinasq; circa terram, mundumq; potentias acceptamus, tãquam proximos ordini nostro præfectos. potissimas verò efficaciam sacrificiorum causa competere iudicamus perfectissimis, opificiisq; potestatibus. Quoniam verò summæ illæ opificiæ potestates in se omnes ordine causas complectuntur, ideo vnà cum his commoueri simul vno quodam ictu cunctas efficientes causas arbitramur. Quoniam in sacrificio perfecto commouentur vnà cū causis summis, opificiisq; causæ ordine consequentes, tunc ex cunctis cōmunis vtilitas prouenit in generationem totam: aliquando quidem per ciuitates, populósque, gentésque omnigenas, vel maiores his, vel minores circumscriptiones: aliquando verò per domos vel hominem vnumquemque bona contingunt, abundè benefica voluntate superis largientibus, non passione distributionem suam exhibentibus, sed impassibili

sibili mente judicantibus esse dandum secundum proprietatem, familiaritatemq; atq; cognationem: vna quadam interim amicitia, quæ continet omnia, hanc colligationem per ineffabilem cõmunionem quandam conficiente. Hæc utiq; veriora sunt, magisq; deorum essentiam, potentiamq; participant, quàm quæ tu suspicaris, scilicet nidoribus animalium in sacrificio superos potissimum inescari. Si quo enim corpore dæmones inuoluuntur, quod quidã sacrificiis nutriti putant, illud certè immutabile est, & impassibile, lucidumq; nec indigum, adeò vt nihil effluat inde, nihilq; necessarium sit influere. Atqui etsi fortè fuerit necessarium, quidnã necesse est per sacrificia id influere, quũ mundus, & aer in ipso indeficientem ex terrenis exhalationem habeat vndiq; circumfusam? Iam verò si corpora dæmonum effluant, sacrificia tamen non æqua portione restituent, nec quantitatem inter excessum defectumq; dæmonibus naturalem, proportionemq; similẽ conseruabunt: deniq; quũ mudi faber animalibus omnibus terrenis atq; marinis abundans, paratũque tribuerit nutrimentum. nunquid superiores homine nutrimento deseruit? & quũ viuentibus aliis statuerit alimenta quotidiana

diana eorundē opera copiosè parari, cur
dæmonibus solis aduentitium voluit ali-
mentum ab hominibus adhiberi? Atqui, si
fortè nos nutritionem ejusmodi negligamus,
exuritura sunt, & peritura corpora
superorum. Proinde si nos dæmones nutri-
remus, etiam generaremus eos, & superio-
res essemus. contra verò se res habet.
nam ipsi nos nutriunt, & superiora passim
inferiora, sic cælestia terrestria nutriunt.
Anima quidem ab intellectu perficitur,
atq; alicur, perficitq; naturā. præterea ob-
latio sacrificiorum per ignem materiam
cōsumit, eamq; sibi prorsus assimilatur, non
se materiæ præstat similem, reducitq; ad
diuinum, atq; cælestem, immaterialemq;
ignem, nec vllō modo deorsum ad mate-
riam, generationemq; declinat. Si enim
exhalationem vaporum à sacrificiis fore
oporteret, nutrimentum materiale oportebat
& materiam integrā remanere. Sic enim
abundantior illinc accepturis proveniret
influxus: nunc verò materia tota comburitur,
atque consumitur, & in ipsam ignis
puritatem, subtilitatemq; penitus permutatur.
quod quidem contrarium ejus, quod dicebas
ipse, significat. Superi nāq; sunt passionis
expertes, quandoquidē placet eis per ignem
discuti ma-
h 4 teriam

teriam, atq; consumi, nosq; reddunt à passionibus alienos : & quæcunq; sunt in nobis, diis similia faciunt : quemadmodum ignis dura omnia, & opaca, corporibus subtilibus, lucidisq; similia reddit, nosq; sursum eleuat per sacrificia, eorumq; ad ignem consumptionē ad deorum ignem, sicut & ignis ad ignem eleuat, reducitq; graua simul & dura ad diuina sursum, atq; caelestia. Vehiculum corporale dæmonibus subministrans, neque à materia, neq; ab elementis, neq; ab aliquo corpore noto nobis existit. Non potest igitur ab elementalī essentia tanquam alienissima fieri dæmonibus nutrimentum. sed quemadmodum dii igne fulmineo materiam diuidunt, ac separāt à materia, quæcunque sunt immaterialia quidē per essentiam, sed alligata materiæ, atq; ex passibilibus impassibilia reddunt : sic & noster ignis, actionē diuini ignis imitans, quicquid materiale reperit, in sacrificio destruit, & admota purificat, & à vinculis materiæ soluit, ac propter naturæ puritatem ad deorum communionem idonea facit. Atq; nos eodem pacto à vinculis generationis absoluit, diisq; assimilāt, & facit ad deorū amicitia aptos, nostramq; naturā materialem, ad immaterialem attol-
lit

lit naturam. Hæc quidem cōmunis sacrificiorum ratio satis, vt arbitror, facit ingeniosis, potentibus ex norma communi, unicuiq; sacrificio propria sagaciter indagare. veruntamen tardioribus quoq; ingeniis indulgentes, propria quædā his addemus, clariora in medium adducentes. principium verò ad hæc omnium optimū est, quod contextum sacrificiorum declarat, deorum ordini consequenter annexum. Deos alios quidē materiales, alios immateriales ponimus. Materiales, qui materiā in se comprehendunt, atq; exornant: Imateriales autem omnino, qui à materia penitus segregati sunt. secundū igitur sacerdotiam artem incipere sacrificia decet à diis materialibus: nō enim aliter ad immateriales deos patet ascēsus. hi igitur cōmunionem quandā ad materiam habent, quatenus ei præsident, atq; incubāt. iidem quoq; quæ fiunt circa materiam dominātur, vt diuisioni, percussioni reperiēti, mutationi, generationi, corruptioni, corporibus materialib⁹ omnibus. Si quis igitur hos ritè vult colere, nimirum pro natura eorū, atq; principatu cultum adhibere debet, materialibus inquā materialē: sic enim ad eos toros, per tota nos toti in familiaritatē propriam perducemur, cognatio

h s tio

tionemq; ipsis in cultu congruam adhibebimus. Corpora igitur vita priuata, & animalium cades destructu corporum, mutatioq; multiformis, atque corruptio, & omnino projectio materiæ præcedētis materialibus diis congruit, non quidem ipsis propter seipfos, sed propter materiam, cui præfunt. Etsi enim ab hac maximè separati sint, simul tamen huic adsunt: ac si materiam in potestate immateriali cōtinent, attamen vnà cum hac existunt. Iam verò gubernata gubernatoribus non sunt aliena: similiter exornatoribus exornata.

Quinetiam vrentibus, quæ subministrāt, tanquam instrumenta, facile proportionibus coaptātur. quapropter immaterialib⁹ quidem diis, materiā in sacrificiis adhibere est alienum: materialibus autem omnibus est admodum consentaneum. Operæpretium est ad hæc insuper geminum vitæ nostræ habitum cogitare. Aliquando quidem animus toti nos efficimur positi extra corpus, & eleuati mente, vnà cum totis immaterialibus diis per sublimia nos attollimus: aliquando verò terreno corpore colligamur, sumusq; corporei, materia videlicet cōprehenfi. Similiter duplex erit cultus diuini ratio, vna quidē erit simplex incorporea ab omni generatione synce-
ra,

ra, synceris competens animalibus: altera verò plena corporibus, & actione prorsus materiali cōueniens animalibus nondum puris, necdum ab omni generatione purgatis. Sacrificiorum ergo species duæ sunt, purissima quidem sacrificia hominum sunt summopere purgatorum. quod quidem rarò conuenit vni, vel admodum paucissimis, vt inquit Heracitus. sacrificia verò materialia, & quæ in mutatione versantur, animalibus adhuc occupatis corpore competunt. ciuitatibus ergo nōdū purgatis genitali sorte, contubernioq; corporeo nisi eiusmodi sacrificia dederis, ab vtrisq; pariter aberrabis ab immaterialibus simul atque materialibus bonis. Illa quidem nō possunt accipere, his autē proprium, consentaneumq; nō offerunt. Accedit ad hæc quòd vnusquisq; qua ratione est, non qua non est, agere debet essentiae curam. Non oportet igitur hanc præuari-carī propriam colentis mensurā, atq; naturā. complexione quoq; propriè coaptatam inter curātes homines, potentiasq; curatas electurā iudico conuenientē sibi culture modum. Nā complexio eiusmodi immaterialiter tēperata immaterialē eligit, quatenus ipsa videlicet potentiis purè incorporeis ad ipsa purè incorporea copulatur.

latur. Complexio illiusmodi corporaliter coaptata corporibus, eligit culturam similem ad assentias corporibus præfidentes. Sæpe pro necessario corporis usu vouemus, operamurq; aliquid erga deos gubernatores corporis, daemonesq; bonos, dum videlicet studemus purgare corpus à maculis quibusdam, sordibusq; veteribus, vel morbis absoluerè, sanitatēq; adhibere, vel grauedinē torporemq; remouere, & leuitatē, efficaciamq; adhibere, vel aliud quiddam bonū corpori comparare. Tunc igitur nō intellectuāli quadā, & incorporea ratione, corp^o rite tractabimus. Non enim ita natum est, vt his modis curari queat, sed quū cognata sibi nanciscitur, tūc corporibus curatur corpus, atque purgatur. erit igitur & sacrificiū ritus ad usum eiusmodi necessariū corporalis, atque ita superflua corporis expurgabit, supplebitq; pro necessitate, quæ desunt, & quæcunq; distributā sunt, ad proportionem, ordinemq; reducet. Sacrificamus sæpe poscentes à superis aliqua ad vitam humanam accommodata, scilicet, quæ vel vitui necessaria sunt, vel ad illa pertinent, quæ gratia corporis affectamus. Quidnā tunc continget nobis à diis ipsis, qui ab omni humana generatione sunt penit⁹ segregati

gregati, quod ad penuriam, sterilitatē mve fugādam, vel copiam adducendam nobis cōferat, vel ad alia necessaria vitæ conducat? Nihil sanè. Qui enim sunt ab omnibus absoluti, ejusmodi dona non tractant. Si quis verò dicat deos illos immateriales omnino immateriales in se comprehendere deos, horumq; dona secūdum vnam causam primam in se cōplecti, dicet utiq; copiam quandam ita diuini muneris illinc inferiūs descendentem. Verūm quòd illi hęc tractātes proximè humanā vitā actionesq; peragant, nulli dicere cōcedendum est. Ejusmodi enim rerum, quæ hīc sunt, dispensatio diuisa est, atq; particularis, & cū quadā ad hęc cōuersione peragitur: neque omnino est à corporibus segregata, neq; purā, synceramq; gubernationē, præfecturamq; admittere potest. Modus igitur sacrificandi pro rebus ejusmodi congruus est, qui cū corporibus habet, & generatione commercium, non qui est à materia, & corpore penitus separatus. Qui enim purus est, omnino talia supergreditur, neq; ad hæc proportionē habet. Qui verò corporibus, horūq; viribus utitur, est rebus ejusmodi omniū cognatissimus, potēs prospera quædam vitæ suppeditare, & aduersa nobis imminētia deuitare, ac
tempe

temperiem cōparare humano generi moderatā. Plurima hominum turba naturæ subicitur vniuersali, eaq; viribus naturalibus gubernatur, atq; inferiùs ad naturæ opera vergit, completq; dispensationē facti, & fatalium operum suscipit ordinē, rationemq; practicam circa naturalia solūm exercet. Paucissimis supernaturali mentis potentia freti à natura discedunt, atque ad separatū, immistumq; se conferunt intellectum, vnde naturalibus potentiis superiores euadant. Nonnulli verò medium tenēt inter purum intellectum, atq; naturā: & horum alij quidem vicissim sequuntur vtrunq;, alij mistam ex illis vtriusq; vitam agunt, alij soluuntur quidem à deterioribus, & ad potiora se transferunt. Qui ergo natura gubernantur vniuersali; & ipsi vitam degunt naturæ proprię mancipatam, potentiisq; naturæ fruuntur, cultum exercebunt naturę conuenientē, corporibusq; natura motis congruum, eligentes ad hoc loca, qualitates, aëris materiam, materiæ vires, corpora, corporum qualitates, & habitus, motus conuenientes, mutationesq; eorum quę in generatione versantur, atq; similia tum in cæteris cultus diuini partibus, tum in ritu sacrificandi. Qui verò sola mente viuunt, vinculis naturæ soluti, intellectu

intellectualem, corporumq; expertem culturae normam in omni religionis parte meditabuntur. Qui mediam vitam degunt in tot intellectum, atq; naturam, mediam quoq; sequentur religionem, atq; pro vitae mediae differentiis differentes sectabuntur colendi per media modos. Aut enim tractabunt utrumq; vicissim, aut ab altero ad alterum declinabunt: aut deteriora tangent, ut per ea consequantur & potiora, existimantes non aliter sublimiora se consequi posse. In genere essentiarum, potestatumq; divinarum, aliae quidem subjectam sibi animam habent, atq; naturam, subministrantem videlicet eorum opificiis, quatenus ipsae volunt: aliae vero ab anima, & natura sunt penitus separatae, non inquam ab anima tantum mundana prorsus, atq; genitali, verum etiam ab anima divina, ejusq; natura. Aliae deniq; medium tenent, communionemq; inter extrema conciliant, vel secundum unum indissolubile vinculum, vel secundum exuberantem majorum traditionem, vel secundum minorum susceptionem non impeditam, vel secundum colligatam amborum consensionem. Quando deos colimus animae, naturaeq; dominantes, non alienum est, & naturales his vires offerre, & corpora, quae natura reguntur, diis ejusmodi consec

consecrare. omnia enim naturæ opera & obtemperant eis, & ad deorū dispensationem aliquid conferunt. Sed quando deos longè secretos, & in sua vnitate collectos cupimus venerari, honoribus à materia penitus absolutis eos venerari debemus: intellectualia enim his dona debentur, incorporea vita, virtus perfecta, sapientia cōsummata, eorumq; officia. Mediis autē diis, mediiorūq; bonorū ducibus, sicut diximus, media competunt. Ab alio igitur principio exordientes, scilicet à mundo, diis mundanis, distributione, quatuor in mundo elementorum à cōmuni sortitione secundū mensuras elementorum facta, à circūferentia circa centra in ordine reuoluta, ad veritatē sacrificiorū facilem habemus accessum. Si enim nos in mūdo sumus, & vt partes continemur in eo, primumq; generamur ab eo, atq; à totis potentiis ejus perficimur, & ex quatuor ejus cōponimur elementis, ac portionē quandam vitæ, naturæq; ab eo nacti tenemus, profectò non debemus in cultu diuino mūdum, mundanosq; ordines prætermittere. Ponamus igitur circa quamlibet mundi partē esse quidem corpus aliquod, vt videmus, inesse præterea vires corporibus incorporeas ordine distributas, sacro

crorum itaq; lex similia similibus ritè distribuit, & à summis ad ima per media tota progreditur, corpora quidem corporeis adhibēs, incorporeis incorporea, propria videlicet unicuiq; reddens. Veruntamen si quis religiosus supermundanum numen assequitur, rarissimè verò id accidit, hic utiq; solus seorsum à corporibus & materia positus nimirum, & talem prosequitur cultum, supermundana potentia, diis supermundanis vnitus. Quod autem vni vix tandē in sacerdotij fine contingit, non expedit pro communi lege omnibus & in principio, & in medio religionis statuere. hi nanq; corporeum quocunq; modo cultum agunt. Quilibet igitur peritus in sacerdotio, cōfitebitur, oportere cultum superis, nec ex parte, nec imperfectū, sed cōuenientem, & integrum adhibere. Quoniam igitur antè quàm adsint dii, descendantq; ad terram, omnes præsубjacentes illis potentiae mouentur, & ut præcursores, ponipræq; præcedūt nimirum, qui non distribuit omnibus, quod cuiq; congruit, nec vnumquenq; proprio quodam honore prosequitur, ipsam deorum præsentiam non assequitur. Qui verò omnia numina sibi propitia reddit, grata offerens unicuique, donaque simillima, hunc sanè non
i frust

frustratur euentus. sed diuinum chorū integra, plenaq; praesentia suscipit. Quū igitur haec ita se habeant, non oportet ritum religionis esse simplicē, ex paucisq; compositum, sed multiformē, & ex omni harmonia constantem, ex cunctis ubiq; mundanis (vt diximus) constitutum. Si enim simplex aliquid, & vnius duntaxat ordinis esset, id ipsum, quod in sacerdotio aduocatur, & ad nos mouetur, simplex vtriq; modus sacrificandi sufficeret. At verò nullis notum est, quāta virium multitudo suscitari solet, quando descendunt dii, atque mouentur, nisi sacerdotibus illis, qui opere ipso id experti iam fuerint. Soli igitur hi cognoscunt, quā potissimū sit perfecta plenitudo colendi, & quā paucis praetermissis, quantum nos frustretur euentus. Quemadmodū in harmonia si vna chorda frangatur, tota subito dissonat, sic vno praetermisso numine, sine ritu communis, ipsa religio finem non habet optatū, dum hoc vno deficiente, sacrum opus structuram suā integritatemq; nō habet. Quādo diuinae potestates palām ad sensum descendunt, manifestum nobis prouenit damnum, si quē ex superis praetermittimus non honoratum. Similiter quando clam veniunt in opere sacro, periculosum est, si
huc.

hunc quidē honores, aliū verò pro sua dignitate, & ordine nō honores. Qui enim aliquē proprio fraudat honore, totū confundit religionis opus, dum vnā, totamq; dispositionem dissipat. neq; ut aliquis putaret, tunc opus suscipiēdi tantū est imperfectū, sed totius structura perit. Quid verò? nōne ipsa sanctimonix summitas, ad summum ipsum totius numinū multitudinis principiū, vnumq; recurrit, atq; in eo diuinas omnes simul essentias dominationesq; colit? Proculdubio. Verū ejusmodi summitas serò admodum aduenit, & quā paucissimis: atq; optimè nobiscū agi putandum est, si talibus in vitæ calce contigerit. Disputatio verò præsens non ejusmodi viro leges ponit, hic enim est lege superior, sed lege aliqua indigentibus, has sacrorū leges in præsentia sancit: numinū multitudo est, quasi mundus aliquis, habēs multos ordines in vnum ordinem conspirātes. Similiter sacrificia debent habere numerorum ordinē pariter in vnum ordinē conspirantem, ita ut singuli numinibus ritè respondeāt. Similiter quæ circa nos sunt, & in nobis multiplicia sunt, neq; debent ex aliqua parte tantū, sed ex cunctis cōgruē diuinis nostrarum rerum causis respondere, atq; ita ad supremos ascen-

dere duces. Religiosa igitur obseruantia circa nos & in nobis agit varia. Aut enim quasi propagando perficit, aut amputat, aut emundat, aut expertia ordinis ordinat, aut segregat longius ab errore mortali. Cuncta deniq; totis supernis familiaritate cōciliat. Atqui quādo vtrinq; congregiuntur in vnum, illinc quidem diuinæ causæ, hinc autē ex æquo præparaciones humanæ, tunc absoluta religio peragit omnia, & ingenita ex sacrificiis bona reportat. Profectò exuberantia potestatis in causis vniuersi summis, id habet, vt quēadmodū in cæteris inferiora superat, ita & in hoc admodū superet, videlicet in ipsa præsentia amplitudine, vt maximæ omniū causæ, maximè omniū omnibus sint præsentēs, adeò vt eadē ipsa causæ vniuscuiusq; potestas seorsum ab impedimēto vbiq; tota, semperq; sit præsens. hac igitur ratione ipsa omniū prima vltimis quoq; subrutilant, immaterialiaq; principia immaterialiter materialibus adsunt. Nemo miretur, si quā materiā esse dicimus purā, atq; diuinā. nā ipsa quoq; materia, quū ab opifice, patreq; omniū facta sit, meritò perfectionē sui quādam acquisisse potest aptam ad deos suscipiendos. Quinetiā nihil prohibet superiora lumen suum ad inferiora diffund

diffundere: neq; igitur materiam permit-
tunt expertem fore superiorum. Quapro-
pter quātumcunq; materiæ perfectum, &
purum est, atq; deiforme, ad deorū susce-
ptionem non est ineptū. Nam quū opor-
tuerit etiam terrena nullo modo diuinæ
communione expertia fore, ipsa quoque
terra diuinam quandam portionem in se
sortemve suscepit ad capiēdos deos suffi-
cientem. Hæc igitur factorum sapientia
contemplata, atq; ita secundum cōgruen-
tiam, cōpetentia unicuiq; deorum susce-
ptacula diligēter inueniens, sæpe compo-
nit in vnū lapides, herbas, animalia, aro-
mata, aliaq; similia, sacra, & perfectā, &
deiformia: atque subinde ab his omnibus
susceptaculū purū, integrumq; fabricat.
Neq; enim fas est omnē materiā detesta-
ri, sed solam, quæ à diis fuerit aliena. Pro-
priam verò ad illos decet eligere, utpote
quæ cōsentire possit, atq; conferre ad deo-
rum edificia, statuarum fundamenta, sacri-
ficiorum opera. Neq; enim aliter terrenis
locis, & hominibus hīc habitantibus pos-
sessio, portiove vlla ex diuinis contingere
potest, nisi tale quiddam prius jactum
fuerit fundamentum. Arcanis sermoni-
bus credendum est testātibus ex deis per
beata spectacula quādam traditam fuisse

materiam. hæc igitur illis ipsis tradēti est cognata. Talis ergo materiæ sacrificium deos excitat, vt se demonstrent, atque ad comprehensionem eos protinus aduocat, & præsentēs capit, & perfectè demōstrat. Eadem aliquis perdiscere potest etiam ab ipsa, quæ secundum loca distributio diuinitus est effecta, atque ab ipsa præfectura, quæ per res singulas est diuisa: quæcunq; secundum diuersos ordines, siue maiores, siue minores, passim sortes ejusmodi nacta fuit. Constat enim deis locorum quorundam rectoribus, sacrificium ex eisdem rebus, quæ nascuntur ibidem, fore admodum consentaneū, & gubernatoribus gubernata, & quæ ad ea pertinent, placitura. effectoribus & grata semper sunt opera sua potissimum: & qui primò aliqua procreant, talia rursus habent in primis accepta. siue igitur animalia quædā, siue plātæ, siue alia, quæ visa superis dispensantur, simul & præfecturā sub eis nacta sunt, & cōmunionem nobis conciliant cum superis indiuiduā. Horum ergo nonnulla, quatenus conseruantur, atq; tenentur, augent, tenentium ad deos familiarem proprietatem, quorūcunq; videlicet ex eo, quòd integra maneant, vim cōmunionis inter homines, deosq; conseruāt. Talia sunt quædam

dam apud Ægyptios animalia, & vbiq;
sacer homo. quædam verò mactata, com-
bustaq; familiaritatem efficiunt clariorem,
quotcunq; videlicet resolutionem in pri-
morum elementorū principium, efficiunt
cognatiorem causis superiorum, atq; pro-
ritu sacrationem. Vbiq; enim quo magis
proprietas, familiaritasque perficitur, eo
perfectiora bona ad nos inde descendunt.
Neq; sunt hæc hominum duntaxat inuen-
ta, nec humanis moribus auctoritatē na-
cta sunt, sed deus ipse ritè inter sacra voca-
tus auctor est ejusmodi legum, circa quæ
dij, angeliq; permulti versantur, sub quo
per quilibet in terra gentes, numen ali-
quod sortitū est præfecturā, cōmunemq;
prouinciam: proprium quoq; inde tribu-
tum est templo vnicuiq; numen. Item sa-
crorum, quæ operamur ad deos, deus ali-
quis spectator est, atque gubernator: quæ
ad angelos, angelus: quæ ad dæmones,
dæmon: atque in aliis eodem pacto secun-
dum proprium genus perfectus cognatā
sortitus est præfecturam. Quoniam igitur
sub numinib⁹ speculatoribus, auctori-
busq; sacrorū sacrificia pertractamus, ve-
reri debemus diuinæ sanctimonix leges,
sacrificiaq; legitima, & propterea in his
sperare, quod sub numinū, deorumq; prin-
cipatu

cipatu sacrificamus:& interea cauere sum-
mopere, nequid vel indignū superis offe-
ramus, vel alienum. Deniq; summam id
admonemus, vt singula, quæ in nobis, &
circa nos sunt, circunspiciamus diligēter,
& quæ in mundo: item deos, angelos, dæ-
mones, gentibus distributos. Et hac vni-
cuiq; ratione amicū sacrificiū simili-
ter offeramus. hac enim ratione duntaxat
digna vnoquoque numine sanctimonia,
religioq; seruatur. Votum, siue adoratio,
& oratio omne sacrificiorum opus perfici-
cit, & in primis ad totam confert religio-
nem, & sacrā, indissolubilemq; animabus
ad deos constat cōmunionem. Hujus ve-
rò tres sunt species: Prima cōgregat, atq;
contactum, notitiāq; nobis ad diuinita-
tem præstat: Secunda, communionem ad
diuinum deuincit consentientē, atq; dona
nobis prouocat diuinitus quoq; demissa,
etiā antè quàm loquamur, intelligamusq;
omne nostrum opus perficientia: Tertia
conficit ineffabilem vnitatem, atq; in diis
auctoritatem totā collocat, animāq; no-
stram in eis perfectè ponit, atq; cōfirmat.
Iam verò in tribus his terminis, quibus
diuina omnia mēsurantur, amicitiam no-
bis ad deos harmoniæ constat, sacramq;
à diis vtilitatem triplicē nobis affert. Vna
quidem

quidem ad illustrationem pertinet, alia ad communem operum executionē, alia ad perfectam ex igne diuino plenitudinem. Item adoratio, ejusq; virtus aliquando sacrificia ipsa præcedit, aliquando mediis inseritur sacrificiis, aliquando finem complet sacrificandi. Opus verò in sacris nullum absq; adorationis supplicationibus efficitur vnquam. Adoratio deniq; diutissime frequentata nostrum nutrit & perficit intellectum: animam ad suscipienda diuina admodum efficit ampliorē, diuina hominibus patefacit: ad splēdore diuini luminis capiendos assuefacit: paulatim perficit, quæ nobis insunt ad numina contingenda, quousq; ad summum nos vsq; perducatur. Atqui & mores nostræ cogitationis humanos retrahit paulatim, moresq; diuinos infert, persuasionē quoq; & communionem, & amicitiam procreat procul ab intermissione perpetuā: diuinum rursus amorem auget, quódve in anima diuinum est, accendit, & eleuat, expurgat quicquid animo est contrarium, & aduersum: atq; ab ipso spiritu ætherio, splendidoq; , qui est animæ circumfusus excutit, quātumcunq; vergit ad genituram. spem quinetiam præstat bonam, & fidem perficit circa lumen. Deniq; (vt summatim dicam)

i s cam)

cam) homines frequenter orantes, adorationis virtus familiares deorum collocutores efficit, atq; discipulos. Quum adoratio talis sit, talemq; connexionem cum sacrificiis habeat, patet sacrificiorum finem opificij contactus esse participem. Quandoquidem per opera diis accommodatur. Itaq; & bonum ipsius tantum est, quantum à causis opificiis mittitur ad genus humanum, atq; inde rursus apparet virtus adorationis reductiua, perfectiua, impletiua, & qua ratione sit efficax, & vnionis effectrix, atq; à diis commune vinculum habeat: & quomodo adoratio, sacrificiumq; mutuo se confirment, potentiamq; inuicem conferant admirabiles religionis effectus. hinc rursus apparet sacerdotiam disciplinam, operationemq; habere in partibus suis conspirationem non minorem, quam in membris habeat. animal neque posse partem ejus aliquam absque cunctis suum opus absolueret.

De sacrificijs animalium.

Porphyrus ambigit, quare oporteat lege sacrorum, eum, qui diuina sit inspecturus, exanime corpus eo tempore non attingere: veruntamen per corpora animalium mortuorum sæpius diuinorum inuocationes, consecutionesq; peragantur.

Iamb

Iamblichus ita soluit. vates jubēt diuinorum spectatorem exanime corpus, quod sacratum non fuerit, non attingere: permittunt verò, quod consecratur, attingere. Præterea vetant humana corpora, quæ jam deseruit anima, ne intuitu quidē tangere. Vitæ nanq; diuinæ vestigium quoddam vel simulacrum, vel demonstratio in corpore per mortem extinguitur: cæterorum verò animalium corpora mortua tangere religio nulla vetat, quoniam nec in vita diuiniore communicauerunt. Præterea, quatenus ad immateriales deos cōsurgimus, expedit tale corpus non attigisse: quatenus verò ad materiales studemus accedere, tangere frequenter expedit, nam per animalia deos ejusmodi aduocare solemus: qui videlicet talibus præfideant animalibus, præsertim, qui proximè, & quasi cognata quadam conditione gubernent. Item hominibus quidem in materia comprehēsis corpora vita priuata, maculam quandam inferunt, videlicet non viuens viuenti, & sordidum puro, & priuatum habenti habitum: & mortuum habenti potentiā moriendi, propter communem quādam inter hæc habitudinem. sed dæmoni incorporeo penitus, atque impassibili, talia corpora nihil obsunt.

nam

Nam caduca maximè supereminet.

De vaticinijs per animalia.

QVando vaticinium agitur per corpora sacrorum animalium, vt alturum, non est putandum deos ad hæc accedere, videlicet vniuersales prouiso- res ad curam diuisam particularem, materialẽ, proportionalem, circa animalia singula. Sed dæmones, & hos quidem valde diu- sos, & singulos singulis speciebus anima- lium distributos proximam curam anima- lium, præfecturamq; sortitos. hi nanque principatum nacti sunt, haud prorsus suf- ficientem, expertemq; materiæ. Ideoq; congruè instrumenta eiusmodi attingere solent. Ad hoc igitur, vt eiusmodi per ani- malia vaticinium à dæmonibus consequa- mur, parare his oportet sedem talem, per quam possint inter homines obseruari, nobisq; vti: sedem verò hanc esse oportet incorpoream, vt incorporei dæmones per hanc nobis adsint. erit igitur hæc anima- tium animalium à corpore jam abso- luta. Quatenus enim quodammodo & ipsa separata est à corpore, conuenit cum dæmonibus, conuenit & nobiscum pro- pter quandam vitæ cognitionem. Igitur tanquam media præsidii ejus dæmoni sub- ministrat ad præsagium homini sugge- rend

rendum, & ad mandata dæmonis declaranda, & cum dæmone nos conciliat. Anima verò hæc ejusmodi vaticiniis vtens, nō solūm vaticinium audit accipitve, sed etiā non parum ex se ipsa confert ad executionem ejus ad opera pertinentem. Hęc enim commouetur, & cooperatur, & simul præuidet per quādam compariētem necessitatem. Sed ejusmodi vaticinium à diuino, verōq; longissimè distat, atque de rebus exiguis, breuibusq; habetur. Quæ in natura diuisa positæ sunt, & quocunq; circa generationem jam simul feruntur, atq; motiones ex se ipsis exhibent potentibus eas accipere, & passiones multifariam inferunt iis, quæ naturaliter ad compatiendum sunt exposita. per compassionem igitur præsagium ejusmodi prouenit. Non potest autem per passionē præcognitio perfecta cōtingere. Quod enim immundæ immutabile, purum est, id præcipuè futurum assequi cōsuevit: quod verò cum materiali, passibiliq;, & tenebroso commercium habet, obruitur ignorantia. hanc ergo artificiosam præsagij machinam neque legitimi vaticinij nomine dignam esse censemus, neq; seriò pertractandam, neque vtenti, quasi sit veridicus, esse credendum.

Quom

*Quomodo obsecratores demonibus
minabantur.*

NArrat Porphyrius sacerdotes consue-
uisse violentis quibusdā minis aduer-
sum superos vri : veluti, Nisi vos ita fece-
ritis, vel contrā, si feceritis aliquid, cælos
constringā, vel occulta Isidis patefaciā, vel
arcanum in abyſſo reconditū diuulgabo,
aut sistam barim, id est nauem quandam
apud Ægyptios saciā, aut membra Osiri-
dis Typhoni dispergam, cæteraq; similia.
Iamblichus subdit execratores nō cōsue-
uisse dirigere minitationes ejusmodi, vt
Porphyrius opinatur, ad Solem & Lunā,
ceterāve cælestia, sed esse in mundo ge-
nus aliquod potestatum valde diuisum, &
indiscretum inconsideratumq;, quod acci-
pit quidē ab alio rationem, siue sermonē,
exauditq;, sed propria intelligētia nequa-
quā: neq; verū à falso, neq; possibile discer-
nit ab impossibili. Hoc itaq; genus mini-
tationibus lacescitū, protinus irritatum, &
stupet, vtpote quod & ipsum naturaliter
dictis vehemētiōribus agitatur, & alia du-
cit, trahitq; per stupidā quandam, & insta-
bilē phantasiā. Præterea sacerdos sæpe nō
humana virtute, sed diuina sacramento-
rum ineffabilem potestate mundanis nu-
minibus imperat, atq; minitatur. ipse tunc
in

in superiorum deorum ordine constitutus, & ideo grandioribus propria natura mandatis vitur, atque minis: neque tamen tanquam facturum, quæ tunc asseuerat, sed declarans quantam nactus fuerit potestatem propter ipsam ad deos unionem comparatam, videlicet ex notitia, possessioneque ineffabilium symbolorum, siue signaculorum, quæ dicimus sacramenta. Item daemones per provincias, partesque diuisi, & partes mundi custodientes, singuli commendatarum sibi partium tantam habent curam, ut nec verbum quidem illius ordini, dispensationique contrarium valeant tolerare, perpetuam videlicet, immutabilemque mundanorum perseverantiam obnixè custodiētes. Ordinem verò ejusmodi suum ideo immutabilem susceperunt, quoniam ordo deorum immobilis permanet in eisdem. In quo igitur esse habent daemones vel ætherij, vel circa terram distributi, hoc ipsum, nec minutionibus inuadi unquam audire possunt. proinde daemones ineffabilium, arcanorumque mysteriorum custodiam studiosè procurant. tanta videlicet obseruantia, propterea quod intelligunt ordinem, dispensationemque universi præcipuè in ejusmodi mysteriis contineri. quatenus videlicet allegoricè per hæc verba numina designantur, ordinesque mundi

mundani. hanc enim ob causam mundi partes in ordine permanent, quòd beneficio potestas Osiridis sincera permanet, & intacta, neq; cōtrario tumultu, & errore misceretur. Permanet insuper ipsa omniū vita pura semper & incorrupta quatenus viuificæ, formosæq; rationes, quæ in Ifide reconditæ sunt, consistunt ibidem, dum inde mundus agitur, nec ipsæ in corpus hoc descendunt oculis manifestum. atqui & omnia permanent immobilia, & simul sempiterna generationis videlicet successione, quoniam nullum solis cursum vnquā sistere potest: perseverant insuper integra, quoniam quæ in abyſso, id est profundo sunt abscondita, nunquam aperiuntur. in quibus ergo salutē habēt omnia simul, & vniuersum, videlicet in eo, quod & quæ naturaliter sunt occulta, vt sunt occulta seruentur, & maneāt, & secretissima deorum essentia nūquam sortem contrariam subeat, nec oppositis misceatur: hoc inquā circūterranei dæmones, nec ad vocē vsque, auditumq; sustinent aliter affici, verbisq; profanari. atque propterea aduersus dæmones eiusmodi verborū vsus habet aliquam potestatem. de his autem nullus alibi minitatur: nec ad illos sunt obsecrationes eiusmodi constitutæ. quapropter
Chal

Chaldaei sacerdotes, apud quos dijudicatus, decretusq; est pur⁹ ipse ad solos deos sermo, nunquam minis vtuntur. Ægyptij verò, qui cum diuinis sacramentis dæmonicos sermones admiscant, ad minas ejusmodi aliquando se conuertunt.

Expositio symbolorum Ægyptiæ theologiæ.

IMitantes Ægyptij ipsam vniuersi naturam fabricamq; deorum, ipsi quoque mysticarum, reconditarumq; notiorum imagines quasdam in symbolis cõficiendis ostendunt: quemadmodũ & natura rationes occultas in apparëtibus formis, quasi symbolis exprimit, & dii veritatẽ idearum per manifestas imagines explicat. Quum ergo perspiciat superiora omnia inferiorum similitudine delectari, atque insuper optet à superioribus bonitate repleri, quatenus pro viribus imitentur, meritò & ipsi conuenientẽ superis modum agendi pro viribus offerunt, quando occulta mysteria symbolis inferunt manifestis: in quibus interpretandis dimitte voces, accipe sensus. Quando igitur lutum in sacris nominant, aut inducunt, hoc intellige mundi corpus, atq; materiã, genitalemq; virtutẽ huic insertam, & quã pariter agitaram,
k. atq;

atq; fluentem, aut etiam causam principalem, & quasi loco fundamenti præpositā elementorum, elementaliumq; virtutum. Quū hoc igitur tale sit, deus ipse generationis, totiusq; naturæ virium omnium, quæ insitæ sunt elementis, causa utpote, qui hæc supereminet omnia immaterialis ipse, indiuitus, immobilis, & ingenuus, totusq; ex seipso, & in seipso totus. hæc omnia perspicuus antecedit, & ducit in se cuncta complectens, atq; ex eo, quod cōplectitur omnia, ac de suo mundanis tribuit omnibus, ex ipsis eluxit. Quoniā verò supereminet omnia, effulget, ut segregatus à mūdānis omnibus secum ipse solus per sublime procedens. Confirmat & hoc, quod subinde sequitur symbolū, vbi deus inducitur sedens super loton aquaticā, scilicet arborē, vbi significatur, deum principatu suo mundanum superexcedere lutum, nec attingere gubernādo, sed principatum gerere intellectualem penitus, & empyreum. Omnia enim in loto rotunda sunt tum poma, tum folia: ex quo significatur circularis actio mentis per eadē videlicet, & eodē pacto se habens. Deus igitur ipse super hanc insuper actionē in seipso consistit, superans ejusmodi principatum sanctus & venerandus, & in seipso
penit

penitus conquiescens, quod quidē ex actu
sedendi significatur. Proinde, vbi deum
introducunt navis gubernatorem, princi-
patum significant, mundi gubernatorem.
sicut enim gubernator à naui, & guber-
naculo segregatus vno quodam, faciliq;
momento mouet vndiq; & regit, dirigitq;
nauem, ita deus ipse mundum desuper, vi-
delicet à primis naturæ principiis præci-
puas motionum causas exhibēs. Quoniā
verò partes cæli omnes, animaliaq; cæ-
lestia, & totus vniuersi motus, ipsumq;
tempus, secundum quod mūdus ipse mo-
uetur, cuncta deniq;, quæ continentur in
totis, vires à sole descendentes accipiunt,
alias quidē commistas in ipsis, alias autem
commitionē exuperantes: ideo has quoq;
symbolicus significandi modus adducit,
verbis quidem solem designās secundum
animalia cælestia figurari, formasq; vi-
cissim commutare per oras. Interea verò
demonstrans immutabilem ejus, simulq;
totam per totum mundum traditionē. sed
quoniā quæ suspiciunt, alia quidem alibi
circa impartibilē feruntur dei traditionē,
atq; ipsa pro diuersitate naturarū, motia-
numq; suarū, multiformes accipiūt à sole
potentias, propterea symbolica traditio
vult per donorū multitudinē vnū ingre-
di

di deum, atq; per potentias multiformes
vnam dei adesse potentiam. Quapropter
inquit ipsum vnū, eundemq; cōsistere: vi-
ces verò formarū, transfigurationesq; in
fufcipientibus afferit resultare: quapropter
illum fecundū animalia, & ad oras cōmu-
tari ait, quasi circa deum mutationes ejus-
modi varientur fecundū diuerfa fufce-
pracula dei ejusmodi votis viuuntur. Ægy-
ptij non solum in ipsis deorum propriis
visionibus, sed in precibus etiam leuiori-
bus, quæ ejusmodi sensum habent, atque
per talem symbolicam, mysticamq; cultu-
ram ad deos supplicandos accedunt.

De nominibus diuinis.

Porphyrus quærit, cur sacerdotes
viantur nominibus quibusdam nihil
significantibus. Iamblichus respondet, o-
mnia ejusmodi nomina significare aliquid
apud deos: quamuis in quibusdam signifi-
cato nobis sint ignota: esse tamen nota
quædā, quorum interpretationē diuinitus
accepimus, omnino verò modum in eis si-
gnificandi ineffabile esse. neq; fecundū
imaginationes humanas, sed fecundū in-
tellectum qui in nobis est diuinus, vel po-
tius simpliciore, præstantioreq; modo se-
cundū intellectū diis vnitum. Auferendum
igitur à diuinis nominibus omnes exco-
gitat.

gitationes, & rationales discursus, atq; assimulationes naturales vocis ipsius cōgenitas, ad res positas in natura. & quemadmodū character symbolicus diuinæ similitudinis in se intellectualis est atq; diuinus, ita hunc ipsum in omnibus supponere, accipereq; debemus. quod autē hic nobis sit, hoc ipsum in eo est maximè venerandum. præstantius enim est, quàm ut in nostram notitiam diuidatur. jam verò in quibus diuinorū nominibus resolutionē suam diuinitus acceperimus, in his totam habemus essentiā, potentiāq; , & ordinis diuini notitiam ipso nomine comprehensam, atq; etiam mysticam. & ineffabilem, simulq; totam deorum imaginem in anima custodiamus, animamq; per hæc ad deos attollimus, eleuatamq; illis pro viribus copulamus. Proinde quæritur, cur nam inter nomina diuinorum barbara cæteris anteponimus, quia videlicet sacrarum gētium, velut Ægyptiorum, Assyriorumq; totū dii sermonem approbauerunt tanquam sacris maximè congruentē, propterea & communes dictiones, modosq; loquendi arbitramur cognatæ ad deos dictioni, orationiq; adhibendum præsertim, quia antiquior, primusq; exitit mod' iste loquendi. atqui & quoniā prima nomina

k 3 diuini

diuinitus acceperūt, dum ea cum propria lingua mīscerent tanquam cum familiari, consentaneaq; illis voce contemperantes, ita nobis seruanda perpetuò tradiderunt. nosq; ita ipsam traditionis regulam ritè deinceps cōseruare debemus. Siquid enim aliud diis conuenit, sempiternū ipsum, & immutabile diis est præ cæteris cognatissimum. Inter hæc Porphyrius ait illū, qui vocem audit nominū diuinorū, ad significata respicere, ideoq; sufficere notionem ipsam eandem ubiq; manentē, qualiscūq; sit dictio. Respondet Iamblichus hunc in modum, nō est autem id tale, quale tu putas: si enim nomina ex hominū pacto, cōuentoq; posita essent, nihil interesset alia pro aliis commutare. Sin autē naturæ rerum accōmodata fuerunt, quæ huic maxime congruunt, hæc & diis maxime sunt amica. ex his perspicuè patet sacrarū gentium vocem rationaliter cæteris esse præpositam. Neq; enim prorsus eandem mentem seruant nomina in aliā linguā interpretata: sed sunt gentibus singulis propria quædā, quæ gentibus aliis per vocē significari non possint. Accedit ad hæc, quòd si significationū proprietates per aliā linguam interpretari possimus, non tamen eandem conseruant permutata potētiam.

Habent

Habent insuper nomina barbara multam
emphasim, id est insinuationis, demonstra-
tionisq; efficaciam, habent & concisam
breuitatem. Minimum verò ambiguitatis,
& varietatis, multitudinisq; verborū. pro-
pter hæc omnia superis maximè cōgruūt.
Depone igitur suspiciones à veritate ca-
dentes, quibus suspicaris Ægyptiam ibi
cōferre linguam duntaxat, vbi Ægyptius
est, vel vñs Ægyptia lingua, qui tunc in-
uocatus. Potius autē existimato, quoniam
primi omnium Ægyptij præsentia, parti-
cipationemq; deorū sortiti sunt, idcō deos
inuocantē potissimū approbare, quando
Ægyptio ritu vocantur: neq; verò dicen-
dum est barbara hæc obscura, diuinorum
nomina esse quædam præstigiatorum, fa-
scinatorumq; machinamenta: quo enim
pacto, quæ maximè conjuncta sunt diis,
nos quoque jungunt, & quasi æquales
cum superis vires habent, phantastica fi-
gmēta erunt, sine quibus nullum in sacris
opus efficitur? Sed neq; prætegmina, inuo-
lucraq; ejusmodi per nostras passionēs ef-
ficiuntur, ex fama diuino tributas. Non
enim exordientes ab iis, quæ ipsi patimur,
imò verò ab ipsis deorum propriis com-
petentes illis secundum naturam attribui-
mus dictiones. neq; contrarias de diuino

k 4 agi

agimus notiones: contrà videlicet quàm
ipsum re vera se habeat, sed prout natura
se habet: & quemadmodum veritatem de
ipso consecuti sunt primi, qui leges nobis
de religionis sanctimonia tradiderunt, sic
perseueramus in eis: si quid enim aliud in
sacris legibus, atque ritibus deo placet, fir-
mitas ipsa maximè placet, & præcipuè cō-
gruit. Oportet igitur ritus adorationis an-
tiquos tanquam sacros conseruare semper
intactos, neque demere quicquam, neque
aliunde quid addere: ferme nāq; & hoc cau-
sa auper extitit, vt omnia & nomina, &
vota debilitata iam sint, propterea quòd
propter ipsam præuaricationem, & inno-
uandi cupiditatē permutata sunt semper,
& permutari non desinunt. Græci nanque
naturā rerum nouarum studiosi sunt, ac
præcipites vsquequa; feruntur, instar na-
uis saburra carentis, nullam habentes sta-
bilitatem: neq; conseruāt quod ab aliis ac-
ceperunt: sed & hoc citò dimittunt, & o-
mnia propter instabilitatē nouæq; inuen-
tionis elocutionem transformare solent.
barbari verò sicut moribus graues, firmiq;
sunt, sic & in eisdem sermonibus firmiter
perseuerant: ob quam sanè stabilitatem, &
ipsi diis sunt amici, & orationes offerunt
illis acceptas, quas nulli vlla vnquam ra-
tione

tione fas est permutare.

Opinio Aegyptiorum de deo, atque dñs.

QUærit subinde Porphyrius quidnam primam Ægyptij causam esse velint. Vtrum intellectum an superintellectum. Item vtrum vnum aliquid solum, an vnâ cum alio quodâ, siue aliis. Rursus, vtrum incorporeum sit, aut forsità corporale. Præterea, nū sit idē cum opifice mundi, an opifice sit superius: & nunquid ex vno, an ex pluribus cuncta profluxerint: omnemq; nunquid velint primum fundamentū esse materiam prorsus informem, an corpora qualia ipsamq; materiam nunquid ingenerabilē, aut genitam. adhæc Iamblichus ita respondit: Ego verò causam in primis tibi dicā, ob quam sacri, & antiqui Ægyptiorum scriptores de his varia senserint, & insuper hujus seculi sapiētes nō eadem de his ratione loquantur. Quū enim multæ in vniuerso sint essentiæ, ac multifariā inter se differant, meritò earum, & multa earum tradita sunt principia habentia ordines differentes, & ab aliis sacerdotibus alia principia quidem tota vniuersaliāve, vt narrat Seleucus. Mercurius ipse tradit viginti millibus voluminibus, vel, sicut Meneteus recenset, tradidit voluminibus triginta millibus, itemq; sex millibus &

k s quin

quingentis atque vigintiquinque, & in eis
perfectè omnia demonstravit: propria ve-
rò particularium essentiarum principia alij
antiquorum alia passim introduxerunt.
Oportet igitur de his omnibus veritatem
breuiter declarare, atque primum quod pri-
mò quæstisti. Primus deus ante ens, & so-
lus, pater est primi dei, quæ gignit manens
in vnitatem suam solitaria, atque id est superin-
telligibile. est quæ exemplar ipsius, quod di-
citur, sui pater, sui filius, vni pater, & deus
verè bonus. Ille enim major & primus, &
fons omnium, & radix eorum, quæ pri-
ma intelliguntur, & intelligunt, scilicet
idearum. Ab hoc utique vno deus per se
sufficiens seipsum explicauit. Ideo quæ dici-
tur per se sufficiens sui pater, per se prin-
ceps. Est enim hic principium, deus deo-
rum. vnitatem ex vno super essentiam, es-
sentiam principium. ab eo enim essentia.
propterea pater essentiam nominatur. Ipse
enim est superenter ens intelligibilium
principium. hæc sunt principia omnium
antiquissima. Quæ Mercurius præponit
diis ætheriis, empyreis, cælestibus, com-
ponens de empyreis libros centum, toti-
demque de ætheriis, mille de cælestibus.
Secundum verò alium ordinem præponit
deum Emeph diis cælestibus tamquam du-
cem,

cem, quē ait intellectum esse seipsum intelligentem, atq; in se intelligentias conuertētem. huic vnum impartibile antepōnit, quod appellat primum exemplar, aut expressionem, aut effigiem, quod Iēthon appellat. In quo est primum intelligens, & intelligibile primum, quod solo silentio colitur: prater hos autem rerum apparentium opificio, alij duces præsunt. Nam opifex intellectus, qui & veritatis est dominus, atq; sapientia, quatenus in generationem progrediens occultam latentium rationum potentiam traducit in lucem, Amū Ægyptiaca lingua vocatur. Quatenus autē sine mendacio peragit omnia, & artificiosē simul cum veritate, Phtha nuncupatur. Græci verò hunc Vulcanum nomināt, artificiosum duntaxat considerantes. Quantum verò effector est bonorum, appellatur Osiris, aliasq; denominationes habet propter potentias, actionesq; differentes. Est & principatus alius apud illos super elemēta tota in generatione posita, virtutesq; eorum, quarum quatuor quidē masculinæ, quatuor fœmininæ, quē principatum Soli tribuunt. Item alius principatus super naturam omnem, quæ in generatione versatur Lunæ tributis. Marglius. Potes in his ordinem consentientem

tem Proculo ita disponere. Primum est ipsum vnum super ens super intelligibile totum. Secundum vnum ens, siue vnitas entis, in quo vnitas sua suo enti præponitur. potest & intellectus intelligibilis appellari, & sui pater. Tertiū est intellectus intelligibilis, intellectualisq; simul, & vnitus intellectus, & expressio, prima Icthon. Quartum intellectus intellectualis jam explicatus cælestium dux deorum Emeph. Quintum intellectus opifex proximus dux opificum mundanorum, qui sunt dij cælestes, empirei q;, & ætherij. hic forsan intellectus est animæ mundi, qui nominatur Amun, Phtha, Vulcanus, Osiris. Iamblichus diuidentes verò cælum in partes duas, vel quatuor, vel duodecim, vel sex atq; triginta, vel harum duplas, vel aliter quomodocūq;, principatus his quoque perficiunt aut pauciores, aut plures. Rursus ducem vnū his anteponunt, atque ita Ægyptiorum tractatus de principiis desuper ad postrema progrediens ab vno descendit in multitudinem. ab vno videlicet gubernatam à deo vbique indefinita natura sub quodam termino definito sic imperiosè comprehensa, præcipuè verò ab excelsa omnium causa vnitate. Materiam verò produxit deus materialitate: videlicet

delicet ab essentialitate subderiuata, quā opifex vitalem assumens, simplices, impatibilesq; sphæras effecit. Ipsius verò postremum accepit ad generabilia, & corruptibilia corpora facienda. His ita discretis facile solvuntur dubia, quæ in libris Ægyptiis, quos legisti, concepisse dicis. Qui enim sub Mercurij titulo circunferuntur, opiniones Mercuriales continent. et si sæpe Philosophorum Græcorum stylo loquuntur, sunt enim ex lingua Ægyptia in Græcam translati à viris philosophiæ non imperitis. Optarem verò, ut quicunq; mundanarum rerum causas primas attingunt, vltima quoq; principia declararent. Item quicunq; planetas, zodiacum, decanos, horoscopos, stellas, potentes duces tractant, ut particulares principiorum distributiones traderent. Proinde dogmata, quæ in Salaminiciis sunt, breuissimam partem Mercurialium ordinationū continent. item quæ de stellarum apparitionibus, vel latebris, aut Lunæ augmento, vel decremento tractantur, in postremis penes Ægyptios assignationem causarum habent. Profectò Ægyptij non omnia esse naturalia putant, sed vitam & intellectualem, & animalem à natura discernunt. non in mundo solum, sed etiam in hominibus,

bus, atque cum intellectum, & rationē secundū seipsos existētes præfecerint. Sic quæcunq; fiunt, fieri arbitrātur, atq; eorū, quæ in generatione versantur, primū præcipuūve patrē esse opificē asserunt. Cognoscunt quoque vitalem potentiam, & quæ in cælo est, & quæ super cælum extat. Item purum intellectum collocant super mundum, & vnum impartibilem in toto mundo, & alterum per omnes circulos distributum. Iam verò hæc nō oratione, rationeq; nuda speculari solent, sed admonent insuper, atque docent, ad excelsiora, communioraq;, & superiora fato naturam nostram progredi ad ipsum deum, opificemq; mundi. quatenus neque materiam ferat secū, neq; aliud quicquam præter opportuni temporis obseruātiā, idq; sacrorum opera nos consequi docent, atq; simul efficiunt. tradidit hanc quoq; viam nobis ipse Mercurius. Sed interpretatus est eam propheta Bitis Ammoni regi inuentā in adytis templi in vrbe Sayn, Ægypti, literisq; sacris insculptam: præbuit quoque nobis Dei nomen discurrens per vniuersum. sunt & alij multi ordines de eisdem. Quapropter non rectē mihi videris Ægyptiorum omnia ad naturales dūtaxat reducere causas. sunt enim apud illos

los plura, atque essentiis pluribus. sunt & potestates supermundanae, quas & religiosa principia sanctimoniâ coluerunt.

*De libero arbitrio, & quomodo
soluamur à fato.*

Post hæc ait Porphyrius, plures Ægyptiorum ipsum quoque arbitrium nostrum motui stellarum supposuisse. Respondet Iamblichus ex Mercurialibus sentiis hunc in modum : duas homo animas habet, ut Mercuriales literæ docent. vna quidem est ab intelligibili primo, atque ipsius opificis potentiae particeps: altera verò ex circuitu cælestium nobis indita, in quam & anima speculatrix diuinorum irrepit. Anima igitur à mūdīs in nos descendens, mundorum quoque circuitus sequitur. quæ verò ab intelligibili veniens intelligibiliter adest geneficum circuitū supereminet : atque per eam & à fato solui-mur, & ad intelligibiles deos ascendimus: & religionem habemus ad æterna tendētem. non igitur putandum est, de quo tu dubitabas, omnia insolubilibus necessitatibus vinculis, quod fatum nominant, colligari. habet enim anima principium in se proprium, quo ad intelligibile sese conferat, & discedat quidem ab iis, quæ gignuntur. ad ipsum verò ens accedat, atque diuinum.

num. Neq; rursus diis applicuimus fatum, quos tanquam soluētes a fato in templis, sacrisq; & statuis veneramur. Ipsi quidem dii fatum solunt, naturæ verò ab eis vltimæ descendentes, atq; generationi corporiq; mundi jam implicitæ fatum peragunt. Merito igitur omnē diis sanctimoniam adhibemus, vt ipsi quidem soli per intellectualem persuasionem dominantes necessitati mala nobis a fato imminencia soluant. Nō enim totum in natura fati ligatum est, sed est & aliud principium animæ, & natura, & generatione præstantius, per quod & diis possumus copulari, & mūdanum ordinē superare, atq; sempiternam vitā, supercælestiumq; deorum actionem participare. per hoc igitur nos ipsos à fato eximere possumus. Quando enim præstantiora eorum, quæ nobis insunt, agunt, & ad præstantiora sui ipsius anima reuocatur, tunc ab illis, quæ eam in generatione deuinciunt, penitus segregatur, à deterioribusq; descendit, atque alteram pro altera vitam commutat, scq; ipsam in alium interserit ordinem, dum priorem omnino deserit ordinem. Quid ergo? nunquid possibile est per deos circuncurrentes à fato seipsum soluere? atq; eisdem interim existimare duces, auctoresq; fatorum

rum, vinctisq; insolubilibus vitas penitus alligantes. fortè verò nihil prohibet, ita fieri. Quò enim dij essentias, potentiasq; multas in se cõplectantur, quidnã prohibet illis inesse & alias nobis inestimabiles differētias, atq; cõtrarietates? Iam verò & hoc licet dicere, in vnoquoq; deorũ etiam apparentium inesse intelligibilia quẽdam essentię principia, per quẽ animabus à generatione mundorũ fuga cõtingat, atq; libertas. Si quis autem duos deorũ ordines non admittat ad solutionis officiũ, scilicet mūdānos simul, atq; supermundanos, saltem per supermundanos fiet quãdoq; solutio. Verũ hæc in tractatu deorum diligentius declarantur. Quinam dij potissimum sint ad supera reductores, & quãdo reuocent, quibũsve potentiis & qua ratione fatũ soluant, & per quos præcipuẽ redditus sacrorum operatione peractos, & quis ordo mundanę naturę, & quò pacto intellectualis actio cõsummata huic ordini dominetur. quamobrẽ quod tu ex Homeri versibus adduxisti, scilicet deos esse flexibiles, dictu nefas esse censemus. legibus nãq; sinceris, intellectualibusq; jamdiu definita sunt sancta religionis opera, atq; ordine, potentiaq; majore, deteriora soluantur. & quatenus nos in sortẽ traducimur

cimur meliorē, eatenus à deterioribus fit discessus: nec propterea contingit aliquid præter regulam ab initio constitutā, adeò vt dij flectantur propter sacrificium, cultumq; posterius actū, sed à primo descensu deus animas ea cōditiōe demisit, vt ad eum iterum reuertātur. Neq; inter se repugnāt adscēsus animarū, atq; descēsus. sicut enim in vniuerso intellectuāli vnā cū essentia generatio. immo & hoc totum rectē cōnectitur, sic & in animarum dispositione vnā cum earū circa generationē cura solutio quoq; à generatione consentit.

De suo cuiq; dæmone.

QVærebat post hæc multa Porphyrius de suo cuiq; dæmone. respondet ad hæc Iamblichus ita: Duplex est tractatus de dæmone vnicuique proprio. Alter quidem sacer, siue deificus: alter artificiosus. ille dæmonem à supernis causis inuocat: hic à circuitibus, qui in generatione versantur. Ille quidē exploratione vniuscuiusq; genituræ nō vritur: hic talia diligenter explorat. Ille vniuersalius super naturam: hic particulariūs secundū naturam dæmonem colit, & curat. Quū igitur hæc ita se habeāt, absurdè tu mihi videris culturam perfectiorem ad humanam admodum transtulisse, & in hac duntaxat quæ-
stiones

ftiones tuas exercuiffe. Propterea vbi naturali tantum via quæris, colisve dæmonem, videris & ejusmodi vitæ exiguā quādam particulam accepiffe. Confueverunt enim qui circa naturā artificiosè perquirunt, & operantur, ordinatè vocare dæmonem à decanis, id est facientibus. Atq; ab influxuū dispensatoribus imaginibus cæli, stellisq; , Soleq; , & Luna, item à polis, totisq; elementis, atque mundo. Tu verò non rectè breuiffimam horū partem feligens, scilicet ipsum genitalis figuræ dominum, de hoc duntaxat quæstiones inducis, & hac in parte hoc vno supposito perscrutaris, quonam pacto dominus ipse figuræ dæmonem tribuat. Atq; secundum quam, & qualem vitam, vel potentiam, vel influxū ab illo nobis influat. vbi prorsus in genituræ exploratione moraris perscrutans, vtrum subsistat dæmon, necne: & vtrum figuræ dominus inueniri possit, aut fortè non possit. Afferis deniq; hunc fore beatum, qui inuēta generationis suæ figura, fatalia sic effugerit, ita videlicet suum dæmonem conspicatus. mihi verò videntur hæc inter se dissentire, & à veritate deficere. Si enim ab ipsa generationis figura dæmon nobis est attributus, atque inde cognouimus eum, quonam pacto

1. 2. fatal.

fatalia fugiemus per notitiam dæmonis
fato nobis addicti? atqui, etsi necessaria à
nobis per dæmonem expellimus, vt affir-
mas, quando vlteriùs sunt hæc vnà cum
dæmone nobis destinata per fatum.

De iudicijs astrologorum, & dæmone.

POrphyrius dicit si quis cognosceret fi-
gurā natiuitatis, dominumq; figuræ,
inueniret dæmonem suum, & per ipsum
solueretur à fato natiuitatis: sed subdit,
impossibile esse scire illam, & hunc inue-
nire: & regulas astronomiæ, & astrologiæ
esse incomprehensibiles, & incertas, teste
etiam Cheremone. Iamblichus dicit, dæ-
monem neq; cognosci, neq; dari ab illa fi-
gura, & dæmonio ejus. alioquin, nō solue-
ret nos à fato natiuitatis: sed dari ab an-
tiquiori principio, & altiori, scilicet à diis
superioribus, & quū primū anima incli-
natur ad sensibilia ante conceptionem, &
solui nos à fato non tam per dæmonem,
quā per cultum superioris numinis. Nō
solum verò illa Porphyrij dicta à seipsis,
sed etiam à veritate dissentiunt. Nō enim
ab ipsa propria generationis figura omni-
no vnicuiq; tributus est dæmon, sed est &
antiquius hoc initium. Item si hinc dunta-
xat dæmon agnosceretur, non foret pro-
pterea felix, qui geneficum cognosceret
dæmon

dæmonē Et quisnam hunc ducē accipiat ad effugienda fatalia? Si ad hæc explenda est ipse tributus, omnino verò præcipuas prætermittis de essentia, & de ordine dæmonis quæstiones, ultimas verò tãgis, unde descendat. Inquis præterea innumera- biles circumferri astrologiæ regulas, dubi- tationesq; de genesi, unde appareat scien- tiam de his haberi nō posse. Ego verò cen- seo primū quidem haberi posse per di- uinum vaticinium veritatē certissimā cir- ca stellas: nec nos omnino regularum di- numeratione, nec artificiosis prædicatio- nibus indigere: & insuper addo, te nō pe- nitus impossibilem inde notitiā demon- strare quantū ad mathematicam sciētiā pertinet, quòd diuersæ inter illos feruntur opiniones, quòdve Cheremon, & quiuis alius cōtradicit. Sic enim & in omni scien- tia simul & arte propter dissidentes opi- niones dicere nullā esse scientiam cogere- mur. sed profectò vbique non solūm falsa inter se dissidēt, sed & à veris falsa dissen- tiunt, vt vbique præter falsa veritas inueni- ri possit. Porphyrius dicit regulas etiam astronomiæ cōprehendi nō posse, nedum astrologiæ, & multas esse illis dissensio- nes, & à multis impugnari. Respondet Iamblichus, diuinū vaticiniū potest doce-

re naturam, & effectū astrorum sine arte. Astronomia, & aliæ artes quondam à diis datæ longo tēpore humanis opinionibus confunduntur, exiguumq; diuinitatis, & veritatis deniq; retinēt. in astronomia est aliquid veri, quamuis exiguū, quod patet per effectus stellarum inter se ex mēsurā proueniētes in cælo, sicut prædictū est de eclipsi Solis & Lunæ, & aspectibus planetarū. Regulæ mensurarū, magnitudinum, distātiarū, progressionum, cometarū, atq; similium diu apud Chaldæos, & apud nos obseruata testātur astronomiæ scientiam esse verā. Porphyrius dicit, dominū figuræ, vel dominos, si plures sint, deprehendi non posse etiā iudicio astronomorum, & astrologorum, sed inde proprium dæmonē esse querēdum. Iamblichus dicit, astrologos dare regulas, alios scilicet quinque, alios pauciores, alios plures ad inueniendos, vel discernendos dominos figurarum. Non dicit inquā, haberi regulas, & inueniri, atq; discerni, sed ita putari, & tradi ab illis cōtra dicta Porphyrij. Quidnā prohibet figuræ dominum, atq; dæmonem per astrologiā quidem difficilē inueniri, facilimē verò per diuinum vaticinium, atq; sacrificia? Neq; putandum est dæmonē à solo figuræ domino tribui. sunt enim plura
hoc

hoc ejus, & antiquiora principia, neq; humanis artibus, sed diuinis proprium dæmonē possumus inuenire. proprius cuiq; dæmon nō à particulari quadam cæli, elementorūve dispositione distribuitur, sed à tota mundi dispositione, quando descendit anima regnante, ipsiq; dæmonem certum accōmodante executorem vitæ, quā elegerit anima: hic eam conciliat corpori, vitam corpori cōmunicatam curat, vitam animæ propriam dirigit, cogitationi assidue principia exhibet: nosq; agimus talia, qualia hic adducit in mentem, cætenusq; nos gubernat, quo ad sacris perfecti dominum pro dæmone commutemus. Tunc dæmon deo cedēs, vel vacat ab opere, vel conduit ad idem. fors alicujus propria tribuitur animæ, dum descendit ex toto mundi corpore, & vita prout tunc se habet ad illam, & illa fors certo dæmone ducitur, & impletur. Ergo est impossibile judicare certos euentus, quum omnium causarum concursum comprehendere nequeamus, nisi per inspirationem diuinam id assequamur.

*Vnde proprius demon veniat, quidve agat,
& utrum sit vnicus.*

Proprius dæmon non à parte quadam cæli elementorūve tribuitur, im-

mo verò à toto mundo, & à multiformi in
eo vita, & à multiformibus corporibus,
per quę transit anima descendens in gene-
rationem, secernitur propriè, atq; decerni-
tur, fors in nobis quædam propria nostris
secundùm præfecturā propriā distributa.
hic vtrique dæmon erat in exemplari anti-
quàm in generationem animæ laberetur.
Quē quum primū anima ducē accepit, ad-
stat ipse dæmon expletor subinde vitarū.
hic animā, vt dixi, descendente alligat cor-
pori, cōmune ejus animal ipse curat: vitā
animæ propriā dirigit: & quodcūq; ratio-
cinamur, exhibet ratiocinandi principia:
agimusq; talia, qualia is adducit in men-
tem, gubernatq; nos quousq; sacris operi-
bus expiati, deum subeamus pro dæmone
duce. cui posthac dæmon ita cedit, vt vel
vacet eo præsentē, vel conducat ad idem.
Quærebas deinde, vtrū plures adsint vni-
cuique dæmones, alij alia gubernantes in
homine. Respondemus ad hæc, dæmonē,
non alicui parti nostrū præesse duntaxat,
sed toti simul adesse, totū ducere, quemad-
modū à totis, quæ in mundo sunt, ordi-
nibus, est attributus. Cōjectabas plures pro
numero nostrarū partiū dæmones nobis
adesse. Præterea quòd etiā in ipso corpore
diuersi sint dæmones, alius sanitatē, alius
pulchr

pulchritudinē, alij quādam in his habitu-
dinē curē: vnusq; his aequē praesit in cor-
pore. Sic & putabas aliū dæmonē corpus,
aliū animā, aliū mentē regere. Praestat
verò ejusmodi conjectura ad hoc ipsū vri,
videlicet, quòd corpus, & anima, & intelle-
ctus eodē dæmone gubernentur. Noli igitur
ita dividere, vt alius sit corporis dæ-
mon, alius animæ, alius intellectus. al-
sur- dum est enim animal quidē esse vnū, dæ-
monium verò animali praefectum multi-
formē putare. Nā quæ principatū tenent,
vbiq; simpliciora sunt subditis. Est insuper
& absurdus, si multi dæmones dominan-
tes velut dæmonij partes, non conflatī in
vnum sint, sed inter se disīcti. Introducis
autē & in ipsis cōtrarietate, tanquā domi-
nantium dæmonū alteri boni sint, alteri
verò mali. Quū ramen nusquā mali spī-
tus sortem habeant praefecturae, nec pari
vel auctoritate, vel numero ex aduerso bo-
norum distributi sint. Post hæc suspicaris
dæmonem proprium esse quandā animæ
partē, videlicet intellectū, eumq; hominē
esse *διδαιμνα*, id est felicē, qui sapientem
habeat intellectum. quod si ita sit, nō erit
amplius alius ordo praestantior homine
praefectus homini. sed inter diuisas animæ
partes superior inferiorib; dominabitur.

I s

vbi

ubi tamē cunctę cognatę sunt, nulla verō
 vt absoluta subditis dominatur. Inducis
 post hęc dæmonis cultū tanquā ad plura
 factū, partim quidem tanquā ad duos dæ-
 mones, partim etiā velut ad tres, nefas ve-
 rō est causas nobis præsidentes partiri, nec
 ad vnum redigere præfecturā, quippe quū
 vnitas in omnibus dominetur. Iam verō
 & qui dæmonium secundū corpus, cor-
 porisq; dispensationē diuidit, is principa-
 tum eius in partē ejusdē redigit angustif-
 simā. Quapropter religiosum cultū circa
 dæmonium, ita diuisum cōsiderare nō de-
 cet, quū opinio ipsa, in qua fundatur, debi-
 litate vacillet. Vnus igitur est secundū
 vnumquēq; nostrum dæmon proprius gu-
 bernator: dæmonē verō cōmunē penitus,
 & eundē cunctōrū hominū existimare nō
 decet, videlicet rursū cōmunē quidē in
 se ipso, propria verō cōditione vnicuiq; co-
 pulatum. Ipsa enim secundū speciē vnā-
 quanq; diuisio, materiæq; alteritas ipsam
 rerum secundū se incorporearum com-
 munitatem, identitatemq; non suscipit.

Inuocatio demonis.

QVaris deinde, quare communi qua-
 dam apud omnes inuocatione ad-
 uocare dæmonem soleamus, quoniam vi-
 delicet per deum dominum vnum dæmo-
 num

num agitur inuocatio, qui & à principio suum cuiq; dæmonem definiuit, & in sacrificiis secundum propriam voluntatem suum cuiq; monstrat. Semper enim in sacrarum operationum ordine per superiora numina inferiora vocantur. Quare & in dæmonibus vnus quidam dux eorum, qui circa generationem obtinet principatū, dæmonem suū, ad vnumquenq; demittit. Postquam igitur adest vnicuiq; suus, vinct & congruū sibi cultū pādit, nomenq; suū, modumq; inuocationis suæ proprium patefacit, atq; hic cōueniens est ordo dæmonū. Alius enim ordo inuocantibus est cognatus, alius ab antiquioribus causis procedit, alius conspirationē in eis cōficit ad idem communiter conferentem. Noli igitur diuinas inuocationes humanis similes arbitrari, & ineffabiles effabilibus comparare, & eas, quæ omnem terminū, omnemq; indeterminatū modū superant, humanis imperiis, mādatisq; cōferre, siue definita sint hæc, siue prorsus indefinita. Quæ enim apud nos sunt, cum toto genere cōmune nihil habēt. atq; cum his, quæ secundum totum ordinem nos excedunt, totamq; essentiam nostrā, naturamq; exuperant. Iam hinc verò maximè errores hominibus ingentes accidunt. Quando ex
huma

humana debilitate aliquid de dominationibus dæmonicis ratiocinari solēt, & paruis nihil pēdendisq; atq; diuisis ingentia, & magnipēdenda, & perfectō perpendūt.

De felicitate.

Suspica is, ne fortē alia quædā ad beatitudinem præter diuinum cultum, via lateat, & quænam ista potissimū sit interrogas. Sed profectō si in diis bonorum omnium essentia, perfectioq; continetur, ac prima potestas: primumq; bonorum illic est principium, meritō soli nos sacerdotes, & qui similiter superis se dediderint, atq; legitimē vnionem ad illos fuerint consecuti bonorum omnium principium, atq; finem studiosē prosequimur. in hoc utiq; statu & veritatis contēplatio adest, & intellectualis scientiæ cōsummatio. Atq; vnā cum deorum cognitione cōuersio quoq; ad nos ipsos, nostriq; agnitio comitatur. Frustra verō suspicaris, ne fortē religiosus ex opinionibus humanis fauoribusq; dependeat. Quidnam otij esse potest animo diis dedito ad humanas laudes auscultandas?

Religionem esse veram.

Sed neq; quod sequitur rectē dubitas, ne fortē religiosus ipse fallat, vbi ais animā magna sæpe ex contingenti cōfingere.

gere. Quodnam in rebus verè existētibz
figmentorum initium esse potest? Nōne
potentia phantastica in nobis est illa, quæ
idola fingit, atq; transformat, atq; quādo
vita intellectualis perfectè agit, phanta-
sia nulla suboritur? nōne penes deos ve-
ritas ipsa secundū essentiam vnā cū illis
existit? Nōne multò magis & illa, quæ
secundū consonantiam in rebus intelli-
gibilibus est fundata? Frustra igitur talia
& abs te, & ab aliis diuulgātur. Quinetiā
vbi tu, & alij religiosos calumniāmini,
tanquam præstigiatores, atq; vanos, & ja-
rabundos, longiùs à veritate disceditis.
Sicut enim cæteris artibus, sic & in reli-
gione sunt, qui eam falsò profiteantur.
Quæ professio longiùs quàm aliud quic-
quam à religione discedit. Malū enim bo-
no magis quàm non bono cōtrarium est.

*De presagio naturali artificioso, atq;
de diuino.*

SIqua nobis aptitudo naturaliter insit
ad futuri prælagiū, quemadmodū ani-
malibus terræmotuum, procellarumq; &
frigorum naturalis inest præcognitio, non
videtur ejusmodi prænotio habere ali-
quid venerandum. Nam secundū sensus
acumen, vel compassionem, vel aliā quan-
dam

dam commotionē virium naturalium, ejusmodi prælagium naturale consequitur, neq; sursum si quis secundū rationis discursum, vel observationē signorum effectus aliquos præcedentiū, sicut à contractione pulsus, atq; rigore medici febrē prævidere solēt, videtur ejusmodi præsentia esse admodū honoranda: humana nanque, & suspecta, corporeaq; cōditione progreditur. Solum igitur diuinitus adueniens vaticinium, reuera nobis diuinam exhibet vitam, dum & præuisionem, & diuinas intelligentias possidet, nosq; reddit re vera diuinos, ac bonum legitimū nobis affert. beatissima enim deorum intelligentia bonis omnibus abundē repletur. suspicaberis ne fortē prophetę diuinitus inspirati præuideant quæ futura, neq; tamen propterea sint felices. nam & prævidere possunt, neq; tamē scire futuris uti, sed contrā dicendū, omnem videlicet prænotionem diuinitus inspiratam esse bonis & bonitate refertam, ordinisq; compotem, atq; decori, atq; vtilitatem nobis afferre: dii namq; vnā cum prælagio, facultatem quoq; ad cauenda, declinandaq; incōmoda nobis naturaliter imminencia suggerunt. Et quando virtutem oporteat exercere, ad idq; conferat ignoratio futurorum, occulunt ipsi futura, ut
anim

animus inde fit melior : quando verò ad hoc nihil interest, expedit autem animus præsentire, ad hoc videlicet, ut salui ad sublimia reuertantur, tunc in mediis animarū essentiis vaticiniū penitus inserunt.

Via ad felicitatem.

QUærebatur deinde, quæ sit ad felicitatem via, quæve in re sit ipsa felicitas. hoc igitur audi. Contemplabilis ipse in se intellectus homo, erat quondā deorum contemplationi conjunctus. deinde verò alterā ingressus est animam, circa humanam formæ speciem coaptatā, siue contemplatā: atq; propterea in ipso necessitatis, fatiq; vinculo est alligatus. Considerare itaq; decet, qua præcipuè ratione ab ejusmodi vinculis solui possit. est autem solutio nulla, præter ipsam deorū cognitionē. Idea nāq; felicitatis, est ipsum cognoscere bonum. Quemadmodum est & idea malorum, ipsa quidē bonorum obliuio, & fallacia circa malū, notitia quidē illa vnā cum diuino cōgreditur. obliuio verò hæc, atq; deceptio inseparabilis est à caduco. itē illa intelligibilium essentias per sacras sanctimonix vias rite metitur. hæc autē à principis cadens, atque repulsa, se ipsam projicit ad corporalē ideā dimetiendam.

Illa

Illa rursum est sui parentis agnitio, hæc
verò discessus vnà cum obliuione ab ipso
deo patre supersancto, seq; ipso sufficiēte,
longè remotus. Illa veram conseruat vitā,
reuocans hanc ad patrem. hæc hominem
principem genituriæ vsque ad id deducit,
quod permanet quidem nunquam. perpe-
tuoq; influxu versatur. hæc utiq; prima sit
tibi ad felicitatem via, intellectualem ha-
bens vnionis diuinæ penes animas pleni-
tudinem. Sacra verò, atq; deifica felicitatis
traditio appellatur quidem porta ad
ipsum omnium opificem deum, aut lo-
cus, aut aula boni. Potestatem verò possi-
det primam quidem castam, & sobriam
animæ sanctimoniam, valde vtiliorem,
sobria corporis castitate. Deinde cogita-
tionis accommodationem ad ipsam par-
ticipationem, visionemq; boni, simulq;
ad contrariorum expulsionē. Tertiò rur-
sum vnionem exhibet ad deos bonorum
omnium largitores. Postquam verò sin-
gulatim, atque propriè, tum mundi parti-
bus, tum diuinis potestatibus per partes
mundi diffusis, animam copulauerit, tunc
opifici toti copulat animam, præbétque
vndique cum ipso consensum, atque eam
extra omnem materiam ponit, cum sola
jam sempiterna vniuersi ratione conjun-
ctam.

etiam. verbi gratia, in ipsa opificis potestate per se genita, per se mobili, & omnia sustinente prorsus, & eleuante, intellectuali q̄, & omnia pariter exornante: item ad veritatem intelligibilē reuocante, rursum q̄; per se perfecta, perficiente q̄, atque effectrice, cæteris q̄; dei viribus. opificis gradatim pro cuiusq; proprietate coaptat adeò, vt in actionibus earum, intelligentiis q̄, & opificiis facultatibus, expiatus animus, atq; sacer perfectè firmetur. Atq; tum demum in toto opifice deo collocat animam.

*Conclusio Religionis, felicitatisq;
a, ad Aegyptios.*

ATque hic apud Aegyptios religio-
læ, sacræq; eleuationis, est finis:
ipsum verò bonum aliud quidem diu-
inum putant, ipsum scilicet præintellectū
deum: aliud autem humanum, vnionem
videlicet ad ipsum dominum, quemad-
modum Bytis propheta ex libris Mercu-
rialibus explicauit. Non igitur pars hæc
apud Aegyptios prætermissa est, vt tu
suspicaris, sed quemadmodum spectat ad
sanctimoniam, rite nobis est tradita. Neq;
rursus de rebus exiguis sacerdotes diui-
nam intelligentiam interpellant, sed de
m. iis,

iis, quæ ad purgationem, solutionem, salutem animæ pertinent, neque difficilia meditantur, eademq; hominibus inutilia. immo res animæ omnium vtilissimas, neque subdolo, & seductore quodam dæmone obfuscati sacerdotes hallucinantur, qui in omnibus fallacem, dæmonicamq; naturam prorsus excedunt, atque ad intelligibilem, diuinamq; conscēdunt. his itaq; pertractatis, obsecro deos, ut mihi, tibiq; veram intelligentiarum custodiam, obseruantiamq; exhibeant, nullo tempore defuturam, atque in sempiternam æternitatem æternorum præbeant veritatem, perfectiorumq; circa deos intelligentiarum compotes nos efficiant, in quibus beatissimus bonorum finis nobis est propositus, & amicitia, concordiaq; inter nos mutua, auctoritas omnis, atq; firmamentum.

EXC

EXCERPTA MAR-
SILII FICINI EX
GRAECIS PROCLI

*Commentarijs in Alci-
biadem Platonis
primum.*

P Rincipium dialogorū Plato-
nicorum, totiusq; philoso-
phiæ præcipuum, atque fir-
missimum, arbitrantur na-
turæ nostræ cognitionem.
hac enim rectè cognita, bonum quoque
nobis consentaneum, malūve dissidens
absolutius nosse poterimus. Sic utiq; na-
tura comparatum est, ut quemadmodum
inter se rerū essentia differunt, sic & pro-
priæ rerum perfectiones. Ut igitur quæ sit
naturæ nostræ perfectio, & quomodo cō-
paretur, inueniamus (essentiā nāq; nostrā
in primis debemus agnoscere: quod qui-
dem & in Alcibiade propositum est, & in
tota doctrina Platonis est finis) quando
rerum consideramus essentias, perscru-
randum est, utrum essentia rei sit ex earū
numero, quæ indiuiduæ sunt: vel earum
genere, quæ circa corpora diuiduntur: vel
earum, quæ in medio collocantur. Item,
utrum essentia sit æterna, an per omne tem-
pus

m 2 pus

pus existens, an in aliqua temporis parte fiat. Rursum, verū sit simplex, & ante compositionē existens, aut cōposita quidē sit, sed insolubilibus vinculis sit composita: aut possit vicissim in ea, ex quibus componitur, quandoq; resolui. atqui si ita vnumquodq; consideremus, deinde poterimus ejus quoq; bonum, quale sit, facilius judicare. Cōstat enim essentiaē prorsus indiuisibilis, æternū esse bonum, diuisibilis verò bonū quoq; in tempore, motuq; versari. mediae denique secundū substantiaē ipsius mēsuras perfectio quoq; perpenditur, ejusmodi. nanque perfectio tempore quidē indiget, sed tempore primo: quod sanē in corporeos circuitus possit apte metiri. Ignoramus quidē nos ipsos, quoniam obliuione genetica occupati sumus, atq; in rationaliū specierū vitæ perturbatione perculsi. existimamus autem interea cognoscere multa, quæ ignoramus, quoniam rerū rationes essentiaē nostræ innatas habemus. Tres sunt conuersionis species. quicquid enim cōuertitur, vel ad aliquid vertitur se deterius, dum à perfectione propria labitur: vel confurgit ad melius. propter propria vitæ vigorem, actionemq; naturalem: vel reflectitur ad seipsum propter cognitionem sibi cōsortem, mediāq;
spec.

speciem motionis. Cōuersio quidem erga
 deterius, passio quædā est animæ alas abjir-
 cientis, & in obliuione jam positæ, sui
 ipsius simul atq; aliorum. Conuersio verò
 & ad se, & ad melius non solis cōpetit ani-
 mabus, sed ipsis quoq; diuinis, quæadmo-
 dum Parmenides ipse nos docet. Plato si-
 gnificat in proœmio præter cætera animū
 veritatis studiosum cogitationes rebus
 cognoscendis consortes edere. Neq; mu-
 tabilium immutabilē, neq; necessariorū,
 stabiliumq; ambiguam, atq; nutantē. Sed
 quemadmodū Socratē in Rep. docuit, no-
 titia quidem simplici, vniformi, intelle-
 ctuali intellectualia omnia conjugatē co-
 gnoscere, notitia verò sciētifica, atque co-
 gitatiua, specierum euolutione, atq; com-
 positione rationes rerum medias contēpla-
 ri. Tertia rursus à veritate potentia sensu-
 ali per instrumenta cognobilia propria cō-
 tingente sensibilia judicare imaginari tā-
 dē potentia imagines sensibiliū apprehē-
 dere. Iā verò Timæus cognitiones propor-
 tione quadā ad cognoscenda distinguens,
 jubet nos entia quidē intelligentia, ratio-
 neq; judicare, opinione verò, sensuq; illa,
 quæ entia quidē nō sunt, sed fiunt iugiter,
 atq; pereunt. atq; eorum, quæ verè sunt ra-
 tiones ratas, & incōjunctas existere, rerū

m

3

Verò

verò in generatione fluentium imaginarias, atq; contingentes. vbiq; enim rationes sermonesq; imitantur illa, quæ explicant. Atqui Socrates in Cratylo ait circa res sempiternas, nomina naturâ rei magis attingere : circa verò mutabiles nomina quoq; sæpe mutari, & magis in positione versari. Aliorum vbiq; deorum aliæ proprietates existunt, nã aliæ quidẽ sunt opifices vniuersorũ, atq; speciei entium, ornatusq; substantificæ : aliæ verò propagantes vitã, ac varios vitæ vigores progenerãtes : alię autẽ rerũ ordinẽ seruãt in cõmutabilẽ, connexionemq; custodiunt insolubilem. Aliæ deniq; aliã sortitæ potentiam, omnia sua quadã beneficentia seruant. Similiter & omnis amatorius ordo causa conuersionis est rebus omnibus ad diuinam pulchritudinem, atq; formã, reducens quidẽ sequẽtia ad illam omnia, eiq; coniungens, & conjuncta confirmans, atq; mox inde sequentia replens, diuiniq; luminis procedentes inde dotes per omnia radians. Hanc igitur ob causam in Symposio traditur, amorẽ magnũ existere dæmonem, quippe quũ amor primus omniũ ejusmodi mediũ vim in seipso demonstret, sitq; medius inter ipsum appetibile, atq; appetẽs, & causa cõuersionis sequentiũ in priora.

ra. vniuersa igitur amatoria cohors in vestibulo causæ pulchritudinis constituta ad illam omnia conuocat, mediumq; processum facit inter amabile, atque illa, quæ reuocantur amore. Quapropter totius dæmonici ordinis in se declarat exemplar, hanc in diuinis medietatem obtinens, quā dæmones inter diuina tenēt, atq; mortalia. Quū igitur omnis amatoria cohors hāc inter deos proprietatem habeat, summitatē ejus quidem vnicam, & occultam excogitamus primæ & intelligibili pulchritudini copulatam, penes supremos deos: medium verò processum ejus penes supermundanos deos, intellectuāli conditione fulgentem: tertium verò progressum ejus circa mundum multifariam distributum, multosq; ordines, atque vires ex se producentem, atque ejusmodi munera partibus mundi diuersis distribuentem. Post enim vnicum, primumq; amoris principium, atq; post tripartitam substantiam inde perfectam, varia jam turba refulget amorum, vnde chori angelorum implentur amore: turbae quinetiam dæmonum hoc plenæ deo sectantur deos ad intelligibilem pulchritudinem reuocatos. Exercitus heroum vnā cum dæmonibus, & angelis circa pulchritudinem debacchantur.

Omnia deniq; suscitantur, reuiuiscunt, reuiuiscunt, incalescunt, circa pulchritudinis ipsius influxum. Iam verò animæ hominum inspiratione ejusmodi tactæ, & naturaliter cognatæ deo, circa pulchrū mouentur assiduè, atque in generationis prouinciam delabūtur ad beneficium animis imperfectioribus exhibendum, & ad prouidendum iis, quæ salute indigere videntur. Dij quidem ipsi, deorumq; pedissequi, in habitu proprio permanentes, sequentibus benefaciunt, & ad se cōuertunt: hominum verò animæ deorsum lapsæ, generationemq; tāgentes beneficam deorū prouidentia pro viribus præferunt. Quemadmodum igitur aliæ animæ secundum aliū cōstitutæ deum, syncerè prouinciis caducis præsumunt, animabusq; hinc oberrantibus, atq; aliæ quidē imperfectioribus prosunt per vaticinium, aliæ per expiationes atq; sacrificia, aliæ per opem medendi diuinā: sic & animæ, quæ vitā amatoriā elegerūt, mouentur quidem à deo pulchriorum præside ad curā animorū ingeniosorum. à pulchritudine verò sensibus apparente ad diuinam pulchritudinem rediguntur, secumq; ipsis conuocant & amatos. animæ verò, quæ ob peruersam educationem à superno munere decidunt, alioquin amat

amatoriam nactæ naturam, simulacris pulchritudinis insidentes, propter veræ pulchritudinis ignorantiam, corporeas formas admirantur & amant, passionem propriam ignorantes. Sicut enim apud Plotinum defluxus mentis facit astutiam, atque sapientiæ portio lapsa creat sophisticam, sic munus amoris in peruersum incidens susceptaculum, vitam efficit intemperatam, atque tyrannicam.

Causa superior agit in opere prius, posteriusq; quam inferior, & vnà cum illa, atque est presensior operi.

Quæ perfectiora sunt vbique, & quæ rationem exemplaris habent, actiones prorsus imaginum comprehendunt, adeo vt deteriora nulli vsquam adsint, cui perfectiora quoque non multo prius aliquid ex se tradiderint. Quinetiam per omnes rerum ordines ipsum vnum alia comprehendit, atque ante illa, & post illa, & vnà cum illis agit.

Mali demones etiam in sacris occurrunt, & fallunt sub pretextu bonorum.

Compertum habemus in expiationibus, atq; sacris, vbiq; ex deterioribus aliquid induere perfectionis imaginem, per quam animas nondum perfectas alliciat ad seipsum, à superioribusq; diuertat.

m s Quem

Quemadmodum igitur in cōtemplatione
physica impedimētum est vita sophistica
procliuitasq; ad illam trahens infirmio-
rem ab ipsa entiū cōtemplatione ad ima-
ginationē caducis familiarem, sic in ama-
toria eleuatione turba popularium ama-
torum impedimentū est simulans amato-
rem verū, & animā junioris à bonis cæle-
stibus in terrena, & tenebrosa detorquēs:
similiter in sanctissimis quibusque expia-
tionibus, atq; sacris, antè quàm ipse deus
adsit, palām occurrunt dæmonum quo-
rundam impetus terrenorū, aspectus noui
quoq; eos, qui expiantur, perficiunturq;
deturbantes, & à synceris bonis ad mate-
riam deflectentes. Quamobrē dij jubent,
ne prius in illos aspicias, quàm sacrorum
potestate præstrinxis oculos. sic enim
aiunt diuina eloquia: Non expedit tibi il-
los aspicere prius quàm corpus expiaue-
ris, atq; sacraueris. quoniam illi mulcētes
animas à sacrificiis vbique deflectunt. Si-
cut igitur in sacris, tum primū apparet
diuinum, quando totum hoc dæmonium
trahens animas in materiā expulerimus:
sic & diuinus amator post repulsam popu-
larium amatorum occurrit amato. Item,
sicut bonus cujusq; dæmon vnumquemq;
custodit à pueritia, actionesq; omnes ejus
explo

explorat, & verba, & ante parentes prouidet, & post parentes adest tanquam totius vitæ gubernator assiduus, atque post obitum dux est nobis ad iudices, eodem modo ad Alcibiadem se Socrates habet denique, sicut bonus dæmon nobis plurimum occultus adest clām nobis prouidēs, & silentio consulens, & ineffabiliter nos commendans, ita Socrates Alcibiadi.

Intellectus in nobis semper agit illuminando, neq; tamen semper animaduertimus.

Intellectus ipse quidem circa nos semper agit, semperq; præbet intelligentiæ lumen. atq; etiā prius quā in conditionem labamur irrationalem. Et quando in passionibus vitam degimus, & passionibus quandoq; sedatis, non semper animaduertimus: sed quando à quamplurimo generationis tumultu purgati sumus, atq; tranquillè viuimus (tunc enim intellectus nobis effulget) tunc quasi nobiscum loquitur, tunc suam nobis communicat vocem antea silentio præsens.

De bono damone, & de terrenis, materialibusq; demonibus. Item quomodo unusquisque nostrum consideretur dupliciter, scilicet & vt simpliciter anima, & vt anima vtens corpore.

Socra

Socrates quidem ad Alcibiadem se habet, ut bonus dæmon: amatores cæteri, ut materiales, terreniq; dæmones, qui propellendi sunt, ut animus bono dæmoni sit magis expolitus. Considerare potest dupliciter Alcibiadem, & ut simpliciter animam, & ut animam videntem corpore. Non enim idem est utrunque, quemadmodum nec ipse per se homo, & jam gubernator hominum, nec homo simpliciter atque auriga. Omnino autem, quod est imparticipabile ab eo quod est participabile, differt. Atq; id, quod secundum seipsum existit, ab eo differt, quod cum alio quopiam simul jam censetur. Et deniq; quod exemplum est ab eo discrepat, quod coordinatione ad aliud est sortitum. Quoniam igitur Alcibiades dupliciter intelligitur, & ut simpliciter anima, & ut anima videntem corpore, qua quidem ratione est simpliciter anima quedam, Socrates ad eum mentis vicem gerit, qua verò ratione est anima videntem corpore, Socrates boni dæmonis partes agit. Atque idem ipse & dæmon est, ut ad hominem, & intellectus ad animam. Iam verò & quando medietatem dæmonicam reputamus, inter deos eam & homines collocamus. Quando verò intellectum, in summo quidem animam ex ipso suspendimus,

dimus, & corpus ex anima. habes profecto diuisionem alteram in Symposio. vbi traditur dæmonum inter deos hominesq; existere medium. habes alterā in Timæo dicente, animum inter intellectum atque corpus medium obtinere. Idem igitur est & intellectus, & dæmon ad animam quidem intellectus, ad animam verò humanam dæmon esse censeretur.

Quomodo amor deus nec primus est, nec vltimus: & quomodo in diuinis est bonum, sapiens, pulchrum: item, fides, veritas, amor.

A Morem domini neque in primis entium, neque in vltimis collocare debemus. Non in primis, quoniam ipsum amabile superius est amore. non in vltimis, quoniam amans particeps est amoris. Oportet igitur amorem inter amabile, amantemq; constituere, & ipso quidē pulchro posteriorē, cæteris verò, quæcunq; amant, priorem asseuerare. Vbinam igitur extitit ab initio? Quo pacto per vniuersa procedit, & quibuscum prodiit vnitatibus?

Quā igitur tres sint in diis intelligibilibus, occultisq; substantiæ, & prima quidem ob signata sit bono, ipsum videlicet bonum ex se intelligens, vbi, sicut sacra eloquia tradunt, vnitas est paterna: secunda verò per sapiens designetur, vbi prima
viget.

viget intelligētia: tertia per pulchrum definiatur, vbi intelligibile est pulcherrimum, vt Timæus ait. nimirum & tres secundum has intelligibiles causas vnitates existunt, secundum causam quidē vniformiter in intelligibilibus consistens, effulgentes verò primum in ipso ineffabili deorū ordine, scilicet fides, veritas, amor. Fides quidem omnia firmat in bono: Veritas autem omnem in entibus cognitionem explicat: Amor deniq; conuertit omnia, congregatq; in ipsius pulchri naturam. eiusmodi sanè trinitas hinc per omnes deorū progreditur ordines, omnibusq; ad ipsum intelligibile irradiat vnionem. Aliter autem per alios ordines se declarat, vires vbiq; suas deorum proprietatibus complicans. Alibi quidem est ineffabiliter, incogniteq; & vnicè: alibi continentiae connexionisq; ratione: alibi tanquam perficiens, atq; formans. hinc rursus intellectualiter atq; paternè, ibi motiue, viuificeq; prorsus & effectiue: illic tanquam imperans, & assimilans. ibi absolute penitus atq; sincere, illic multiplicatè jam atque diuisim. Amor ergo supernè ab intelligibilibus vsq; ad mundana, descendit ad diuinam pulchritudinem omnia conuocans. Procedit & per omnia veritas,

tas, illustrans cognitionibus omnia. procedit fides per vniuersum in bono singularim omnia sistens. hinc diuina eloquia, omnia tradunt tribus his gubernari, in eisq; consistere. Quamobrem diis sacrificantes iubent deo per trinitatem ejusmodi se conjungere. Ipsa quidem intelligibilia propter inæstimabilem vnitatem medio non indigent amatorio. Vbi verò & vnitas entium est, atque discretorum discretio, ibi extat & amor. colligator enim est, & conciliator eorum, quæ sunt post ipsum, & quæ super ipsum. Conuersor sequentium in priora, imperfectorum reductor, atque perfector.

Providentia percurrit per singula vsq; ad minima, & interim nullis addicta.

Qui diligentiores sunt in rerum rationibus assignandis, duo hæc elementa potissima diuinæ, dæmonicæq; providentiæ tradunt. Primum per omnia desuper providentiam ad vltimū vsq; procedere, ac ne minimum quidē sui expers alicubi prætermittere. Secundū nihil omnino cam ex gubernatis accipere, nec eorum natura repleri, nec eis alicubi commisceri. Non enim ex eo, quòd omnia seruet, atq; disponat, admiscetur, propterea guber

gubernatis. nam diuinum, atq; dæmonum naturam habet passionibus animarū particularium nō subiectā. Neq; tamen, dum separatim sequentia supereminet, propter ea ex deterioribus aliquid inordinatum, incultumq; relinquit. Imò verò ob hanc ipsam causam omnia decenter exornat, atq; à dispensatis absoluitur. Est enim benefica pariter, atq; sincera, exornatrix omnium, atq; ab excultis interim expedita, per omnia currens præsertim quia cohibita nusquā. Viri quinetiam diuini inferioribus diligentissimè prouident simulatq; tranquillè. Quid ergo de diis ipsis, bonisque dæmonibus est dicendum? Nōne præsentibus omnibus liberi sunt ab omnibus? Implētes seipsis omnia nullis alicubi permiscetur? discurrentes per vniuersum, nusquam vitā propriam addixerunt. Nōne confitebimur deos suas proles amare? Quemadmodum poëtæ fingunt, Iouem amare puellam, ipsamq; Venerem. Nempe quoniam amor ejusmodi prouisor est, & seruator, perfectorq; , & contemptor rerum diuinitus amatarum. Interea & beneficus, & sincerus, immixtusq; habitudine nulla ad res affectus externas. Dicamabo, vndenam diuinis interdum hominum animabus amatorium ejusmodi
gruili

priuilegium obtigisset, nisi prius diis ipsis
 inesset? Quicquid enim bonū, & salutare
 cōpetit animabus, causam à diis definitā
 habet. Quamobrem & virtutū omnium,
 corporaliumq; bonorum, velut sanitatis,
 roboris, iustitiæ, temperantię, exemplaria
 Plato probat præcedere penes deū. Quan-
 tō itaq; magis amatorij muneris causam
 principalē apud deos esse fatebimur, quip-
 pe quū amatorius hic affectus (vt Socra-
 tes in Phædro ait) diuino quodam munere
 sit tributus? Dij igitur deos amant: anti-
 quiores quidem minores, sed prouidentia
 munere, minorē vicissim maiores diligūt
 quodam, videlicet, conuersionis officio.
 Perficere quidē deteriora, & inferioribus
 prouidere, animabus quoq; , qua ratione
 sunt animæ, cōpetit, nam & ob hoc ipsum
 descendunt, propter rerum generabilium
 prouidentiam, curamq; mortalium. Ita ve-
 rò prouidere, vt prouideri gubernatis, nec
 misceatur, nec velut addictus afficiatur,
 nec inde recipiat quicquam, deorum pro-
 prium est, dæmonumq; bonorum: & quo-
 ties cōtingit animabus humanis, diuina,
 vel dæmonica largitate contingit. Solent
 sacerdotes in sanctissimis sacrificiis, vel
 per verba, vel per ea quæ oculis ostendun-
 tur, in admirationē, stuporemq; præsentem
 n adhuc

adducere. stupor enim deo animam exponere consuevit. Socrates nunquam amatoriā vitam usque adeo rectam peregrisset, nisi afflatu quodam dæmonis elegisset eam, & tenuisset electam.

Amor est medius inter amabile, & amantem: est magnus demon omnia ligans, & quæcunq; appetunt, ipse medius primo copulat appetibili.

S Acra igitur eloquia hunc amorem domini indicunt omnia colligantem, omnibus insidentem. hic sanè, si connectit omnia, copulat & nos dæmonum præfecturis. Hunc Diotima magnum dæmonem appellauit, quoniam medium implet ubique inter illa, quæ appetunt, & quæ appetuntur. Ipsum quidem, quod est amandum, gradum sibi vendicat primum. amās autem gradum tertium ab amato. Amor denique usurpat inter utrumque medium congregans atque colligans inuicem appetens, atq; appetendum, & implens meliore deterius. Iam verò apud intelligibiles deos, atque reconditos, primæ, secretæq; pulchritudini, intelligibilem intellectum vnit per vitam quandam intelligentia meliorem. Itaq; Græcorum ipse theologus cæcum illum appellat amorem. In illis autem, quæ extra intelligibilia sunt, nondum

nondum illustrat indissolubilem, cunctis
 ab ipso perfectis. vinculum enim vnio quæ-
 dam est, sed vnà cum discretionem permul-
 ta. Quapropter eloquia sacra huius amo-
 ris ignem appellare copulatorem solent:
 ab intelligibili nanq; intellectu procedēs
 sequentia cuncta inuicem, illiq; deuincit.
 Conciliat igitur intelligibili quidem pul-
 chritudini deos omnes, diis verò dæmo-
 nes, nos autem dæmonibus, diisq; conjun-
 git. In diis quidem subsistit primò, in dæ-
 monibus verò secundò, in animabus au-
 tem particularibus per processum quen-
 dam tertium à principis existentem. In
 diis rursum super essentiam: onine nanq;
 deorum genus est eiusmodi. In dæmoni-
 bus autem per essentiam. in animabus de-
 niq; per illustrationis effectum. Atqui vi-
 letur hic trinus ordo; trinæ intellectus
 potentia: similis. Etenim intellectus alius
 quidem imparticipabilis extat ab omni-
 bus particularibus generibus absolutus.
 Alius verò participatus, cuius & deorum
 animæ tanquam melioris participes sunt.
 Alius autem ab hoc infunditur anima-
 bus, qui sanè est ipsarum perfectio ani-
 marum. Hæc autem tria de intellectu
 Trinæ ipse significat. Intellectu igi-
 tur imparticipabili amorem diis insitum.

n 2.

congr.

congruum intelligito. absolutus nanque est & ille ab omnibus, quę suscipiūt eum, & illuminantur ab ipso. Intellectui verò participato amorem dæmonicum comparato. Essentialis enim est & ipse, seq; ipso perfectus tanquam præparticipatus intellectus, & proximè insidens animabus, intellectui deniq; secundum habitum accepto. Tertium amorē illustratione animabus infusum reddere debes. Nec injuria vniuersæ intellectuali differentię conjugatum cōsideramus amorem: intellectu enim intelligibili primam habet, occultamq; substantiam. Si enim prodiit inde, & ibi per causam est fundatus. atqui mihi videtur & Plato hunc deū apud Orpheum inuenisse, eundem & amorē, & magnum dæmonem illic appellatum, atq; ipse hoc hymno videtur fuisse contentus. Meritò igitur Diotima magnum Dæmonem appellat amorem. Et Socrates, vbi de amore disputat, disputat etiam de dæmonibus.

Primò de demonibus communiter: secundo de demonibus familiaribus: tertio de demone Socrati.

Dicendum est deinceps primò quidem communiter de dæmonibus: deinde de illis, qui nos sortiti gubernant: tertio de demone Socratis. Dæmones igitur à
prima

prima viuifica idea sortiti substantiam, atque inde velut ex fonte fluentes, essentiam nacti sunt animalem, & hanc quidem magis intellectualem, illi, qui maiorem habent, perfectioremq; substantiam; minus verò intellectualem, potiusq; rationalem, qui media possident. Tertij verò, & dæmonici ordinis postrema tenentes, variam, magisq; rationalem habent, materialemq; naturam. Eiusmodi igitur substantia constituti ad diuisionem deorum pariter diuiduntur, utpote qui ad deos ministrorum vice funguntur. Aliter enim respondent, seruiuntq; diis penitus absolutis, ante mundum cuncta exordientibus, atque ducentibus: aliter verò mundanis, qui mundi partibus proximè præsunt, qui & secundum duodecim deos supercælestes distribuuntur. Hi autem secundum omnes mundanorum deorum proprietates distributi sunt. omnis enim mundanus deus ordini alicui dæmonum imperat, cui propinquo suam impartit potentiam. Deus nanque opifex vim largitur opificem. deus inconuertibilis incontaminabilem exhibet facultatem: perfectior autem similiter perfectioriam: atqui circa vnumquemque deum innumerabilis est dæmonum multitudo, eademq; cum

diis ducibus cognomenta reportat. gratulantur sanè quando Apollines, Mercurij, Ioues nominantur, quippe quum propriorum deorum proprietatē in seipsis exprimant. Proinde mortalia per hos dæmones diuinos nanciscuntur influxus : atque ita plantæ, & animalia fabricantur: hæc quidem horum, illa verò illorum deorū imagines præferentia. His quidem è proximo dæmones dum suorum munera largiuntur, eminentiùs verò dij desuper dæmonibus præsidentes, quamobrem postrema primis in passione cōsentiunt. Primorum enim notæ sunt, in postremis: & postremorum in primis causæ comprehenduntur. Media sanè dæmonum genera implent omnia, simulq; connectunt, communio-nemq; ipsi omnium continent, dum deorum quidem participes sunt, à caducis autem participati. Siquis itaq; dixerit deum vniuersi fabrum, contra totius ordinis in dæmonibus firmauisse, à veritate nō aberrabit. Quandoquidem & Diotima hunc eis attribuit ordinem, connectentem videlicet diuina simulatque mortalia, deriuantem liquores supernè fluentes, in deos sequentiā omnia referētem, denique vniuersa complentem secundum medietatis ipsius connexionem.

Confis

Confutat opiniones duas, primam dicentem non esse alios demonas præter animas nostras à corpore solidiore solutas, secundā Ameliū putantis demonas esse deos aliquos oberrantes.

NON igitur admittemus eos, qui dæmones aiūt esse nostras animas, hac vita jam functas, in aliamq; trāslatas. Non enim decet dæmonem per habitudinem quandam consideratum in idem conferre, atq; ipsum essentia dæmonem, neq; medietatem mundanorum omniū sempiternam ex vita quadam constituere multifariam permutante seipsam. Stat enim semper eodem pacto custodia ipsa dæmonica continuans vniuersa. Anima verò non ita suum retinet ordinem, vt ait Socrates in Republica: aliis nanq; temporibus vitas alias eligit. Nec illos iterum comprobabimus, qui deorum aliquos esse dæmonas arbitrantur, ceu erraticos deos, vt putat Amelius. Sed Platonē ipsum sectabimur, deos quidem dicētem dominos vniuersi, greges verò diis dæmonum subigentem: & vbiq; rationem Diotimæ comprobabimus, medium dæmonibus ordinem inter deos, mortalesq; tribuentem.

De demonibus familiaribus. Item numerat quinque genera demonum, diuersaq; eorum officia.

QUum igitur dæmones in medio sint, ut diximus, cōstituti, primi quidem, atque summi inter eos diuini sunt dæmones, dii q; frequenter apparent ob excellentem ad deos similitudinem. Nempe in vnoquoq; ordine primum, superioris ordinis formam præfert. Etenim intellectus ex se tanquam deus occurrit, & animarum antiquissima intellectualis existit, ideoq; dæmonum quoq; supremum genus, utpote diis proximum, vniforme est, atq; diuinum. Secundi verò post hos sunt dæmones intellectuali proprietate jam præditi, ascensionibusq;, & descensionibus præfidentes, atq; omnino deorum effectiōem declarantes omnibus, atq; tradētes. Tertij verò sunt dæmones, qui animarum diuinarum effectiōes distribuūt in sequentia, complentq; vinculum suscipientium, inde defluxus ad illas. Quarti vniuersalium naturarum vires efficaces in generabilia transmittunt, particularibusq; naturis inspirant vitam, ordinemq; & rationes, & vniuersam mortalium effecturam. Quinti corporei quodammodo sunt, corporumque extrema deuinciunt. Quo enim pacto corpora sempiterna cōuenient cum caducis? quo modo efficiētia cum effectibus, nisi eiusmodi medio collig

colligante: Natura enim ejusmodi media bonis corporeis dominatur, omnibusq; copiis naturalibus prouidet. Plerique verò ex eorum numero versantur circa materiam, viresq; à caelesti materia desuper in materiam descendentes continent, atq; contexunt, eamq; subinde custodiunt, & varietatem, picturamq; formarum in hac ipsa conseruant.

Officia demonum quinque: daemones primi animas dñs proprijs copulant.

QUū igitur multi, multiformesq; sint, ut ait Diotima, daemones, summi quidem animas procedentes à patre diis earum ducibus copulant. Nam vnusquisque deus ducit primò quidem daemones, deinde verò particulares animas. Sicut enim Timæus ait, deus horum opifex, alias quidem animas in Solem, alias autem in Lunam, alias in deos alios seminauit. hi utique dii sunt daemones, qui secundum essentiam sortiti sunt animas, propriisq; eas ducibus copulant: atqui vnaquæq; anima, etsi circa suum deum se reuoluit, indiget ejusmodi daemonis beneficio. Secundi verò daemones ascensus animarum, descensusq; dispensant, atque ab his electiones animis sunt permultis. Nempe perfectissimæ animarum, quæ sine generabilium

n s commer

commercio in generatione vitam agunt, quemadmodum proprio deo vitam consentaneam elegerunt, sic & secundum dæmonem diuinum viuunt, qui & manentes quondam apud superos eas deo proprio coaptauerat. Quamobrem Ægyptius Plotinum est admiratus, tanquam diuino quodam dæmone gubernatum. Itaque circa animas, quæ ita hîc vitam agunt, tanquam mox ad sublimia redituræ, dæmon idem hic est, atque supernè. Circa verò minus perfectas, alius quidem est ipse secundum essentiam dæmon, alius autem, qui vitam nuper editam conitatur.

Tribus modis dicitur dæmon, aut essentia, aut comparatione, aut habitudine quadam.

SI hæc rectè posita sunt, nemo jam admittet animam nostrâ rationalem dæmonem esse dicentes. dæmon enim aliud est, quàm homo, ut Diotima tradit, dæmonas inter deos, hominésque disponens. Quod & hîc Socrates ipse significat, ubi contra causam humanam causam dæmonicam diuidit, dicens, Non humana quidem causa, sed dæmonicum obstaculum me detinuit. homo autem est anima vtens corpore: non igitur dæmon idem, atque anima

anima rationalis est putandus. Iam verò & hoc manifestum est, vbi Plato in Timæo dæmonem ait, animalis in nobis rationem constitutam esse. Veruntamen hoc vsque ad comparisonem quandam nobis est admittendū. Alius enim est ipsa essentia dæmon, alius comparatione dæmon, alius habitu, vel habitudine dæmon. Vbiq; enim, quod proximè præest in quodam dæmonis ordine ad inferius sese habens appellare dæmonem consueuerunt, quo vsu Iupiter apud Orpheum, Saturnum patrem dæmonem appellauit: & ipse Plato in Timæo dæmonas nuncupauit deos illos, qui generationem è propinquo disponunt, vbi ait: De aliis verò dæmonibus tractare, eorumq; generationē in lucem edere, majus est, quàm ferre humanū possit ingenium. comparatione vtiq; dæmon est ejusmodi, qui videlicet proximè vnicuiq; prouidet, etiam si deus sit, ac etiam si deo sit inferior. Habitudine verò quadam dæmon dicitur animus, qui similitudine quapiam ad genus dæmonicū mirabiliore, quàm secundum hominē actiones edit, totamq; vitam suam suspendit ex dæmone. Hac arbitror ratione Socratem in republica, dæmonas animos appellasse, qui vitam bene transegerint, & in meliorem

liorem translati sint sortem, locaq; augustiniora jam colant. Ipse denique secundum essentiam dæmon, neq; propter habitudinem ad sequentia, neq; ob aliquā ad aliud similitudinem appellatus est dæmon, sed hanc per seipsum proprietatē est sortitus, atq; in existentia quadam, viribusq; propriis, modisq; differentibus actionum est dictinctus. omnino verò anima quidē rationalis in Timæo dæmon animalis est appellata. Nos autem ipsum hominis dæmonem perscrutamur, non dæmonē animalis, atq; eum, qui rationalē dirigat animam, non instrumentum duntaxat illius. eum rursus qui tandē animali solutos anima, perducatur ad iudices. Quemadmodum Socrates asserit in Phædone, quando animal quidem non est amplius, dæmon autem vnumquēq; ducit ad iudicem: dæmon inquam ipse, qui sortitus fuerat & viuentem. Si enim eum ipsum viuentem nactus est dæmon, quem & post obitum iudicio sistit, nimirum hominem videlicet, non animal solum nactus erat. quinetiam desuper exordiens, atq; imperans, constitutionem nostram gubernat totam.

Contra dicentes dæmonem esse vel partem animæ operantem, vel partem ei præpositam.

Sed

Sed neq; etiam probandi sunt, si qui ani-
 ma rationali dimissa, dæmonē esse di-
 cant ipsum, quod operatur in anima, ceu
 in viuentibus quidē secundū rationem
 esse dæmonem rationē, sed ira viuentibus
 irascibile: cupiditate, concupiscibile. Neq;
 rursum audiendi, si qui dixerint dæmonē
 esse, quod in ipsa vita nostra ei, quod ope-
 ratur, proximē præsidet, ceu iracundis ra-
 tionem, libidinosis iracundiæ potestatem.
 Principio dicere dæmonas esse partes ani-
 mę hominum, est humanam vitam nimiū
 admirantium, neq; probātium Socratē in
 Rep. post deos, & dæmonas disponentem
 genus heroicum, & humanum, increpan-
 temq; poētas, quod heroas nihilo melio-
 res hominibus introducant, sed passioni-
 bus similibus mancipatos. Socrates igitur
 talia increpans, procul admodum ab hac
 erit opinione, vt dæmonas, qui heroibus
 præstantiores sunt, inter animæ partes, vi-
 resq; constituat. Ex his nanq; sequitur ipsa
 per essentiam meliora intus accipi ad de-
 teriora complenda. Præterea vitarum mu-
 tationes varias, dæmonum mutationē ad-
 ducent. Auarus nanq; in ambitiosam vi-
 tam sæpe mutatur. ambitiosus in habitum
 recta opinione viuentem. hic in habitum
 scientia præditum. Dæmon igitur aliās
 simil

similiter alius erit. Nam pars ipsa agens in anima aliàs existit alia. Si igitur vel hæc ipsa pars operans, vel pars huic proximo præsidens dæmon fuerit, nimirum una cū humanæ vitæ mutationibus, dæmones pariter mutabūtur, atq; in eadem vita plures idem animus dæmones nanciscetur, quod fieri nullo modo potest. Nunquam enim anima in eodem vitæ curriculo mutat dæmonis præfecturam, sed idem dæmon est ex ipsa genitura usque ad iudicis vitæ præsentiam nos gubernans, quemadmodum Socrates asserit in Phædone.

Dæmon nō est particularis intellectus, sed substantia differens ab intellectu, posita in latitudine animarum.

PRoinde qui intellectum particularem idem esse putant, atq; dæmonem nos sortitū, nō rectè mihi videtur intellectua-lem proprietatē cum substantia dæmonica cōfundere. Omnes enim dæmones in animarū latitudine cōtinentur, animisq; diuinis posteriores existunt. Intellectualis autem ordo aliud quiddam est quā anima. neq; eandem essentiam vel potētiā, vel actionem eādem nacta sunt. Præterea intellectu quidē animæ perfruūtur, tunc demum, quando ad ipsum conuersa fuerint, lumenq; inde susceperint, suamq; illi
con

conjunxerint actionē. dæmonis autē præ-
 lectura potiuntur per omnē vitā, totumq;
 victū, atq; per omnia, quæ vel à fato pro-
 iciscuntur, vel prouidentia. ipse nanq; dæ-
 mon est, qui omnē vitā nostram regit, ele-
 ctionesq; nostras ante generationē factas
 implet, donaq; fatalia, & munera ducum
 fati deorū, quinetiā illustrationes à pro-
 uidentia suggerit, atq; dimittitur. Iam ve-
 rò nos tanquā animę quædā à solo intel-
 lectu pēdemus, ut autē animæ vtētes cor-
 pore, egemus & dæmone. Quamobrē Pla-
 to intellectū quidē gubernatorem animæ
 nuncupauit in Phædro, dæmonem verò
 passim hominum speculatorem, atq; cura-
 torem. atqui nemo rectē considerans, aliā
 quandam vnā, & nobis proximam pro-
 uidentiam inueniet, ad nostra omnia per-
 tinentem, præter dæmonicam prouiden-
 tiam, atq; curam. Intellectus enim ab ani-
 ma rationali participatur (ut diximus,) à
 corpore verò nequaquam: natura partici-
 patur à corpore, ab intelligentia minimē.
 Anima rationalis iracundiæ quidem, &
 concupiscentiæ dominatur: in rebus, verò
 fortuitis non habet imperiū. Dæmon ve-
 rò solus omnia mouet, cuncta gubernat,
 nostra omnia excolit, atq; disponit: enim-
 verò rationē perficit, perturbationes tē-
 perat.

perat, naturam inspirat, corpus continet, fortuita subministrat, fatalia cōplet, prouidentiaē dona largitur. Vnusq; hic existit vniuersorū, quē in nobis, & circa nos sunt, rector totius vitæ gubernacula tenens.

Tria de demone Socratis, primum, quod est etiam deus: secundum, quod per vocem apparet: tertium, quod reuocat, nō prouocat.

DE Socratis dæmone consideranda nobis sunt tria. Primum, quod appellatur & deus, vt hīc, & in Apologia patet. Secundum, quod per vocem dabat Socrati signum, quod in Theage apparet, & Phædro. Tertium, quod reuocabat Socratem, non prouocabat, quod testatur Apologia. Principio animarum diuinarum, quæ intellectualem vitam elegerunt, dæmones sunt diuini in dæmonum quidem genere summi, deorum verò participes ante omnes. Sicut enim in diis est dæmon, sic & in dæmonibus est & Deus. sed ibi quidem substantia est diuina, proportio verò dæmonica. In dæmonibus autē proprietas quidem dæmonica, proportio verò diuinam declarat essentiā. Aded enim cæteros dæmones antecellunt, vt dij frequenter appareant. Meritò itaque Socrates

tes dæmonem suum appellat, & deum,
 tanquam ex dæmonum ordine summum.
 Quapropter perfectus Socrates erat, tali
 videlicet dæmone gubernatus, & ad ejus-
 modi sui dæmonis normam sese dirigens.
 proinde quantum ad illam dæmonis vo-
 cem spectat, attende. Socrates sanè primò
 quidem per intelligentiam, scientiamq;
 rerum separatarum inspiratione dæmonis
 fruebatur ad diuinum amorem assiduè re-
 uocante. Secundò verò & in vitæ nego-
 tiis dirigebat prouidentiam suam erga de-
 teriores, atque secundùm ipsam dæmonis
 actionem non intelligentia, siue cogita-
 tione tantùm, neq; solis viribus opinanti-
 bus, lumen accepit inde procedēs, sed ipso
 quoque spiritu, dum per totam ejus vitam
 inspiratio illa dæmonica repentè proce-
 deret, ipsumq; sensum jam moueret. Con-
 stat enim eadem actione nobis desuper
 imminente, aliter quidem rationem, ali-
 ter imaginationem, aliter verò sensum, da-
 to munere perfrui, & vnumquodq; eo-
 rum, quæ nobis insunt propria quadā con-
 ditione à dæmone moueri, atque pati: non
 extrinsecus igitur passiuè vox in Socra-
 tem incidebat, sed ex intimis inspiratio
 per animam totam procedens, & vsq; ad
 sensuum instrumenta progrediens. Postre-
 mò

mò vox euadebat, in notitiam videlicet veniens, non tam sensu quopiam, quàm consensu. Tales enim à bonis dæmonibus, atque diis illustrationes contingere solent.

Dæmones alij sub alijs dijs ordinati diuersa inter se habent officia.

QUod autem de Socratis dæmone dictum est, reuocare videlicet, non prouocare, non omnibus dæmonibus nostris est commune. beneficū ergo Socratis ingenium, & charitate erga homines communiter plenū, & vltro ad beneficia promptum, dæmonica exhortatione non indigebat: dehortabatur tamen eum dæmon, quoties vel importunè, vel ineptos ad disciplinam suā aggredideretur, fræno videlicet potiùs quàm calcaribus indigentem. Præterea dæmonū alij purgatoriam, & incontaminabilem possident potestatem, alij verò genitricem, alij perfectoriam, alij opificem, atq; omnino secūdum deorum proprietates, viresq;, sub quibus ordinati sunt, diuiduntur. Iam verò secūdum eorum substantiam singuli clientibus suis ad beatam vitam patrocinantur, alij quidem ad deteriorū curam nos mouentes, alij verò ab actionibus retrahentes externis. Videtur itaque Socratis dæmon

mon proprietatē huiusmodi nactus, purgatoriam inquam & incōtaminabilis vitæ causam, at sub hanc Apollinis potentiam ordinatus præfidentē vniuersæ purgationi, virtute scilicet vniiformi. hac ergo virtute dæmon à commercio vulgī nimio segregat, colligitq; ipsum ad animi penetralia, & actionem à deterioribus segregatam. Nempe sicut apud Orpheum Apollo præest Baccho, reuocans eum à processu in titanicam multitudinem, sic & Socratem ejus dæmon, qui pedissequus est Apollinis. Intellectus enim noster est numinis Apollinei proles.

Substantias numinum & animorum cognoscere, est intellectus perfectè purgati: communiter verò per actiones eorum cognoscimus potentias, per has auguramur essentias.

INter hæc Alcibiadi Socrates pollicetur dæmonis non substantiam, sed potentiam notam fore. Ait enim diuinus Iamblichus, substantias quidem dæmonum, & communiter omnium nobis superiorum, contemplari nobis difficillimum esse, nisi intellectum habuerimus perfectè purgatum. quandoquidē & ani-

mae essentiam non unicuique facile. Solus ergo Timæus omnem ejus essentiam declaravit. Qualis enim est omnino, diuina, longaq; expositione indiget, qua declararetur, ut Socrates ait in Phædro. potentias autem numinum facile est explicare: nam ab actionibus, quarum proximæ matres sunt ipsæ vires, eas ipsas potentias persentimus. Media namq; inter actionem, & essentiam potentia est, producta quidem ab essentia, actionē verò producens. Præterea ipsa potentia maximā cum dæmonibus familiaritatem habet. Vbiq; enim potentia dæmonis instar medium obtinet: & in rebus quidem intelligibilibus patrem, intellectumq; conjungit. Potentia enim est simul cum patre, intellectus autem existit à patre. In rebus autem intellectualibus cum essentiis copulat actiones: actio namq; est potentiae proles, essentia verò potentias ex se parit. Numina igitur inter nos, deosq; media propriè per nomen potentiae designantur, ubiq; medium possidentis. Vera enim essentia verumq; esse penes deos existit. Potentia verò diis rite ministrans in dæmonibus habet locum. Actio deniq; & effectio per eorum potentiam progressa foras, versatur in nobis.

Cogn

*Cognitio futurorum contingentium, est apud
superos certa atque necessaria.*

Diuinus Iamblichus, atq; dux ille no-
ster ita quærent atq; soluunt. Quo-
modo non est absurdum, ex natura rerum
cognoscendarum differentias cognitionū
determinare, atq; non contrā, scilicet co-
gnitionum, siue cognoscentium differen-
tiis cognoscenda diuidere? Ita vt quod
per essentiam æternum est, atq; diuinum,
æternè, atque diuinè cuncta cognoscat:
quod humanum est, cognoscat humanè:
quod sanè indiuiduum est, nimirum & in-
diuiduè: vel quæ diuidua sunt, anticipet:
quod æternum, super tēpus etiā tēporalia:
quod rationale, in rationalia quoq; ratio-
naliter. Ex his itaq; patet deos, atq; dæmo-
nas cognoscere indefinita definitè, insta-
bilia stabiliter, atq; firmiter. Nonne vide-
mus, multa, inferioribus nostris inco-
gnita, nobis interim esse nota? In rationalia
enim vniuersalis ipsius naturā apprehen-
dere nequeunt. Nos autem colligere pos-
sumus: Quidnam igitur vltius admira-
mur, quæ nos ambigua, & fallaci cog-
nitione conijcimus, hæc superos firmiter cō-
prehendere? Non enim nostra debilitas
est illorum potentiæ iudex: quemadmo-
dum neq; irrationale nobis inferius, ha-

bet rationis nostræ iudicium, quamuis irrationali, quod est in nobis, vel extra nos, nostram intelligentiam moueat.

Cur non absurdum sit conjecturalem quidem futuri præfensionem alicubi reperiri, stabile verò, determinatamq; & indubiã, inueniri nusquam? Ipsa nanque natura rerum non potest ab imperfectis, ab impuris, à rebus cū contrario mistis exordia ducere. si autem futuri coniectio est ignorantia particeps, neq; cōstat, vbinam ipsa est per se futuri notitia? Vbi purum ipsum, à quo quidem & quod posterius est, & illius cupidum, substantiam est sortitum, nisi apud superos?

Superi nobis bene consulunt, etsi prouideant nos non optemperaturos eis.

Apollo Pythius Laio respondit consulens ne filium generaret, alioquin dæmonum violentiæ subditum. Prævidebat tamen interea Laium oraculo nō obtemperaturum. sed Phœbus tanquam bonus proposuit ei vitæ melioris electionē. Et Laius sanè illi quidem nō credidit, sed propter propriam ignorantiam futuris est periculis circumuentus. Omnes quidem probi viri actiones ad ipsa sui intima vergunt. Itaque si beneficè, atq; diuinè fuerit operatus, finē jam suum habet in actione
vide

videlicet propria constitutum, etiam si extra nihil fuerit inde perfectum similiter, & circa nos sæpe dæmones operantur. Proinde diuina frequenter inferioribus videntur occurrere, atq; præcurrere, interim è suis sedibus non discedentia, sed dum in seipsis permanet propter aptitudinem suscipientis, videntur accedere. Nam & in deorum inuocationibus, & occurribus sponte factis accedere ad nos quodammodo videtur ipsa diuinitas, nobis videlicet profectis ad ipsam. Mos Pythagoreis erat per signa in corpore constituta venientes ad eos judicare, utrū ad meliorem vitam apti forent, necne. Natura enim ipsa, quæ animis confingit corpora, instrumenta eis congrua subministrat, imaginesq; animarum in corporib⁹ indicat, per quas & animarum ingenia in hac arte periti deprehendere possunt.

Regula dialectica de propositionibus necessarijs, atq; contingentibus.

Periti in dialecticis dicere solent, etiam si quis decies mille propositionibus necessarijs vsus fuerit, vnicam verò interseruerit contingentem, conclusionem omnino deteriori similem euasuram: similiter si ipsum, quod à nobis cognoscendum est, habeat penes se aliquid materialis, in-

stabilisq; naturæ commistum, proculdubio efficit, ut nostra de hoc ipso cognitio indefinita sit, & ambigua. Cognitiones enim instabilium rerum non sunt à redargutione securæ, sed per assimilationem quandam vix talia comprehenduntur. Talis autem est & naturalis virtus, quia ubique, quod imperfectum est, tāquam materiæ cognatum, facillimè permutatur. Ipsa per se sufficientia primū est penes deos. boni nanq; sunt dij, atq; super essentiales bonitates quædam, & entium omnium plenitudines, per quos, & cæteris omnibus sufficientia comperit intellectibus animis diuinis, dæmonibus nobis, & alia quidem participatione quadam sufficientia sunt, dij autem ipsa substantia. Quamobrem communis, immutabilisq; sententia beatitudinem designat sufficientia. quibus enim competit habere se bene, eisdem sufficienter habere se conuenit.

*Anima rationalis à primo opifice mundi
irationalis à dijs iuuenibus.*

Ideo illa est hac nobilior.

ANimam in nobis rationalem, anima irationali nobiliorem esse dicimus, quoniam illam quidē primus mundi opifex procreauit, hanc autem dij iuuenes produ

produxerūt. hujus sanè generositatis, ipsa familiarum nobilitas est imago, quæ tamen ignobilitatem habet admistam, vicissimq; mutatur: stabilis autem, & sempiterna generositas animarum à diis ducitur, circa quos olim sata dicuntur, atq; à diuinis potentiis, sub quibus ordinate fuerunt. nobiliores enim animæ sunt, quæ sublimiorū deorū pedisse quæ sunt, atque à majoribus potentiis dependentes secundum distributionem in vniuerso dispositam. Idem quoq; de ciuitatibus assero. Desuper enim secundum sortes differentia ad animas usq; descendit. Atq; dicimus deos quidem alios esse igneos, alios cælestes, alios ætherios, alios postremò terrenos. Rursum animarum, alias esse ex sphaera solari, alias mercuriali, alias verò lunari. Atq; est ejusmodi secundum loca distributio animarum talis, ut ea re vera gloriari quis possit. Non autem nobilitas secundum terrenos genitores, & vrbes.

Perfectiores anime, sublimioribus dijs demonibus, quæ circa illos accommodata fuerunt, atque vicissim.

Socrates inter hæc designat differentiam bonorum demonum nobis secundum essentiam præudentium, atq; potentias, quas sortiti sunt in mundo. item

o s anim

animarum perfectiores quidem potentioribus subjectas esse dæmonibus, ab eisq; seruari, atq; ut expedit, ubiq; dirigi: imperfectiores autem inferioribus subesse dæmonib⁹. sicut enim circa deos animæ prodignitate sunt satæ, sic etiam sub dæmonibus rite sunt ordinatæ: & quemadmodum deos duces, sic & dæmonas curatores pater ille, faberq; mundi traditur animis præfecisse. Quapropter Socrates curatorem sui appellat præfectum sibi dæmonem, atque deum, manifestè asserens Alcibiadi hunc duntaxat esse verum hominis curatorem, qui sit & beatitudinis auctor propter ejus mirabilem potestatem, quod sanè nullus hominum nobis efficere valeat.

Ordo rerum exigit, ut post idealem causam sint res semper ideæ participes, stabilesq; omnino, deinde res ordinatæ, semperq; mutabiles.

A Mor à corporea pulchritudine pendens, mutabilis est. Quoniam est & illa mutabilis. Nefas verò est effectus alicubi conditionem supergredi causarum, atque meliores illis euadere. Nam & ubi causæ sunt ordinatæ, sæpe effectus inordinati nascuntur: ubi stabiles causæ, exitus sæpe mobiles: ubi determinatæ, frequenter indefi-

indefinitæ contingunt. Igitur multò ma-
 gis ex causis statu, ordineq; carentibus ef-
 fectus ordinis, statusq; expertes eueniunt.
 Series vniuersi desuper per ejusmodi gra-
 dus deuenit ad extrema, quæ tandem talia
 sunt, quæ permutari possint, sibiq; ipsis na-
 turalem vindicare mutationem: quemad-
 modum circa justum, aliud quidem est pri-
 mò justum, ipsumq; justum neq; partici-
 patione tale: aliud autem illius primò par-
 ticeps, quod & semper est particeps: aliud
 denique aliquando quidem particeps, ali-
 quando verò à participatione cadens. Ne-
 que enim fas erat ipsum justū sterile per-
 manere, nulli prorsus quicquam suæ pro-
 prietatis impartiens: nullum sanè primo-
 rum est ejusmodi, sed sterilitas ipsa soli
 materiæ tanquam rerum infimæ compe-
 tit. Neq; rursus fas erat, quod primū a-
 liis participandum fuit, participari primò
 ab eis, quæ solum quandoque participant.
 Nam ab ipso, quod simplex penitus, im-
 mutabileq; consistit, hoc certè, quod com-
 positum est, atq; mutabile, nimis est alie-
 num. Ideoq; medio quodam vinculo in-
 diget ad illius contactum. Nec iterū quod
 participatum est ab eis, quæ inde semper
 illustrari possunt, oportuit vsque ad hæc
 ipsa duntaxat suum sistere munus, ne in
 vniuer

uniuerso sic extremum hoc ipsum, quod principis semper est suspensum. Oportet igitur triplicem, sicut diximus, ordinem constituere, non solum circa iustum, sed circa pulchrum, æquale, simile, & species denique rerum omnes.

Quemadmodum dii curationes morborum, id est peccatorum animis, & fuges opportunis temporibus adhibentes, beneficio eas afficiunt: sic & viri diuini opportunitatem quærunt ad disciplinã, sed dii quidem intellectuali, diuinãq; forma opportunitatum mensuras ipsi determinant, homines autem eas scientia prosequuntur. sunt & qui inter homines ex inspiratione dæmonica eas aucupantur. Bonorum nanq; dæmonum præsentia familiaritasq;, præcipuam vim habet in nobis ad opportunitatem infallibiliter ubiq; captandam. quod & Socrati contingebat. iam verò quemadmodum locus unicuiq; corpori ab ipsa natura propriè destinatus est, sic & temporis partes aliæ aliis conueniunt actionibus. & quemadmodum totius mundi quidam circuitus sunt fecunditatis, sterilitatisve causæ, animalium, atque plantarũ: ita singulis actionibus aliud cõuenit, aliudq; tempus ad actionem hanc, aut illam perficiendã. ejusmodi verò tem-
pus

pus est, actionis cujuslibet oportunitas, tanquam bonum, atq; finem agētib; afferens, & effectis. Quapropter Pythagorici primam quoque causam, à qua omnibus bonum adest, oportunitatem ipsam nominauerunt: quippe cum omnibus, ut perfecta sint, largiatur. Tali quadam occasione Socrates per dæmonem ad Alcibiadem fretus est, accedens ad eum nonnulla dicturus, quando & Alcibiades cogitabat ad eum proficisci eadem rogaturus. Vniuersa enim hunc in modum inuicem coaptantur, omnibusq; ita communio bonorum ubiq; perficitur, dum videlicet causæ quidem perfectoriæ ad tradendum promptissimæ sunt. Susceptura verò ad participationem expergiscuntur, & illæ rursus potentiam porrigunt perfectoriam: hæ autem potentiam aptitudinis à natura susceperunt. Duplex enim potentia est, altera quidem agentis, altera patientis: & illa mater est actionis, hæc verò perfectionis est susceptaculum. atqui oportet tum quod effecturum est, exuberans in se esse, atque ad agendum ita promptum, ut etiam si suscepturū subsit nullum, ipsum tamen per se sit perfectum, atq; vltro motum sit ad dandum, tum etiam quod passurum est, ad participationem gliscat, seq;

ipsu m

ipsum perfectioris adinoueat potestati. atque etiam si illa non adsit, tamen per aptitudinem summam ad participationem fuerit experfectum. Quum enim duæ sint causæ, aliæ quidem immobiles, & omnibus ubiq; præsentis, aliæ verò mobiles, & aliquando præsentis perficiendis, aliquando verò distantes: & intelligibilia certè similiter ubiq; adsint, omnibusq; semper eodem modo sua munera largiantur, sensibilia verò adesse participantibus, vicissimque abesse possint, quemadmodum sol nunc adest, impletq; lumine, deinde discedit: quum, inquam, ita se res habeant, quando aptitudo quidē inest participaturo ad aliquam immobilium causarum, tunc & hæc adest simul, & efficiētis causæ munus absoluitur. In talibus enim sola subjectorū ineptitudo solet munera prohibere. quoniam quæ traditura sunt, & semper tradūt & sunt semper ubique similiter. Quod igitur euasit, aptum fit, & causæ subito particeps. at quando ad aliquam mobilium causarum aliquid fit paratum, sæpe, etsi hoc expositū est, quod tamen traditurum fuerat, abest. Oportet enim hoc & nuper adesse, quandoquidem locum requirit addandum. Omnino verò, quemadmodum diximus, necesse est, per omnes bonorum

com

communiones hæc duo præcedere, tum datoris perfectioriam potestatem, tum consummatam aptitudinem suscepturi, atque largitoris perfectionem cum suscipientis præparatione cōcurrere, & vna cum ejusmodi concursu ipsam efficientem causam patienti secundum essentiam superferri. Concursum quinetiam ejusmodi non esse fortuitum, neque ab inordinatis, & rebus non coordinatis obtingere solet aliquid ordinatum: quemadmodum, quæ casu invicem confluunt. sed necessum est conspirationem talem alicubi quidem per naturam fieri, alicubi verò per intellectū. Item alibi à causa quadam dæmonica, & alibi potius à diuina. hac sanè conditione Socrates cum Alcibiade opportunè concurrit ad idem. hujus autem oportuni congressus, bonus dæmon causa extitit oportunitatem Socrati conueniendi determinans. ipsa nanque oportunitas desuper à diuinis exordiens vsque ad extrema progreditur, & alia quidem oportunitas est à diis determinata: alia verò dæmonica, fatalis alia, alia verò fortuita. Fortuna enim, vt inquit, oportunitasq; omnia humana gubernant.

*Quæ attentius in patria videras, eorum
imagines hîc ante alia sequeris.*

Animæ

A Nimæ nostræ hîc peruagantur circa imagines eorum, quæ in prima viderant, & ad eas imagines magis afficiuntur, quorum exemplaria illic attentius contemplatæ fuerant. aliæ nanq; animæ aliis sunt accommodatæ spectaculis, ideo aliæ aliis imaginibus incumbunt. eorum enim, quæ illic inspexerant, similitudines amant. Quæcunque verò magni Iouis insuper pedissequæ fuerunt, vnâque cum illo circumuiuere, ordinem habente ducalem inter duodecim principes vniuersi, hæ profectò secundum speciem sui dei etiam huc profectæ imperiosam vitæ speciem appetunt, & quod re vera imperiale est, ignorant, apparentem verò principatum inter imagines prosequuntur. atque, si sapientes nactæ sint præceptores, affectus ejusmodi eis peruenit ad salutem per quandam ad cælestia reditum: si autem inter imagines moras traxerint, desinunt in tyrannidem. Hinc ait in Rep. Socrates, animas nuper profectas è cælis, imperiosas potissimum eligere vitas. Quum enim paulo ante vnâ cum diis cælestibus circumuenerint, inspexerintque vires eorum omnibus dominantes, affectant ipsæ quoq; vitam eorum similem cæteris imperantem. Et plurimæ quidē affectu ejusmodi abutuntur,

tuntur, rectè verò vtuntur admodum pau-
cæ. Præstantissimam quidem vitam Plato
ponit contemplatiuam: secundam, ambi-
tiosam: tertiam, voluptuosam vel auaram.
Contemplatiuam quidem eligunt animæ
venientes cælitus, educatæq; rectissimè:
Ambitiosam quoque venientes è cælo,
sed educatæ deterius: reliquas venientes è
terris.

*Naturalis in cunctis sententia est, deos ani-
marum occulta cognoscere.*

OMnes homines naturaliter intimas
cogitationes suas, & passionēs, &
appetitus ad deos loquuntur, persuasi vi-
delicet per immutabiles anticipationes,
ipsam diuinitatē omnia nosse, ipsa etiam
animarum occulta momenta. Omnis cer-
tè copula, communiōq; ratione confecta,
indiget præsentia dei. Quid enim aliud
& multa vnit, & congregat segregata, nisi
diuinitas?

*Deus prouidentia sua nostrum confir-
mat arbitrium.*

DIj animabus vitas proponunt, & eis-
dem, postquam elegerint quæcunq;
electæ vitæ conueniunt, certa sorte deter-
minant, atq; ita libertas arbitrij in media
prouidentia continetur, moueturq; & de-
terminatur inde, & in medio vertitur. hæc
manifestè

P

manifestè

manifestè in Repub. describuntur, vbi propheta vitas proponit animis ex genibus. Lachesis sortes accipiens, atq; clamans inter animas, ô animæ diurnæ, & cætera. & propositio quidem per medium prophetam fit à Lachesi. Electio verò circa vitas ibi propositas, ipsarum jam est animarum. Iam verò propheta illic animarum electiones in se ipso cunctas anticipans, ita deum sortes projicit. profectores ipsa, quæ instabilis & indefinita videtur, semper in superioribus, perfectioribusq; secundum vnum terminum & stabiliter, & ordinatè antè comprehenditur.

Tres Platonis sententiæ.

EX Platonis verbis hæc tria colligimus: primum, ipsum malè esse, omnino deterius judicandum quàm non esse: secundum, separationem animæ à corpore liberare nos à malis, quæ versantur in regione caduca, & ab impedimentis, quæ hæc consecutionem conuenientis finis impediunt: tertium, ipsos animarum appetitus ad vitæ formas valere quamplurimum: neque nos esse tales, vt ab externis duntaxat formemur, atque moueamur. Ex nobis enim ipsis electiones promimus per quas vitam agimus.

Superè

*Superi sententia certa tenent, quæ in
rebus sunt incerta.*

Accipies hinc sententiam admiran-
dam, quæ videlicet præstantiora sunt
vniformiter, vbique anticipare deteriora:
at verò deteriora potentia superiorum non
æquari. Item cognitiones superiorum in
seipsis deteriorum actiones firmiter com-
prehendere. Cognitiones autem inferiorum
totam superiorum actionem com-
prehendere nunquam posse. Quod supe-
rius est; nihil à deterioribus in se accipit,
quemadmodum neque cælum ex muta-
tione accipit aliquam sublimarium passio-
nem: neq; immobilis causa ex motu mun-
danorum mundanum aliquid intrinmittit:
nec omnino quæ sunt æterna ex rebus
agentibus; temporaliter quicquam in se-
ipsis admittunt. Hæc denique quod ne-
cessarium est, dum cuncta cognoscit, mu-
tationem sustinent in eo etiam cogno-
scendo, quod est contingens.

*Argumentatio duplex per negationem,
& affirmationem: illa resoluit, ista cõ-
ponit: & utraq; cum ipsa natura ani-
mæ congruit.*

SI Alcibiades assignare nequit tempus,
in quo putauerit se nescire illa, de qui-

P 2 - bus

bus nunc consultat, certè nec illa quæsi-
uit aliquando, nec à præceptoribus didi-
cit vnquam. Quòd si neque quæsiuit, ne-
que accepit ab aliis, profectò nec didicit,
nec inuenit: si nec didicit, nec inuenit, me-
ritò neque nouit: si non nouit, non est bo-
nus iudex, in quibus assignare nequit tē-
pus, quando se nescire putauerit. Vides
profectò quemadmodum si hoc pacto di-
sputatio producat, tum quidem compo-
sitione, tum verò resolutione procedi-
mus: affirmatiua quidem compositione,
negatiua verò resolutione dicentes. Hæc
autem scilicet compositio, atque resolu-
tio prorsus naturæ animæ conuenit, quæ
quidem à perfectioribus ad deteriora per
compositionem rationum & appositio-
nem alienorum quorundam indumento-
rum labitur, quousque in densum hoc, so-
lidumque vinculum includatur. Vicissim
verò ad excelsa resurgit, per resolutio-
nem, expulsionemq; eorum, quæ ab ipsa
ejus natura dissentiant, donec euadens
nuda, vt sacra tradunt eloquia, speciebus
omnino separatis à materia jungatur.
Quamobrem argumentatio per affirma-
tiua procedens, à perfectioribus ad im-
perfectiora descendit: procedens verò per
negatiua vicissim.

Ipsam

Ipsū bonum, quamvis essentiam intellectualem superemineat, solum tamen ad infimum usque se porrigit.

Ipsū bonum tanquam super naturam intellectualem in se consistens, si dictū fas est, usque ad postrema descendit, illustrans omnia, & conseruans, exornansq; & interim ad se conuertens. Primò quidem ipsis verè existentibus adest: secundò diuinis animis: tertio numinibus humano generi præsidentibus: quartò nostris animis, atq; deinceps animalibus, & plantis, omnibusq; corporibus. Ipsi deniq; in formi materiæ infimæ rerum faci, ipsum profectò bonum clam, ineffabiliterq; ante omnem ordinem, proprium munus exhibet omnibus. hæc autem illud ubique participant, aliter, atque aliter suo qualibet ordine. & quatenus vnaquæque naturaliter apta sunt, bonum inde reportant. hæc quidem debilius, efficacius illa: hæc vniuniformius, illa magis conditione partibili: hæc insuper sempiternè, mutabiliter illa. res nanq; diuiniore quemadmodum indiuiduam habent essentiam, sic & bonum indiuisum possident, & vnitum. Quæ verò à principiis longius discesserunt, in distantia quadam, & diuisione jam posita bonum proprium comparant. Qua-

propter talia cœtu quodam ad idem contendente, mutuâque conspiratione penitus indigent. Vt quandoquidem vnumquodque non habet sufficientiam, quod est elementum boni, saltem per communionem mutuam suppleat naturæ defectum. Atque ita debilitatem suam diuisione factam, conspiratione corroboret. Hac vtrique ratione homines singuli seorsum debiles in commune ad consilium congregantur, diuisam ita mentem inuicem copulantes, & quasi è scintillis multis lumen vnum accendere contendentes. ipsa quidem multitudo nunquam per seipsum sibi communiter conferens compararet, nisi circa vnum aliquid, in ea præualens simul ordinaretur. hoc enim circa omnem rerum ordinem contemplari licet. Multitudinem scilicet vbiq; vni congenitam esse, atque per cognatum vnum reuocandam ad vnitatem ipsam penitus absolutam. Ipsum diuinum bonum, ideo cunctis sui inferuit appetitum, vt per hunc bona nobis impertire valeret.

*Mercurius est auctor nobis inuentionis,
& discipline.*

Mercurius, vt louis nuntius, paternam animis explicat voluntatem, atque ita nobis exhibet disciplinã, atq; iterum,
vt

ut inquisitionis est auctor, inuentionem
 suis præstat alumnis. lam verò quando di-
 sciplina à superis venit in animas, est in-
 uentione præstantior: quando verò ab æ-
 qualibus ceu hominibus cognitricem in
 nobis potentiam suscitantibus, est inuen-
 tione deterior. Inuentio igitur media est,
 naturæ animæ conueniens per se mobili.
 Per hanc enim vis ipsa in nobis per se vi-
 uens, & per se operans potissimum decla-
 ratur. Disciplina verò vtrique se habet,
 atque secundum melius implet animam à
 causis ejus superioribus, secundum verò
 deterius ab eis, quæ sunt extra nos vita-
 lem in nobis vim suscitatur conditione qua-
 dam aliunde mobili. Quòd autem etiam
 à superis cognitio quædam rerum nasca-
 tur in nobis, ipsi dii manifesta sui præ-
 sentia, expositionibusq; satis sæpe decla-
 rant, ostendentes animis ordinem vni-
 uersi, atque præcurrentes velut duces in
 ipso itinere ad diuinum, atque faces quasi
 phanales in signum itineris suspēdentes.

*Propter notiones rerum nobis innatas pu-
 tamus nos omnia nosse.*

A Nimæ nostræ premuntur ignoran-
 tia duplici. putantes quidem se pluri-
 ma nosse ob ingenitas sibi rerū ab initio

notiones, ignorantes autem propter obliuionem. Qui igitur hac duplici premitur ignorantia, nihil ultra perquirat, sicut neque sapiens ipse quærit. atque in hoc ipso est quodammodo similis sapienti. Quemadmodum & materia deo per dissimilem quandam similitudinem, ut rectè quidam tradit. Sicut enim materia est informis, sic & Deus, & utrunque infinitum est penitus, & ignotum. Tametsi hæc omnia deo quidem secundum melius, conueniunt: secundum verò deterius, materiæ competunt.

Anima per acquisitam scientiam fit menti similis: per duplicem ignorantiam, similis fit materiæ.

Anima per ipsam quidem scientiam euadit intellectui similis secundum actum ipsum cognobile comprehendens, quemadmodum intellectus intelligibile: secundum verò duplicem ignorantiam, fit materiæ similis: sicut enim materia omnia videtur habere, quum nihil re vera possideat, sic & duplici ignoratione laborans, videtur sibi, quæ non habet, habere. Proinde duplex animarum cognitio est. Vna quidem indistincta, perque intelligentiam simplicem, atque nudam: altera verò dearticulata, & scientiæ compos, & ambiguitatis expers. Videmur enim,
 vt

vt ipse ait, quasi per somnium omnia nosse, eademq; per vigiliam ignorare, utpote, qui per essentiam quidem rationes habemus, & quasi cognitiones earum hinc expiramus: secundum verò actum, productionemq; non satis habemus. Notionem igitur specierum per essentiam nobis insitam, atque constantem, tempus non antecedit, ab auctore enim hanc habuimus. Sed nouitiam secundum productionem, distinctionemq; rationum effectam præcedit tempus. Itaq; quo tempore primum hanc acceperimus, assignare valemus. noui enim, quòd quid ipse sit circulus, in hoc tempore didici, quidve iustitiæ species sit in alio: similiterq; de aliis, quorum scientias, etiam secundum actum habemus. Itaque de qua quidem re, siue rei, de qua reminiscamur, tempus non satis recolimus. Reminiscentiæ verò ipsius, est tempus aliquod certè determinatum.

Ætates septem, planetis septem congruæ.

A Etatum ordo sequitur ordinem vniuersi. Prima quidem ætas lunarem sequitur potestatem. Tunc enim secundum nutritiuam, vegetalemq; viuimus facultatem. Secunda mercurialem, quando literarum, citharæq; & luctæ, similiumq; ludorum, studiū exercemus. Tertia veneream,

p s quan

quando turgent membra seminibus, & ad genituram protinus incitatur. Quarta Solarem: tunc enim regnat vigor, ætatisq; perfectio properat, ætasq; media. Quinta Martiam, in qua potentias, & victorias affectamus. Sexta Iouã, quæ prudentiam & vitam actiuam, ciuilemq; desiderat. Septima Saturniam, in qua naturæ consentaneum est à generatione desistere, seq; à corporeis segregare, & ad alteram, incorporeamq; vitam se transferre. Superiora ubiq; inferiorum cognitiones vnicè complectuntur, atque præstantius. Quæcunque enim sensus materiali conditione cognoscit, eadem immaterialius imaginatio percipit: quæ opinio sine causa reputat, eadem per causam scientia comprehendit, atq; ita deinceps præstantiora semper per eminentiam absolutam vniuersam cognitionem in se continent inferioribus competẽtem: itaq; & dæmonem præfectum nobis nihil nostrorum latet, non motus animi, non potentia naturalis, non fortuita permutatio: sed ille cuncta vnicè circumspicit, atque gubernat. In hoc vniuerso fines omnes omnium in eo dispositorum ad ipsum finem mundi conducunt. Vt enim mundus perfectus foret, sicut Timæus ait, animalia cuncta, tam diuina

uina quàm caduca sunt genita. Similiter in ciuitate rectè disposita partium omnium fines, fini ciuilis peritiæ seruiunt. Item sicut vnumquodq; eorum quæ in generatione versantur, secundum speciem vnicā habet esse, ideoq; non est infinita, ipsum verò intelligibile est omnia quandoquidē sensibilibus habet causas: sic & quilibet priuatus artifex plurimum est ignorans, semel verò peritus: ipse verò ciuilis est absolutè prudens. Nouit enim & finem proprium, & aliorum fines, atq; cæteras artes ad vnā dirigit ciuitatis vitam.

*Per harmoniam in celo regnantem superi
reliqua harmonicè cuncta contēperant.*

Cælum concentu, motionumq; concinnitate plenum est. Deinde numina nobis superiora harmoniæ cælitus præcedentis participia sunt. Post hæc hominum vita rectè disposita consonantiā morum, & actionum concinnitatem suscipit inde, eorundem quoq; superiorum munus vsque ad bruta, plantasq; descendit. Nam hæc quoq; harmoniæ naturaliter participia sunt. Superi nanq; harmonica ratione mundana omnia continent, atq; perficiūt, & inuicem accommodant, & ad mūdum. Intellectui quidem corpus per mediam animam harmonica ratione concinnant.

Circ

Circuitui verò idētitatis ratione constan-
ti, generationē per medium circuitum al-
teritati (vt ita dixerim) deputatum. Igni
deniq; terrā per vincula media. Præterea
quālibet animam harmonicis rationibus
excolunt. Et vnumquodq; corpus simili-
bus copulant vbiq; mensuris, atq; motum
quēlibet musicis peragunt vbiq; mēsuris.
Habitus igitur in nobis musicus, munus
quidem est Musarum, quāuis earum ima-
go postrema. Habitus enim in nobis ar-
tificioſi, atq; contēplatiui, deos præſides
habent, originemq; inde deducunt.

*Qui ignorat finalem causam, ignorat
omnem causam.*

Ignorātia finalis causæ circa rem quam-
libet efficit, vt & cæteræ causæ ad ean-
dem pertinētes similiter ignorētur. Quo-
niam finis est causarū prima, præcipuaq;
atque potentissima: huius enim gratia, &
efficientes causæ faciunt, & quæ fiunt effi-
ciuntur. quapropter Timæus eiusmodi cau-
sam apud sapientes optimā arbitratur ha-
bendam: duplicem in sophista Plato tradit
animæ prauitatem. quarum vna quidem
ignorantia est in rationem cadens, altera
verò discordia in rationalis partis ad ra-
tionalem. Eiusmodi quidem discordia est
animæ morbus: ignorantia verò deformi-
cas.

is. Quā enim ratio in vniuersa anima ordinem habeat speciei, meritò prauitas rationis est animæ turpitudine, sicut rationis virtus est animæ pulchritudo. Fit enim ignorantia quidē propter irrationalis potentiae dominatum: cognitio verò propter rationalis imperium. Deformitas autē animæ superata ratione contingit, quādo videlicet proprias actiones inconcinnas, & incongruas edit inefficaces, & ineptas ad finē. Oportet in anima excolenda, sublati impedimentis, animā rerum contēplationi penitus admouere. Inest nanque nobis cognitio veritatis: prohibemur autē, quominus animaduertamus eam propter passionē ex generatione nobis obstantes: passionē inquam obliuionem, opinionem vnā, imaginationes falsas, appetitus immoderatos, quibus expulsis, in seipsum est animus conuertendus, ita veritate subitò fruitur.

*Finis belli iustitia: finis pacis amicitia,
quæ est optabilior quā iustitia.*

Belli quidem finis est iustitia, pacis autem aliud quiddam excellentius bonum, amicitia scilicet atque vnio. Finis enim vniuersæ virtutis est, vt Pythagorici tradunt, Aristotelesq; confirmat, vt omnibus jam factis amicis, iustitia nō ulterius

rius egeamus, quando videlicet sublatum fuerit meum & non meū. Atqui iusti sunt omnes, adhuc tamen opus amicitia homines congregante. Esse verò bellorū principium iniustitiam declarat ipsum bellū, quod materiales formæ inter se committunt. Pugnat enim calidum contra frigidum: non quando loco disiuncta sunt, sed quando alterum alterius sedem occupare contendit. Quū enim sede illud indigeat, meritò repugnat extrinsecus venienti, conantiq; ipsum è sua sede detrudere, quocirca rationes insitæ in natura inuicem absque seditione concurrunt. Nam vnaquæq; in seipsa consistit. Formæ verò materiales, quū nequeant seorsum à materia permanere, meritò de communi hospitio inter se decertant, quippe quū hoc vtrasq; formas inter se contrarias in se absq; confusione suscipere nequeat.

Quomodo anima descendendo variè vestiatur, & rursus purgetur, redeatq; vicissim.

Descensus animæ in corpus sejunxit eam à diuinis animis, à quibus intelligentia, & potestate, puritateq; implebatur. Coniunxit verò generationi, & naturæ, materialibusq; rebus, à quibus obliuione, & errore, & ignorantia est imbuta.

Nam

Nam animæ descendenti adnatæ sunt ex mundo multiformes vitæ, vestesq; variæ trahentes quidē ipsam in compositionem caducam, obstantes autem contemplationi separatorū. Oportet igitur animā hinc ad naturam illam peruigilem rectam ducendam, amputare secundas, tertiasq; vires descēdenti subortas, sicut marino glauco, herbæ, petræ, conchæ; cohibere verò impetus extra ferētes. Reminisci rursum rerum separatarum, essentiaq; diuinæ, unde est facta descensio, & ad quam omnem vitam contendere decet.

Anima per se mobilis est, corpus aliunde mobile, sed propter mutuum commercium alter alterius conditionem subit.

Anima per essentiam est mobilis ex seipsa, sed cōiuncta corpori quodam modo euasit etiam mobilis aliunde. sicut enim ipsa sua præsentia dedit corpori vltimū ex se mouendi vestigium, sic & ipsa propter corporeum cōtubernium conditionis notam subiit mobilis aliunde. Igitur ob potentiam se mouentē anima fecunda est, & inuentioni propensior, rationesq; parit, atq; scientias. Sed propter conditionem mobilem aliunde, indiget frequenter ab aliis excitari. Iam verò perfectior.

ctiores animæ ad inuentionē sunt promptiores, imperfectiores verò magis externis indigent adminiculis. Illæ enim magis ex se mobiles sunt, minusq; deterioris naturæ participes: hæ verò minus ipsæ se mouent, magis sortem corpoream patientes. Veruntamen hæ quoq; quando proficiunt, à corpore videlicet, resurgētes, seq; ipsas ex materia colligētes, fecundiores, inuentricesq; euadunt protinus circa illa, in quibus antea erant steriles & ambigæ propter ignauiam ineptam vitæ à materia contingentem, sordidumq; torporem ex generatione cōtractū. Nos igitur ita mediocritatē seruātes rationalis naturæ, conditionisq; causas assignamus pertinentes præcipue ad habitus ejus imperfectiores, atq; perfectiores: viasq; ejusmodi arbitramur ad perfectiones eorū. Quicumq; verò rationes de his assignātes mediocritatem minimè seruant, sed vel ad melius surgūt, vel ad deterius deflectuntur, hi à veritate animæ procul aberrant. Neq; enim probamus eos, qui tradūt animam lapsam in corpus humidum, ejusq; obstaculo impeditam, ab initio esse dementem, humore verò paulatim propter inhatum calorem exhalante, magisq; temperato, prudentē animi potentiam conualescere. Hic enim
perf

perfectiōnis modus corporeus, & materialis est iudicandus, supponitq; perfectiōnem animę ex contemperatione corporis proficisci. Anima verò ante elementa, generationemq; totā, tuam habet substantiā, estq; vita quædam, neq; corpori, neq; naturæ permista. neque rursus admittimus eos: qui animam putant esse quandam divinæ essentiæ partem, partem verò hanc esse toti persimilē, semperq; perfectā. tumultum verò, perturbationesq; circa illud versari, quod in nobis est animal. Qui enim hæc aiunt, animā semper perfectam fingūt, semperq; scientē, nec vnquā remiscētia indigentē, semperq; passionis expertem, nec aliquādo depravatam, tametsi Timæus essentiā animæ nostræ nō ex primis ait omnino generibus constitutam, quemadmodum superiores animas, sed ex secundis tertiisque compositā. Et Socrates in Phædro inquit, vires nostras esse boni cōtrario mistas, dissensionisq; mutue plenas. atq; hanc ob causam aliquando meliores, aliquando deteriores superare solere. Quid plura? nōne ipse inquit, aurigā quoq; nostrum aliquando depravari, scribēs videlicet prauitate ipsius aurigæ multas animas claudicare? multas item plures perdere pennas? sed quidem auriga:ia potest

q. testate:

testate in nobis est antiquius. Hæc utique est, quæ reminiscitur diuinorum, utiturq; secundis, tertiisq; viribus, ut ministris, quod planè docemur in Phædro. Profectò, sicut diximus, mensuras animæ conseruare debemus, rationesq; perfectionē, & profectum animæ assignantes, neque ex corporeis, neque ex diuinis traducere, ut ita Platonis simus interpretes: neq; ad opinionem propriam philosophi verba detorqueamus. Postquam igitur anima aliquando imperfecta est, rursumq; perficitur, & obliuionem patitur diuinorum, & iterum recordatur, cōstat & tempus ad perfectionem eius conducere. Quo enim pacto ex imprudentia ad prudentiā transfertur, & in virtutem à prauitate, nisi per tēpus mutationes efficeret? Omnis enim mutatio spatio tēporis agitur. Hæc utiq; dicta sint de perfectione communiter animarum. Ex his autem accipiamus, oportere eum, qui istum norit, ex ignorantia in cognitionē eius aliquando pertransisse, neq; semper ipsam iusti rationē in promptu prorsus habere, quemadmodum illi nobis superiores: imperfecti nanq; ab initio nascimur. neq; rursum propter ipsam mutationem corporis, cognitionē quoq; iusti nobis obtingere. Nō est enim essen-
tia

ria nostra corporea, nec materialibus constituta. Neceſſe eſt omnes animæ mutationes tempore meſurari. Vnde & Ariſtoteles in anima mutationem ſecundum actus, & habitus, eorumq; oppoſita collocat temporalem. Quod igitur anima conjuncta corpori, & à prauitate, ignorantiâq; tranſiens in oppoſita, interuallo temporis indiget, nemini dubium. Quidam verò animam ipſam ſeorſum in ſe manentem arbitrantur ad agendū tempore non egere, ſed contra tempus ex ipſa creari. hoc autem arbitror aliquam rationem deſiderare. Duplex enim tempus eſt, vnum quidem vnà cum naturali vita, corporeoq; vniuerſi motu natum: alterū verò per incorpoream vitam procedens. Hoc igitur animarum quoq; diuinarum circuitus dimittitur. Ruſumq; animarum noſtrarum actiones perficit etiā ſeparatas, ſecundum verò tempus vnà cum naturali vita porrectum vitam quidem noſtram vnà cum corpore actam metitur, vitam autem ipſam animæ ſecum ipſa viuentis nullo modo. Eſt tamen aliqua in nobis ſcientia ante omne tempus: ſit & aliqua tempore. Socrates igitur ſcientiam ſecundum actum expreſſam ſpectans, inquit, quodnam ante hanc tempus extiterit. Alcibiades an-

q 2 rem

rem sciētiam saltem possidens in essentia positam, propter quam putat etiam scire, quæ nescit, nequit assignare tempus, quo primū accepit eam: ab auctore enim hanc habemus. Quapropter si alter quidem de alia scientia loquitur, alter verò de alia, vera sunt utraq; : scilicet & tempus scientiam præcessisse, & non habere in promptu tempus, quod affirmes scientiam præcessisse. ante enim scientiam nondū consummatam tempus est nullum. ante verò scientiam actu perfectam tempus existit.

*Multi gradus, per quos à multitudine ad
vnum ascendimus contemplando.*

Platō, & Pythagoras jubent fugere multitudinem, ut veritatem simplicissimam consequamur. Multitudinem quidem exterioris populi, nos multifariam distrahentis, atque fallentis: interioris quoque populi multitudinem multò magis. hæc enim magis distrahit, atque fallit. Primam ergo fugito variam affectuum multitudinem: secundò sensuum: terriò imaginationum: quartò opinionū inde pendentium. omnis enim multitudo jam dicta tam in se diuersa est, ut alia aliis in qualibet contraria sint. vnde præstat ad scientias se conferre, in quibus multitudo
jam

jam contrarietatem habet nullā. Nam etsi
 affectus affectibus contrarij sint, sensus
 quoq; sensib², imaginationes imaginatio-
 nibus, opiniones opinionibus, nulla ta-
 men scientia scientiæ contraria reperitur.
 In hac igitur propositionum notionumq;
 multitudine, cōgregemus in vnum scien-
 tiarum quoque numerum, vno quodam
 vinculo connectamus. Tantò enim abest,
 quòd inuicem contraria sint, vt etiam no-
 tio notioni seruiat, scientiæq; inferiores
 omnes superiori ministrent, habeantq;
 sua ab illis exordia. Oportet hinc insuper
 à multis scientiis, quæ præsupponunt vnā,
 ad ipsam vnā se conferre, nullam vltre-
 rius supponentem, atque ad hanc primam
 omnes rite referre. Post verò scientiam,
 ejusq; studium, expedit jam deponere
 compositiones, & diuisiones, multifor-
 mesq; discursus, atq; illinc ad intellectu-
 alē vitam, simplicesq; intuitus, & perce-
 ptiones ejus ascendere. Scientia enim non
 est summus cognitionum apex, sed super
 eam est intellectus, non intellectum in-
 quam duntaxat ab anima separatum, sed
 ipsam quoq; illustrationem animæ illinc
 infusam, de quo & Aristoteles ait, intelle-
 ctū esse, quo terminos cognoscimus. Atq;
 Timæus hunc ipsum inquit, in nullo vn-
 9 3 quam

quam alio præterquam anima fieri : ad intellectum igitur hunc ascendentes vnâ cum hoc intelligibilem essentiâ contemplantur. Perceptionibus videlicet indiuiduis, atq; simplicibus indiuisa, simpliciaq; entium genera speculantes. At verò post venerabilẽ intellectũ, ipsam deniq; summam animæ (vt ita dixerim) existentiam, per quam vnum sumus, & sub qua vnitur multitudo nostra, suscitare fas est. Quemadmodũ enim per intellectum nostrũ diuinum tangimus intellectum, sic & primum vnũ, a quo omnibus inest vnio, per vnum, & tanquam essentiæ nostræ florem attingere licet. per quod sanè nostrũ vnũ diuino maximè jungimur. Simili nanque simile vbicunq; comprehēdi potest: scibilia quidem scientia, intelligibilia intellectu : vnitissimæ entium mensuræ animæ vnitæ. Iam verò hæc vnitas, per q; ipsam actio, est actionum nostrarum summa: diuini per hanc efficiamur, quando videlicet omnipem multitudinẽ fugientes in ipsam vnitatẽ nostram confugimus, vnumq; efficiamur, & vniformiter agimus. Hactenus fugiendam multitudinem admonuimus per gradus cognitionũ ordine procedentes : deinceps per gradus cognobiliũ ad idẽ comprobandũ similiter proceda

cedamus. Sensibilia fuge omnia, congesta enim sunt, & diuidua, ac penitus mutabilia. ideoq; syncera notitia teneri non possunt. ab his igitur ad essentiam incorpoream te transferro. Omne nanq; sensibile habet aduentitiam vnitatē, perq; seipsum est dispersum, & infinitate plenū. propterea & bonum ejus est partibile, & aduentitium, & à semetipso distans, atq; dissidens, atque in sede residens aliena. Quum verò ascenderis illuc, & inter incorporea fueris collocatus, conspicias animalem illum ordinem super corpora mobilem quidem ex seipso, per se agētem, in se, & ex se suam substantiam possidentem, multiplicatam tamē, anticipantemq; in seipso apparitionem quandam essentiae, circa corpora diuidendae. Ibi sanè videbis rationum plurimas habitudines, proportionēsq; varias, & vincula multa. Item tota quaedam, & partes, & circulos animales, varietatem virium multiformē. Præterea animarū perfectionem non æternam, non simul totam penitus consistentem, sed euolutam tempore, & in discurſionibus se versantē. talis enim animæ natura est. Post verò multitudinē animis competētem te conſer ad intellectum, & intellectualia regna, vt rerum possideas vnitatem. ibi quidem

naturæ illius contemplator esto. Spectato manentem in ævo naturam, vigentem vitam, intelligentiam vigilantem, cui nihil deest vitæ, quæ ad perfectionē suam curricula temporis non desiderat. Vbi hæc inspexeris, & quanto intervallo animis sunt meliora, quære deinceps num aliqua ibi sit multitudo: & intellectus, quum sit vnus, nunquid sit etiam vniuersus. Item, quū sit vniformis, an sit insuper multiformis. Inuentes quidem ita se habere. Quū ergo perspexeris intellectualem illic multitudinem, quamuis indiuiduam penitus, & vnitam, ad aliud rursus principium te traducito, atque superintellectuales essentias, vnitates earum considerato, ac denique vnitatē ab omnibus absolutam. hucusq; profectus, omnem multitudinem dereliqueris, & ad ipsius boni fontē jam peruenieris. Quum per hæc pateat perfectionem animæ cōparari ex eo propriè, quòd omnem, & externā, & internam, & ipsam vniuersi multitudinem fugiamus: hinc quoq; concludere possumus, animas nostras non à sensibilibus cognitiones duntaxat colligere, nec à rebus particularibus atq; diuisis, ipsum totum vnumq; inuenire, sed ex intimis promere disciplinam, & quod in rebus apparētibus imperfectum est,

est, emendare. Non enim decet existimare ea, quæ re vera non sunt, esse præcipuas causas cognitionis in anima existentis: & quæ inter se ipsa dissident, indigentq; rationibus, & argumētis animæ, ambiguaq; sunt, scientiam omnino præcedere eodem modo manentem: neque etiam quæ variè permutantur rationes in vno consistentes progenerare: neq; indeterminata determinatæ intelligentiæ causas esse. Non igitur à multis, sempiternorum veritatē accipere decet: neq; à sensibilibus vniuersalium judiciū, atque discrimen, neque à rebus ratione carentibus iudicium, sententiamq; bonorum: sed oportet animam se ipsam ingredientē, ibi verum, bonumq;, ac veras rationes omniū perscrutari. Plena enim est horum animæ ipsius essentia. delitescunt verò ex obliuione genefica. Quærit igitur anima verū, exteriora spectās, ipsum interim essentia possidens, bonumq; foris explorat, se ipsa deserta. Hinc igitur sui ipsius cognitionē exordiri quisque debet. Si enim in hominum multitudinem intuitū distrahamus, nunquā vnā eorum speciem discernemus, obscuratam videlicet multitudine, diuisioneq;, & discordia, mutationeq; multiplici eorum, qui speciei participes sunt. Sin autē in nos ipsos

q s aciem

aciem conuerterimus, hinc utique & rationem unam, & naturam unam hominum speculabimur à disturbance semotà. Merito itaque Socrates longè segregat animam à multitudinis conspectu cognituram: quid re vera sit homo, opinionesque contemplationis hujus impedimenta redarguit. Multitudo nanque impedimento nobis est ad animi conuersionem in se ipsam, atque ad unius speciei notitiam. Hinc enim varietas obumbrat unum, alteritas obscurat identitatem, dissimilitudo obfuscatur similitudinem. nam circa materiam species sunt confusæ, & meliora deterioribus sunt commista.

Vita propriè naturalis animæ, non est in corpore terreno, sed sublimi, ideo formæ omnes hinc egrotant, atque delirant.

Nemo mirari debet, si quum dicamus, quod est naturale, frequentius esse eo, quod præter naturam. & hoc quidem contrahi in angustum: naturale verò per vniuersum amplificari. hominum tamen plurimos, ignorantes esse fatemur, & malos, contrarios autem quam paucissimos. Non enim naturale est animis unà cum corporibus vitam degere, & in generatione versari: sed contra separata, immaterialis, incorporea vita potius est animis consen-

consentanea. Quando igitur in generatione versantur, similes sunt hominibus pestilētem habitantibus regionem: quando verò extra generationē viuunt, ut Plato inquit, similes sunt prata colentibus. Quemadmodum igitur non est mirādum inter eos, qui pestifera loca incolunt, languere quamplurimos, paucissimos verò naturalem valetudinem conseruare, sic & animas in generatione positas plurimas quidem obnoxias passionibus, atque prauas esse mirari non debes. Contra verò stupendum foret, si animæ ejusmodi corporibus inuolutæ, his nodis adstrictæ, tāta circumfusæ mutatione aliquando sobriæ, puræ, imperturbatæ reperiātur. nōne stupendum est animam immaterialiter in rebus materialib' viuere, & in caducis incontaminatā se alicubi conseruare? atq; quū jam ejusmodi pocula biberit, non esse his pharmacis consopitam? Re enim vera obliuio, error, inscitia pharmaco cuiuspiam similis est, in locum dissimilitudinis animas deflectenti. Quidnam igitur admiraris, multos quidem, secundū vitam esse lupos, multos verò porcos, plurimos autem alia quadam bruti specie circumfusus? quum terrenus locus Circes ipsius sit diuersorium; animæq; multę ob immoderatam

ratam concupiscentiam venenosius inescantæ sint poculis : illud autem, illud potius admirare, si qui inter mortales usquã reperiantur ejusmodi potionibus non permulcti, non etiam irretiti, si qui Mercurij munere facti in rationem, scientiamq; se conferant. Quemadmodum enim mirari non debes, si in tartaro prospexeris animas cruciatas, (talium enim ille locus,) sic etiam si in generatione viuẽtes animæ plurimæ perturbatæ, sint ignaræ, dementes. tales enim animas desiderat generatio. Sicut igitur in cælo quidem bonæ sunt omnes, in tartaro autem omnes improbæ: sic in generatione plures quidem prauæ sunt, pauciores autem probæ. Generatio enim non ad extremorum melius, atq; diuinius declinat, sed deterius.

*Malus neque cum alijs consentit,
neque secum.*

Improbus secum ipse consentire non potest. Necesse enim est, tum propter naturam rationalem videre quodammodo verum, tum propter imaginationem perturbatam, plurimum ignorare, secumq; diffidere. Declarat hoc poenitentia remissis perturbationibus veniens. Intemperatus igitur propter intelligentiam diuinitati cognatam, diuina quandoq; cogitat, atque

atque loquitur: sed propter concupiscen-
tiam, imaginationemq; perturbatā à tem-
perantia diuina longè discedit. Cūque
semper secum ipse pugnet, nimirum cum
aliis consentire non potest.

*Quicumque sciunt aliquid, circa illud
omnino consentiunt.*

OPortet eos, qui sciunt aliquid, circa
illud esse concordēs. Cujus quidem
concordiæ causa prima est ipsa rerum de-
terminata natura: secunda, quòd ipsa co-
gnitionis iudiciaria sunt eadem apud o-
mnes: tertia, quòd in primis principiis, in-
tellectus ad seipsum est vnitus. Ideoq;
quicquid est, intelligentiæ compos est, &
particeps vnionis. Scientia quidem illu-
stratio quædam est, ex intellectu depen-
dens: concordia verò illustratio est, ex
vnitate procedēs. Est enim vnio differen-
tium. Necesse est igitur scientiæ ejusdem
participes inuicem consentire.

*Quisque nostrum est anima, & hac in se ha-
bet species omnes diuinas, atq; naturales.*

Totum Platonis consilium hoc in li-
bro est, nos in ipsam nostri reuoca-
re cognitionem, atq; demonstrare essen-
tiam nostram in speciebus, rationibusq;
consistere. Atq; scientias omnes ex se ipsa
produ-

producere, & in se ipsa species omnes diuinas, & naturales agnoscere. Perfecta quidem nostri cognitio foret ab essentia vires, ab his actiones dijudicare. Cognitione verò nostri communione potimur, ex actionibus vires, ex viribus essentiam animæ cognoscentes: hæc quidem tria inuicem in anima confluunt. Nam & essentia ejus est actu, & actio essentialis existit. Hæc enim intellectualis fit, secundum actum. hæc autem essentiæ fit cognata, secundum ipsius perfectionem.

Anima libero motu se ducit, sibi bonum præbet, se purgat, se erudit, etiam quando aliunde erudiri videtur.

A Nimalia quidem ratione capta, impulsu gubernantur externo, & aliunde curantur, ea videlicet conditione, qua mouet ipse motor, orbata scilicet ea facultate, qua aliquid seipsum ducere valeat, atque seruare. rationalis autem anima propter ipsam per se mobilem, & per se operantem proprietatē suapte natura potest circa se ipsam agere, seq; mouere, bonumq; sibi ipsi præbere. Iam verò purificatio nobis non accidit ab externis, sed ex intimis animæ ducit originem. Omne nanq; malum ab externis accidit, atq; est animæ

animæ peregrinum, ex intimis verò bonum. anima enim naturaliter est boniformis. Et quanto fit perfectior, tanto vitam sibi vendicat ex se mobilem, quippe quā fiat aliunde mobilis ob corporale commercium, & effectum. Quapropter quicquid accipit ab externis, remanet appositum extra ipsam, sicut sensibilia, & imaginatione percepta. Sola verò illa sunt in ipsa, quæ ab ipsa in ipsam fiunt, ab eaq; producuntur. Purgatur igitur ex seipsa, quandoquidem ratio à seipsa incipiens, desinit in seipsam. Hac igitur ratione rectè intelligitur, quod Socrates ait, scilicet inter disputantes, dicentem esse propriè, qui respondet. Hic ergo si redarguitur, redargutus verò purgatur, certè, dum purgatur, se ipsum purgat, & ab ignorantia liberat, redargutionem adhibens ipse sibi. Quod quidem naturæ animæ se mouenti consentaneum est. Quod sanè dictum confirmat etiam illud, disciplinas esse reminiscencias: quod enim respondentes ex se ipsis omnia dicant, maximum est reminiscenciæ signum, animas videlicet rationes, sermonesq; ex se ipsis promere, atque solo suscitante quopiam indigere. Neque esse tabellas vacuas literarum, quæ extrinsecus figuras accipiant. Sunt enim semper
incri

inscriptæ, & ipse scriptor est intus. Neque tamen omnes inscripta legere possunt, vel quod inscripta sint, cognoscere: quippe quū ob genericam obliuionē oculus earum sit sordidus circumfusus, atq; ex ipsa obliuione in passionēs inciderint. Solum igitur opus est auferre, quod obstat appositum. non autem necessaria est extrinsecus injecta notitia. habent enim animæ in se januas veritatis, sed terrenis, materialibusq; speciebus obclusas. Siquis igitur diligentissimè res demonstrat, animæ incitæ quidem aliunde, promentes autem ex se ipsis scita responsa, ex hoc ipso declarant verū esse Platonium. illud, animam omnia nosse, soloq; indigere quodam ad respondendum extrinsecus incitāte. Præterea, quod aliquis, quum eruditur, ipse se ipsum purget, dæmonicæ potestatis est opus. nam dæmones non extrinsecus in nos agunt, sed tanquam ex puppi nos intrus dirigunt, & gubernant. neq; nos purgant tanquam corpora quædam aliunde mobilem nacta naturam, sed curant tanquam mobiles ex se ipsis. Hac enim ratione tamen & bona præbent, & passionēs expurgant. Socrates igitur vicem boni dæmonis agens, ostendit adolescentem non tam ab alio, quam a se ipso redargui.

Quare

Quare malus, & ignorans secum & cum alijs dissideat. quare bonus consentiat, & scientes inter se sine concordēs.

Contingit meritò plerisq; ad se ipsos discordia frequens: quoniam aliqua quidē à sensibus intromittunt, aliqua rursum ab imaginatione, aliqua ab opinione frequenter, nonnulla ab ira, à concupiscētia multa. Non enim solū ex opinionibus tales quædā passiones mouētur hominibus, sicut Stoici tradunt, sed etiā contra propter passiones quasdā, & impetus, opinionēs sæpe permutant, quādoq; ex optimis pessimas sæpe reportant. Hi ergo à multis principiis, atq; potentiis, & his quidem deterioribus, multiformes in se motiones accipientes, nimirū animam dissidentem habent, atque discordem. Scientia verò præditi ab vno quodam superiore principio cognitionem suscipiunt vniuersam. intellectus enim eis principia tradit. Jam verò omnes sententiæ veræ filię sunt intellectus. Quū igitur à tali quodā principio simplicitate procedant omnes, meritò omnes inuicem sunt concordēs.

Qui putant hominem esse ex anima, corporeq; compositum, consequenter vtile ab iusto se jungunt: qui verò hominem esse animam, coniungunt.

r

Vtrum

Vtrum idem sit iustū, atq; vtile, ceterū quidē dissentiunt. Platonici verò idē esse cēsent. Nam Epicurei sanē, & Stoicorum quidā, finem nostrum ponētes ipsum secūdum naturā vivere, atq; Periparetici, qui bonum nostrū ex necessariis cōplent, non facilē possunt idem esse iustum, atq; vtile cōfirmare: similiter & quicunq; hominē aiunt esse corpus animatum, vel ex corpore, animaq; compositum. Vulnera enim, cædesq; fugiet aliquis, vel iniuste, vt animal cōseruetur. quippe quū cuiuslibet animalis bonū sit secūdum naturam. se habere, & in hoc habitu cōseruari, hīc igitur vtile dissentit à iusto. Quicunq; vero finē ipsum in anima collocāt corporeis non egentē, hominemq; ipsum esse putāt animam vtentē corpore, hī certē iustum, atq; vtile facilē iudicāt esse idem. Vtrunq; enim in anima ponūt, & passiones instrumentorum ab ipsis vtentibus esse sejunctas intelligunt. Argumentatio verò probans iustū esse vtile ita procedit: Omne iustum est pulchriū, omne pulchriū bonum: omne igitur iustum, bonū. Atqui bonum & vtile idem est, omne igitur iustum est vtile.

Anima contrahit in se speciem rei, cui adheret: item de vehiculis diuinarum animarum, atq; nostrarum.

Anima:

A Nimæ, species etiam eorum sibi contrahunt, quibus ipsæ se conjungunt: nempe quando se assimilant intellectui, mox immutabilitatem secundum opiniones, atq; vitam sibi vendicant: quando verò generationi se copulāt, nouitatem ubique sectantur, & tum in hās, tum illas feruntur opiniones: rationesq; ipsas animæ semper stabiles minimè sentiunt. Significat inter hæc Plato generosiores, & ingeniosiores animas intelligentiam habentes puritatis deorum inuiolabilis, atq; hanc ipsam suo idolo inferentes, etiam circa apparentem puritatem quodammodo occupari solere. Quandoquidem & diuinorum indumentorum inuiolabilis essentia est, & immaterialis est puritas, quā sanè oportet animas induere, sua videlicet indumenta cognata purgantes, vestesque suas incontaminatas à generatione seruantes, neque totum in externarum vestium puritate ponentes.

*Scientia vna in se manens implēt multas
non diminuta: hinc coniungimus animam
esse à corpore separatam.*

Eiusdem scientiæ minus est vni persuadere, atque multis: in qua quidem Platonica sententia quasi quidam hymnus, & celeb.

celebratio scientiæ cōtinetur hunc in modum: quanta & qualis vnaquæq; scientia sit, hinc apparet, quòd intellectus ipsius imitatione eadem scientia vnumquemq; implet cognitione, cunctosq; simul. est quidē indiuisibilis, & confidens in seipsa, & interim omnia participātia sui perficit instar mentis, quæ quidem ex se tradit omnibus interim ab vnoquoque seorsum. Hæc utique essentiam nostram iudicant à corpore separatam, & in seipsam manentem. siquidem scientia, quæ perfectio nostra est, talem possidet facultatem: corporeæ nanque potentiæ quando se tradunt, ipsæ se minuunt. Scientia verò vna, eademq; permanens indeminita sufficiens vni, multisq; pariter seipsam exhibet. & anima igitur similiter est toti corpori præsens, omnibusq; membris, quamuis alia aliter membra participant.

Propheticus esse aliquis sine scientia potest. propheta verò certò scit quod pronunciat.

Vbi Plato ait, vaticinatores, significat illum opinione quidem non scientia, quod ibi prænunciat præfagire: nam vaticinales quidem non scientia præditi sunt, sed opinione feruntur: qui verò nō solum vaticinatores, sed etiam vates sunt, jam
scien

scientia potiuntur, potioremq; humanam scientiam habent. Significat etiā generosiorū animarū impetus, atq; motus quodammodo à superis suscitari. propterea quòd etiam prater opinionem agant, sæpe etiam si absque scientia operentur.

Bonum, pulchrum, iustum, superintelligibile, et intelligibile, intellectuale, essentia, vita, intellectus.

INter principia rerum ipsum bonum supereminet pulchritudinem, & pulchritudo iustitiam: bonum nanq; super intelligibilia extat in loco inaccessibili situm. pulchritudo verò occultè quidem in primis intelligibilibus permanet. Explicatiùs autem in ipso ordinis illius fine. Iustitia deniq; vnité quidem in primo intellectualium ordine permanet: consequenter verò in calce intellectualis deorum processionis effulget. Rursum ipsum quidem bonū regnat in diis, pulchritudo in mentibus. Iustitia regnat in animis, quapropter & iustum quidem pulchrum est. Non tamen omne pulchrum est & iustum: sed ipsa pulchrorum causa iustitiā antecedit. item, omne pulchrum bonū, fons autem bonorum omnium præcedit omne pulchrum. Rursum, iustum quidem est bo-
r 3 num

num per mediam pulchritudinem bono
cōiunctum, bonum verò superius est am-
bobus. Sic vtique inuenies rerum etiam
extrema considerās. Materialis enim cau-
sa, quauis bonū aliquid sit, turpe tamen
est, atq; deforme, vnius particeps quidem
est, speciei tamen expers. quod verò sensi-
bile est, pulchritudinis quidem vestigia
possidet, iustitiæ verò nequaquā. Hinc in
Phædro Socrates ait, inter caducas ima-
gines nullum esse iustitiæ, temperantiæq;
splendorem: pulchritudinem verò solam
priuilegium id habere, vt euidentissimè
pateret vbique, & desiderabilissima foret.
Vbi igitur iustum est, ibi pulchrum: vbi
pulchrum, ibi bonum, siue prima princi-
pia spectare volueris, siue principiorum
illustrationes vsq; ad extrema porrectas.
Ipsius quidē boni omnia participia sunt.
omnium enim est principium, pulchri ve-
rò sola, quæ aliquam habent speciem. ju-
stitiæ deniq; solæ animæ sunt participes.
Iam verò in medio rerum omnium centro
quale est anima, hæc omnia inuicem con-
nectuntur: bonum, iustum, pulchrum: &
bonum quidem ipsius est pulchrum, at-
que iustum. Iustum quoque simul & pul-
chrum est, & bonum: pulchrum similiter
& bonum est, & iustum. Neque solū in
ejusm

eiusmodi trinitate est hic sermo verus, verum etiam in aliis quoque multis. Quemadmodum inter principia ipsum ens præcedit vitam, vita mentem: similiter etiam in effectibus, ubi non omne compositum entis, compositum est & vitæ: neque viuens omne statim est mente præditum, sed vicissim intelligentia omnia viuunt, atque sunt: viuentia verò sunt, quoque viuendo. Quum verò talis sit in extremis, per trinitatem eiusmodi differentia in anima confluunt, ubi ens quidem, & vita, & intellectus existit. vita verò & intellectus est, & essentia. Intellectus autem, & essentia similiter est & vita. vna enim simplicitas est in anima, vna substantia, neque esse, neque viuere, neque intelligere, ibi est aduentitium. Sed intellectus quidem ejus est essentialis, & viuens, vita quoque intellectualis est per essentiam. Essentia denique intellectualis, & viuens. vbique ergo est omnia, & ex omnibus vnum simili ratione: & bonum ejus pulchritudine, & justitia pollet: & pulchrum est bonum, atque justum: rursumque justum est bono, pulchroque refertur: subiectum sanè vnum est, rationes verò diuersæ. ubi nos neque ipsam triam horum identitatem secundum rationes consideramus, neque alteritatem secundum subje-

etum existimamus, sed rationes quidem eorum differentes inter se conseruamus, vnum verò subiectum. quamobrem vbiq; per actiones animæ inuicem ista concurrunt: sicut enim rationes quidē virtutum sunt differentes, vnum verò compos est cunctarum, neq; fieri potest, vt sis iustitiæ particeps, & temperantiæ vacuus; vel duo hæc quidem habeas, cætera verò non habeas: sic & ejusmodi trinitas sibi ipsa connectitur, & omne quidem bonum simul & pulchri compos est, & iusti, similiterq; de cæteris propterea Socrates iustum bonum per pulchritudinem copulauit. Hoc enim est competēs eorum medium simul, atque vinculum. Timæus autem ait pulcherrimum esse nodum, qui & seipsum, & colligata, quam maximè cōficit vnum. Memento verò ipsi quidem bono, malum duntaxat esse contrarium, bonum verò nequaquam. ex quo apparet cōcordia inuicem esse bona: malo autem & malum, & bonum pariter aduersari.

Probat omne iustum ipsa eius natura pulchrum esse atq; bonum.

OMne iustum esse pulchrum sequentibus rationibus cōfirmabimus, quā prima sit multitudo quædam, atque in ea
hoc

hoc quidem primum fit, illud verò medium, illud autem vltimum. dic age, quando iustitiam in ea fieri dicimus, an quando medium, aut vltimū superioribus dominari conatur, an potius quādo primum medio, mediū imperat vltimo? At si tunc, quando deteriora melioribus prævalent, non vltcrius erunt deteriora natura talia. Illud enim cui cōpetit dominari, melius est, honorabiliusq; natura. si igitur impossibile est idem naturaliter esse melius, atq; detcrius: oportet iustum tunc in anima reperiri, quando quod in ea optimum est, vitæ totius habet imperium medium verò subditum meliori præualet vltimo. Tunc enim vnaquæq; pars animæ, quod sibi conuenit, habet. primum quidem regnans: secundum verò stipans: vltimum denique meliori ministrans. Ipsum itaque iustum natura distributiū est ejus, quod conuenit parti cui libet animæ. Et officij proprii conseruandi vnicuiq; causa, propriæq; dignitatis distribuendę, atq; ita totius ordinis conseruatio. ordo verò, moderatioq; huiusmodi naturæ conueniens naturaliter pulchra est. Est igitur iustitia causa pulchritudinis, atque pulchra. Est autem duplex iustum, vnum quidem in contractibus, quod arithmeticam conser-

uat æqualitatem : alterum verò in distri-
buendo versatur in geometrica æqualitate
consistens. Tum igitur arithmeticam ser-
uat æqualitatem, ne socium suo in contra-
ctibus defraudemus, plus videlicet quàm
dederimus, ipsi recipientes. Tum verò in-
æqualibus distribuit inæqualia pro digni-
tate cuiq; geometrica proportionem serua-
ta, vt quemadmodum differunt inter se
personæ, sic & differant inter se distributa
personis: itaq; omne iustū, sicut diximus,
est æquale : omne autē æquale, pulchrum.
nam inæquale incompositum est, & tur-
pe. iustum igitur omne pulchrum. Præte-
rea tunc est in corporibus pulchritudo,
quando superat forma materiā ipsa nanq;
materia deformis est, & turpis : & quan-
do forma superatur ab ea, tunc forma in-
formitate quadam & deformitate reple-
tur, & quasi informe quiddam euadit, fa-
cta videlicet similis subiectæ naturæ. Si
igitur & in anima, quod intellectuale no-
bis inest, vicem gerit formæ, inrationale
verò materiæ (nam intellectus, & ratio in
ordine termini computantur) inrationale
verò in genere indefiniti locatur (natura
enim indeterminatum est, expersq; men-
suræ) necessarium est, in anima quoq; tūc
pulchritudinem effulgere, quando ratio
quidem

quidem regnat, species verò vitæ ratione carentes rationi subdūtur. at verò justum ipsum rationi quidem dat imperium, inrationali deputat seruitutem. vtriq; enim, quod sibi consentaneū est, attribuit. principali quidem principatum: inferiori verò designat obsequium. Quandoquidem in opificio mundi inrationale nobis est subditum, & rationi nobis insitæ inrationale subjicitur, vt vehiculum ipsum. itaq; justum naturaliter pulchrum est, & pulchritudinis animæ causa. Item justum quid perfectum est, atque definitum. nam injustum imperfectum, indefinitumque censetur, atque infinitum vagatur, nec vsquam sistit gradum præuaricans justitiæ terminum. ipsum ergo justum, cuiusq; adest, mensuram, terminumq; imponit, atq; ita omnia perfecta facit. Quū itaque tale sit, meritò pulchram efficit animam. Id enim, quod perfectum est, atque mensuratū, naturaliter pulchritudo consequitur, sicut immensuratum, indeterminatumq; deformitas comitatur. justum igitur est natura pulchrum. denique ipse mundi faber totum hoc per justitiam exornauit. pulcherrimo enim nodorum omnium nodo deuinxit mundū, indissolubilemq; effecit, propter proportionis analogicæ

logicæ potestatem continentem ipsum, sibiq; amicum vndique facientem. quod autem est simile mūdo visibilibus omnium formosissimo, nimirum est ipsum quoque pulchrum. quod igitur iustum est, necessarium est & pulchrum.

Omne pulchrum naturaliter est bonum, omne turpe malum, atque vicissim.

OMne verò pulchrum esse bonum, ita probamus. Constat pulchrum esse amabile suapte natura, quandoquidem & extrema pulchritudo diuinę pulchritudinis imaginem ferens, est amabilis, primoq; aspectu animos ad se mouet. Quod confirmatur in Phædro. Re enim vera καλὸν id est pulchrum, siue dicitur ἀλγὶ τὸ καλεῖν, id est quia prouocat animas, siue ἀλγὶ τὸ καλεῖν, id est quia permulcet intuentes, certè secundum naturam est amabile. Quapropter & amor ad pulchrū dicitur amantem ducere. Quicquid autē est amabile, est appetibile. est enim amor appetitus aliquis alicujus robustus, atque vehemens. Et quicquid amat, appetit aliquid quo & indiget. Omne verò appetibile est & bonū, siue re vera bonū, siue apparens. Pleraq; enim non bona expetenda nobis occurrunt, quoniam appetētib; se offerunt

runt tanquam bona. Demonstratum est autem à Socrate in Memnone, manifestè fieri non posse, vt qui malum, quale sit, nouerint, ipsum appetant. Appetibile igitur omne bonum est. Ac si quidem appetibile sit principaliter, bonū quoq; principaliter erit. Sin autem apparens appetibile, tale etiam erit bonū. omnino autem in quolibet terminorum hoc est apponendum, scilicet aut apparens, aut re vera. Si enim pulchrum, & apparens, certè & amabile & appetibile, bonumq; pulchro ejusmodi consors. Sin autē natura pulchrum est, & amabile, bonum quoque similiter. Atqui quidnam erit appetibile, nunquid malum? At impossibile est, vbi notū fuerit, esse alicui experendum: omnia enim bonum appetunt, ad malum autem appetitio nulla fertur. sed neque etiam appetitus fertur ad aliquid, quod neque sit bonum, neque malum: quod enim tale est, gratia alterius agitur, nullusq; finis existit. omne autem appetibile finis. atque si quid ex malis appetitur, quoniam apparet bonum, desideratur vt bonum: & si quid non pulchrum amatur, quoniam apparet, amatur vt pulchrum. Si igitur omne pulchrum est amabile, omne amabile est appetibile, omne appetibile bonum: consequent

quenter omne pulchrum est bonum, atq;
vicissim, omne bonum appetibile: appeti-
bile est amabile: siquidem amare est vehe-
menter appetere. vnde in Symposio So-
crates ait bonum amabile esse sicut pul-
chrum: si inquam omne bonum est appe-
tibile, appetibile rursus amabile, amabile
verò pulchrum, sequitur ut bonum omne
sit pulchrum. Neque nunc nobis objicias
aliquis, ipsum bonū esse superius pulchri-
tudine, neque rursus duplex esse, quod
amabile dicitur: non enim nūc de primis
rerum principijs disputamus, sed de iis,
quæ nobis insunt, pulchris, atque bonis:
quod igitur in nobis est bonum, simul est
appetibile, & amandum. Per amorem igi-
tur id comparamus, & possidemus: per
amorem inquā, studiumq; propensum. ac,
si quis seipsum animaduoriterit, planè per-
spiciet, ejusmodi bonum acriores nobis
amores inferre, cognoscet, quā pulchra
sensibus manifesta: quod igitur est bonū,
est & pulchrum. Quapropter Diotima
præcipit amatoribus, ut post occurrentem
sensibus pulchritudinem, se ad pulchritu-
dinē transferant actionibus, officiis, scien-
tiis, insitam, ibiq; amatorium animæ ocu-
lum vehementer exerceant. Deinceps ve-
rò ad intellectum, ibiq; præcipuam, diui-
namq;

namq; pulchritudinem dominantem, tanquam ipsum re vera pulchrum in nobis animæ vigeat. Quid enim in nobis est virtute, & scientia pulchrius? Quid cōtrā, vitio, & ignorantia turpius?

Homo est anima vtens corpore, vt instrumento. Mala ergo corporis non pertinent ad animam, hominemq; sicut neq; mala instrumentorum, ad artificem: atque artem.

FAlsò pleriq; putant vulnera, mortemq; mala. quid enim horum nobis est malum? Siquidem non transit in animam, quæ nos ipsi sumus. Neque enim passion- nes instrumentorum virtutes vtentiū mutant, neque igitur faber obtusa aliquando seca, artem amittit secandi, neque etiam si in arte fabrili consisteret nostra felicitas, infelicem propterea putaremus fabrum, cui seca defuerit. Iam verò quemadmodum anima instrumentum habet, sic & corpus instrumenta quædam habet, per quæ mouet externa: quorum vitium bonam non lædit corporis habitudinem, similiter & corporis passion- es in animam non pertranseunt. quapropter & mors, etsi corporis malum est, non tamen est animæ malum. Si igitur pulchrum quid-
dece

dem actionis est in anima, malum verò interim fit in alio, nondum ostensum est, idem aliquando pulchrum esse, simulque malum. Licet etiam dialectica ratione distinguere, aliud quidem esse aliquid secundum seipsum, aliud autem secundum accidens. Est enim actio fortis, pulchra secundum seipsam: mala verò, si quando fit mala, per accidens: quoniam accidit fortiter agentem mori. esto enim, si vis, mors è malorum numero. Non igitur officium forte secundum hoc ipsum, quod est forte, ideòque & pulchrum, est etiam malum, sed forte per accidens. aliud igitur est pulchrum, aliud verò malum. Neque qua ratione pulchrum, eadem ostensum est esse aliquando malum, sed per accidens propter obitum. Proinde hominis ignorat essentiam, qui bonum à pulchro secernit. & hoc quidem in alio, illud autem in alio ponit, bonum in corpore, pulchrum in actionibus animæ. Sed re vera homo ipse est animus, ipse essentia à corpore segregatus, in quo quicquid est, pulchrum est, & bonum est, etià si inde corporis sequatur incommodum. Corpus enim non pars hominis, sed instrumentū: instrumenti verò malum non pertinet ad videntem.

Quomodo

Quomodo differant duo hæc, scilicet secundum seipsum, & qua ipsum.

Dilectiones ejusmodi, scilicet, secundum seipsum, & qua ipsum, etiam apud Aristotelem distinguuntur. Quod enim secundum seipsum alicui competit, potest ei non competere primo. Quod autem qua ipsum convenit, præter id, quod convenit, secundum se ipsum etiam primo competit ei, atque adæquatur. Pulchrum igitur, si commensurationis animæ causa est, atque ob hoc ipsum dicitur pulchrum, efficiturque, ut melius in anima dominetur deteriori, perficiturque nos, & animæ deformitatem purgat: hac ipsa ratione bonum est, non quidem per accidens, sed qua ratione pulchrum. si enim qua pulchrum est commensuratum, est & bonum. Bonum enim est mensura, certè qua pulchrum est, existit & bonum. Similiter turpe, qua turpe, malum est. Nam qua turpe est, informe est, indeterminatum, incompositum, & hac ipsa ratione malum. Qua igitur est turpe, est utique malum: eadem itaque res, & pulchra semper est, & bona: atque contra turpis pariter, atque mala. hanc regulam hinc mente teneto, qua & in posterum usus est Aristoteles. Siqua duo convertuntur, invicem eorum quoque op-

s posita

posita conuertuntur. si igitur pulchrum, bonumq; conuertuntur inter se, eorum quoq; opposita, malum scilicet, atq; turpe, similiter inter se conuertuntur.

PROCLVS DE SA-
CRIFICIO, ET
MAGIA,

Interprete Marsilio Ficino Florentino.

Quemadmodum amatores ab ipsa pulchritudine, quæ circa sensum apparet, ad diuinam paulatim pulchritudinem ratione progrediuntur: sic & sacerdotes antiqui, quum considerarent in rebus naturalibus cognationem quandam, compassionemque aliorum ad alia, & manifestorum ad vires occultas, & omnia in omnibus inuenirent, sacram eorum scientiam condiderunt. agnouerunt enim & in infimis suprema, & in supremis infima: in cælo quidem terrena secundum causam, modoque cælesti: in terra verò cælestia, sed modo terreno. Nam vnde putamus plantas illas, quas heliotropias nominant, id est solisequas, ad solis motum solem versus moueri? sed selinetropias, id est lunisequas ad lunam verti? Nempe

pe cuncta precantur, hymnósque concinunt ad ordinis sui duces. Sed alia quidem intellectuali modo, alia rationali, alia naturali, alia verò sensibili modo. Itaque solisequa quomodocunque potest, mouetur ad solem: ac si quis posset audire pulsationem ab ea in aëre circuitu factam, profectò illum quendam per ejusmodi sonum erga regem suum compositum animaduerneret, qualemcunque potest planta conficere. Quamobrem in terra quidem aspicere licet solem & lunam, sed pro qualitate terrena. In cælo autem plantas omnes, & lapides, & animalia pro cælesti natura vitam habentia intellectualem. Quæ quidem veteres contemplati, alia cælestium, alia terrenorum adhibuerunt, unde diuinas virtutes in locum inferiorem ob quãdam similitudinem deduxerunt. Nempe similitudo ipsa sufficiens causa est, ad res singulas inuicem vinciendas. Siquis enim canabim, siue papyrum calefaciat, deinde subigat lucernæ proximæ, etiam si non tangat, videbit subito accensam canabim, quamuis non tetigerit ignem, accensionemq; desuper ad inferiora descendere. Comparemus igitur canabim calefactam, siue papyrum, cognationi cuidam inferiorum ad superio-

ra, appropinquationem verò ejus ad lucernam oportuno vsui rerum pro tempore, loco, materia. Processum ignis incanabim præsentia diuini luminis ad id, quod potest capere. accessionem denique canabis deificationi mortalium, materialiumq; illustrationi, quæ deinde feruntur sursum instar accensæ canabis ob quandam seminis diuini participationē. Quid verò de Loto dicam? Lotus implicat quidem in se folia ante solis exortum, oriente verò sole explicat paulatim: & quatenus sol ad mediam cæli ascendit plagam, eatenus pandit folia. Quatenus verò à medio petit occasum, gradatim folia contrahit. Videtur hæc non minùs dilatatione, contractioneq; foliorum honorare solem, quàm homines genarum gestu, motuq; labiorum. Non solum verò in plantis, quæ vestigium habent vitæ, sed etiam in lapidibus aspicere licet, imitationem, & participationem quandam luminum supernorum: quemadmodum helitis lapis radiis aureis solares radios imitatur. lapis autem, qui vocatur cæli oculus, vel solis oculus, figuram habet similem pupillæ oculi: atque ex media pupilla emicat radius. lapis quoque selenitus, id est lunaris, figura lunæ corniculari similis, quad

quadam sui mutatione lunarem sequitur motum. Lapis deinde helioselenus, id est solaris, lunarisque, imitatur quodammodo congressum solis, & lunæ, figuratque colore. Sic diuinorum omnia plena sunt, terrena quidem cælestium, cælestia vero supercælestium, proceditque quilibet ordo rerum usque ad ultimum. Quæ enim super ordinem rerum colliguntur in vno, hæc deinceps dilatantur in descendendo, ubi aliæ animæ sub numinibus aliis ordinantur. Deinde & animalia sunt solaria multa, velut leones, & galli, numinis cuiusdam solaris pro sua natura participes: unde mirum est, quantum inferiora in eodem ordine cedant superioribus, quamuis magnitudine, potentiaque non cedant. hinc ferunt gallum timeri à leone quamplurimum, & quasi coli. cuius rei causam à materia, sensuue assignare non possumus, sed solum ab ordinis superni contemplatione. quoniam videlicet præsentia solaris virtutis conuenit gallo magis quam leoni: quod & inde apparet, quia gallus, quasi quibusdam hymnis applaudit surgenti soli, & quasi aduocat, quando ex antipodum medio cælo ad nos deflectitur, & quandoque nonnulli solares angeli apparuerunt formis ejusmodi

præditi, atque quum ipsi in se sine forma essent, nobis tamen, qui formati sumus, occurrere formati. Nonnunquam etiam dæmones visi sunt solares leonina fronte, quibus quum gallus objiceretur, repente disparuerunt. Quod quidem inde procedit, quod semper quæ in eodem ordine constituta inferiora sunt, reuerentur superiora: quemadmodum plerique intuentes virorum imagines diuinorum, hoc ipso aspectu veteri solent turpe aliquid perpetrare. Vt autem summatim dicam, alia ad reuolutiones solis correuoluuntur, sicut plantæ, quas diximus: alia figuram solarium radiorum quodammodo imitantur, ut palma, dactylus: alia igneam solis naturam, ut laurus: alia aliud quiddam. Videre sanè licet proprietates, quæ colliguntur in sole, passim distributas insequentibus in solari ordine constitutis, scilicet angelis, dæmonibus, animis, animalibus, plantis, atque lapidibus. Quocirca sacerdotij veteris auctores à rebus apparentibus superiorum virium cultum adinuerunt, dum alia miscerent, alia purificarent. Miscebant autem plura inuicem, quia videbant simplicia nonnullam habere numinis proprietatem, non tamen singulatim, sufficientem ad numinis illius
aduoc

aduocationem. Quamobrem ipsa multorum commistione attrahebant super nos influxus : atque quod ipsi componendo vnum ex multis conficiebant, assimilabant ipsi vni, quod est super multa, constituebantq; statuas ex materiis multis permistas : odores quoque compositos colligentes: arte in vnum diuina symbola, red dentesq; vnum tale, quale diuinum existit secundum essentiam, comprehendens, videlicet vires quamplurimas. Quorū quidem diuisio vnamquāque debilitauit, mistio verò restituit in exemplaris ideam. Nonnunquam verò herba vna, vel lapis vnus, ad diuinum sufficit opus. Sufficit enim Cnebison, id est carduus, ad subitam numinis alicujus apparitionem, ad custodiam verò laurus. Raccinum, id est genus virgulti spinosum, cepa, squilla, corallus, adamas, iaspis : sed ad præsagium cor talpæ, ad purificationem verò sulfur, & aqua marina. Ergo sacerdotes per mutuam rerum cognitionem, compassionēque conducebant in vnum, per repugnantiam expellebant, purificantes, quū oportebat, sulfure, atque asphalto, id est bitumine, aqua aspergentes marina. purificat enim sulfur quidē propter odoris acumen : aqua verò marina propter igneam

portionem, & animalia diis in deorum cultu congrua adhibebant, cæteraq; similiter. Quamobrem ab iis, atque similibus recipientes primùm potētias dæmonum, cognouerunt, videlicet eas esse proximas rebus, actionibusq; naturalibus: atque per hæc naturalia, quibus propinquant, in præsentiam conuocarunt. Deinde à dæmonibus ad ipsas deorū vires, actionesq; processerunt, partim quidem docentibus dæmonibus addiscentes, partim verò industria propria interpretantes conuenientia symbola, in propriam deorum intelligentiam ascendentes, ac deniq; posthabitis naturalibus rebus, actionibusq;, ac magna ex parte dæmonibus, in deorum se consortium receperunt.

*

P O R P H Y R I V S

DE OCCASIONIBVS,

*sive causis ad intelligibilia
nos ducentibus,*


*

M A R S I L I O F I C I N O

I N T E R P R E T E .

*

*De natura corporeorum atque
incorporeorum.*

 **Q**UONIAM corpus est in loco. nullum verò eorum, quæ secundum se sunt incorporea, vel aliquid tale, est in loco. Quæ secundum se sunt incorporea, eo ipso, quod præstantius est omni corpore, atque loco, ubique sunt, non distant quidem, sed individua quadam conditione. Quæ secundum se sunt incorporea, non localiter præsentia corporibus, adsunt eis, quotiescunq; volunt, ad illa vergentia, atque declinantia, quatenus videlicet naturaliter ad ea vergunt atque inclinantur. Sed enim quoniam non adsunt locali conditione corporibus, habitudine quadam eis adsunt. Quæ secundum se sunt incorporea, certè non per substantiam, & per essentiam corporibus adsunt.

s s

Non

Non enim corporibus commiscetur, veruntamen ex ipsa inclinatione, quasi momento vis quædam subsistit inde communicata jam propinqua corporibus. Ipsa namq; inclinatio secundam quandam vim substituit corporibus jam propinquam.

De natura, & alligatione, & solutione animæ.

Anima quidem medium quiddam est inter essentiam indiuiduam, atq; essentiam vera corpora diuisibilem. Intellectus autem essentia est, indiuidua solum. Sed qualitates, materialesq; formæ, secundum corpora sunt diuisibiles. Non omne, quod agit in aliud appropinquatione, & tactu facit, quod facit. sed etiam quæ propinquando, & tangendo faciunt aliquid secundum accidens, non vtuntur propinquitate. Anima corpori alligatur conuersione quadam ad passionem prouenientes à corpore. Rursumq; soluitur quatenus à corpore nihil patitur. Quod natura ligauit, hoc & ipsa natura soluit. Rursus, quod conciliauit anima, hoc & anima dirimit. Natura quidem corpus in anima deuincit, anima verò seipsam in corpore. Quæ obrem natura corpus ab anima separat, anima verò seipsam à corpore segregat.

Omnia

*Omnia quodammodo sunt in omnibus pro
conditione eorum, quibus insunt.*

Non similiter omnia in omnibus intelligimus, sed propriè se habet ad omnia vniuscujusque essentia: in intellectu quidem intellectualiter, in anima verò rationaliter: in plantis seminariè, in corporibus imaginariè: in eodemq; (quod his omnibus superius est) modo quodam superintellectuali, atq; superessentiali.

*In summis est unitas cum virtute: in infimis
multitudo cum debilitate.*

Incorporeæ substantiæ descendentes quidem dijudicentur, atque in singula potentia defectu multiplicantur. ascendentes autem viuntur, atque simul recurrunt in vnum copia potestatis.

De speciebus vite.

Non solum in corporibus æquivoca conditio est, sed ipsa etiam vita multipliciter prædicatur. Alia est enim vita plantæ, animalis alia: alia rursus intellectualis essentia, alia tandem naturæ superioris, alia animæ, alia intellectualis: viunt enim & illa: etsi nullum eorum, quæ ab ipsis existunt, vitam eis similem fortiatur.

Que

*Quæ generant, partim conuertuntur ad
genita, partim minime.*

OMne, quod sua essentia generat, ali-
quid se deterius generat. atq; omne
genitum ad genitorem natura conuertitur.
eorum verò, quæ generant, alia quidem
nullo modo conuertuntur ad genita: alia
verò partim quidem flectuntur ad illa, par-
tim etiam non flectuntur, alia tandem so-
lùm deflectuntur ad genituras, neq; inte-
rim ad se reflectuntur.

*Sensus, imaginatio, memoria,
intelligentia.*

Memoria non est imaginationū
conseruatio quædam, ἀλλὰ τὸ μνησ-
τηντικὸν ἀποβλέπει ἐνείας ἀποβλήματι. sed
est ipsas propositiones, siue productio-
nes in actum eorum, quæ meditatus est
animus nuper, educere. Anima quidem
habet omnium rationes. Agit autem se-
cundum eas, vel ab alio ad expeditionem
eiusmodi prouocata, vel ipsa seipsam in-
tus conuertens ad rationes, & quum ab
alio prouocatur, tanquam ad externa
committit introducere sensus: quum verò
ingreditur in seipsam, ad intelligentias
peruenit: neque igitur sensus extra ima-
ginationem sunt, neq;, vt dixerit aliquis,
intelligentiæ quatenus competunt anima-
li:

li: neque rursus absque instrumentorum
fensualium passione sunt sensus, sic & in-
telligentiæ non absque imaginatione. nisi
analogâ conditio sit: quemadmodum fi-
gura consequens quiddam est ad animal
sensuale, sic phantasma aliquid consequens
ad intelligentiam animæ intelligentis in
animali.

Anima est immortalis.

Anima est essentia inextensa, immate-
rialis, immortalis: in vita habere à se
ipsa vivere, atque esse similiter possidente.

*Passio animæ, atque corporis est
longè diuersa.*

Aliud est pati corpora, aliud incorpo-
rea. Passio enim corporum cum trans-
mutatione contingit: passio verò animæ
est accommodatio quædam, & affectio
ad rem ipsam, & actio quædam, nullo mo-
do similis calefactioni, frigefactionique
corporum. quamobrem si passio corpo-
rum cum transmutatione sit, dicendum
est omnia incorporea esse passionis ex-
pertia. Quæ enim à materia, corporibusque
separata sunt actu, eadem permanent: quæ
verò materiæ, corporibusque propinquant,
ipsa quidem non sunt passiva, sed illa, in
quibus hæc apparent, patiuntur. quando
enim animal sentit, anima quidem simi-
lis.

lis esse videtur harmoniæ cuidam separata ex seipsa chordas mouenti contemperatas. Corpus autem simile harmoniæ, quæ inseparabilis inest chordis, sed causa mouendi esse videtur animal, propterea quòd sit animatum, quod quidem simile est musico, ex eo quòd sit concinnum. corpora verò, quæ per passionem sensualem pulsantur, similia contemperatis chordis apparent. Etenim ibi non harmonica quidem separata patitur, sed chorda: & mouet sanè musicus per ipsam, quæ sibi inest, harmoniam: neq; tamen chorda ratione musica moueretur etiã, si vellet musicus, nisi harmonia ipsa id dixit.

De differentijs incorporeorum.

Ipsa incorporeorum appellatio non secundum communitatem vnius, ejusdemq; generis, sic cognominata est quæadmodum corpora, sed secundum nudam ad corpora priuationem. Quamobrem nihil prohibet inter illa alia quidem esse essentia, alia verò non essentia: & alia rursus ante corpora, alia verò vnà cum corporibus: item alia à corporibus separata, alia verò non separata. Præterea alia secundum se subsistentia, alia verò alijs, vt sint indigentia: alia deniq; actionibus, vitisq; ex se mobilibus eadem, sed alia vitis, & qual

qualibus actionibus quodammodo permutata, nempe secundum negationem eorum, quæ ipsa non sunt, non secundum assistentiam eorum, quæ sunt, appellantur.

*Passiones materie primæ assignate
similiter à Plotino.*

Materiæ propria apud antiquos hæc sunt incorporea quidem. diuersa enim est à corporibus. præterea vitæ expers, neq; intellectus, neq; anima, neq; aliquid secundum se viuens. Item informis, permutabilis, infinita, impotens. Quapropter neque ens, sed verum non ens, imago mollis apparens, quoniam quod primò est in mole, est ipsum impotens. Item appetitio subsistentiæ, & stans non in statu. præterea semper in se apparens. tū paruum, tum magnū, tum minus, tum magis, tum deficiens, tum excedens, quòdue fiat semper, maneat verò nunquam, neque tamen aufugere potens, quippe quū totius entis sit defectus. Quamobrem quicquid promittat, mentitur: ac si magnum appareat, interim euadit paruum, quasi enim ludus quidam est in non ens aufugiens. Fuga enim ejus nō fit loco, sed dum ab ente deficit: quamobrem quæ in ea sunt imagines, insunt in deteriori rursus imagine. quemadmodum in speculo id, quod alibi situm

fitum est, apparet alibi: & ipsum speculum plenum esse videtur, nihilq; habet, dum omnia videtur habere.

Quid patiatur, quid non.

Passiones circa id sunt omnes, circa quod accidit & interitus. Via enim ad interitum est admissio passionis, atque ejus est interire, cujus est pati. Interit autem incorporeum nullum: sed quædam inter illa aut sunt, aut non sunt. quapropter nullum eorum patitur: quod enim patiens est, non oportet ita se habere, sed esse tale, ut alterari queat, atque interim in qualitatibus eorum, quæ ingrediuntur, sicq; inferunt passionem. Ei nanque quod inest alteratio non à qualibet accidit, neq; igitur materia patitur. Nam secundum se ipsam qualitatis est expers, neque prorsus formæ, quæ sunt in ea, ingredientiæ, vicissimq; exeuntes, sed passio fit circa compositum, & unius esse in compositione consistit: hoc enim in cōtrariis viribus, & qualitatibus ingredientium, inferentiumq; passionem perseverare in subsistendo videtur. Quamobrem ea quorum vivere est ab externis, nec à seipsis, nimirum & vivere, & non vivere pati possunt. Sed ea, quorum esse in vita consistit, passionis experte, necessarium.

sarium est permanere secundum vitam, quemadmodum vitæ vacuitati conuenit & non pati, quatenus & vitæ vacuitas: Itaque sicut permutari, ac pati composito ex materia, formæque contingit, id est corpori, neque tamen id materiæ accidit, sic viuere, atq; interire, patiq; secundum hoc ipsum in composito ex anima, corporeque perspicitur. neque tamen animæ id contingit, quoniam anima nō est aliquid ex vita, & non vita conflatum, sed vita solum constar quippe, quum simplex essentia sit, ipsaq; animæ ratio sit natura ipsa se mouens.

Omnis intellectus est omniformis.

Intellectualis essentia sic in partibus est consimilis, vt & in particulari quolibet intellectu, vniuersoq; intellectu sint entia: sed intellectu quidem vniuersali entia etiam particularia vniuersali sint ratione: in particulari autem intellectu etiam vniuersalia simul atque particularia sint conditione quadam particulari.

*Anima quia per essentiam est vita,
non moritur.*

Circa essentiam, cuius esse consistit in vita, & cuius passionibus vita quædam sunt, nimirum & mors in quali aliqua vita

i

ta

ta versatur, non in priuatione vitæ simul tota. Quoniam neque passio, seu vita est omnino, illic ad non viuendum, ipsa q; illic accidit or bitas.

*Omnia vita incorporea, quocunq; mutetur,
permanet immortalis.*

IN vitis incorporeis processus manentibus prioribus in se firmis efficiuntur, dum nihil sui perdunt, neq; permutant ad substantiam inferioribus exhibendam. quapropter neq; quæ inde subsistunt, cum aliqua perditione vel transmutatione subsistunt, neq; hoc quidem efficitur, sicut generatio interitus, permutationisq; particeps. ingenita igitur, & incorruptibilia sunt atque ingenitæ, incorruptæq; secundum hoc ipsum effecta.

Quomodo intelligatur quod est superius intellectu.

DE illò quod est mente superius, per intelligentiam quidem multa dicuntur: considerantur autem vacuitate quadam intelligentiæ intelligentia meliore. quemadmodum de dormiente per vigilantiam multa dicuntur, sed per somnum ipsam cognitio ejus, peritiaq; habetur. simile namq; simile cognosci solet, quoniam

omnis

omnis cognitio, assimilatio quædam est
ad hoc ipsum, quod cognoscitur.

*Non ens aut est superius ente, vt Deus,
aut inferius cum materia.*

QUod non ens dicitur, aut ipsi nos
machinamur ab ipso ente aliquan-
do separari, aut superintelligimus, dum
ens possidemus. quapropter si separamur
ab ente, ens ipsum non superintelligimus:
non ens super ens ipsum, sed iam non ens
velut falsam concipimus passionem, con-
tingentem videlicet illi, qui digreditur
extra seipsum. ipse enim quisque quem-
admodum existenter, id est verè, atque per
se ipsum potest reduci ad ipsum non ens
ente superius, sic ab ente, seq; ipso digre-
diens iam traducitur ad non ens, quod
entis ipsius est casus atque ruina.

*Substantia incorporea est ubi-
cunque vult.*

Natura corporis nihil impedit, quin
quod secundum se incorporeum est:
sit ubicunq; & quomodocunq;. Sicut enim
corpori incomprehensibile est quod molis
est expers, nihilq; ad ipsum pertinet: sic
incorporeo ipsum, quod mole distendi-
tur, non sit obstaculum & quasi non ens
t. 2. jacet,

jacet. neque enim quod incorporeum est locali conditione quò vult discurrit: locus enim cum mole simul existit. neque rursus corporum limitibus coërcetur: quod enim quomodocunque jacet in mole, in angustum cohiberi potest, & conditione locali transmutationem agere. quod autem est à mole, magnitudinéque prorsus exemptum, hoc ab iis, quæ sunt in mole, contineri non potest, à motuq; locali permanet liberum. Igitur quali quadam, certa q; dispositione reperitur ibi, vbicunque disponitur, loco interea tum vbique, tum nusquam simul existens. quapropter quali quadam certa q; affectione, vel super cælum, vel in parte mundi quadam apprehenditur: quando verò in aliqua mundi parte tenetur, non oculis quidem aspiciatur, sed ex operibus ejus præsentia sua fit hominibus manifesta.

Substantia incorporea nullo corpore cohibetur, sed producit escam in corpore, per quam se corpori applicat.

QUod est incorporeum, si quando in corpore comprehendatur, non opus est ut ita concludatur, quemadmodum in parco feræ clauduntur: nullum nanque corpus potest ipsum sic in se cohibere, neque

neque sicut vter liquorem aliquem trahit, & cohibet, aut statum: sed oportet ipsum substituere vires ab ipsa in seipsum vnione extra manantes, quibus descendens corpori applicatur. copula itaque ejus ad corpus per ineffabilem quādam sui ipsius impletur extensionem: quamobrem non aliud quidē vllū ipsum alligat, sed ipsum certē seipsum. neque igitur resoluit ipsum corpus quando frangitur, aut interit, sed ipsum potius semetipsum enodat, quando à familiari erga subiectum affectione diuertit.

Vniuersales causæ non conuertuntur ad effectus, sed eos ad se conuertunt.

NVlla substantiarum, quæ vniuersæ sunt, atq; perfectæ, ad suam conuertitur genituram. Omnes autem perfectæ substantiæ ad generantiā rediguntur, & id quidem ad corpus vsque mundanum. Quod quidem quū sit perfectum, ad animam est redactum. animam inquam intellectualem, ideoq; circulo voluitur. anima verò mundi ad intellectum attollitur. intellectus autem erigitur ad principium. Omnia itaque perueniunt ad hoc ipsum ab extremis exordientia, quatenus facultas suppetit vnicuiq; perueniunt inquam

3 eleua

elevatione ad primum, illuc usque perducta: quæ quidem aut ex propinquo, aut ex longinquo effici solet. Hæc itaque non solum appetere Deum dici possunt, sed etiam pro viribus assequi. in substantiis verò particularibus, & ad multa labi potentibus, inest proclivitas deflectens ad genituras: ideoq; in his delictum dicitur accidisse, in his infidelitas est damnata. has igitur contaminat ipsa materia, propterea quòd ad hanc deflecti possint, quàm tamen interea ad divinum se valeant convertisse: quare perfectio quidem à prioribus secunda substituit conservans eadem ad priora conversa. defectus autem priora etiam ad posteriora deflectit, efficitq; ut hæc ipsa diligant à superiore interim diuertentia.

*Quomodo differenter est ubiq; Deus,
intellectus, anima.*

DEus est ubique, quia nusquam intellectus est: ubiq; etiam, quia nusquam anima: denique ubique est, quoniam est & nusquam: sed Deus quidem ubique & nusquam est eorum omnium, quæ sunt post ipsum. Sui verò ipsius est solum, sicut est, atque vult. Intellectus autem in deo quidem ubique est, sed in eis, quæ sunt post ipsum,

ipsum, existit nusquam pariter, & vbique anima tandem in intellectu, atque deo, similiter est vbique, in corpore verò vbique est simul & nusquam. Corpus autem & in anima, & in intellectu, & in Deo, omnia profectò cum entia, tum non entia ex deo sunt, & ideo neque tamen ipse Deus est, cum entia, tum non entia, neque existit in eis. Si enim esset duntaxat vbique, ipse quidem omnia, & in omnibus esset. At quoniam est, & nusquā, omnia sanè per ipsum fiunt, fiuntq; rursus in ipso, quoniam ipse existit vbique; diuersa rursus ab ipso, quoniam ipse nusquam. Similiter intellectus vbique existens, atque nusquam, causa est animarum, animasq; sequentium: neque ipse anima est, neque quæ post animam, neq; in eis existit: quoniam videlicet non solum vbique est, eorumq;, quæ sunt post ipsum, sed & nusquam. Rursus, anima neque corpus est, neq; est in corpore, sed causa corporis, quoniam dum vbique est, per corpus simul est, & in corpore nusquam. processus deniq; vniuersi in illud definit, quod neque vbique simul, neque nusquam esse valet, sed alternis quibusdam vicibus vtriusque sit particeps.

EX PORPHYRIO
DE ABSTINEN-
TIA ANIMA-
LIVM,
MARSILIO FICINO
INTERPRETE.

*

Anima in hoc corpore dormit.

Abstinere animalibus præci-
pimus, non quidem omni-
bus, sed omni duntaxat divi-
na contemplaturo, qui sanè
animaduertit hujus habita-
culi veneficia, in quo hîc habitamus: quin
etiam cognoscit, quod in se est, naturali-
ter perpetuò, vigilans, atq; somnum, quo
hîc opprimitur, apprehendit. Cui nos sa-
nè educationem, nutritionemq; trademus
cōsentaneam: tum hujus loci naturæ, tum
sui ipsius cognitioni convenientem.

*Beatitudo non est diuinorum cognitio,
sed vita diuina.*

Beata nobis contemplatio non est ver-
borum accumulatio, disciplinarumq;
multitudo, quemadmodum aliquis fortè
putauerit: neque enim ita componitur,
neq; pro quantitate rationum ac verbo-
rum

rum accipit incrementum, alioqui nihil prohiberet illos, qui omnes congregauerint disciplinas, esse beatos. hunc verò nedum quælibet disciplina felicem contemplatione impleat, nec ipsæ etiam de iis, quæ veræ sunt doctrinæ, id vnquam efficiunt, nisi eis adsit & vita in ipsam diuinorum translata naturam. profectò contemplationis finis est ens ipsum, verumq; assequi adeò scilicet, vt ejusmodi affectio contemplatorem pro naturæ suæ viribus, cum eo, quod contemplatur, confluet in vnum: non enim in aliud, sed in ipsum verè seipsum fit recursus, neq; ad aliud, sed ad seipsum re vera fit conspiratio. Ipse verò re vera est intellectus. Quamobrem & finis est intellectu viuere, atque ad hoc ipsum sermones, disciplinæq; foris adhibita, conditionem quidem nobis purgatoriam adhibent, non tamen rationem ipsam qua nobis felicitas cõpleatur. quãobrem si in sermonum, rationumq; congerie felicitas ipsa consisteret, liceret hominibus educationem, certaque officia contemnentibus, felicem consequi finem. at verò, quoniam hanc vitam oportet in aliam commutare, animum per verba, & rationes, operaque purgantes, dic agè, quĩnam sermones, quænam opera sic potissim

tissimum nos instituunt? nōne verba duntaxat, officiaq; , quibus à rebus sensum mouentibus, sensusq; passionibus separemur? Atq; ad vitam intellectualem, superque imaginationem, ac pro viribus passionis expertem denique reducamur.

De animæ descensu, atq; ascensu.

Oportet nos, si modò ad illa, quæ reuera nobis propria sunt, reuolaturi sumus, hæc, quæ & ex natura mortali nobis adsumpsimus, omnino deponere, nā cum affectione ad hæc declināte, per quā descēssio nobis cōrigit. præterea reminisci beatæ, & æternæ substantiæ, ac, dum ad incorporeum studemus ascendere, duo potissimum meditari, tum qua ratione esse materiale, caducumq; deponamus, tum etiam qua via præcipuè reuertamur, contraria scilicet via redeūtes ad illa viæ, per quam ad hæc nostra descēdimus. Eramus enim, & adhuc sumus, intellectuales essentia puræ ab omni sensu, naturaq; irrationali viuētes: copulati verò sumus naturæ sensibili, tū per impotentiam æternæ ad intelligibile nostrū conjunctionis, tū per potentiam ad inferiora vergentem. Omnes enim vires cum sensu, corporeq; agentes, tunc primū pullulant ad effectum, quū animus in ipso intelligibili minimè perseuer

fuerat, similes terræ jam deprauatæ, quæ,
 quū triticum sæpe suscepit, reddit de-
 niq; lolium. Idq; per quandam animæ ac-
 cidit prauitatem, quæ sanè nō perdit qui-
 dem ipsius essentiā, dum irrationale pul-
 lulat germen, sed per hoc ipsum anima
 cōiungitur cum mortali, dum ad alienum
 ex proprio trahitur. Quamobrē, si quando
 ad pristinum statum redire pro viribus
 affectamus, necessariū est à sensu, & ima-
 ginatione, omniq; irrationali, quæ sequi-
 tur inde, conditione, passionibusq; ejus-
 modi animum penitus segregare, quate-
 nus permittit naturæ necessitas. Rite verò
 disponere, articulatimq; componere, quæ
 ad mentem pertinent, tranquillitatem, pa-
 cemq; ex hoc circa irrationale bellè con-
 stituentes, vt nō solū de ipsis intellectus
 intelligibilibus audiamus, sed etiā quan-
 ta potentia simus fruētes, videlicet con-
 templatione mentis, & in naturam incor-
 poream restituti. Iamq; per intellectū ve-
 rē viuētes, nec vltrā falsò vnā cum natu-
 ris caduco cognatis. Soluere itaq; multa
 nobis indumenta debemus, tum visibile
 hoc indumentum, tum interiores adhuc
 nobis vestes adhibitas. non enim vitio-
 rum effectus tantū deuitare debemus.
 sed effectus etiam ipsos radicitus extirpa-
 re.

re. discessus autem à corpore fieri quidem potest cum violentia, fieri quoque persuasione quadam, & profectò rite peragitur per extenuationem quandam, &, ut dixerit aliquis, per obliuionem, mortemque affectuum, quæ quidē optima discessio est, quippe quum nihil trahat secum ipsius, ex quo animus ipse diuellitur. nam ut in rebus sentibus manifestis compertum habemus, quicquid euellitur violentia, aliquid secum, siue partē, seu vestigiū euulsionis ipsius, ejusque ex quo eradicatur, trahere solet.

De solutione anima.

Sapientes antiqui diligenter omnia deuotabant, quæ animam corpori affigere possent. sic Pythagorici, & similes sapientes partim se in solitudinem receperunt, partim in ciuitatum templis, lucisque vivebant, vnde procul turba omnis semoueretur. Plato autem elegit academiam habitandam, agrum non modò solitarium, & ab vrbe semotum, sed etiā (ut fertur) insalubrem. Alij verò oculis etiam minimè pepercerunt, quo contemplationem intimam nullis interpellatam, & perpetuam conseruarent. Philosophus quidem animum à corpore per violentiam non extrudet: nam si vim intulerit, nihilominus

minus permanebit ibidem, vnde sic exire compulerit. neque tamen parum referre putabit, si corpore impinguando sibi carcerem confirmauerit duriores. Cauebit enim ne sensus, ejusq; voluptas, si inuale-scat, animam profundius in corpus im-mergat. Profectò si sensuum actiones pu-ram animi actionem non impedirent, quidnam graue foret esse in corpore, dum motiones, quæ per corpus fiunt, minimè patiaris? quo enim modo judicares, dice-resq; quod passus fueris, nisi & patiaris, nisi & præsens his existeres, quæ patieba-ris? Intellectus quidẽ penes seipsum esto, etiam si nos penes ipsum minimè simus, qui autem ab intellectu digreditur, ibi jam est, quo est transgressus, discurrensq; sursum, atque deorsum, attentiore perce-ptionis cujusdam studio, illic jam adest, vbi perceptio ipsa peragitur, nedum qui ad experientiam sensibilibum descendit, & per facultatem irrationalem agit, possit interea quæ secundum mentem sunt, con-templari syncerè: nec illi etiam, qui duas nobis attribuunt animas, geminas quoq; nobis attentiones simul habere permit-tunt, alioquin duo animalium conjugia effecissent. fieri posset altero ad alia in-tento, vt alterum sibi alterius opera mi-nimè

nimè vendicaret. Sed quidnam oporteret passiones corporeas enervare, ab eisq; mori, idq; quotidie meditari, si possemus secundum intellectum agere conjuncti mortalibus absque intellectus inspectione, ut aliquis declaravit? Intellectus enim videt, intellectus audit. At si luxuriosè comedens, vinumq; ingurgians suavissimum, potes interea divinis incumbere, cur non frequenter es in divinis, dum humanis inhæres, eaq; congressu perpetras, quæ dictu etiam honesta non sunt? ubique enim pueri ipsius, qui nobis inest, perturbationes sunt, & quia turpes, idè ad eas contemplator distrahi nequit, & interim contemplari. ubi enim sensus, animadversioque ejusmodi, illinc ipsum abest intelligibile: & quo magis facultas excitatur ratione carens, eo longius abest intelligentia. fieri nanque non potest, ut aliquis huc, atque illuc delatus, hîc simul sit atque ibi. non enim parte nostrum, sed toto attentiores efficimus.

De abstinentia.

Vir autem cautus, & qui naturæ veneficia suspicatur, cognoscitq; naturam corporis, quemadmodum videlicet intrinsecum:

strumenti more ad animi vires contem-
peratum est, intelligit sanè quantū passio
sonare parata est velis, nolisve quoties
ab externis pulsatur corpus, pulsatioq; in
perceptionem peruenit: perceptio enim
ipsa, animaduersioq; sonus ipse est. Fieri
verò non potest, ut anima sonet quidem,
nisi tota conuersa sit ad sonum, & ocu-
lum præidentem ad hoc ipsum direxe-
rit. Quando verò sublata multorum in-
digentia causa fuerit, liberatiq; fuerimus
eorum copia, quæ intromittuntur in cor-
pus, & eorū pondere jam leuati, tunc ani-
mi oculus à fumo, fluctuq; corporeo fo-
res emicat, neque commemoratione, neq;
demonstratione jam indiget ob naturalē
sui solertiam otij nesciam. Præterea vsus
carnium ad sanitatem minimè cōfert, sed
sanitatem potius impedit: quoniam per
quæ recuperatur sanitas, per eadem perse-
uerat. recuperatur autē per victū tenuissi-
mum, & carnibus abstinentē, quapropter
& hoc sanitas conseruatur. Quod si ad
Milonis robur animalium abstinentia mi-
nus confert, certē neq; roboris augmen-
to opus est philosopho, si modò contem-
platurus est: neque actionibus seipsum, &
incontinentiæ dediturus conseruare pro-
fecto sanitatem decet, non mortis quidem
metu.

metu, sed potius ne à bonis contemplatione proficiscientibus arceamur. Conferuat autem maximè sanitatem imperturbatus animi status, cogitationisq; dispositio ad ipsum, quod verè est, exposita. Multum enim vigoris ad corpus inde redundat, quemadmodum experiètia nostri familiares comprobauerunt, adeò, ut dolores juncturarum, pedum simul, manuùq; acerrimos, annosq; integros octo vectari ab alio compellentes simul expulerint, cum pecuniarum, rerumq; incuria exteriarum, studioq; ad diuinitatem prorsus jacto. simul igitur pecunias, atque curas, morbumq; corporis expulerunt. Ex quo apparet plurimum, immo totum ad sanitatem conferre certum quendam animi habitum, atque statum: conducit & plurimum tenuis ad idem victus, & parcus. Si autem oportet nos nihil veritos veritatem liberè confiteri, non datur aliter finem consequi, nisi quandoque deo (si dictu fas est) affigamur, atque euellamur à corpore, oblectamentisq; corporeis: quippe quàn salus ipsa nobis non per nudum verborum rationumq; auditum, sed per opera comparetur, non aliter inquam deo copulari possumus, quàm per purissimam abstinentiam: neque etiam videlicet

et alicui particularium deo nedū ipsi deo
omnibus præfidenti, superq; naturā etiam
incorporeā simpliciter existenti, qui quā-
tō cæteris simplicior est, & purior, suffi-
cientiorq;, & à materia longè semotior,
tantō puriorem esse oportet animum eo
aliquando fruiturum.

EX SECVNDO LIBRO

PORPHYRII, DE SA-
crificijs, & dijs, atque
demonibus.

PRimi sacrificatores non ani-
malia, sed herbas primū, flo-
resq;, deinde arbores sacrifica-
runt, atq; aromata subfumiga-
runt. Primi, qui animalibus vesci cœpe-
runt, penuria frugū animalia inuasērunt,
prius enim terræ fructibus volvebantur.
Tribus de causis dijs sacrificandū est, ut ve-
neremur, ut gratiā referamus, ut necessa-
ria ab ipsis petamus, malaq; propellamus.
ad hæc autē impetranda votum animi sa-
tis facit, cui addi possunt ex frugibus mu-
nuscula quædam. Animalia verò mactare
nefas est. Sacra profectō dijs nos quoque
dicabimus, sed diuersa sicut par est, sacrifi-
cia offeremus: sicut differentiibus quoq; sa-
crificabimus potestatibus, deo quidē ipsi,
v. qui

qui regnat in omnibus, sicut sapiens quidam vir inquit, nihil sensibile offeremus, neq; fumigantes, neq; denominantes. Nihil est enim materiale, quod ipsi prorsus immateriali subito non sit impurū. quapropter neq; sermo huic vocalis esse potest accommodatus, neq; etiā sermo animo intimus, quando passione quadā animę sit inquinatus, sed silētio puro, purisq; de ipso intelligentiis ipsum rite colemus. oportet igitur conjunctos, similesq; deo jam effectos nostram hanc ad deum elevationē, velut sacram victimam, dedicare deo, quæ quidē & ipsamet diuina laus est, salusq; nostra. in ipsa igitur dei hujus cōtemplatione passionis omnis experte sacrificium hoc impletur. Filiis autem ejus, qui & intelligibiles dii sunt, laudem jam ex ipso quoque sermone adhibere debemus. Nam vnicuique numinum iusta primitiarum fit oblatio ex iis, quæ largitur, & per quæ nos nutrit, atq; in esse conseruat ad sacrificij facultatem. sicut igitur agricolæ primitias ex iis, quæ colligunt, manipulos videlicet frugum, atque fructus arborum ad numina ferunt, ita nos dicabimus eis primitias intelligētiarum, similiumq; munerum excellentium, gratias scilicet pro iis agentes, quæ nobis largiti

giti sunt, ipsam videlicet numinum, munerumq; suorum contemplationem, præcipuè quū per ipsam eorū inspectionem verè nos nutrant, præsentēs vbiq; nobis, atque apparentes, & nostræ salutis feliciter aspirantes. Nunc verò multos etiam philosophiæ studiosos id operari piget, qui gloriam potius, quàm diuinitatē colentes circa statuas reuoluuntur, neq; cōsiderant, vtrum, & quomodo ad talia sit veniendum: neque discere student ab illis, qui diuina sapientia pollent, quousq; & quantum ad hæc sit concurrendum. Nos autem cum his minimè contendemus, neq; tale aliquid dignoscere studebimus, sed sanctos, antiquosq; imitabimur plurimum, videlicet velut primitiarum numinibus ex ipsa contēplatione dicantes, quam nobis superi tribuerunt, & cuius nobis vsus ad veram salutem est admodum necessarius. itaque Pythagorici circa numeros, lineasq; versati, ex his etiā diis plurimum dedicabant, alium quidem numerum Palladem nominantes, alium verò Dianam, alium Apollinem: rursus alium iustitiam, alium temperantiam, ac similiter in figuris, atq; ita similibus sacrificiis diis adeò placuerunt, vt vnumquēq; deorum suis oblationibus aduocarēt, eo-

V 2

rumq;

rumq; beneficio frequenter ad vaticiniū
vterentur, & siquo ad examinandum ali-
quid indigerent. Diis autē quæ sunt intra
cælum, siue cursu quodammodo perer-
rantibus, siue non errantibus, quorum du-
cem esse Solem primò, deinde Lunā exi-
stimandū est, commodè sacrare possumus:
ignem jam quasi cognatū, & quæ mandat
theologus seruare debemus. Inquit autē
ille, animatum nullum sacrificandum, sed
vsq; ad farinam, & mel, terræq; fructus
atq; flores: nouit enim virum pietatis ve-
ræ cultorem, Diis quidem animatum nul-
lum aliquando sacraturum, sed dæmoni-
bus, atque aliis siue bonis, siue malis. sed
missa hæc faciamus. mihi quidē quæ ple-
riq; Platonicoꝝ diuulgauerunt, in mediū
ingeniosis jam afferenda videntur. Tra-
dunt verò hoc tantummodo, primus qui-
dem deus quum sit incorporeus, immobi-
lis, impartibilis in nullo, neq; etiam in se-
ipso cohibitus, nullo eget externo, neque
etiā mundi anima eget externis. Possidet
enim & continet ipsum, quod est trina di-
mensione porrectū, facultatemq; natura-
liter se mouentem, & suapte natura decre-
uit bene, ordinateq; moueri, mouereq;
mundi corpus secundū optimas rationes.
excepit autem in seipsa corpus, atq; com-
plexa

plexa est, quamuis incorporea sit, atque ab omni libera passione. Diis autem reliquis ac mundo & errantibus, & non errantibus, qui ex anima, & corpore constant, oculis manifesti, sacrificandum est sacrificiis inanimatis ea, qua diximus, ratione.

*De speciebus demonum bonorum,
atque malorum.*

Reliqua est invisibilium multitudo, quos daemones indistinctos dixit Plato. horum verò alij quidem ab hominibus cognominati apud singulos nacti sunt honores diis æquales, reliquumque cultum: alij verò plurimum formæ nominati non sunt, sed à quibusdam per vicos, aut vrbes nomē, & cultū occultē quodam modo sortiuntur. reliqua verò turba, sic quidem communiter appellatur nomine daemonum. Rata verò apud omnes fides est ejusmodi: eos certē læsuros genus humanum, si irascantur, propterea quòd negligantur, neq; cultum legitimū nanciscantur: rursusq; benefacturos hominibus, qui eos votis, supplicationibusq; & sacrificiis, & aliis, quæ cōsequuntur, sibi cōciliauerūt. Quū igitur opinio hæc de daemonibus cōfusa sit, multūq; habeat in eos calūniæ, necessarium est eorū naturā ratione distinguere,

guere. Forte nanq; necessarium aiunt, unde circa illos error hominibus incidit declarare. distinguendum igitur hunc in modum. Quæcunq; igitur animæ ex tota anima pullulantes magnas sub Luna locorum partes gubernant, ἀπειροδόμοιαι innitentes quidem, siue adhaerentes, siue impositæ spiritui, sed ipsum secundum rationem superātes. has utiq; bonos dæmones judicandum, & ad eorum, quæ fiunt, utilitatem omnia procurare, siue quibusdam præsent animalibus, siue certis fructibus, siue aliis horum gratia ordinatis: velut imbribus, & temperatis ventis, aëriq; sereno, temperationiq; temporum, & reliquis ad hæc omnia conferentibus: apud nos rursum artibus & musicæ disciplinæ, & medicinæ, & gymnasticæ, atq; similibus. Fieri verò non potest, ut ij, qui utilitati rerum, commoditatiq; consulunt, rursum inferant detrimenta. inter eos adnumerandi sunt dæmones, quos Plato transferre, nuntiareq; dicit humana quidē diis, diuinæve hominibus, dum vota quidem nostra ad deos, velut iudices perferunt: illorum verò iussa, monitionesq; vnā cum vaticinio ad nos deducunt. Quæcunque verò animæ conjuncto spiritui minimè dominantur, sed plurimum cedunt, hæc sanè

sanè per hunc ducuntur nimium, & feruntur, quando iræ, concupiscentiæq; spiritus inualefcunt. hæ quidem animæ ipsæ quoq; sunt dæmones, sed rite malefici nominantur. Sunt autem tum hi omnes, tum quos diximus ab his diuersi inuisibiles, nec prorsus humanis sensibus manifesti. non enim solido corpore vestiuntur. Præterea nec vnā omnes formam habent, sed figuris plurimis insignitas. Et formæ, quæ illorum spiritum obsignant, aliàs quidem apparent, aliàs verò nequaquam. aliquando verò & formas mutant illi scilicet, qui deteriores sunt. Spiritus autem eorum, qua quidem ratione corporeum quiddam est, passioni obnoxium est, atque dissolubile: sed qua ab animis, ita deuinctū species ejus diu perseverare potest, neque tamen est æternum. Consentaneum est aliquid ab eo semper effluere, atque nutriri. In commensuratione quidem corpus bonorum consistit, quemadmodum & corpora nobis manifestorum, sed maleficorum dæmonum inconcinna sunt, ac affectione passiuā locum incolunt terræ vicinum. Nullum ergo malum est, quod non audeant perpetrare: habent enim omnino violentum, & malè sanum morem, desertum videlicet custodia dæ-

monum meliorum. Ideoq; vehementes, repentināsq; insidias plurimū machinantur, & prouunt. ac dum agunt incurſiones, partim latere conantur, partim inferunt violentiam. quamobrem acutæ, velocēsq; sunt paſſiones ab eis illatæ: curationes autem, emendationesq; à dæmonibus melioribus tardiores eſſe videntur. Omne enim bonum gubernatione facile, æqualeq; eſt, & progreditur ordine, neq; quod opportunum eſt tranſgreditur. Si ergo ſic de dæmonibus ſenſeris, nunquam in opinionem de illis incidēs abſurdiſſimam, per quam opineris, vel à bonis mala, vel à malis contingere bona. neque ſic tantū abſurdus eſt ſermo, ſed etiam multi concipientes inde peſſimas de diis opiniones in multos homines diuulgarunt. Vnum enim hoc eſt inter maxima damna, quæ à maleficis dæmonibus inferuntur, quòd videlicet, quum ipſi infeliciū paſſionum terrenis incidētium auctores ſint, ſicut peſtis, penuriæ, terræ motus, æſtus, incendijs, atq; ſimilium, nobis interea perſuadent illos horum effectores eſſe, qui contrariorum potiùs, id eſt fertilitatis, proſperitatisq; ejuſmodi ſunt auctores: ſic itaque ſe ipſos ex ipſa calamitatum cauſa conantur abſoluere: atq; hoc ipſum machinantes,
primū

primum quidem iniustitiam suam latere nos moliuntur, subinde verò nos flectunt ad supplicationes, & sacra beneficiis cōuenientia diis, quasi illi nobis irati sint: hæc autem, similiaq; faciunt studentes à recta deorum sententia nos abducere, atque ad seipsum adducere. omnibus enim rebus sic iniquè, discorditerq; factis admodum delectantur, & tanquam aliorum deorum facies subeunt: sicq; imprudentia nostra confici sibi turbas in societate adsumunt, & propter ejusmodi concupiscentias hominum incendunt animos amoribus, cupiditatibusq; diuitiarum, & dominationum, atque voluptatum. rursus nouis, extraneisq; opinionibus nos inuoluunt, ex quibus seditiones, bellaq; nascuntur, & cætera generis ejusdem. Quod autem omnium grauissimum est, persuadent similia à superis effici à deo, ut etiam deum maximum criminationibus ejusmodi subigant, quem tradant omnia sursum, deorsumq; turbare. Accidit autem hoc non rudibus tantum hominibus, sed multis philosophiæ etiam studiosis. Causa verò erroris mutuò procedit, atque confirmatur. Etenim philosophantes, qui à communi colluione nunquam secesserunt, in eosdem cum plebe errores inciderunt, rursusq;

fusq; turbæ opinionibus suis similes à laudatis scriptoribus audientes in hac de diis sententia sunt magis etiam confirmatæ. Poëticum nanque artificium, suspiciones insuper ejusmodi hominum acrius excitavit, propterea quòd elocutione vitur ad stuporem, & attractum quasi magicum vehementer accommodata, facileq; potenti mulcere animos, & allicere, ideoq; fidem de rebus prorsus impossibilibus nobis afferre: sed profectò firmiter credendū est, neq; bonū vnquam lædere, neq; prodesse malum. Non enim caloris est (vt inquit Plato) frigefacere, sed oppositi. ita neq; iusti nocere. Iustissimū autem omnium naturaliter est ipsa diuinitas, alioquin nihil diuinum foret. Nōne igitur secernēda est hæc potentia, forsq; beneficorum dæmonum? quæ enim prompta est, naturaliter admodum contraria est beneficæ, contraria verò circa idem nunquam naturaliter accidunt. Quū igitur ejusmodi dæmones in multis mortalem lædant naturam, & quandoque in magnis, certè boni dæmones interim officia sua nunquam deserunt, sed imminetia passim à malis pericula pro facultate significant, tum in somniis ostendentes, tum per animos diuinitus inspiratos, perq; alia mul-

ta. Ac si quis posset significata discernere, omnes improborum machinas deprehenderet, atque deuitaret. hi nanque significant omnibus, sed non quibus significata cognoscit: neq; quilibet scripta legere uolet, sed qui literas antè didicerit. Per contrarios verò dæmones vniuersum efficitur veneficium. hos nanque maximè, horumq; ducem honorare solent, qui mala veneficiis inferunt. hi sanè dæmones omniformibus figuris, imaginibusq; abundant, prodigiorumq; machina strenuè fallunt, horū opera infelices φίλτρα, amatoriaq; maleficia machinantur. omnis enim intemperantia, spesq; diuitiarum, atque gloriæ, per hos inualefcit, præcipuè verò deceptio: mendacium enim proprium est ejusmodi dæmonum. Dij enim videri volunt, ac potestas ipsa eis præfidens, deus maximus vult haberi. Hi sanè sunt duntaxat, qui libamine, nidoreq; carniū oblectantur. his enim spirituale corpus eorum pinguescere solet, viuit nanque hoc vaporibus, fumigationibusq; atq; variè admodum (vt par est) per varia, nidoreq; sanguinis, & carniū vires adsumit. Vir igitur prudens, atque temperatus, cauebit ejusmodi sacrificiis vri, quibus ejusmodi dæmones attrahat ad seipsum. Studebit autè
 animum

animum perfectè purgare. animū nanque purum ob ipsam dissimilitudinem nunquam aggrediuntur. Proinde si ciuitatibus forte necessarium sit hos etiam dæmones sibi conciliare, nihil ad nos vsus ejusmodi pertinet. Nam in ciuitate diuitiæ, externaq; , & corporea commoda tanquam bona inter ciues habentur, atq; horum cōtraria mala neq; fermè quicquam pensi habent de animi perfectione, atque puritate. Nos autem commodis, quæ dæmones afferant, quantum fieri poterit, nō egebitus, sed tum ex animo, tum ex externis omni studio cōtendemus, deo quidem ipsi, sibiq; propinquis similes effici, quod sanè trāquillitate animi, veritatisq; rerum comprehensione distincta, ac vita ad hæc prorsus intenta completur: improbis autem hominibus, atque dæmonibus, omniq; prorsus, & quod mortali, materialiq; gaudeat, dissimiles effici. Quamobrē secundū ea, quæ tradidit Theophrastus, ipsi quoq; sacrificabimus, quibus & theologo consenserunt, cognoscentes videlicet quatenus animam à perturbationibus purgare negligimus, eatenus potestati improbæ copulari. vnde merito compellemur hanc insuper demulcere. vt enim theologo tradunt, qui à rebus pendent eternis,

tervis, neq; dum perturbationibus domi-
nantur, hac ipsa conditione coguntur po-
teltatis ejusmodi impetum à se propelle-
re, alioquin cessare nunquam à laboribus
poterunt.

*De sacrificijs ad demones malos, & de absti-
nencia, & cautione à malis demonibus.*

QVapropter theologi, si quando per-
mittunt dæmonibus improbis, vi-
tandorum gratia malorum, quæ illaturi
sunt, animalia mactare, vetant simul talia
sacrificia degustare, interea jubent antè
quàm ita sacrifices purgare animum jeju-
nio, ac præcipuè animalium abstinencia.
Existimant enim sanctam animi purita-
tem esse quasi symbolum, characteremq;
diuinum, quo custodiaris adeò, vt nihil
patiaris ab illis, quibus ipse propinquas,
dum eos sacrificando concilias: quando
enim contrà sis affectus, atque illi, quibus
sacrificia operaris, sisq; purior, ideoq; di-
uinior te, & corpore & animo indemnem
perseuerare, pura scilicet sanctimonia ve-
lut arce munitum. Quamobrem fascina-
toribus etiam veneficisq; necessaria vi-
sa est ejusmodi cautio, per quàm sint à di-
scrimine tutiores, neque tamen penitus
tuti esse possunt: lasciuiæ nanque gene-
ra consueuerunt dæmones improbos com-
pellare.

pellare. quapropter non veneficorum, incantatorumque propria est puritas, atque simonia, sed diuinorum certè virorum, contemplantiumq; diuina. Iam verò castitas, abstinenciaq; suos passim obseruatores contra malos dæmones diuina familiaritate tuetur. itaque si fascinatores hac vti prorsus constituissent, certè fascinare nunquam prorsus auderēt, vtpote, qui per hanc reuocati essent ab eorum concupiscentia, quorum gratia in pietate se polluant. Itaque perturbationum pleni, atq; vix vel paululum cibis abstinentes impuris, ideoq; ipsi prorsus impuri supplicia luunt transgressionis contra vniuersum iniquè: partim quidem sub dæmonibus, quos ipsi prouocant, partim etiam sub diuino iudicio cuncta mortalium opera, consiliaq; prorsus inspiciente.

De vero cultu, & sacrificio, & cautione à malis demonibus.

Diuinus autem vir animum, tum sapientia diuina, tum abstinencia ciborum perturbationes hominibus incitantium, tum ipsa ad deum similitudine muniet, & quasi dei templum incontaminatum animum esse putabit, in hoc videlicet vniuerso dei patris templo. Proinde
quum

quū omne sensibile corpus defluxus quosdam materialium dæmonum nobis afferat, certè vnà cum impuritate nutrimenti ex carnibus, & sanguinibus hausti adest nobis potestas dæmonica huic amica, facileq; pellecta propter similitudinē, proprietatemq; valde familiarem. Quamobrē rectè theologi omnes in primis abstinentiæ studuerunt, atq; Ægyptius nobis hæc aperuit, causam afferens maximè naturalem, quam experientia comprobauerat. Quoniam videlicet praua, irrationalisq; anima, quæ corpus violentia suum reliquit, expoliata ad hoc ipsum deinde se admouet, ibiq; moras protrahit, vnde hominum quoq; animæ violentia mortuorum immorantur, & circa corpus. idq; ipsum nos admonet ne vi à corpore animum excludamus. Quum igitur violentiæ viventium cædes compellant animas corpora relictā diligere, nihil autem obftet, quo minus anima ibi sit quocunque cognatum aliquid allicit eam, vnde animæ passim multæ visæ sunt lamentari, hominumq; animæ carentium sepultura circa corpora immorentur. quibus tanè malefici sæpius abutuntur ad ministeriū suum efficiendum, compellentes animas appositione corporis, vel partis cuiusdam assumptione

sumptione: quū hæc inquam hæc illis historia comperta sit, compertamque habuerint improba naturam animæ, & cognationem ejus ad corpus, voluptatemq; qua afficitur erga corpus, ex quo euulsa est, jure nutrimentum ex animalibus fugerunt, atque damnauerunt, ne extraneas animas auulsas violenter, atque impuras, quæ ad cognatum sibi trahuntur, ad se sic accerfiant: neve prohiberentur quominus soli, puriq; deo appropinquarent, si quando videlicet præsentia turbantium dæmonum propellerentur à deo. Quòd natura cognati corporis incitamentum quoddam sit ad animam trahendam, experientia in pluribus theologos docuit. Qui enim vaticinantium animalium insinuare sibi animas optabant, præcipua illorum membra deglutientes, velus corda cetorum, vel talparum, vel asturum accipiebant, subinde præsentem animam dei ritu vaticinantē. quæ sanè vnà cum sui corporis intus assumptione in corpus humanum se penitus ingerebat. Iure igitur philosophus, deiq; sacerdos omnibus dominatis, animalibus omnibus abstinet. solus videlicet soli deo per seipsum studens appropinquare, dum videlicet nulla comitantium inde turba diuertat, quo quidem

dem commercio ipse, deinde & naturas rerum intelligit, & diuinat, deumq; habet in semetipso, vnde æternæ vitæ fiduciam pignusq; possidet, totus trāslatus ad deū, atque vatis loco jam Iouis familiaris euadit. Proinde si qua necessitas instat, non desunt huic diuinitatis familiari passim boni dæmones occurrentes ei, & per somnia, signa, voces, futura prænunciantes, vnde discatur, quid sit necessarium deuotare. Solum nanq; discedendum est à malo, cognoscendumq;, quod in vniuerso sit optimum ac maximè venerandum. & vniuersum, quod est in toto bonum amicum, atq; affabile. Improbitas autem, & inscitia diuinorum compellit hominē despicere quæ non nouit, eaq; damnare. verum apud eos, qui audire possunt, ipsa natura clamat. quæ, quū intellectualis sit, per intellectum cultores suos in sacra penitus introducit. Nouit profectò vir sapiens, dæmones quidem malos animalium victimis delectari, & in eis futura portendere. Deos autem huiusmodi victimis non egere, qui sanè adorantium mores inspiciunt, maximū sacrificium existimantes rectum de ipsis, atq; de rebus iudicium. nam apud deos optima est oblatio, pura mens, & perturbationum vacuus animus. hinc Pla-

to bono quidem viro convenire ait sacrificia operari, divinisq; interesse: malum verò frustra in sacrificiis laborare.

EX LIBRO TERTIO,

QVOD ANIMAE SENSUALES SINT, & RATIONALES,

suales sint, & rationales,

atq; immortales.

IN libro tertio dicit se afferre opinionem veram, & Pythagoricam: omnem scilicet animam sensibus, & memoria praedita, esse rationalem, habereq; rationem, orationemq; tum interiorem, tum exteriorem, qua inter se loquatur animalia. quorum verba non discerni à nobis, nihil mirum fit, quum barbarorū etiam multorū sermonem minimè discernamus, neq; tam loqui quàm indistinctè vociferari putemus. Addit, si credendum sit antiquis, atque illis, qui patrum nostrorum, & nostro tempore extiterunt. Sunt qui dicant se audire sermonem animalium, atq; intelligere, sicut apud antiquos Melapus, & Tiresias, atque tales, nuper verò Apollonius Theaneus, quem dicunt in amicorum cœtu, quā audiret hirundinem aliis nunciare, asinum prope urbem onustum tritico cecidisse, triticumq; humi diffusum: con-

tendit

tendit deinde animalia rationem habere, tum quia inter se sua significet, tum quia diligenti sibi solertia consulant, vsuiq; futuro provideant, tum quia discant, & ab se inuicem, & ab hominibus multa, seipsaq; inuicem doceant. Subjungit Aristotelem, Platonem, Empedoclem, Democritum, aliosq;, quicūq; veritatem de animalibus perscrutati sunt, participationē rationis, orationisq; in animalibus cōperisse. Apparere autem in hac diuersitatem, vt Aristoteles quoque dixerit, in essentia minimē differentem: sed per magis, minusve diuersitatem, quemadmodum plerique putent differentiam deorum in hac ad homines esse. non quidem secundum essentiā, imo secundum perfectum, & imperfectum habitum rationis, sic & rationis naturam nobiscum animalibus, sed per magis & minus existimamus esse cōmunem. Animalia illa Aristoteles ait esse prudentiora, id est astutiora, quæ sensuum acumine polent. Differentiæ verò corporū facile quidem, vel difficile passiuam reddunt animam, atq; magis, minusq; promptam habere rationem præstant. verum secundum essentiā, variare animā nequeunt, quando neq; sensus, neq; passionēs reddunt inter se differentes, neq; faciunt, vt perfectū

X. 2. transg.

transgrediantur. Concedatur itaq; secundum magis & minus esse in his differentiam rationis, neq; tamen ratione animalia reliqua omnino priuentur, neq; ex eo, quod nos magis, quam animalia intelligamus, propterea illa intellectu omnino priuemus. sicut neq; volare perdoes negamus, quoniam astures velocius volent. Concedere quidem poterit aliquis animam cum corpore compati, pati q; aliquid eo vel bene, vel male affecto: permutari vero ipsam animæ naturam ex hoc, nequaquam. Si autem compatitur tantum, utitur q; eo, ut instrumento, faciet quidem per ipsum multa aliter instrumentis dispositum, quam nos sumus, quæ quidem nos facere non valemus. Atque compatietur per ipsum certo modo dispositum, non tamen naturam propriam commutabit. Qui autem bruta dicit, quæ rationaliter agunt, natura facere, non animaduertit se dicere hæc rationalia esse natura. quasi verò ratio nobis natura non insit. Ipsa q; perfectio nō, sicut natura instituti sumus, suscipiat incrementum, veruntamen quod diuinum est, non fit disciplina rationale. non enim erat quādo rationale non esset, sed simul & fuit, & rationale fuit. neque prohibetur esse rationale, quoniam rationem

nem non acceperit per disciplinam, quantis & in ceteris animalibus, sicut & in hominibus, multa quidem ipsa natura docuerit, alia verò disciplina præbuerat. Nō absurdè quidā conati sunt ostendere multa etiam ex locis, quæ sortita sunt, prudentiora esse quàm nos. ut enim habitantia ætherem rationalia sunt, sic aiunt, quæ illis proximè habitant, id est in aëre. Deinde quæ in aqua, deinde quæ in terra, inter se rationis gradu differre. si enim deorum dignitatē quodammodo metimur etiam ex locis, sic & animalium perpendimus dignitatem. Socrates, & ante illum Rhadamanthus per animalia jurabant. Ægyptij verò animalia quædā deos existimabant, siue re vera deos arbitrarentur, siue cōsultò deorum formas vultu bouino, & auium facie, aliorumq; pingerent, ut non aliter animalibus quàm hominibus abstererent, siue alia secretiori de causa: sic & Græci statuæ Iouis cornua arietis imposuerunt: tauri verò cornua statuæ Dionysij, at Pana ex homine, & capra composuerunt. Musas autem & Sirenas alauerunt, & Amorem, atque Mercurium: & Iouem tauri formam induisse ferunt, & aquilæ, atque cygni. Per hæc antiqui honoranda esse animalia testabantur. & Socrates, ubi

ait cygnos suos esse conseruos, non est jocus. Tabula verò indicat conuenire animalia nobiscum in anima, dicens indignatione deorum, ex hominibus animas in animalia pertransire; quū verò pertransuerint, deos denique misereri. per hæc, & similia significatur animalia esse rationalia, ratione quidem in plurimis imperfecta, non tamen prorsus ab ente.

Nefas est animalia cedere.

Injustum est animalia cedere, quando quidem non omnino à nobis sunt aliena. Nos autem tanquam lasciuī, & insolentes ludo frequenter in theatris, venationibusq; animalia passim plurima interficimus, quo factum est, ut vis ipsa in nobis ferina, & immitis vehementius innaluerit; humanitas autem, & mansuetudo cessauerit. Pythagorici verò mansuetudinem, & clementiam erga feras meditati sunt, tanquam humanitatis, & misericordiæ specimen. Omne, quod est inanimatum, quū ratione, menteq; careat, opponitur ei, quod vna cum anima rationem, & intelligentiam quandam habet. Omne nanque animatum sensuale habet etiam phantasiā, velut rationem quandam. natura enim, quæ alicujus gratia, & ad aliquid

quid omnia facit, & fecit animal sensuale, non quidem ut simpliciter sentiret, atque pateretur, sed ut perciperet quæ sibi com-
moda forent, quæve incommoda, & illa quidem sequeretur, hæc fugeret. sensus igitur utrorumque cognitionem singulis animalibus affert. quæ verò sensum sequuntur, scilicet utilium prosecutiones, apprehensionesq; noxiorum verò deu-
tationes, putandum est non adesse nisi habentibus ratiocinationem quandam, & iudicium, atque memoriam. Etsi Strato
physicus sensum dicit non absq; intelligen-
tia quicquam agere, siquidem præsentia sensibus non percipimus, dum attentius aliud intelligimus: tamen esto quidem sensum non egere mente ad ejus actionem, at quando ad proprium, & alienum sensus agendo se confert, & inter hæc duo differentiam ponit, & illud fugit, hoc sequitur, mediumq; sequendi, effugiendiq; sagaciter inuenit inesse rationem: conjicere possumus, & hæc quidem rationis propria sunt, omniaq; omnibus animalibus adsunt scilicet progressiuis.

*Qui paucis contentus vivit, & inno-
cens, est quasi deus.*

QUum animi finis sit deo fieri simile,
Deus autem nullius indigus sit, no-
ceatve

ceatve nulli, ille certè felicissimus est, de ó-
que simillimus, qui ita seipsum comparat,
vt quamminimè egeat alienis, quammini-
mè noceat. hic ergo solis vescetur terræ
fructibus, ne noceat hominibus, ne no-
ceat animalibus: & quantum fieri pote-
rit, parceret etiam plantis & herbis: nam &
hoc ipsum antiqui lamentabantur, quòd
vel arborū fructibus egeamus. huius au-
tem egestatis causa generatio est, quòdve
in ipsa inopia per generationē constituti
sumus jam remotiores à copia. inopia ve-
rò salutē quæritat ab externis. Qui igitur
pluribus eget externis, magis cum ino-
pia copulatur, longiusq; à deo disiungi-
tur. qui enim deo similis est, hac ipsa simi-
litudine veram possidet copiam. Diues au-
tem, diuitiisq; fruens, nullis infert inju-
riam. nempe quandiu injuriam infert,
quamuis pecunias omneis habeat, to-
tamq; occupet terram, pauper est habend-
us, quippe quum sit familiaris inopiæ.
Quamobrem vir injustus profanus est, &
omni prauitate pollutus. quod quidem vi-
tium nobis intulit ruina quædam animæ
in materiam discedentis à bono. omnia
igitur nugæ sunt, quatenus aliquis à prin-
cipio deficit. omnium egenus est animus,
quandiu ad ipsam plenitudinem minimè
suspici

suspicit. Cedit autem ei, quod est naturæ suæ mortale, quatenus ipse non nouit reuera seipsum. Qui autem tanquam deo similis jam effectus, quàm minimis ad victum est contentus, hic illa seculi aurei prosperitate potitur.

Ratio quædam inest etiam animalibus.

Ratio quidem naturaliter inest. ratio verò recta, perfectaq; ex meditatione fit, atque doctrina. Quapropter rationalis quidem facultatis participatio quædam omnibus competit animalibus. Rectitudinem verò, sapientiamq; neq; hominem quidem adeptum reperire licet: & quemadmodum differentia visus ipsius est ad visum, volatusq; ad volatum. non enim similiter cernunt astures, atque cicadæ, neque aquilæ similiter volant, atque perdices, sic neque rationale quodlibet æquè particeps est acuminis, & astutiæ.

EX QVARTO LIBRO,

ANTIQUI ANIMALI-

bis abstinebant.

Dicæarchus Peripateticus antiquos inquit Græcos, tanquam proximè deo genitos, optimos fuisse natura, ac vitam optimam peregisse, adeò vt genus eorum aureum

x s sit

fit iudicatum. subdit eos nullum animal occidisse. Illi sanè nihil ad sanitatem melius probauerunt, quàm superflua minimè congregare. Itaque nutrimentum natura valentius adsumere noluerunt, sed quo potius esset natura valentior. Antiqui quoque sacerdotes Ægyptiorum sapientiæ studio dediti, de quibus Cheremon Stoicus diligentissimè tractat, animalibus plurimùm abstinebant. Quinetiam multa, velut diuina, venerabantur, quorum alia diis aliis accommodata dicebant, sicut Soli asturem, atq; caniharum, & arietem, atque crocodilum. Comprehenderunt enim omnis animalis animam esse rationalem, quando à corpore fuerit separata, præfagamq; futuri, nobisq; diuinantem, omniumq; effectricem, quorum & homo solutus à corpore. non ergo temere animalia honorabāt, & ab eis se, quantum fieri poterat, continebant.

Sobria vita Essæorum.

NArrat subinde ex historia Iosephi Essæorum vitam religiosorum apud Iudæos, atque philosophorum, omnia eos habuisse cōmunia, charitatem mutuam, & abstinentiam, & patientiam ante omnia coluisse, diuino cultui semper intentos: adeoq;

ideoq; fortes animo, vt necari quàm deū
negare maluerint. Atque in ipsis cruciati-
bus ridere palàm cōsueuerint. qui ob eam
causam cruciati alacres animas emitte-
bant, tanquam iterum recepturi. hec enim
sententia rata est, inquit, apud illos, ani-
mas immortales existere, atque ab æthe-
re tenuissimo descendentes corporibus
applicari. *ψυχή*, id est, imperu, & instinctu
naturali tractas ad corpora: postquàm ve-
rò è carcere corporis emigrauerint, tan-
quam à longa seruitute jam liberas exul-
tare, perq; sublimia se attollere. Abstine-
bant tum animalibus multis, tum omni
prorsus incontinentia. Deniq; ex ipsa vita
& temperatissima, & veritatis studiosissi-
ma, & deuotissima deo inter eos multi fu-
tura præfagiebant, ideoq; prophetæ no-
minabantur.

*Sapientes antiqui præsentem vitam con-
temnebant spe futura.*

Sapientes Indorum nominati sunt Gy-
mnosophistæ. inter eos qui quadā ge-
neris successione in studio religionis, &
sapientiæ procedebant, Brachmanes no-
minati sunt: qui verò idem electione tan-
tùm profitebantur, Samanei, quorum vi-
tam Bardefanes Babylonius latè descri-
bit.

bit. Samanei hujus vitæ tempus tanquam necessariam quandam seruitutem naturæ ministrantem inuiti ferebant, studebantq; animas è corpore soluere. & quū prospere corpus se habere sentirent sæpe, nihilo ad hoc urgente, egrediebantur è vita. hos ergo domestici obitu beatos existimabāt, atque eos qui illis superessent, deflebant, vt infelices.

*Sobrietas, & contemplatio mentem
deo conjungit.*

Gymnosophistæ, præter reliquā temperantiam atq; sanctimoniā animalibus abstinebant. Sanctimonia quidem mortalibus abstinens æternam continet vitam. Corpus autem pinguefactum animam cogit esurire à felici vita cadentem, augetq; mortale, expellens, impediensq; vitam nobis æternam. contaminat & animam, videlicet corpoream eam reddens, & ad id, quod diuersum est, deflectens. Magnes verò lapis quasi quandam animam trahit ferro sibi aliquando propinqui. vnde ferrum natura grauissimum euadit leue, eleuaturq; spiritu magnetis se conferens ad magnetem. Siquis ergo ad deum suspensus euaserit, incorporeum intellectualemq;, meritò non debet nutri-
ment


mentum quarere, quo pinguefiat corpus. quod iter ad mentem impedit, sed ad minimum, ac penitus necessarium alimentum rediget corpus: ipseque nutrietur diuinitate naturalius deo conjunctus, quàm magneti ferrum. Iam verò si neque minimis quidem alimentis indigeremus, tantò feliciores essemus, quantò magis & immortales. Nunc verò in hoc mortali viuentes, adhuc etiam nos (vt ita dicam) mortaliore latenter efficiamus, dum corpus adaugemus, atque (vt Theophrastus inquit) dum ἐνολύσιον, id est plurimum necessitudinis animus familiarius habitando cum corpore contrahit, atque insuper seipsum adhibet totum. Sed vtinam absque cibo penitus, atque potu agere vitam potuissemus: vt corporis cohibentes effluxum, optimis statim rebus conjungeremur, in quibus & deus existens ita deus existit. Verùm quidnam frustra ad homines hæc exclamamus, atque deflemus, sic excæcatos, vt malum quidem suum assiduè foueant, oderint verò seipsos primò, verumque genitorē? Deinde eos etiam, qui vt quandoque ab ebrietate expergiscantur, admonent, & hortantur. Democrates ait, viuere imprudenter, intemperanter, impiè, non tam malè viuere est, quàm diu mori.

E X

EX MICHAELE

PSELLO DE DÆ-

MONIBVS.

Interpres Marsilius Ficinus.

Atura dæmonum non est
absque corpore, sed habet
corpus, & versatur circa
corpora, quod & venerandi
patres nostri judicauerunt.
sunt & qui asserant, dæmones propria cum
corporibus præsentia sibi apparuisse. Atq;
& Basilius diuinus mysteriorum nobis oc-
cultorum inspector, non solum dæmoni-
bus, sed puris etiam angelis corpora tri-
buit, velut spiritus quosdam tenues, &
aëreos, atq; puros, & testem affert Dauidē
dicentem: Qui facit angelos ejus spiritus,
ac ministros ejus flammeos: atq; id quidē
necessarium est. oportet enim, vt diuinus
asserit Paulus, spiritus ministros, qui mī-
tuntur, corpus habere, quo mouentur, gra-
dumq; sistant, palamq; appareant. noue-
runt enim hæc ministeria nō aliter, quā
corpus aliud perfici posse. quōd sicubi le-
gas in scriptura eos incorporeos appel-
lari, respondeo & nostros, & alios solere
corpora quidem crassiora corporea no-
minare,

minare, corpora verò tenuia, & quæ aspectum, tactumq; effugiunt, incorporea frequenter cognominare. Non est autem corpus idem cognatum angelis, atq; demonibus. Angelicum enim corpus radios quosdam effundens alternis oculis sustineri non potest, eis penitus euanescent: dæmonicum verò si vnquam tale fuerit, eloqui nescio. videtur autem tale aliquando existisse, quum Isaias nominet angelum, qui cecidit, luciferum: nunc verò alioquin obscurum, tenebrosumq; existit, ac si conjugato lumine nudatum oculis offeratur, molestum nobis occurrit, & angelicum quidem materiae penitus expers, quapropter & per vniuersum solidum penetrat, atq; pertransit, minusq; etiam quam solis radius passionibus est obnoxium. Solis namq; radium per corpora diaphana, atq; translucida procedentem, siue ingredientem obstacula terrena, & opaca obstantia detinent adeò, ut sustineat fractionem, utpote qui ad malum cognitionem habeat. Corpori verò angelico nihil horum obstat, utpote quod nullam à quoquam oppositionem patitur; quippe quum horum nullis in ordine congruat, vel natura corpora verò dæmonica quamuis ob tenuitatem inuisibilia sint, attamen materialia quod.

quodammodo sunt, passioniꝫ; subiecta, præsertim quæcūq; loca subterranea subire. Hæc enim adeò cōcreta sunt, vt tactui subijciantur, pulsataꝫ; doleant, & igni propinquantia comburantur, adeò vt horum quædam cinerem quoq; relinquunt. Quod quidē apud Thuscōs Italiæ populos accidisse, historia traditur. neque ego hæc loquor quasi poëticam fabulā, monstraꝫ; in mediū afferens Cretensiu Phœnicumꝫ; more, sed ex ipsis Saluatoris verbis persuasus, hæc affirmo, quæ tradunt dæmones igne torqueri, utpote qui, propterea quòd corporei sunt, pati possint. Quo enim modo pati possent, si incorporei forent? quod enim incorporeum est, pati à corpore ne fingi quidem potest.

Sex demonum species, quomodo se transformant, se nobis insinuant, nos moueant.

ACcepi verò multa de his ab eis, qui seipsoꝫ; dediderūt studio eos in aspectum prouocādi, tametsi nil tale vnquam viderim, neque videre dæmonas optem. Versatus verò sum cum aliquo, qui in Cherrhoneso Græciæ contermina solitariam vitam egit, Marco nomine. hic in Mesiū fluiuium genus suum referebat, ac, si quis

si quis alius, in dæmonum cultu profecerat, inspexeratq; apparitiones dæmonum: hæc ei go antiè tanquam vana, falsaq; spernebat, atque detestabatur. deinde verò palinodiam cecinit, verisq; dogmatibus, & nostris adhæsit. hic ergo multa, & mira quidem, & dæmonica nobis aperuit, atque mihi interdum interroganti, vtrum dæmones pati possent: & valde quidem, inquit, adeò vt nonnulli dæmonū semen jacent, atq; in pusilla quædam animalia oriantur. Tum ego, incredibile inquam dæmonas excrementa habere, & membra genitalia. Habēt quidē, inquit ille, membra, sed non talia, excrementum verò aliquod ex illis emanat. Tum verò subjunxit, mihi crede, sed ego, inquam, graui in discrimine sum, si nostro more nutriantur. Nutriuntur sanè, inquit Marcus, alij quidem inspiratione, veluti in arteriis, & neruis viget spiritus: alij verò humore, sed non ore, vt nos, immo verò sicut spongiæ, atque ostræ, exuentes quidem humorem extrinsecus adjacētē, rursus autem quod in humore concretius est fecerentes. id verò non patiuntur omnes, sed solum genera dæmonum materiæ proxima, genusq; dæmonum, quod odit lucē, & aquatile, atque subterraneum. At

y

hæc

hæc interrogavi, sunt'ne ô Marce multa
dæmonum genera? multa, inquit, atque di-
uerſa, tum ſecundùm formas, tum ſecun-
dùm corpora, adeò, vt & aër, qui ſupra nos
eſt, & qui circa nos, ſit plenus dæmonum,
plena & terra, mareq;, & loca abdita, atq;
profunda, niſi moleſtum eſt, inquam, enu-
mera. Sex generaliter, inquit, ſunt genera
dæmonum: neque verò noui, vtrum locis
diuidere oporteat dæmonas, in quibus
verſantur, an potiùs ex eo, quòd vniuer-
ſum dæmonum genus amore afficiatur
ad corpus. Eſſe verò noui ſenarium nu-
merum corporeum, atq; mundanum. In
eo enim circumſtantiæ corporeæ ſunt, atq;
mundus per hunc cõpoſitus eſt, ſiue quia
hic numerus primus eſt, qui componat
triangulum ſcalenum. Eſſe verò proprium
æquilateri diuinum, atq; cæleſte, vtpote
quod ſit ſibi ipſi æquale, ac difficile mo-
ueatur ad malum. propriũ verò æquicru-
rij genus humanum vti. quod vno quodã
ab inſtituto aberret, ex pœnitentia verò
fiat melius. Scaleni verò proprium dæmo-
nicum tanquam inæquale, nec vllò modo
propinquans bono. ſiue igitur hoc, ſiue
alio modo res ſe habeat, ſex omnino ille
genera dæmonũ enumerabat, & primum
quidem prima lingua barbarè nominabat
Ieliu

leliureon, id est igneum, quod circa subli-
 miorem aërem peruagari dicebat. omne
 nanque dæmonicum ex lunaribus regio-
 nibus, velut ex templo profanum aliquid
 exterminari. Secundum verò genus, quod
 in aëre propinquo nobis oberrat, quod &
 à multis propriè aëreum nominatur. Ter-
 tium, terrenum, quod plurimum circa ter-
 ram versatur, terrenisq; aduersatur multis
 rationibus, atq; machinis. Quartum, aqua-
 tile, & marinum, quod humoribus se im-
 mergit, ac libenter circa lacus, & fluuios
 habitat, multosq; perdit aquis, & in mari
 fluctus excitat ac répestates, nauigiaq; vi-
 ris onusta funditus submergit, multosq;
 obruit vndis. Quintũ, subterraneũ, quod
 habitat quidem sub terra, inuadit autem
 qui puteos effodiunt, & metalla. efficit
 hiatus terræ, & fundamēta concutit. flam-
 miuomos ventos suscitatur. Sextum & vlti-
 mum est lucifugum, imperscrutabile, ac
 penitus tenebrosum, passionibusq; frigi-
 dis violenter res perdens. Esse verò dice-
 bat hæc omnia dæmonum genera sic af-
 fecta, vt & deos oderint, & hominibus
 aduersentur, sed aliud alio pejus. Aquati-
 le enim, & subterraneum, ac etiam luci-
 fugum summopere malefica, atque pernir-
 ciosa. hæc enim non phantasis excogita-
 y 2 tion

tionibusq; animas deprauare, atq; lædere, sed oberrantia ferarum more syluestrium ad perniciem hominū festinare. sic aquatiles quidem errantes, in aquis suffocare, atque morbo comitali, dementiaq; vexare. Aëreos autem, atque terrestres arte quadam, & excogitatione inuadere, sicq; humanos animos fallere, & ad perturbationes turpissimas, & iniquas, perniciosasq; flectere. Tum ego, quonam pacto, & quid agētes hæc peragunt? vtrum dominantes nobis, & quocunque placet velut mācipia circumferentes? Non dominātur, ait, sed nobis clām commemorant. spiritui nāq; qui nobis inest, phantastico propinquat, vtpote qui & ipsi spiritus sint, verba perturbationum, & voluptatum nobis insonant, non emittentes quidem vocem pulsatione quadam, ac sonitu, sed sermones suos absque sonitu immittentes. Sed quonam pacto, inquam, sine voce sermones nobis ingerere possunt? Quid mirū, inquit si modò illud animaduertas, quemadmodum videlicet qui loquitur, si procul loquatur, vehementiore clamore eget. factus verò propinquior, in audiētis aurem susurrando subloquitur: qui si posset cum ipso animæ spiritu copulari, nullo sono prorsus egeret, sed sermo ejus voluntate
con.c

conceptus nullo penitus sono audienti illaberetur, quod quidem animabus etiam egressis corpore contingere tradunt. Has enim sine strepitu inter se versari. hoc utrique modo nobiscum dæmones cōuersantur, clām videlicet, adeò, ut nec vnde quidem nobis inferatur bellū, liceat persentire. Neque de hoc dubitauit quisquis, quod aëri contingit, consideraueit. Sicut enim aër præseente lumine colores, & formas accipiens traducit in illa, quæ naturaliter accipere possunt, sicut apparet in speculis, rebusq; quasi specularibus: sic & dæmonica corpora suscipientia ab ea, quæ intus est, essentia phantastica figuras, atque colores, & quascunque ipsi voluerunt formas in ipsum animale, nostriūque spiritum transmittunt, multa nobis negotia præbent, voluntates, & consilia suggerentes, formas subindicantes, suscitantes memorias voluptatum, simulacra passionum frequenter concitantes vigilantibus, atque dormientibus. nonnunquam verò femora nobis, ac inguina titillantibus, incitantes insanos, & iniquos amores subjiunt, & subacuunt, præcipuè verò si humores calidos humidosq; ad id conducentes nacti fuerint. Sed hi Plutonis galeā subinduentes perturbant

animas arte quadam, & sophistica fraude. Reliqua verò daemonum genera nihil excogitant sapienter, nec quicquid facile astu peragunt, nisi quòd molesta tamen, atq; valde turpia sunt, & charonei spiritus more lædunt. Sicut enim ferunt spiritum hunc corrumpere quicquid propinqua-uerit, siue quadrupes, siue homo, siue sit avis: sic dæmones occursum diri quicquid occurrerit, subito perdunt agitantes corpora, animosq; naturalesq; habitus pervertentes. sæpe etiam igne, aqua, præcipitio perdunt non solū homines, verū etiam bruta nonnulla. Ad hæc ego, cū nam hi dæmones bruta rursus inuadunt? jam verò circa Gergesam tale aliquid accidisse porcis sacra testantur eloquia. Ad hæc ille, quum dæmones hominum hostes sint, nihil mirum videri debet eos lædere. insultant quineriā aduersus bruta nonnulla, non tam voluntate nocendi, quàm viuifici caloris auiditate. Quū enim in locis habitet profundissimis, ad summum quidem frigidis, sed humore carentibus, frigiditatem plurimam contrahunt humoris expertem, qua quidem obstrusi in angustumq; coacti calorem humidum appetunt, & vitalem, utq; hunc assequantur in animalia irruunt, & ratione carentia, &
ad.

ad balnea, foueasq; aduolant. Nam calorem ignis, solisq; velut comburentem, & exsiccantem fugiunt: calorem verò animalium quasi moderatum, suauiq; humore permixtum diligunt, praesertim humanum, quia sit temperatior. quamobrem hominibus se insinuantes, non mediocriter eos perturbant, oppletis videlicet meatibus, & impletis, in quibus spiritus insidet animalis, ipsoq; spiritu daemonicorum corporum crassitudine coacto, intusq; concussio, ex quo accidit, ut vibrentur, concutianturq; corpora, viresq; principales malè in actionibus se habeant, ac motiones stupidæ erraticæq; proueniant. Atq; si daemon, qui irruit, subterraneus sit, cōcutit, ac destruit occupatum, clamatq; per ipsum vtens patientis spiritu velut proprio instrumento. Sin autem lucifugorum aliquis homini se clām ingesserit, segnitiei adducit, cohibetq; vocem, hominemq; obsessum, quasi mortuum reddit. hoc enim genus tāquam inter daemones vltimum terrestrius est, summopereq; frigidum, atq; aridum, & cuicunque latēter irrepserit, vim omnem animale[m] obtundit, & hebetat, obfuscet, & delet. Quū verò ratione caprum sit omnino, omniq; intellectuāli speculatione prorsus orbatum, & ductū inrationali

y 4 quad

quadam phantasia, more brutorū præ cæ-
teris indocilium, nullis rationibus auscul-
tat, nec redargutiones metuit. quocirca
rectè apud multos mutum, surdumq; vo-
catur: neq; discedit ab occupatis, nisi diui-
na potestate propulsum, oratione videli-
cet, jejuniòq; accedentis. Sed ego, ô Mar-
ce, inquam, retentiora quædam sapere nos
medicorum sectatores adducunt, asseren-
tes passiones ejusmodi non esse effectus
dæmonum, sed humorum, vaporumq; &
venti malè sese habentium. itaq; pharma-
cis, & diætâ, non carminibus incantantiū,
expiationibusq; curare hæc aggredi so-
lent. Tum ille, nihil mirum est hæc medi-
cos dicere, qui nihil nouerint præter sen-
sum, sed corporibus tantum incubuerint
cognoscendis. Illa fortasse decebat malo-
rum humorum putare incommoda, ca-
pitis somniferam grauitatem, atræ bilis
angustias, phrenesis deliramenta, quæ la-
uacris, potionibusq; vel euacuationibus,
vel emplastris sedare consuerunt. Inspira-
tiones autem, occupationesq;, quibus qui
obsessus est, agere nihil potest, non intel-
lectu, non ratione, non phantasia, non sen-
su. Aliud verò est, quod mouet, atque du-
cit, dicitq; insuper, quæ non nouerit oc-
cupatus, & futura nonnunquam prædicat,
quo

quo inquam pacto dicemus, hæc esse erraticas materiæ motiones?

Quomodo demones occupent hominem, loquantur, moueant, se transforment.

EGo igitur Marco fidem adhibeo, præsertim quā memoria teneam, quæ de daemonibus diuina nobis Euangelia tradunt. quodve viro Corinthio contigit iubente Paulo, & denique quocunque patrum nostrorum scriptis leguntur de daemonibus multa, penitusq; miranda. Reliquum verò est, ea referre, quorū ego inspector, & quibus velut auctor interfui. Profectus sum in Elafoniam, vbi vir quidam act⁹ dæmone multa multis oracula fudit. Quem ego conueniens interrogauī, vnde nam sibi facultas vaticinandi contigerit. quū verò ille aperire nollet arcanum, tandem Laconicam passus necessitatem, tandem confessus est verum. Retulit ergo se initiarum fuisse in operibus dæmonum à quodam Aleto Liuiō, qui eum nocte adduxisset in montem, iussissetq; herbam quandam assumere, deinde in os expuisset, & quibusdam vnguentis oculos illinisset, vnde sibi dæmonum turbas videre cōtigerit: ex quibus senserit, quasi cornu quendam inuolantem, osq; suum ingredientem

dientem ex eo tempore, atq; hætenus sibi
vaticiniū adesse de quibuscūque, & quan-
docunque hoc ipsum vult, quod eum mo-
uet, in diebus enim crucifixionis, & in die
venerandæ apud nos resurrectionis mihi,
ait, nihil, etiam si studiosè contenderim,
insonat. Hæc ille nunciauit. Quum verò
quidam meorum comitum irrideret eam,
percuteretq; cervicē, ait, Tu quidem pau-
lò post pro vna plaga multas vtriq; repor-
tabis, & aliis multa prædixit, quæ proue-
nerūt. Quidam ergo eum fatidicum con-
spicatus tanquam musicum instrumētum
insonantibus dæmonibus euasisse, sic ob-
jecit, omnes insanie species passionēs sunt
deprauatæ materiæ, potius quàm tragicæ
dæmonum passionēs. Ad hunc ille, nihil
mirum videri debet, inquit, si ita medico-
rum sectatores judicāt, qui nihil vnquam
ejusmodi viderint. Nam & ego ita puta-
bam, quousque contigit prodigiosum ali-
quid prouidere, quod non importunum
erit in præsentia recensere, & profectò ni-
hil mētiar. * Senex quidam, qui hoc idem
pallium induebatur, Frater meus natu ma-
jor habebat vxorem alioquin modestam,
morbisq; vexatam frequentibus. hæc ali-
quando puerpera vehementer jam labo-
rabat, vestemq; confringens barbarè lo-
quebatur,

quebatur, sermone præsentibus incognito. itaq; ambigebant omnes quid in re ardua faciendum foret: fœminæ verò quædam adducunt peregrinum quendam nomine Anaphalangiam valde senem rugosumq;, & exustum, atque nigrum, qui nudato ense, prope lectum aditans, ira quædam apprehendit ægrotam, linguaq; sibi patria, id est Armenica, acriter conuiciatus est. illa huic vicissim respondit Armenicè, ac primò quidem audax è lecto prorupit cū eo protinus certatura. At barbarus ille, tum maximè adjurationibus utebatur, & quasi furens minabatur illam se percussurum. Tum fœmina se recepit, cōpressit, contremuitq;, & humiliùs jam locuta, in somnum mox incidit. Nos autem obstupuimus ambigentes, quonam pacto illa locuta sit Armenicè fœmina, quæ Armenios nec vidit quidem vnquam, neque domesticis laribus egressa est. Quū ergo resipuisset, interrogauimus eam, quid passa fuisset, & nunquid acta animaduertisset, vel mente teneret. Tum illa respondit se vidisse dæmonum visum tenebrosum, & simile mulieri, passos habenti crines in se irruere. vnde antè quàm ipsa lectum ingrederetur, extimuisse: quod verò deinceps secutū est, minimè persensisse: quamobrem.

obrem ego post hæc ita dubitare cœpi,
quonam pacto dæmon mulierem pertur-
bans mulier appareret: nec injuria dubita-
batur, vtrum dæmonum alij quidem ma-
res, alij verò sint fœminæ more animalium
caducorum: præterea quomodo dæmon
lingua Armenica vteretur. nam valde du-
bitandum est, num dæmones alij Græcè,
alij Chaldaicè, alij Persicè, alij Syriacè
loquantur. Deinde quomodo ad magi il-
lius minas seipsum dæmon compresserit,
strictumq; timuerit ensem: quid enim pa-
tiatur ab ense dæmon indiuiduus, atque
immortalis? Tum Marcus dubitationem
meam animaduertens, ait, nullus dæmon
suapte natura mas est, vel fœmina. Com-
positorum enim sunt huiusmodi passio-
nes: corpora verò dæmonum simplicia sunt
ductu, flexuq; facilia, ad omnemq; con-
figurationem naturaliter apta. sicut enim
nubes suspicimus nunc hominum, nunc
ursorum, nunc draconum, aliorumve præ-
ferre figuras, sic & corpora dæmonum:
sed hoc interest, quòd nubes externis agi-
ratæ ventis figuras varias agunt, dæmo-
nes autem proprio consilio, prout ipsi vo-
lunt, corporum formas in se variant, &
modò in breuiorẽ molem contrahuntur,
modò rursus in longiorem se extendunt.

Quem

Quemadmodum lumbricis videtur acci-
dere ob substantiam meliorem, ductūque
facillimam: neque solum magnitudine in
eis diuersitas accidit, verum etiam figu-
ras, coloresq; variant multiformes: cor-
pus enim dæmonis ad vtrumque est natu-
ra paratum. qua enim ratione est natura
facile cedens, sic in varias figurarum spe-
cies transformatur: qua vero aëreum est,
diuersos aëris instar colores subit. Sed aër
quidem ab extrinseco coloratur, corpus
verò dæmonis ab intima phantasie actio-
ne species colorum accipit. quemadmo-
dum nobis expauescentibus genæ palle-
scunt, verecundia verò affectis rubescunt,
anima verò prout sic, aut sic afficitur, pas-
siones ejusmodi in corpus, similiter tra-
ducente eadem ratione de dæmonibus
est putandum. Nam & hi ab intrinseco in
corpora sua colorum species transferunt,
quapropter vnumquodq; dæmonum cor-
pus proprium in quam elegerit figuram
transformans, speciemq; coloris certam
ad extremum vsque corporis educens, sic
& tanquam vir apparet, & mox occurrit,
vt foemina, leonis more fremit, saltat vt
pardalis, latrat vt canis, atque ad vtis, va-
fisq; formam se aliquādo trāsfert: ac dum
omnes ejusmodi vicissim formas mutat,
nullam

nullam earum stabilem retinet. Nō enim solidum corpus dæmonum, quo possit acceptas retinere figuras. Sed sicut in aëre & aqua contingere cōsuevit, videlicet siue colorē infundas, siue figuram imprimas, mox diffunditur, atque dissoluitur: simile quiddā dæmonibus accidit. nam & in his figura, colorq; & species rerum quarumlibet citò dilabitur. Docuit itaque Marcus has maris, & fœminæ differentias non inesse dæmonibus, sed apparere, nullamq; ejusmodi formam in eis stabilem permanere. Sin autem è multis audiueris dæmonem sub fœminæ specie omnibus puerperis apparere, nullamq; ejusmodi formam, scito, non omnes dæmones eandem vim, voluntatemq; habere, sed in hoc etiam illos valde differre. Nempe in proportionem quadam simili, qua etiam cōposita, caducaq; animalia se habere. sicut enim inter hæc homo quidem intellectualis, prudentisq; potentiæ particeps phantasticā insuper vim communiorem habet ad omnia fermè sensibilia explicabilem, atq; diffusam, tum ad cælestia, tum ad illa, quæ circa terrā sunt, atq; in ipsa terra. Equus autē, atque bos, & reliqua ordinis ejusdem vim eam magis particularem, atque ad nōnulla imaginabilia cognomina operantem, quæ

que præsepe, possessoresq; suos cognoscit. Culices autem, & mures, atq; similia, angustiorē hanc habent, atq; indistinctā, neque foramen cognoscunt, ex quo emerferunt, neq; locū, quò processere, & quò quid est adducendum, sed vnicam tantū imaginationem habēt, scilicet alimenti: sic & multa, diuersaq; dæmonum genera inter se similiter differūt. nempe in his quoq; ignei quidem, aëreiq; phantasiā habent variē admodum distinctā, atq; discretā, quancunq; imaginabilē speciē elegerint. nam ad hanc ipsā se ipsos formant, contra verò lucifugum dæmonum genus se habet. ejus enim imaginatio valde angusta est: itaq; formas varias non commutat, vtpote quòd plures imaginabilium rerum non habeat species, neq; corpora possideat ad motum agilia, ad flexumq; accommodata. Aquatiles verò, atq; terrestres medium inter hos dæmones obtinentes, possunt quidem plures formas mutare, sed quibus maximè delectātur, in eis diutius immorantur. Quicunq; enim in humidis viuūt, mollioremq; vitæ ductum tenent, se quibus, mulieribusq; similes reddūt. Quapropter naiadas, nereidas, & dryadas foemino sexu hos cognominant. quicunq; verò in locis habitāt siccioribus, corporaq; habent

bent subarida, quales *ὄρεσκέλγς* esse ferūt, in viros se transformant. Nonnunquam etiam canibus, & leonibus, aliisq; animalibus similes se ostendunt: in quibus videlicet mos inest masculinus. Nihil itaq; mirum, si dæmonium inuadens puerperas fœmineam præfert formam: quippe quū sit adulterum, humiditatibusq; se oblectetur impuris, formam enim subit vitæ sibi gratæ conuenientem.

Dæmones singularum gentium, quibus loquuntur, linguam imitantur.

QUa verò ratione Armenicè loquerentur, Marcus quidem non explicauit, neq; etiam à nobis est quæsitum. Arbitror autem hinc fore hoc manifestum, quoniam non possit lingua dæmonum propria inueniri. tamen si Hebraicam quis seruare linguam dixerit, siue Græcam, aut Syriam, aliâue barbarâ quid enim opus est voce dæmonibus? qui inter se absq; voce conuiuant. Quum verò sicut angeli posteriores posterioribus, alij aliis gentibus præsent, sic dæmones alij aliis assistunt: sanè singuli singularum gentium linguas exercent: quamobrem dæmones, qui inter Græcos habitant, heroico stylo oracula ediderūt. apud Chaldaeos verò Chaldaica uteban

utabantur lingua, quemadmodum apud Ægyptios Ægyptia voce colloquia faciebant. quinetiam dæmones incolentes Armeniam, si aliò fortè se conferant, indigenarum voce utuntur.

*Cur dæmones timeant minas, atque
patiantur.*

Sed quæritur, cur dæmonia minas, ensesq; timeant. profectò omnia dæmonum genera audacia, rursusq; timiditate plena sunt, præsertim conjunctiora materiæ. Aërea enim circumspectæ cogitationis participia, si quis objurgauit, discernere nouerunt objurgantem, vel honorantem: neq; aliter ab obsessis discedunt, nisi obtestator erga deum sanctimonia polleat, nomenq; dei, sermonemq; horribilem incanter potestate diuina. hæc profectò sunt dæmonia materiæ proxima, formidantia ne in loca profundiora, abyssumq; demittantur. Item angelos timent, qui illuc eos præcipitant quoties videlicet quispiam eis præcipitium minitatur, adducitq; inuocationes angelorum ad hoc institutorum. valde enim timent. nam ob ignorantiam non discernunt minitantem. Iam verò si anicula quædã, vel superbior senecium aliquis, minas ejusmodi rusticè
 z intent

intentauerit, sæpe discedūt, quia discernere nequeūt. Ideo superfluis etiam quibusdam facile mancipātur, scilicet vnguibus, & capillis à polluto magorum genere. Itē plumbo, & cera, tenuiq; filo deuinciuntur, atq; nefariis adjurationibus cōturbantur. venefici ergo, & nefandi dæmonia hæc subterranea mansuefaciunt. Qui verò nefariis ministeriis abstinent, aërea maximè colunt, cauētes ne dæmonium subterraneum interueniat. nam siquid tale interuenerit, præter id, quòd terrores incutit, etiam saxa jacere consuevit. proprium enim subterraneorū est lapides in occurrētes iacere, sed ictibus irritis. Aërea verò dæmonia ratio dictat intrepida esse, neq; tamen boni quicquam afferunt, quoniam & superba sunt, & iactabūda, & deceptionis, phantasiæq; inanis plena. ab eis enim in cultores veniunt ignei quidam radij, quos furiosi homines diuina spectacula putant. nihil tamen veri, cōstantisq; possident. quid enim in obscuris dæmonibus potest lucis inesse? sed hæc omnia fallaciæ sunt occultorum, atq; præstigiæ. Sunt pleriq; qui communiter appellantur Eucheræ, quorum fraudulentum dogma ab infano quodam monente manauit. Tradūt ergo principia plura, & profectò ab ipso monem

monente duo rerum principia supposita sunt, ita ut deo bonorum opifici Deus malorum, artifexque; ponatur, deoque; celestium domino Deus dominus subcaelestium. hinc Eucheræ miseri tertium his principium adhibuerunt. Nempe apud eos unus quidem pater est: filij verò duo, antiquior videlicet, atque; junior. principia tria, sed patri quidem supermundana tantum, juniore autem filio caelestia, seniori verò subcaelestia velut dominis tribuuntur. Quod quidem dogma nihilo à Græcis fabulis differre videtur juxta poeticum illud, ternario distributa sunt præmia numero. Sed inter Eucheræ, alij utrumque; filium colunt. nam etsi dissidere eos nunc inter se dicant, utrumque; tamen existimant adorandum: quoniam ambo ex eodem patre nascantur, atque in posterum conciliandi mutuò sint. Alij verò alterum duntaxat, id est juniorem colunt, utpote qui meliori, præstantiorique provinciae dominetur. seniore verò non spernunt quidem, sed observant ipsum caventes, videlicet ne malefaciat. Deterrimi verò inter illos à caelesti quidem numine disjunguntur omnino. solū verò terrestre satanā finibus suis excipiunt, ipsumque; nominibus apud eos potioribus extollunt, appellantes primogenitū, & à patre sejunctum.

ctum. Item arborum, animaliumq; , & reliquorum cōpositorum opificem: pestiferum verò, atq; hostilem. Sed qui hæc dogmata introducunt, & oculis, & auribus mentis capti sunt; neq; enim vidēt ex ipsa rerum cognatione mutua, vnum esse omnium auctorem, neque scripturam sanctam id docentem audiunt, neq; ratione secum ipsi reputant: quòd videlicet si duo inter se dissidentes rerum opifices essent, non esset vna quædam conspiratio, vnióque omnia ligans. Et si dæmonia diuitias nobis, & gloriam promittunt, nihil tamen ex se tradere possunt. quippe quū imperium nullum habeāt, sed visu tantum quædam inania suis cultoribus afferunt, varia prorsus, & instabilia, quæ tamen impij diuina esse spectacula putant.

Euchetæ & gnosci, vt dæmonia toto concipiant pectore, nefanda sacrificia perpetrant. Conueniūt die, quo passus est Saluator, vespere, statutū in locum vnā cum puellis sibi notis, & post quædam sacra extinctis luminibus, mistim coëunt siue cum sorore, siue cum filia, siue cum qualibet. nono rursus mense reuertuntur, puellasq; accersunt, & infantes jam natos ab his euellunt, perq; totum corpus pueros circuncidunt, & circūfuso sanguine phialas

las implent, corpora cremāt, cinerem cum sanguine miscent. hoc condimento epulas, & pocula condiunt, tum sua inter se, tum aliorum clām quoruncūq; possunt. Existimant enim hoc sacrificij, & alimentij genere tanquam maximè profanos characterem diuinum nobis impressum, & dæmonia procul arcentem penitus aboleri, itaque dæmonia liberius ingredi.

*Quomodo magi excantent, irahantq;
dæmonas.*

Veneficia, atq; magia non vanum nomen sortita sunt, sed vim quandam possident. Veneficium enim ars quædam est circa materiales dæmones, & terrestres, simulacra dæmonum prouocans in aspectum, & alios quidem velut ab inferis excitat, alios autē ex alto deducit. Disciplina enim nostra omnem dæmonem existimat malum, propter superbix, & vanitatis excessum, ab angelico statu, ordinēque delapsam. Opinio verò Græca paruum dæmonum partem iudicat malam, & hanc quidem non tanquam electione talem, sed ex prima rerum diuisione sic affectam, tortoris vicem gerentem aduersus animas delinquentes. Talem itaq; dæmonum portionē veneficiis præstigiator in aspectum imaginariū prouocat, vñq;
2 3 imag

imaginalia spectatoribus obijcit, & aliis quidem fluente quædam illinc exundantia adducunt in medium: aliis autem vinculorum solutiones, & delicias, gratiamq; promittunt. Adducunt verò tales dæmonum potestates nodis, cantibusq; quibusdam, & in plurimis quidem mentitur, in quibusdam vera loquitur. Magia verò facultas quædam Græcis visa est potestatis plurimæ compos. Tradunt enim hanc esse extremam sacerdotij portionem. Affert autem visa quædam sæpius in aspectum falsò diuinitatem aliquā præferentia. Hæc enim facultas perscrutatur vniuscuiusque rei, sub Luna genitæ, naturam, potentiam, qualitatem elementorum inquā, eorumq; partium, animalium, omnium plantarum, & seminum, & pomorum, item lapidum, herbarumq; ac summam vniuscuiusque rei substantiam, & virtutē. hinc ergo effectus suos agit, & statuas sanitatem adducens, videlicet omnigenis figuris instructas, & alia rursum artificia inferētia morbos callet, & quæ inter se differūt, & quæ conueniunt. multarum nanq; materialium commistio vnionem illi arti affert, distantia verò ab vno discretionem infert. Iam verò aquilæ, & dracones apud illos ad sanitatem conferre dicuntur: feles autem,

&

& canes, & corui, conferunt ad vigiliam. Cera item, atq; lutum ab illis ad quasdam partium conformationes assumi solent, quippe quā proprietates quasdam suis viribus habeant. Apparet frequenter caelestis ignis hucusq; traductio. tunc verò statuae subridere videntur, & lampades spōre ignibus accenduntur. instructa est magia multum altronomica facultate, plurimaq; per ipsam peragit. Est & quaedam in pelui vaticinatio, per quam rustici sæpe vaticinantur. profectò quemadmodum prædictio quaedam fit, id est per aërem, atq; per folia, sic prædictio quaedam fit in pelui apud Assyrios frequentata, atq; nominata, quæ profectò congruitatem quandam habet cum dæmonibus materiæ valde conjunctis. Accipiunt ergo peluim aqua plenam vaticinantes, dæmonibus congruentem in profunda repentibus. Apparet autem peluis illa aqua plena quodammodo & spirare; propter sonitum, ipsaq; aqua in peluim infusa secundum substantiam quidem ab externis aquis minimè differt, sed virtute infusa carminibus valde præcellit, atque ita facta est aptior ad suscipiendum spiritum deinde fatidicum. Id verò dæmoniū particulare est, atq; terrenum, compositionibusq; attractū: & quum pri-

mum illabitur aquæ sonum, mox quendā exiguum, & significationis experientia edit, remissionem ejus præsentibus significantem. deinde verò in aqua jam inundante exiles quidam soni susurrant quadā prædictione futuri. Est autem ejusmodi spiritus passim pererrans, quoniā solarem ordinem est sortitus, idq; genus dæmonum dedita opera tenuem vocem edit, ut propter indistinctā vocis obscuritatem, ejus mendacia minùs deprehendi possint. Sed nunquid corpora dæmonum pulsari possunt? possunt sanè, atq; dolere solido quodam percussa corpore. verum quoniam pacto, quū sint spiritus, neq; solida, neq; composita natura, & compositorum est sensus? Sed profectò in iis, quæ sentiunt, non nervus ipse est, qui sentit, sed qui eis spiritus inest. Quapropter si atteratur nervus, si frigeat, si quid aliter patiatur, spiritu videlicet in spiritum missio, fit dolor. Nempe compositum nunquam per se doleret, sed quando participat spiritum, quo quidem priuatum priuatur & sensu. Dæmonicum itaque corpus per totum se naturaliter sensuale secundum partes singulas absque medio videt, audit, tangit, patiturq; tangendo, & diuisum dolet, sicut & corpora solida. Sed hoc interest, quòd
cor

corpora quidem solida, diuisa quum sunt, aut vix, aut nūquam restituntur: corpus verò dæmonum, vbi secatur, mox in se iterum recreatur, & coalescit, sicut aquæ, aërisq; partes, quando aliquid intercidit solidum, sed & dictu velocius dæmonicus spiritus in se reuertitur. Dolet tamē interea, dum diuiditur, quamobrē aciem ferri metuit, idq; animaduertentes, qui fugare dæmones moliantur, tela, & enses in rectum ibi constituunt, quò nolunt dæmones aduentare, atq; alia machinantur tum oppositis passionibus propulsantes, tum congrua quadam affectione mulcentes.

ARGVMENTVM MAR-
SILII PICINI FLORENTI-

ni, in librum Mercurij Trismegi-

sti, ad Cosmum Medicem,

patria patrem.

*

EO tempore, quo Moses natus est, floruit Atlas astrologus Promethei physici frater, ac maternus auus maioris Mercurij, cuius nepos fuit Mercurius Trismegistus. Hoc autem de illo scribit Augustinus, quanquam Cicero, atque Lactantius Mercurios quinque per ordinem fuisse vo-
lunt,

z 5

lunt,

lunt, quintumq; fuisse illum, qui ab Ægyptiis Theut, à Græcis autem Trismegistus appellatus est. Hunc asserunt occidisse Argum, Ægyptiis præfuisse, eisq; leges, ac literas tradidisse. Literarum verò characteres in animalium, arborumq; figuris instituisse. Hic in tanta hominum veneratione fuit, vt in deorum numerum relatus sit. Tempia illius numini constructa quamplurima. Nomen ejus proprium ob reuerentiam quandam, pronunciarè vulgò, ac temere non licebat. Primus anni mensis apud Ægyptios nomine ejus cognominatur. oppidum ab eo conditur, quod etiam nunc Græcè nominatur Hermopolis, id est Mercurij ciuitas. Trismegistum verò rer maximum nuncuparunt, quoniam & philosophus maximus, & sacerdos maximus, & rex maximus extitit. Mos enim erat Ægyptiis (vt Plato scribit) ex philosophorum numero sacerdotes, ex sacerdotum cœtu regem eligere. Ille igitur, quemadmodum acumine, atq; doctrina, philosophis omnibus antecesserat, sic sacerdos inde cōstitutus, sanctimonia vitæ, diuinorumq; cultu, vniuersis sacerdotibus præstitit, ac demum adeptus regiam dignitatem, administratione legum, rebusq; gestis superiorū regum gloriam

riam obscuravit, ut meritò ter maximus fuerit nuncupatus. Hic inter philosophos primus, à physicis, ac mathematicis ad diuinorum contemplationē se contulit: primus de maiestate dei, dæmonum ordine, animarū mutationibus sapientissimè disputauit. Primus igitur theologiæ appellatus est auctor: eū secutus Orpheus, secundas antiquæ theologiæ partes obtinuit. Orphei sacris initiatus est Aglaophemus, Aglaophemo successit in theologia Pythagoras, quem Philolaus sectatus est, diui Platonis nostri præceptor. Itaque vna priscae theologiæ vbiq; sibi consona secta, ex theologis sex miro quodā ordine conflata est, exordia sumens à Mercurio, à diuo Platone penitus absoluta. Scripsit autē Mercurius libros ad diuinarum rerū cognitionē pertinētes quamplurimos, in quibus, prò Deus immortalis, quàm arcana mysteria, quàm stupēda pandūtur oracula, nec ut philosophus tantū, sed ut propheta sæpenumero loquitur, canitq; futura. Hic ruinā præuidit priscae religionis, hic ortū nouæ fidei, hic aduentū Christi, hic futurum iudicium, resurrectionem seculi, beatorum gloriam, supplicia peccatorum. Quo factum est, ut Aurelius Augustinus dubitauerit, peritiāne syderū, an reuel

reuelatione dæmonum, multa prouulerit: Lactantius autem illum inter Sibyllas, ac Prophetas connumerare non dubitat. E multis denique Mercurij libris, duo sunt diuini præcipuè, vnus de Voluntate diuina, alter de Potestate, & sapientia dei. Ille Asclepius, hic Pimander inscribitur. Illū Apuleius Platonius Latinum fecit, alter vsque ad hæc tempora restitit apud Græcos: at nuper ex Macedonia in Italiam aduectus diligentia Leonardi Pistoriensis, docti, probiq; monachi, ad nos peruenit. Ego autē quū, tuis exhortationibus prouocatus, è Græca lingua in Latinam conuertere statuissem, æquū fore putauī, Cosme felix, vt nomini tuo opusculum dedicarem. Nam cuius ipse adjutus opibus, librisq; affatim refertus, studiis Græcis incubui, eidem studiorum Græcorum me decet offerre primitias. Neq; fas erit, opus tam sapientis philosophi, tam pij sacerdotis, tam potentis regis dicare cuiquam, nisi ipse, cui dicatur, pietate, sapientia, potentia, reliquis omnibus antecelleret. Est autem (vt ad scripta Mercurij descendamus) hujus libri titulus, Pimander, quoniam ex quatuor personis, quæ in dialogo disputant, primæ Pimandro partes attribuuntur. Edidit verò librum Ægyptius

piis literis, idemq; (Græcæ linguæ peritus) Græcis inde transferendo communicavit Ægyptiorum mysteria. Propositum hujus operis est, de potestate, & sapientia dei differere. Quumq; sint horum operationes geminæ, quarum prima, in ipsa dei natura permanet, secunda porrigitur ad externa, & illa quidem mūdum primum, æternumq; concipit, hæc verò mundum secundum, temporalemq; parit, de vtrisque operationibus, deq; mundo utroque grauissima disputat: quid dei potestas, quid sapientia, quo ordine intrinsecus concipiant, quo progressu exterius pariant. Præterea, quæ producta sunt, quomodo se inuicē habeant, quò conueniant, quòve discrepent, quo denique pacto suum respiciant auctorem. Ordo autem voluminis est, ut in dialogos quatuordecim distinguamus, utq; primæ dialogi partes Pimandro dentur: secundas teneat Trismegistus: tertias Æsculapius: quartum locū obtineat Tatius. Intelligit ergo Mercurius in diuinis Æsculapium, ac Tatiū erudire. Diuina docere nequit, qui non didicit: at humano ingenio, quæ supra naturam sunt, inuenire non possumus. Diuino itaque opus est lumine, ut solis luce solem ipsum intueamur. Lumen verò diuinæ

minæ mentis nunquam infunditur animæ,
 nisi ipsa, ceu luna ad solem, ad dei men-
 tem penitus conuertantur. Non conuerti-
 tur ad mentem anima, nisi quū ipsa quo-
 que sit mens. Mens verò non prius fit,
 quàm deceptiones sensuum, & phantasiæ
 nebulas deposuerit. Hac de causa Mercu-
 rius modò sensus, & phantasiæ caligines
 exuit, in aditum mentis se reuocans: mox
 Pimander, id est mens diuina, in hunc in-
 fluit, vnde ordinem rerum omnium, &
 in deo existētium, & ex deo manantium,
 contemplatur. Demum quæ diuino sunt
 numine reuelata, cæteris hominibus ex-
 plicat. Is igitur est libri titulus, id
 propositum illius, & ordo. Tu
 verò, Cosme felix, lege fe-
 liciter, ac diu viue,
 vt & diu patria
 viuat.

MER

MERCVRII TRIS- MEGISTI LIBER.

DE POTESTATE ET

*Sapientia Dei, cui
titulus.*

PIMANDER.

Marsilio Ficino Florentino interprete.

QUUM de rerum natura cogi-
tarem, ac mentis aciem ad
superna erigerem, sopitis
jam corporis sensibus, quē
admodum accidere solet iis,
qui ob saturitatem vel defatigationem
somno grauati sunt, subitō mihi visus
sum cernere quendam immensa magnitu-
dine corporis, qui me nomine vocans, in
hunc modum clamaret: Quid est, ō Mer-
curi, quod & audire, & intueri desideras?
quid est, quod discere, atque intelligere
cupis? Tum ego, Quisnam es inquā? Sum,
inquit ille, Pimander, mens diuinæ potē-
tiæ: ac tu vide quid velis, ipse verō tibi
vbique adero. Cupio, inquam, rerum na-
turam discere, deumq; cognoscere. Ad-
hæc ille: Tua me mente complectere, &
ego te in cunctis, quæ optaris, erudiam.
Quum hæc dixisset, mutauit formam, &
vniuersa subitō reuelauit. Cernebā enim
immen-

immensum quoddam spectaculum, omnia
videlicet in lumen conuersa, suaue nimium,
atq; iucundum, quod intuentem me mi-
rificè oblectabat. Paulò post vmbra quæ-
dam horrenda, obliqua reuolutione sub-
terlabebatur, in humidamq; naturam mi-
grabat, ineffabili tum vultu exagitatam:
inde fumus quidam magnus in sonitum
erumpebat, ex sonitu vox egrediebatur,
quam ego luminis vocem existimabam:
ex hac luminis voce verbū factū prodiit.
Verum, hoc naturæ humidæ altans, eam
fouebat, ex humidæ autē naturæ visceri-
bus syncerus, ac levis ignis protinus euo-
lans alta petit. Aër quoq; levis spiritu pa-
rens, mediā regionem inter ignē, & aquā
fortiebatur. terra verò & aqua sic inuicem
cōmixtæ jacebant, vt terrę facies aquis ob-
ruta nusquam pateret. Hæc duo deinde
cōmota sunt à spiritali verbo, quod eis su-
perferebatur, aures eorum circunsonans.
Tunc Pimander ait: Aduertis quid sibi
hæc visio velit? Cognoscā inquam. Ait er-
go Pimander: Lumē illud ego sum, mens,
deus tuus, antiquior quàm natura humi-
da, quæ ex vmbra effulsit: mentis verò ger-
men lucēs, dei filius. Quid ergo inquam?
Sic inquit: Cogita, quod in te videt, &
audit verbum domini, mens autem pater
deus,

deus, neq; enim distant adinuicē: horum
vniō vitæ est. T R I S M E G I S T V S. Gra-
tias habeo tibi. P I M A N D E R. Verū in
primis meditare lumen, atque cognosce.
T R I S M. Hæc vbi dicta sunt, diu illū ora-
ui, vt ejus ideam ad me cōuerteret. Quod
quū ille fecisset, repente prospicio mea in
mente lucē viribus innumeris existentē,
ornatū sine termino ignē, vi ingenti cir-
cunseptū, & in ipsa stabilitate dominantē.
Hæc ipse percepi per Pimandri verbum,
qui me stupore attonitum, sic iterū affa-
tus est: Vidisti in mente primā speciē infi-
nito imperio prævalentē? Ejusmodi quæ-
dam mihi Pimander. At ego illi, Elemēta
naturæ vnde manarunt? P I M A N. Ex vo-
luntate dei, quæ verbum complexa, pul-
chrumq; intuita mundū, ad ejus exēplar,
reliqua sui ipsius elementis, vitalibúsque
seminibus exornauit. Mens autem deus
vtriusque sexus fœcunditate plenissimus,
vita & lux cum verbo suo mentem alterā
opificē peperit, qui quidē deus ignis, atq;
spiritus numē. Septē deinceps fabricauit
gubernatores, qui circulis mundum sen-
sibilem complectuntur, eorumq; disposi-
tio fatum vocatur. Connexuit inde dei
verbum ex elementis deorsum tendenti-
bus, purum naturæ artificium, vnitumq;
A est

est opifici menti, consubstantialle enim erat. relictâq; sunt elementa naturæ decorum cadentia sine ratione, vt sint tanquam sola materies. Mens quidem opifex vnâ cum verbo circulos continens, ac celeri rapacitate conuertens, suam ad se machinam flexit, eamq; volui à principio ad finem absq; fine præcepit: incipit enim illic semper vbi desinit. horum profectò cunctorum circuitus, quemadmodum ipsa mens voluit, ex elemētis inferioribus animalia conflauit rationis expertia, neque enim præbuit rationem, aër volatilia protulit, aqua verò natantia. Distincta quoque inter se sunt aqua & terra, eum in modum, qui menti placuerat. Terra postmodum animantia, quæ intus habuerat, peperit, quadrupedia videlicet, serpentia, fera, agrestia pariter, atque domestica. at pater omnium intellectus, vita & fulgor existens, hominem sibi similem procreauit, atque ei tanquam filio suo congratulatus est, pulcher enim erat, patrisq; sui ferebat imaginē. Deus enim re vera propria forma nimium delectatus, opera ejus omnia vsui concessit humano. Homo autem quum considerasset, in tempore suo rerum omnium procreationem, ipse quoque fabricare voluit, vnde à contempla-
tione

tione patris, ad sphaeram generationis delapsus est. Quumq; omnium in se potestatem haberet, opificia septem gubernatorum animaduertit. Hi autem, humanae mentis meditatione gaudentes, singuli eorum proprii ordinis participem hominem reddidere. Qui postquam didicit horum essentiam, propriamq; naturam conspexit, penetrare, atque rescindere iam exoptabat ambitum circulorum, vimq; gubernatoris praesidentis igni comprehendere. Quisve arbitrium, & potestatem omnium habuerat, in animantia mundi mortalia, & ratione carentia, per harmoniam emerfit, atq; exiit, penetrans, ac resoluens potentiam circulorum: ostenditq; naturam, quae deorsum labitur, velut pulchram dei formam. qui quum naturam contueretur mira pulchritudine praeditam esse, actionesq; omnes septem gubernatorum, atque insuper dei ipsius effigiem possidere, illi amore ingenti subrisit, utpote qui humanae pulchritudinis speciem in aqua specularetur, ejusdemq; admirationem quandam in terra conspiceret. Ille praeterea consecutus similem sibi formam in se ipso existentem, velut in aqua amouit eam, secumq; congregi concupiuit. Effectus euestigio secutus est voluntatem, formamq; carentem ratione progeniuit,

A 2

genuit,

genuit. Natura illud, in quod toto ferebatur amore, complexa, illi penitus sese implicuit, atque commiscuit. quandoquidē solus homo ex vniuersis terrenis animantibus duplicis naturæ censetur, mortalis quidem propter corpus, immortalis autem propter hominem ipsum substantialem. immortalis enim est, cunctorumq; arbitrium obtinet: cætera verò viuentia, quæ mortalia sunt fato subiecta, patiuntur. Non igitur harmonia superior obstitit, in harmoniā verò lapsus periclitatus, seruus effectus est. Hic vtriusq; sexus fecunditate munitus, ab eo, qui aëborum, & riuorum fons est, vigilq; factus ab eo, qui est vigilans, continetur, atq; ejus dominationi subjicitur. τ ρ. Post hæc, mens inquam meæ rationis, ipse es. Tum Pimander: Id est, inquit, mysteriū, quod in hanc usq; diem genus humanum latuit. Natura quippe homini sese immiscens, miraculum attulit, quod omnium miraculorum vincit admirationem: nam quum septem illorum harmonia ipse jam fuisset imbutus ab eo, quem tibi paulò antè narraui, patre videlicet, atque spiritu, natura ipsa non restitit. Quinimmo septē protinus homines peperit, septem gubernatorum naturas, masculini pariter, ac foemini-

nini

nini generis compotes, atq; sublimes. Ad hæc ipse sic intuli : O Pimander , ardenti desiderio nuper affectus sum, audire præterea reliqua cupio, quare, ne hîc me deferas, obsecro. Cæterum ille mihi: P R. Sile, nondum enim primum sermonem absolui. T R. Ecce jam taceo. P R. Horum septem (vt dixi) generatio in hunc modum effecta est. Fœmina enim aër, & aqua coëundi compos, ex igne maturitatem, ex æthere sumpsit spiritum, conglutinavitq; natura corpora ad hominis speciem effingendam. Non autem ex vita, & luce, in animam, mortemq; processit : vita quippe animam largita est, lux denique mortem. Talia profectò vsq; ad finē circuitus principiorum simul, & generum cuncta mundi sensibus membra manebant. Verum audi jam reliquum, quem summopere cupiebas, sermonem. Expleto demum circuitu, omniū (volente deo) solutus est nodus. nā cuncta vtriusq; generis animantia vnā cū homine dissoluuntur, & mascula quidē ex parte, fœmineaq; similiter conficiebātur. Extēplo deus verbo sancto clamauit, pululate, adolescite, propagate vniuersa germina, atq; opera mea. Vos insuper quibus mentis portio cōcessa est, genus recogno-scite vestrū, vestramq; naturā immortalē

considerate. Amore corporis, mortis causam esse scite: rerum omnium naturam discite. His dictis, providentia, per fatum, harmoniamque; constituit, unde cuncta sunt secundum genus proprium propagata. Demum qui seipsum cognovit, bonum (quod est super essentiam) consecutus est, qui vero corpus, amoris errore, complectebatur, is oberrabat in tenebris, mortis mala sensu percipiens. **T R.** Quot tamen delinquent, ignorantes, inquam, ut ob eam causam immortalitate priuentur? **P R.** Videris, o Mercuri, non satis intelligere, quae audieris. **T R.** Etsi nondum intelligere sim professus, intelligo tamen, ac memini. **P I M.** Gratulor si, quae dicta sunt, tenes. **T R.** Responde mihi quaeso Pimander, cur digni morte sint ij, qui in morte jacent? **P I M A N.** Quia praecessit proprio corpori tristis umbra, ex hac quidem natura humida. ex hac vero corpus in mundo sensibili constituit. ex hoc denique mors ipsa scaturit. Num hoc tenes Mercuri? Tenes etiam qua de causa, qui seipsum cognoscit, transit in deum, ut dei verbum tradidit? **T R.** Quoniam ex vita, & luce constat omnium pater, ex quo natus est homo. **P I.** Recte loqueris. Lux & vita deus est.

est, & pater, ex quo natus est homo si igitur comprehenderis te ipsum ex vita, ac luce cōpositum, ad vitam rursus, lucemq; transcendes. T R I S M. Hæc ait Pimander.

At ego: Adhuc mihi mens dicas oro, quoniam pacto ad vitam ascendere queam.

P I M A N. Deus ipse mens iussit, ut homo mentis particeps, seipsum animaduertetet. T R I S M. Non ergo homines singuli mentem possident. P I M A N. Rectè dicis Mercuri. adsum enim ego mēs iis, qui boni, pii, puri, religiosi, sanctiq; sunt, præsentiaq; mea fert illis opem, adeoq; ut statim cuncta dignoscant, patremq; pacatum, & propitiū habeant. Itaque gratias agunt benedicentes piè, & hymnis solennibus collaudantes, concedunt sanè corpus mortuæ, sensuum illecebras fastidiunt, utpote qui clarè dijudicant, quàm lethifera sint sensuum lenocinia. quinetiam ipsa mens janitoris munere fungens, incidentes in insidias corporis, haudquaquam permitto finem consequi suum. aditus enim, per quos turpes blanditiæ manare solent, jugiter intercludo, libidinumq; fomites omnes extinguo. Contrà, ab ignavis, improbis, ignavis, invidis, iniquis, homicidis, impiis, procul admodum habito, permittens eos dæmonis vltoris arbitrio,

qui ignis acumen incutiens, sensus affligit, magisq; ad patranda scelera armat hominē, ut turpioris culpæ reus, acriori subplicio sit obnoxius: eumq; sine vlla intermissione, ad insatiabiles concupiscentias inflamat: cū eo pugnat in tenebris, peccatum examinat, & ignis imperū in ejus cruciatum mirum in modum concitat, atque adauget. **TRISM.** Diligenter mihi omnia, ô Mens, quemadmodum postulabam, exposuisti. Vtteriùs autem id responde, quid post ascensionem futurum sit. Primū quidem (Pimander ait) in corporis materialis resolutione, corpus in alterationem labitur. species, quam antè habuerat, insensibilis delitescit in posterum. morum otiosus habitus dæmoni cōceditur, atq; dimittitur. sensus corporei partes animæ facti, suos in fontes refluunt, aliquando in suos actus iterum surrecturi: irascendi & appetendi vires in naturam conuertunt ratione carentem. itaq; residuum, tum per harmoniam recurrit ad supera. Primæ dehinc zonæ crescendi pariter, & decrescēdi officium reddit. Secundæ machinationem malorum, otiosumq; dolum. Tertiæ otiosam concupiscentiæ deceptionem. Quartæ imperiosam, atque inexplabilem ambitionem. Quintæ profanam

fanam arrogantiam, & audaciæ temeritatem. Sextæ occasiones diuitiarum prauas, itemq; otiosas. Septimæ zonæ mēdaciū institum. Tunc sanè animus harmoniæ motiones exutus, ad optatam naturam reuertitur vim propriam habēs, vnaq; cum iis, qui illic sunt, patrem laudat. ipsi quoq; in potestatum se numerū cōferunt, effectiq; potestates, deo fruuntur, atque id est summum bonum eorum, quibus cognoscēdi fors competit, deum scilicet fieri. Quid præter hæc ad te pertinet, nisi vt cuncta amplexus dux fore velis eorum, qui cura sint tua digni, vt humanū genus tuo munere diuinam salutem consequatur? Talia quædam effatus Pimander, in potestatum diuinarū numerum se reduxit. ego autem benedicens, ac gratias agēs vniuersorum parenti, surrexi jam corroboratus ab illo, totiusq; edoctus naturæ ordinem, spectaculum etiam clarissimum contemplatus. Hinc ipse cœpi hominib⁹, pietatis & sciētiæ decorem enunciare. O populi, viri terrigenæ, qui vos ipsos ebrietati, somno, & ignorantia deditis, sobrij viuite, abstinete à ventris luxu, vos, qui irrationali somno demulcti estis. Illi autē exaudientes, mecū vnanimis cōuenere. Tunc rursus adieci: Cur, ô viri terrigenæ præcipites

A § in

in mortē ruitis, quum vobis haud quaquā
 defuit immortalitatis consequendæ facul-
 tas? reuocate jam vosmet, qui laboratis
 inopia, ignorantia tenebris inuoluti: dis-
 cedite ab obscuro lumine, asciscite immor-
 talitatē, corruptionem fugite. Eorum ve-
 rò partim deridentes abscedebant, in mor-
 tis iter præcipitati: partim autem ad pedes
 meos prostrati, vt eos instituerem preca-
 bantur. subleuans igitur eos dux humani
 factus sum generis. ostendebam quippe il-
 lis quæ ratio esset consequendæ salutis. sa-
 pientiaq; sermones illorū auribus infun-
 debam. quo factum est, vt illi ex imbrium
 procellis emerferint. tandem aduentante
 vespere, solisq; radiis occidentibus (vt deo
 gratias agerent) præciebam. Postquam
 verò gratias egerāt, quisque in proprium
 se cubile condebat. Ego autem Pimandri
 beneficium inscripsi penetralibus animi,
 atque adeptus, quæ petieram, omnia, in
 gaudio requieui. corporis enim somnus,
 quū sobrietas extiterat, oculorum com-
 pressionem verus intuitus, silentium meum
 bonitatis fœcunda prægnatio, sermonis
 prolatio bonorū omnium genitura. Hæc
 mihi contigerunt ex mente haurienti, id
 est ex Pimandro diuinæ potentia verbo.
 vnde ipse diuino afflatus spiritu, veritatis
 compo s

compos effectus sum quamobrem omnibus animi viribus, patri deo gratias ago, Sanctus deus pater omnium: Sanctus deus, cujus voluntas à propriis potestatibus adimpletur: Sanctus deus, qui suis familiaribus innotescit: Sanctus es, qui verbo cuncta constituisti: Sanctus es, cujus imago est omnis natura: Sanctus es, quem nunquam natura creavit: Sanctus es omni potestate validior: Sanctus es omni excellentia major: Sanctus es omni laude melior. Excipe verborum sacrificia sancta, ab animo, & corde debito tibi manantia. Ineffabilis, solo silentio prædicandus ab eo, qui fallacias veræ cognitioni contrarias declinavit. Annue, corrobora me, atq; hujus gratiæ participes effice eos, qui in ignorantia versantur, cognatione quidem mihi fratres, tibi autem filij. Etenim fidem tibi præsto, testimonium de te perhibeo. In vitam, ac lumē assurgo. Ipse pater es venerandus. homo autem tuus, sanctitate vna tecum potiri desidero t, quū potestatem illi omnium, arbitriumq; concesseris.

C O M M E N T A R I A.

In hoc primo ex quatuordecim dialogis, salua semper religionis pietate, videtur Mercurius Mosaica mysteria tractare. Atos
ses

ses enim tenebras vidit super faciem abyssi, & spiritum domini ferri super aquas : hic verò umbram horrendam in humidam naturam migrantem, quam quidem humidam naturam verbum Domini fouebat. Ille potenti verbo Domini cuncta creata nunciat, hic verò verbum illud lucens, quod omnia illuminet, germen mentis, filium dei esse asseuerat, & mentem patrem, & verbum mentis filium natura non distare, consubstantialia, inquit, erat. vidit & horum esse unionem. Et si plenius desideras, & fas est viris ante verbi carneum velamen tantum diuine cognitionis ascribere, vidit filium ex patre nascentem, & spiritum ex patre, filioq; miro modo procedentem, quò dixit: Mens autem deus vtriusque sexus fecunditate plenissimus vita, & lux, cum verbo suo mentem alteram opificem peperit. Vidit & mentem exuberanti fecunditate sui se ad externa porrigentem, & ad sui diuini verbi exemplar formantem vniuersa, & vnicuique, in aëre, in aqua, & in terra, propriam secundum genus suum naturam dispartientem. mox hominem ad ipsius similitudinem, & imaginem factum, cuius vsui vniuersa sensibilia mens opifex subiecit, qui mox de intelligibili sphaera ad corporeorum, concupiscibiliumq; sphaeram prolapsus est, hinc quoque fomiti malorum contraxit originem, & tandem homo, omnium (volente

lente

lente deo) solutus est nodis, mortiq; cum ceteris factus obnoxius. Quid hic aliud est, deum verbo sancto clamaſſe? pullulate, adoleſcite, propagate vniuerſa germina, atque opera mea, quàm id Moſaicum: Creſcite, & multiplicamini, & replete terram? Max Mercurius nos inſtruit quâ pateat aditus ad mentem, & quâ nos ab ea tandem malus auferat error, & quibus mens abundè bonorum largitrix adſit, quibus re pariter abſit, & quo pacto quemadmodum certis gradibus ab intellectu, immortalisq; natura labimur, degeneramusq; ad caduca, ita quoque certis, oppoſitisq; gradibus in priorem purgata mentis ſtatum redintegramur. Moſes diuino inſtituto dux ſit Hebræi gregi, Mercurius Aegyptij, & nunc ſancta inſtitutione gregem ſuum paſcit actiuam vitam viuens, nunc verò hymnis, gratiarumq; actionibus rerum patrem collaudans, in contemplationis vitam, lumenq; aſſurgit. hac Pimander ſumma eſt.

Mercurius

Mercurij ad Æsculapium Sermo
vniuersalis.

DEus atque ipsa diuinitas, dico nunc non quod genitum videlicet, quia ingenitum. Si ergo diuinum sit, essentia est: si deus, etiam super essentiam. Intelligibile autem id hoc pacto. intelligibilis enim deus primus non sibi, sed nobis existit. intelligibile quippe intelligenti per sensum subincidit. deus itaq; minimè sibi intelligibilis. non enim aliud quiddam existens, præter id, quod intelligit, intelligitur à seipso. est tamè differens quiddam à nobis, idcirco à nobis intelligitur. Quòd si intelligibilis logos, non deus. si ut deus, haud sanè ut logos, verbum tanquam discretus dicatur. Omne autem, quod mouetur, non in motu, sed in quodam stabili mouetur. ipsum quoque, quod mouet, etiam permanet. impossibile enim est cum eo simul agitari. **ÆSC.** Quonam igitur pacto Trismegiste, ea, quæ in mundo sunt, mutantur vnà cū iis, quæ mouent? nam sphæras erraticas ab aplane sphæra moueri dicebas. **TRISM.** Iste non motus, ô Æsculapi, sed resistentia est. nō enim eodem, sed modo contrario gradiuntur. oppositio verò reuerberationem motionis stabilem cōtinet. repercussio enim stationis,

tionis, agitatio est. Ideoq; erratica sphæ-
ræ, cōtrario ac aplane, subalternè inuicem
discurrendo obuiatione contraria circa
oppositionem huiusmodi ab ea, quæ per-
stat, agitantur. quod quidem aliter habere
se nequit. nam arctos ipsas, quas nostri nec
exoriri vnquā, nec mergi, circa idem per-
petuò recurrentes, non moueri censes, an
consistere potius? A E S C. Moueri, ô Tris-
megiste. T R I S. Quonam motu Æscula-
pi? A E S C. Motione circa idem sempiter-
nè currente. T R I S. At verò circulatio il-
la idem, & circa idem: motus statione cō-
tentus. ipsum nāque circa idem prohibet,
quod super ipsum est. impeditum autem
id, quod super ipsum est, circa idem instat,
atq; ita cōtraria agitatio firma est, ab ipsa
oppositione perpetuò stabilita. Exempla
tibi ante oculos ponam in terris viuē-
tium, veluti dum homo quis natat (currē-
te nimirū aqua) manuum simul, & pedum
repercussio stare hominem efficit, ne cum
aqua pariter collabatur, aut mergatur in
eam. A E S C. Perspicuum ô Trismegiste,
exemplum in medium attulisti. T R I S M.
Quodcunq; ergo mouetur in statu, à sta-
tu mouetur. Motus itaq; animalis omnis,
quod ex materia constat, nequaquam fit
ab iis, quæ sunt extra mundum. cæterum
ab

ab internis ad externa, seu ab anima, siue à spiritu, siue ab animo quodam incorporali. corpus enim corpus animatum minime mouet, si neq; totum simul corpus, & si inanimatū existat. A E S C. Qua ratione id asseris, ô Trismegiste? T R I S. Ligna, & lapides, & cætera omnia quæcunque animam habent, non mouentur à corporibus, ô Æsculapi? Quid enim intra corpus mouens ipsum inanimatum? non utique corpus illud est, quo mouentur vtraque, & corpus ejus, quod fert, ejusq; quod fertur? Non illud quoq; quod dictum est, animatum est, ob eam potissimum rationem, quòd mouet? Nónne ergo perspicis animam tunc onerari maximè, quando sola duo corpora sustinet? Quinetiam manifestum est, quicquid mouetur, in aliquo, & ab aliquo stante moueri. A E S C. In illo utique mutari oportet, quæ mutantur, ô Trismegiste. T R I S. Rectè dicis, ô Æsculapi. nihil est in rerū ordine vacuū, solum verò quod non est, quod priuatur existentia, vacuum nuncupandum. nihil enim reperiri potest, quod quum existat, vacuum sit. A E S C. Nónne reperiuntur quædā vacua Trismegiste? veluti dolium vacuum, vacuus puteus, & similia quoq; quamplurima? T R I S. Heu quàm procul à veritate vagaris.

vagaris ô Æsculapi quæ ampla, & maximè omnium plena sunt, ea tu vacua putas.

A E S C. Quomodo id ô Trismegiste? T R.

Aër profectò corpus est, id corpus reliqua penetrat, discurrensq; replet omnia. corpus enim huiusmodi est, ex corporalibus non compositum. Quo fit, ut quæcunq; tu vacua nuncupas, plena sint aëris. Itaq; cōcaua potius ista, quàm vacua nominari debent. nā & existunt, ac aëris, spiritusq; sunt plena. A E S C. Inuicta atq; indubia hæc est ratio Trismegiste, aër corpus est. id corpus in reliqua permanat, atq; influens cōplet omnia. Locum, in quo omne mouetur, quid esse dicemus? T R. Incorporeum ô Æsculapi. A E S C. Incorporeum verò quid est? T R. Mens, ac ratio sese complectens, libera ab omni corporis mole, ab errore aliena, impassibilis, intāgibilis, ipsa sibi assistens, purgans, atq; seruans omnia: cuius radij sunt bonū, veritas, principale lumen, primaq; animarum forma. A E S C. Deus quid est? T R. Quod nullum ex his est, horum tamen omnium, ut sic causa, præsens quiddam cunctis, præsens etiam unicuiq;, neq; quicquam permittit nō esse. omnia ex iis, quæ sunt, procreantur. de nihilo autem nihil prouenit. nam quæ minimè sunt, naturā nullam habent,

B

qua

386. MERCVRII TRISM.

qua fieri valeant, contrà ea, quæ sunt, naturam non habent, per quam aliquando non existât. A E S C. Quid igitur ais deum esse aliquando? T R. Deus profectò mens non est, at verò, ut sit mens, causa est. nec spiritus, sed causa, qua spiritus exiat. nec lumen, sed causa, qua lumen existit. Vnde deum colere oportet duobus iis cognomentis, quæ soli competunt illi, cæterorum verò nulli penitus congruunt. Etenim ex iis, qui præter ipsum appellantur dij, seu dæmones, siue homines, nullus tam bonus esse potest, quàm deus vnicus. is enim ipsum bonum est, nec aliud quicquam præter bonum. reliqua omnia ab ipsa boni natura secreta sunt. Corpus quidem, & anima locum habent nullum, quo bonum capiant. tam ampla enim est bonitas, quàm existentia rerum omnium tum corporalium, tum etiam incorporalium, sensibilibium, & intelligibilium, id bonum est, id est deus. Caue itaq; nequando dixeris aliud quicquam bonum: profanus enim hic foret error. Neq; etiam dixeris deum aliud quiddam præter solū bonum. in eandem quippe impietatem incideres. Sermone igitur ab omnibus bonum pronūciatur. quid tamen sit, ab omnibus non intelligitur. iccirco Deus nō cognoscitur ab

ab omnibus. Verū propter ignorantiam
tum deos, tum etiam nonnullos homines
bonos nominant. Nunquā tamen esse bo-
ni possunt, nec etiam fieri. Reliqui igitur
dij cuncti immortales, honorati nomine
Dei. Deus autem bonū non secundū ho-
norationem, sed ipsa sui natura. Vna enim
dei natura est, ipsum scilicet bonū. vnum
quidē est in vtriusq; nominibus, vnde cū-
cta genera profluūt. bonus enim porrigit
vniuersa, nec accipit quicquā. Deus exhi-
bet omnia, capit nihil. igitur Deus bonū,
ac bonum Deus. Altera dei appellatio pa-
ter est: ob eā causam, quia omnia gignit.
patris enim officiū est generare. Quapro-
pter præstans id in vita, censetur studium,
atq; ipsum apud sapientes procreatio libe-
rorum. extrema verò omnium calamitas,
& impietas accidit illi, qui absq; filiis è vi-
ta decedit. qua de causa, dæmonibus dat
pœnas post obitum. Supplicium denique
hujuscemodi est, vt sterilis anima in cor-
pus quoddā per iudicium migret, cui nec
maris, nec fœminæ natura infit, quod qui-
dem à sole eleuatū est, atq; connexum.
Igitur, ô Æsculapi, cum homine, qui nul-
los genuit filios, nullum habeto commer-
ciū. infelicitatis tamen ejus miserere, quū
noueris, quæ hunc mala post interitū ma-

neant. Tot igitur tibi, & talia dicta sint ò
Æsculapi, ex quibus præcognitio quæ-
dam omnium naturæ colligitur.

COMMENTARIA.

*Secundus differit deum rationali modo soli
homini intelligibilem esse: & ex centro, polo, lo-
co & rerum formis, venatur ipsum deum, circa
quem, in quo, & à quo mouentur omnia, stabi-
lem, immobilemq; & jugiter sibipsi idem sem-
per permanere, & nihil in orbe vacuum esse
posse, verum ea, quæ inania esse videntur, fec-
cundiore etiam plenitudine, summam æmulari
plenitudinem. Mox quid non sit deus, quàm
quid sit, afferre facilius Æsculapio suis respon-
sionibus insinuat. deum tamen esse absolutum
bonum, & patrem, cujus officium est omnia gi-
gnere. quod de interna generatione, & quæ in
ipsa dei natura manet, intellectum, diuinæ reli-
gionis pietatem affert. Quod nomen boni so-
li deo conuenire contendit, huic Evangelica ve-
ritati consonat. Quid me vocas bonum? nemo
bonus nisi solus Deus. Et quod de extrema si-
ne liberis decedentium calamitate subjungit,
velatus sermo est. Non enim id de corporeo,
sed animæ partu concipere, cujus liberos, filios-
que virtutum partus putato, & masculam ad
deum, deique diuinissimas potestates contem-
plandas sapientiam. quod aperte innuit, quum
inquit,*

inquit, Supplicium denique huiusmodi est, ut sterilis anima in corpus quoddam per iudicium migret, cui nec maris, nec fœminæ natura insit, quasi aperte diceret, per quod nunquam operetur bona, neque boni vnquam quicquam sit susceptura. Vos ergo summopere sterilitatem anima fugite, & prolem, quæ vos aliquando beatus effectura sit, gignite: patriq; semper gignentis fœcunditatem quoad potestis, hoc pæto vestræ mentis imitamini fœcunditate. Hæc Aesculapij summa.

Mercurij sermo sacer.

III.

GLoria omnium deus: diuinum, diuina natura, principium vniuersorum, deus, mens, natura, actus, necessitas, finis, & renouatio. Erat enim vmbra infinita in abyssu, aqua insuper, & spiritus tenuis intellectualis, per diuinam potentiam in chaos inerant. Floruit autem splendor sanctus, qui sub arena, & humida natura elementa deduxit, diiq; omnes seminalem naturam deligebant. Quumq; indistincta fuissent, leuia postmodum in excelsam regionem prouolarunt, graua sub arena humida resederunt. Distinctis, libratissq; rebus, quæ igneo spiritu vehabantur, emicuit cælum septem in circulos. Dij in astrorum ideis, cum signis eorum con-

B 3

spicieb.

spiciebantur. Dinumeratæ sunt stellæ secundū eos, qui inhabitant illas, deos. ambitus amplior, cursu suo, aëreo circulo, conspirante diuino spiritu vectus. Quisq; deorum ex interna virtute ascriptum sibi opus expleuit. Nata sunt ergo viuientia, quadrupedia, reptilia, aquatica simul atq; volātia. Satio item omnis per semina pululans, gramen, herba, atque germina florum, sementem quoque regenerationis intrinsecus comprehendebant. Generatio hominum ad diuinorum operum cognitionem, testimoniumq; naturæ, ad imperandum omnibus, quæ cælo reguntur, ad bonorum discretionem, ad incrementum generis, numeriq; propaginem. omnisq; anima velata carnis umbraculo, ad cælestium deorum discursum suspiciendum, ad opera dei, & naturæ progressus, ad bonorum signa, ad potestatis diuinæ cognitionem, portio quædam tributa est ad bonorum malorumq; iudiciū, ac bonorū varium artificium inueniendum. incipit tamen in illis vivere, sapientiamq; nancisci, ad portionem cōtinuè cursus deorum circumeuntium. resolui præterea in id, in quo ampla extabunt monimēta, admonitionesq; artificiorum super terram. his electis innouatione temporum, herbæ, generat

nerationesq; carnis animatæ (tepefactis
sementibus fructuum, opificisq; naturæ
& artis) rejuuenescant. Denique uti ne-
cessitate, & renouatione deorum, cursuq;
circuli numerosæ naturæ diuinum, ac ipsa
scilicet omnis conspiratio mundi, natura
denuo florescente. etenim in ipsa diuinita-
te, natura etiam consistit.

C O M M E N T A R I A.

*Tertius rursus commemorat, ex informi ma-
terie sinu formis ceu sanctis splendoribus illu-
strato, omnia ad ortum suo ordine processisse;
& beatas calorum mentes opus sibi à summo
patre commissum explere. Et hominem ad ge-
minum officium natum, ad æternorum videli-
cet contemplationem, & ad boni, maliq; iudi-
cium, & rerum humanarum cum varijs artifi-
ciorum inuentis, tum prudentia moderationem.
cui quidem contemplandi materiam, seque ad
diuina attollendi, celum, terra, herba, ger-
mina, & tota mundi conspiratio, & rerum
pulcherrimus ordo, abundantissimè suggerit.
est enim naturæ velut liber vnus diuinitate
plenus, diuinorumq; speculum. hæc sermo sacer.
Tertium tamen hunc dialogum cautè legēdum
admoneo, nam gentiles planè gentilitiæ expo-
nunt, & faciunt quoddam ad suos errores
fundamentum, πῶς παρὰ τοῦτο οὐκ ἔστιν ἡγε-*

ταύτην. Ad diuinationem omnem, ad idololatriam, orgia deorum, teletas, aut verius telesthesias, magias, theurgias, fatum, opifices deos, & huiusmodi impura, & nefaria quamplurima. nobis autem vnus deus est, qui fecit celum & terram, & omnia, quae in eis sunt, & qui omnia, prout vult, in tempora mutat, & transfert.

Mercurij ad Tatiū Crater, siue
Monas.

IIII.

VNiuerſum mundum verbo non manibus fabricatus eſt opifex. Ipſe verò ſic cogita, illum præſentē ſemper agentem omnia, deum vnicum voluntate ſua cuncta conſtituentem. Id enim ejus corpus eſt, non tangibile, non viſibile, non dimenſum, non diſtans, nec alterius cujuſquam ſimile. nam nec ignis, nec aqua, nec aër, nec & ſpiritus. verū ab eo hæc pendēt omnia. bonum verò ita eſt, vt ſibi ſoli id competat. Terram quoque ornatu quodam diuini operis exornare voluit. Dimiſit itaque hominem mortalis animantis, mortale animal. & mundus quidem reſertus animalibus viuētis mundi per intellectum, atque rationem. homo enim effectus eſt diuini operis contempla- tor, quod proſectò dum admiraretur, auſtorem ejus agnouit. Sermonem quidem
ô Tati,

ô Tati, singulis hominibus deus impartit,
uit, mentem verò nequaquam. non quòd
inuiderit, quibus ne vtiq; inuidet, liuor
quippe ab eo non prouenit: sed illa quæ
habitat cum animis hominum mente ca-
rentibus. T A T. Cur, ô pater, non omni-
bus deus mentem communicauit? T R.
Quoniam voluit eam ô fili, in medio tan-
quam certamē, præmiūq; animarū pro-
ponere. T A T. Vbinam hanc locauit? T R.
Quum craterē patulum hac impleffet, præ-
conem misit, iubens talia quædam animis
hominū nunciare. Mergat seipsam in hanc
pateram, quæcunq; potest, quæ videlicet
credit craterem animā ad eum, qui dimi-
serat, rediturū, quæ'ue finem noscit, cujus
gratia nata fuerit. Quicunq; igitur præ-
conē exaudierunt, & sese miserunt in men-
tem, ij cognitionis participes effecti sunt,
mentemq; suscipientes, in homines perfe-
ctos euasere. At qui præconium neglexe-
runt, ij sermonis quidem participes, men-
tis autem expertes, relictī sunt ignorātes,
& cujus gratia, & à quo geniti fuerint.
Horum præterea sensus irrationalis ani-
mantis sensuum similes, itaq; & cupidine
impliciti, ea, quæ sunt digna conspectu,
nequaquam admirantur. nam libidinibus
corporis mancipati, horum causa natum

B § hom

hominem arbitrantur. Quicunq; verò dei
 natura fulti sunt, ij, ô Tati, secundum ope-
 rum comparationem, pro mortalibus im-
 mortales habentur. intelligentia sua cun-
 cta complexi, quæ in terra sunt, & quæ in
 mari, & siquid est præter ea supra cælum.
 Atq; adeò se ipsos erigunt, vt ipsum quoq;
 bonum intueantur. Quod sanè quū per-
 spiciunt, eam, qua hîc vescimur, vitã, mi-
 seriam quandam arbitrantur, despicientes
 vtriq; , tum etiã corporea omnia, ad vnum
 solum feruntur. Hic, ô Tati, scientiam me-
 ritus est diuinorũ, si contemplatio est in-
 telligentia dei, diuino existente cratere.
 T A T. Equidem, ô pater, hujus crateris la-
 tice abluï cupio. T R. Nisi, ô fili, tuũ cor-
 pus oderis, te ipsum amare non poteris.
 quamprimũ verò non te, sed deum ipsum
 dilexeris, mentem protinus consequeris.
 hanc denique nactus, scientiam euestigio
 nancisceris. T A T. Quonam pacto asseris
 hæc, ô pater? T R. Impossibile est, ô fili,
 vtrîsq; simul intendere: mortalibus vide-
 licet, atq; diuinis, nam quū duo tantũ in
 ordine rerum inueniantur, corporeum, &
 incorporeum: & illud quidẽ mortale, hoc
 diuinũ dicatur, electione vnus amittimus
 alterum: quotiesq; vnus cura remittitur,
 alterius actus intenditur. Potioris itaque
 optio,

optio, eligenti decora, non modò hominem, qui elegit, deū reddidit, verū impietatem erga deū ceteris quoq; demonstrat. deterioris autē electio, hominem quidem ipsum perdit, aduersus autem deum nihil præter id vnum delinquit, scilicet quòd quemadmodum pompæ per media transeunt, ipsæ quidē nullius actionis compotes, cæteros autē impediētes: haud secus isti pompæ instar vagantur, atque oberrant, propter corporis voluptates. Quū hæc igitur ita se habeant, ô Tati, diuina officia præcedere, humana sequi debent. Deus profectò extra culpam malorum à nobis causa venit. nam mala bonis anteponimus. Cernis, ô fili, quòd corpora cælestia transcendere nos opus est, quodq; choris dæmonū abesse, ambitumq; astro- rum, eorumq; progressus superare, vt ad vnum, solumq; deum tendamus. insuperabile enim bonum est, sine termino infinitum, quo ad se nunquam incipiēs, quo ad humanam cognitionem principium habens. eiusmodi tamen cognitio non ejus initium est, sed nobis ipsius cogniti principium exhibet. Principium itaq; completamur: hoc enim cognito, vniuersa celerimè discurremus. Arduum autem est consuetæ, ac præsentia relinquentē, ad super,

periora se, potiora q; cōuertere. Illa enim quæ oculis cernimus, nimium nos delectant: latentia diffidentiā pariunt. patēti autem sanè mala sunt, bonū occultum iis qui manifestis incumbunt. nec enim forma ejus vlla, nec figura. hac de causa fuit tantū simile: cæteris horū verò dissimile. Etenim corpori incorporeū apparere non potest: hujusmodi est similis ad dissimile differentia, dissimilis q; ad id, quod simile est posteritas. Monas, id est vnitās omnium principium, radix, atq; origo, absque verò principio, nihil. Initium autem est nō principij, sed alterius. monas ergo principium, omnemq; numerum continet à nullo cōtenta, omnemq; gignit numerum nullo numero genita. Quicquid vtiq; genitum imperfectum, diuiduum, crescēs, atq; decrescens. ei verò quod perfectum, horum nihil accidit. id sanè quod augefcit, virtute monadis augetur. euanesceit autem imbecillitate propria, quū vlteriū monadē capere nequeat. Hæc tibi, ô Tati, pro viribus imago dei subscripta sit, quam si diligenter consideraueris, oculisq; internis prænoueris, crede mihi fili, ascensum ad excelsa comperies. quinetiam imago ipsa te perducet: habet enim vim certam visio, cōsque, qui intuendi desiderio flagrant, appre

prehendit, eoq; trahit modo, quo lapis,
ui magnes dictus est, ferrum.

C O M M E N T A R I A.

Quartus nos hortatur sapientiam capesse-
re, quæ patulus est diuinæ mentis crater. in
uem quacunq; anima se immergit, cognitio-
is particeps effecta, mentem suspicit. ac verò,
et ad eam se attollat, ipsam calos transcendere
opus est, et astrorum ambitum, eorumq;
progressus superare, et beatorum choros longè
ipsa relinquere. tunc ad vnum, solumq; decum-
endit, insuperabile, et sine termino infinitum
onum: quod quum intuetur, corpora omnia de-
bicit, et vitam, quæ hîc vescimur, miseriam
putat, solius incorporei boni desiderio intenta.
Nullus tamen in diuino cratere se valet im-
mergere, qui suum corpus non oderit, et qui
non se, sed deum ipsum dilexerit, et qui non
mortalia negligens solis diuinis hæserit, solis
desit, sola meditetur atq; flagret. Mox unitati,
et numerorum analogia, ad veram monadem
pergitandam, verosq; naturæ numeros nos eleuat.
Hæc Crater.

Mercurij ad Tatium filium suum, Quod deus
latens simul, ac patens est. ▽

H Vnc præterea sermonem apud te trā-
figam, ô Tati, ne præcipuum nomen
tibi

tibi defit, néve ignores id, quod plurimis occultum, videtur esse peripicuum. nam si nusquam pateat, nihil vtiq; erit. Quodcunq; se offert aspectui, genitū: quod verò latet, sempiternum. neq; enim opus est, ut appareat, quandoquidē esse nunquam definit. ante oculos quidem id reliqua ponit, ipsum verò secretum manet, utpote quod vita fruitor sempiterna. Etenim phantasia solū circa quæ genita sunt, versatur, in qua præter generationem nihil existit. At vnicum id ingentū incomprehensibile phantasiæ. Quū verò per ipsum cuncta clarescant, per omnia rursus atque in omnibus fulget. Hisq; præsertim apparet, quibus ipse notitiam communicare voluit. Tu igitur, ô fili mi Tati, in primis piis precibus obsecra dominum patrē vnicū vnū, & à quo vnus, ut sis illius misericordia dignus, sic tandē deū tantū percipere poteris, si vel vnus dūtaxat illius radius intelligentiæ tuæ benignè refulserit. sola, siquidē intellectio latens, latētia perspicit: itaque, si mentis oculis inspexeris, ô Tati, ille tibi (crede mihi) patebit. Deus sanè totius expertus inuidiæ, per singulas mundi particulas vbiq; splendet, atq; aded se notū præstat, ut non intelligere modò, sed manibus etiā ipsis (ut ita dixerim) liceat

beat attreſtare. nam vndiq; noſtris oculis
ejus obſervatur, ſeq; obijcit, & inculcat
imago. Quòd ſi inſimum te latet, quomo-
do aut teipſum, aut eum inuenies? Deniq;
quò deũ videre volueris, ſuſpice ſyderum
ordinẽ reliquorũ, quis agẽ perpetuũ ho-
rum ſeruat ordinẽ? Ordo quidem omnis
numeri, loci limitibus terminatur. Sol
deus deorũ celeſtiũ præſtantiffimus. Soli
cælites reliqui veluti principi, regi; pa-
rent. Sol tantus, terra ſimul amplior atq;
marì, minores tamẽ ſupra ſe ſtellas innu-
meras cõuerti patitur. Quem timeris, quẽ
veretur? O fili, diuerſorũ ſyderũ ſunt mo-
tus. Quis meſuram ſingulis motionis
aſſignat? T A T. Arcturum circa idem ſe
perpetuò vertens, totamq; trahens mun-
di machinam. T R I S. Quis hoc vitur
inſtrumẽto? quis mare ſuis finibus circũ-
ſcripſit? quis terræ pondus ſiſtit, ac librat
in medio? Eſt certè aliquis, ô Tati, horum
auctõr, ac dominus. Etenim, locũ, vel nu-
merũ, vel meſurã ſeruare abſq; auctõris
virtute, impoſſibile eſt. Ordo fieri à defor-
mitate nequit. eget autem deformitas do-
mino, qui ordinẽ præbeat. Utinã tibi da-
reretur, ô fili, facultas, vt alarum adminiculo
in ſublimem aëris plagam volares, me-
diamq; inter cælũ, ac terrã regionem for-
titus,

titus, cōspiceres terræ quidem soliditatē,
 maris diffusionem, fluxum fluminū, aëris
 amplitudinem, ignis arctam celeritatem.
 O felicissimum fili spectaculū, ô beatissi-
 mam visionem! Siquidem vno luminum
 motu seriē mūdi totius comprehenderes,
 immobilemq; factorem concitum, latentē
 quoq; perspicuū cerneres: quòd si per ea
 etiam, quæ terra sustinentur, fragilia, &
 aquæ profunditate conduntur, deū artifi-
 cem inuestigare volueris: age fili, circun-
 spice humani corporis opificiū, cuius ad-
 monitione perdisce, quis tam pulchræ
 imaginis conditor, quis oculorum pictor,
 quis nares, auresq; tornauit, quis labia di-
 stendit oris, quis nervos tetēdit, atq; li-
 gavit, quis irrigauit venas, quis ossa con-
 gessit solida, quis carnem pellicula tenui
 circūtextit, quis digitos, articulosq; discre-
 uit, quis fundamēta pedum extendit, quis
 perforauit poros, atq; meatus aperuit, quis
 splenem coëgit, atq; compressit, quis py-
 ramidem impressit cordi figurā, quis je-
 coris porrò textit fibras, quis pulmonum
 sculpsit fistulas, quis aluo capacem ampli-
 tudinem tradidit, quis honoranda corpo-
 ris membra in propatulo figurauit, quis
 obscœna in obscuro prorsus abdidit, eaq;
 aspectu cernentium voluit secreta jacere.

Vide

Vide quot diuinæ artis opera in vna materia demōstrantur, singulaq; pulchra, recteq; dimensa, necnon propriis inuicē officiis differentia. Quisnam singula finxit? qualis mater, qualis pater? nōne hæc solus ipse inuisibilis deus, cuncta propria volūtate molitus est? Et quum statuam, & imaginē absq; fabro & pictore fieri nulus asserere audeat, mirā mundi hujus constitutionē, sine conditore constituisse putabimus? O cæcum homunculū! ô nimis impium! ô profundis obrutū ignorantiae tenebris! Caue, inquam, ô fili mi Tati, ne vnquam artificium priues artifice: quin immo congruo deū nomine præinuocato, patremq; esse propriū ejus existimato. quod si me quiddam audacius proferre coëgeris, hujus essentiā esse dicam concipere, ac facere singula. quemadmodū sine factore fieri quicquam nequit, ita deū existere semper, nisi semper agat omnia, impossibile est, in cælo videlicet, aëre, terra, mari, in toto mūdo, in qualibet particula mundi, tum in quod est, tum in eo, quod non extat. nihil est in omni natura, quod ille ipse non sit, est ille siquidem, quæ sunt. est ea etiam, quæ minimē sunt. Quæ quidem sunt, deduxit in lucem, quæ non sunt, occultit in seipso. Hic deus, nomine melior.

c

lior.

lior. hic occultus, hic rursus omnium pa-
 tentissimus, hic menti cōspicius, hic prae-
 sens oculis, hic (vt ita dixerim) multicolor.
 poreus. nam nihil in corporibus est, quod
 ipse non sit. omnia enim ipse solus existit.
 nomina insuper habet omnia, quoniam
 vnus est pater. Nomen quoq; nullum ha-
 bet, quoniam pater est omnium. Quid er-
 go te laudabit, supra te an infra te posi-
 tum? quò vertam oculos, vt te laudem, su-
 prà ne an infra, intus an extrà? Num mo-
 dus, an locus circa te, num aliud quiddam
 ex omnibus? In te autem omnia, abs te
 omnia, præbes omnia, nihil deniq; susci-
 pis. omnia quidē habes, quod autem non
 habes id ipsum nihil. Quando verò lau-
 dabo te pater? tempus & momentū tuum
 capere non valemus. Qua potissimū in
 re laudes cantabo tuas? num in iis, quæ
 creaueris, an in illis, quæ nō creaueris po-
 tius? num in iis fortè, quæ in lucem è tene-
 bris eruiisti, an in iis, quæ latent adhuc ar-
 cano sinu recondita? Per quid tandem
 hymnos tuos dicabo? nūquid in laudatio-
 netali ego ipse mei juris existā, an potius
 alter efficiar? ipse profectò es quicquid
 ego sum, ipse es quicquid agam, ipse es
 quicquid deniq; dicā. Ipse enim es omnia,
 neq; aliud præter te quicquā. Quid sanè
 non

non es ipse? Ipse omne quodcunq; genitum. Es quidē intelligens pater, fabricans deus, efficiens bonū, bona faciens omnia. Materiæ nanq; purissimus aër, aëris anima, animæ mens, mentis deniq; deus.

C O M M E N T A R I A.

Quintus docet deum latere pariter, & per singulas mundi particulas splendere. res omnes, quæ se nobis obijciunt, ejus esse imagines, ita ut mirificus, perpulcherq; rerum ordo manifestè declararet ordinantem, & res singulae certis suis limitibus circumscriptæ, dominum declarent, & auctorem, cui sol siderum rex, princepsq; obsequitur, atque paret, quem timet, quemq; veretur, & summatim vniuersa mundi structura suum declarat artificem. Mox de diuina interna generatione confidentius iudicium affert, dei esse essentiam concipere, ac facere omnia: ita ut deum existere, nisi semper omnia agat, impossibile sit. est enim sic diuinus logos omnia, ut nihil omnium, in quo corporeum, incorporeumq; ens, atq; nihil, in idem conspirant, atq; coincidunt. deinde Mercurius in diuinarum laudum cantibus, dialogum finit, & terminat.

Quòd in solo deo bonum est, alibi verò nequaquam, ad Æsculapium. v. i.

C 1 Bonum

Bonum, ô Æsculapi, in nullo ponitur, nisi in vno deo, immo ipsum bonum deus ipse semper. Quamobrem essentiam omnis motionis, atque cognitionis, esse deum oportet. Hac essentia orbatum nihil. hæc circa se stabilem actum nullius egenum, infinitum, superabundanter porrigentem possidet. Vnum id vniuersorum principium, bonum porrigens, & effundens bonum. quoues nomino bonum, id, quod omnia bona, & quod bonum semper, intellige. hoc vnico deo adest. neque enim cuiusquam indigus est, vt adeptionem illius appetendo malus fiat, neq; iactura cuiusquam in eum vnquam, vt post damnum dolore afficiatur. Major enim portione mali, nec est illo validius aliud, à quo expugnetur. in hūc injuria incidere nulla potest, qua irritatus, læcessitūse excandescat. Nihil ejus jugū subterfugit, quo contēptus indignetur, atq; irascatur: nec est sapientius eo quicquam, quod illi emulationem inculiat. Itaq; quū hæc illi non accidunt, nihil ejus naturæ præter ipsum bonū restitit. Quemadmodū verò nihil eorum, quæ mala sunt, in hac insunt essentia, ita in nullo alio bonū inuenitur. In singulis enim reliqua insunt singula, tum in paruis, tum in magnis, tum etiā in

iis.

his, quæ secundum unum, & in ipso quoque
animali maximo omnium, atque potentissi-
mo, quod utique passionibus genera replet.
Nam generatio, passio quædam est. ubi au-
tem passio, nullo modo bonum. ubi bonum,
non passio ponitur ulla: ubi dies nullo mo-
do nox: ubi nox, neque etiam dies: quapro-
pter in generatione bonum esse non potest.
restat itaque in eo, quod ingenuum. Ut autem
materie concessa est omnium participatio,
sic quoque boni participatione, mundus bo-
nus. bonum dico, inquantum ipse etiam omnia
efficit, quia quidem ex parte bonus est mun-
dus, in reliquis omnibus non bonus. passio-
bilis enim ac mobilis est, & omnium præ-
terea causa passionum. In homine insuper
comparatione mali, bonum. Id quippe, quod
non nimis malum, quodque minus malum, bonum
in hominibus appellamus. quo fit, ut bo-
num nostrum nihil aliud sit, quam mali por-
tio minima. Unde illud etiam sequitur, ut
bonum huiusmodi, a malo separatum esse
non possit. Inquinatur enim hoc bonum,
admixtione malorum. infectum verò, ulte-
rius bonum non permanet: sin minimè per-
manet, malum efficitur. In solo igitur deo
bonum ipsum existit. Quare solum boni
nomen homini adest, ô Æsculapi, natu-
ra boni nequaquam. neque enim id ca-
pere

pere potest materiale corpus confectū vndiq; & oppressum prauitate, laboribus, doloribus, cupiditatibus, iracūdia, deceptionibus, stultisq; opinionibus, ac nugis. Deterri-
mum tamen omnium id cenleo, Æsculapi, quod vnumquodq; eorum, quæ dixi, summum creditur esse bonum. Fugien-
dum in primis malum est, ventris luxus malorū omnium fomes: hinc error, hinc boni priuatio. Et quidē ingentes deo gra-
tias habeo, qui de natura boni cogitanti mihi sententiam hanc certā infudit, quod in mundo bonū esse non possit. siquidem mundus congeries est malorum. Deus au-
tem boni vel bonum, dei exuberans plenitudo, supereminentia quippe bonorum circa essentiam syncerè fulgentis, atq; purissimè. neq; fortè sunt essentiæ dei. Au-
diendum sanè id assero, ô Æsculapi, essen-
tiam dei (si vliam deus habet essentiam) ipsum bonum esse. Pulchrum verò, & bonum in mundo, aut in mundi partibus in-
uenire non licet. Nam quæcūq; sensus mo-
uent, idola sunt, & vanæ quædam admira-
tiones. quæ verò sensuum organa subter-
fugiunt, ad pulchrum, bonumq; perti-
nent. Vtq; acies oculi deum non cernit,
sic neque pulchrum, bonumq; cognoscit.
Hæ siquidem partes dei sunt, integerrimiq;

niq; illius propriæ, cognatæ, inseparabiles præcipueq; dilectæ: & ut has ipse deus amat, sic ab his ipse deus amatur. si deum percipere poteris, pulchrum quoque, bonumq; percipies, perfulgēs omnibus illustratū à deo. Pulchritudo enim sine comparatione, sine imitatione bonum. Deus enim comparationem, imitationemq; nullam admittit. Quemadmodū ergo deum pulchrum, bonumq; noueris, ita sanè & cæteris uiuentibus, quum deo cōferri nequeant, nunquam communicandum. Si deum quæsieris, pulchritudinem ipsam quæres. Quæ tandem ad id ferat, vnica via est, pietas cognitioni conjuncta. Quapropter ignari mortales, & à pietatis semita deuij, hominem quoque bonum nominare non verentur, quum boni notitiā veram habere nullam possit, sed malis irretitus, & illaqueatus sit, malūq; bonum esse censeat, insanabiliterq; malis utatur, eorumq; iacturam, priuationemq; formidet, omnibus deniq; machinamentis, viribusq; contendat, ne vnico solū malo prematur, verū & in numerū mala, magnitudinemq; augeantur. Talia sunt, ô Æsculapi, decora hominum, atque bona, quæ nec fugere, nec odisse valemus. omnium nanq; difficillimum id existit, ob

eam potissimum causam, quia nos illis vti oportet, atque vesci, illisq; orbi vitam agere nullo modo possumus.

COMMENTARIA.

Sextus hoc contendit, in solo Deo bonum, boniq; naturam, hoc est ipsam bonitatem reperiri, pariter & pulchri potentis, sapientisq; naturam. In mundo autem solum boni nomen esse, & errorum cecos homines arguit. vitia abhorre monet, & que via nos ad ipsam bonitatem, ipsamq; pulchritudinem perducatur, edocet, pietas scilicet cognitioni conjuncta, ad quam ignari mortales à pietatis semita deum, perungere valeant nunquam. Hec sextus.

Quòd summum malum est hominibus ignorare Deum.

VII.

QUò ruitis mortales ebrij, qui merum ignorantie combibistis? quò id ferre nequeatis, euomite. viuite sobrij, oculis mentis inspicite. Quòd si minus potestis omnes, saltem qui possunt, id agant. Ignorantie pestis omnem terram subuerit, animamq; corrumpit corporis vinclis inclusam, neque finit eam salutis iter asciscere, ne permittite vos in lacu corruptionis, mortisq; submergi. Respirate jam, respirate, ad fontem vitæ recurrite, illumq;, qui vos introducet in adytum veritatis, capessite.

peffite. ibi fulgidum lumen nullis immi-
ftum tenebris, ibi nullus ebrietate delirat,
fed omnes sobrij vigilant, atque mentis
oculis eum, qui videri vult, acutiùs in-
tuentur. is nec auribus percipitur, nec cer-
nitur oculis, neque sermone profertur: so-
la mens eum profpicit, sola mens prædi-
cat. In primis autẽ oportet vestem, quam
circumfers, exuere, indumentum infcitix,
prauitatis fundamentũ, corruptionis vin-
culum, velamen opacum, viuam mortem,
sensituum cadauer, sepulchrum circũuer-
tile, domesticum denique furem, qui dum
blanditur, odit: dum odit inuidet. hujusce
modi est, quo circumtegeris, vmbra-
culum inimicum. Ad seipsum te deorsum
papat, ne fortẽ conspiciens veritatis deco-
rem, atque proximum bonum, hujus ode-
ris prauitatem: nève hujus insidias, quas
in te assiduè machinatur, aliquando præ-
sentias. hoc aciem interiorum sensuum
neberat, & obtundit: crassa illam materia
suffocat, abominabili, fastidiosaq; ebriat
voluptate, ne audias vnquã, nève perspi-
cias ea, quæ jure & audienda sunt, & in
primis inspicienda.

C O M M E N T A R I A.

Septimus conqueritur ignorantia peffem,

C S

qua

quæ omnem terram euerit, animamq; corrup-
pit, corporis vinclis inclusam, & ignorantes
hortatur resipiscere, & corpus mortale indu-
mentum iubet nos exuere, à quo precipites in
ignorationem, mortemq; raptamur, & nos in
adytum mentis reuocare, quæ sola eum perspi-
cit, qui neque auribus perspicitur, neq; cernitur
oculis, neq; sermone proferitur. Hæc septimus.

Nihil eorum, quæ sunt, interitus, sed muta-
tiones, decepti homines interitum nomi-
nant. Ad Tatium. VII I.

DE anima, & corpore, ô fili, dicendum,
quonam modo immortalis anima,
quantaq; sit agendi virtute in concretio-
ne, dissolutioneq; corporis. Mors ad ho-
rum nullum attinet. *θανάσις* enim, id est
mors, conceptus quidem est mortalis ap-
pellationis, vel vanum quiddam, vel per
ablationem primæ literæ, *θανάσις*, id est
mors pro eo quod dicitur *ἀθανάσις*, id est
immortalis. *θανάσις* enim interitum fi-
gnificat. at nihil eorum, quæ in mundo
sunt, interit. Si enim secūsus deus est mū-
dus, nec nō immortale viuens, impossibile
est immortalis animantis partē aliquam
interire. Quæcunq; mūdo insunt, mundi
sunt membra, homo præsertim animal ra-
tionale. Primus omnium verè sempiter-
nus,

nus, immortalis, ingenitus deus, omnium auctor. Secundus deinde ad illius imaginem, mūdus à Deo genitus, & ab eodem seruatus, nutritus, & immortalitate donatus, velut à proprio patre, viuens quidem semper, & immortalis: est enim semper viuens quidē, semper & immortalis. etenim semper viuens, & sempiternum hoc inuicem differunt, quia sempiternum quidem ab altero factum non est: sin autem fiebat à seipso, non ab aliquo factum fuit, quia fit semper. Sempiternum enim quatenus sempiternum est omne, pater autem ille sui ipsius sempiternus, at verò mundus à patre semper viuens, immortalisq; factus. Quantumq; materiæ fuerat subiectū patri, pater ipse corporeum agens, & in molem cōgregans, id totum sphæricum reddidit, imprimens qualitatem materiæ existenti immortalī, rationeq; materiæ sempiternum habenti. Plenus autem ideis omnibus qualitates pater inferens in sphæram, velut in gyrum omni qualitate circumscripsit. Exornare autem voluit id, quod post ipsum est, quasi immortalitate fulciens omne corpus, ne materia ab huius congressu discedere volens, in suam deformitatem iterum resoluatur. quando enim incorporea erat materia, ô fili, de-
for

formior erat. Habet hæc quoque materia qualitates quasdam exiguas reuoluta crescendi pariter, & decreſcēdi natura, quam homines mortem vocant. Huiusmodi autem confusio circa terrena viuētia. Cælestium quippe corpora, vnum atque eundem seruant ordinem, quem scilicet primum à patre suo sortita sunt. Seruatur autem ipse à restitutione cuiusq; indissolubilis. Restitutio verò constitutionis corporum terrenorum, ipsaq; dissolutio in corpora indissolubilia, & immortalia restituitur, atq; ita sensus priuatio fit, non destructio corporum. Tertium quoque animal homo ad imaginem mundi genitus, secundum patris voluntatem sese habens, præter cætera terrena viuētia non modo cum secundo deo cognationem habet, verumetiam intelligentiam primi. Secundum planè deum utpote corporalem, sensus comprehendit. Primum verò deum, ut incorpoream, bonamq; mentē, mēte confurgit. T A T. Id ergo animal, nōne destruitur? T R I S M. Melius melius ominare, ô fili, ac insuper meditare quid deus, quid mundus, quid animal immortale, quid animal dissolubile. Scio quoq; mundum à deo simul, atq; in deo, hominē verò à mundo, & in mundo consistere: principium

cipium autem, comprehensioq; omnium,
& constitutio deus.

C O M M E N T A R I A.

Octavius edocet in primis celestia corpora
jugiter unum, eundemq; tenorem servare, quem
primum à suo patre sortita sunt. Et mortem,
interitumq; primum circa terrena viuentia cor-
pora apparere, sed penè mortis nomen, atque
corporum interitus vanum esse: corpora siqui-
dem ipsa mutantur, non intereunt. verum qua-
litates ipsas idearum idola simulacraq; quibus
deus ipsam exornare voluerat, immortalis ma-
teria permutat. Et homo immortale animal,
sed dissolubile, uniuersa natura vinculum, at-
que nodus, partim corporeus, partimq; incorpo-
reus, mentisq; capaxior alia, instar mundi geni-
tus est, ut sensibilem mundum comprehenderet,
& mente ad optimam mentem, felici contem-
platione assurgeret. Hæc octavius.

Quòd in solo Deo pulchrum, ac bonum,
alibi verò nequaquam, Ad.

Æsculapium.

12.

Hæc, ô Æsculapi, perfectam edidi
orationem, in præsentiarum autem
necessarium esse arbitror, ut de sensu bre-
uiter differamus. Sensus, ac motus in hoc
potissimum discrepare videntur, quia hic
quidem secundum materiam, ille autem
secundum

secundum essentiam est. mihi tamen uterque
 conuenire videtur, neque distinguere in homi-
 nibus ratione. Intus animantibus sensus
 nunc vnitus est, in hominibus autem intel-
 ligentia. Ab intelligentia quidem intelle-
 ctus differt, quemadmodum à diuinitate
 deus. Diuinitas enim à Deo, intelligentia
 verò ab homine prouenit. Hæc sermonis
 est soror, aut utraque sibi inuicem instru-
 menta. Nam neque sermo absque intelle-
 ctione pronuntiatur, neque intellectio abs-
 que sermone prodit in lucem. Quamob-
 rem sensus, & intelligentia in homine,
 tanquam connexa conspirant inuicem. Ne-
 que enim sine sensu intelligere, neque sine
 intellectu sentire ullo modo possumus.
 Intellectionem tamen absque sensu intelli-
 gere possibile est, instar eorum qui in so-
 mnis phantasmata vident. tantum quoque
 videntur utraque operationes in somniorum
 visionibus externis, sensum autem ex so-
 mno in vigiliam suscitari. In animam præ-
 terea corpus, homoque vnitur: quotiesque
 utraque sensus particulæ sibi consentiunt,
 tunc intellectio concepta mente disponitur.
 Mens omnes notiones concipit. bonas qui-
 dem, quoties à deo semine infunditur: contra-
 rias autem, quum à daemonibus quibusdam sper-
 mata jaciuntur. Nulla profecto mundi pars
 est

est dæmonum præsentia destituta, horum
lumen ab ipso deo totum descendit. Dæ-
mon denique transfusus in hominem, se-
mina propriæ notionis inspergit. Mēs au-
tem conspersa seminibus prægnans, inde
parit adulteria, stupra, homicidia, parrici-
dia, sacrilegia, diuinorum cōtemptum, ju-
gulationes, euerfiones urbium, pestes ho-
minum, & reliqua omnia quæcunq; malo-
rum sunt opera dæmonum. Dei planè se-
mina pauca, at illa quidē magna, pulchra,
bona, virtus scilicet, tēperantia, pietas. pie-
tas autē dei cognitio. Deum qui recognos-
cit, bonis refertus omnibus, notiones di-
uinas assequitur. notiones, inquam, haud
multorum similes. Qua de causa, si qui
huic se cognitioni dedicant, nec ipsi vul-
go placent, nec vulgus illis. insanire de-
mū putantur, risumq; reportant: interdum
etiam odio habentur, contumeliis afficiū-
tur, vitāq; priuantur. Improbiter enim
hīc habitare diximus, terramq; illius esse
prouinciam: terram dico, non mundum
totum, vt impij quidam obloquuntur. Ve-
runtamen homo deo deuotus, quam pri-
mū diuinam prægustauerit visionem,
obliuioni reliqua omnia tradit. atq; etiā,
quæ reliquis hominibus mala sunt, huic
vt bona contingunt. cōsulenti prudenter,
&

& ad scientiam singula referenti, quodq;
 mirandum est, mala semper in bona penitus
 conuertenti. Sed jam ad sermonem de
 sensu iterum redeamus. humanū est, sensu
 cum intellectu coniungere, nam
 omnes (vt supra retuli) homines intelle-
 ctione feruntur. Cæterum secundum ma-
 teriam vnus, alter secundum essentiam.
 Qui enim prauitatis seruus est materialis,
 à dæmonibus quoq; (vt diximus) intelli-
 gēdi semē accepit. At si qui bonitatis ani-
 mæ cōpotes sunt, horum natura deus ipse
 vtitur. Deus enim omnium auctor, efficiens
 autem omnia, sibi ipsi consimilia reddit.
 Quædā tamē genita bona in operationis
 vsu sterilia. Mundi nanq; reuolutio genera-
 tiones exagitans, qualitates efficit quasdā,
 inficiens, maloq; scedans: quasdam defen-
 sans, bonoq; purgans. Mundus, ô Æscula-
 pi, sensum, motumq; possidet, non huma-
 no sensui, motuiq; consimilem, sed poten-
 tiorem sanè, atq; admodum simpliciorem.
 nā sensus, & intelligentia mundi, id vnum
 est, cuncta scilicet facere, ac resolvere. Di-
 uinæ voluntatis organum, hac potissi-
 mum ratione constructum, vt à deo semi-
 na suscipiens vniuersa, eaq; toto sinu re-
 condens, omnia quidem componendo
 producat, omnia rursus auferat diuiden-
 do.

do. Atque instar agricultoris periti, quod-
cunq; nimis adultum est, amputat, ut statu
tis tēporum interuallis reuifcatur. Nec est
quicquam, cui vitā mundus ipse non prae-
stet. simulq; vitæ locus est, est atq; etiā in-
stitutor. Corpora verò ex materia in diffe-
rentiam constant: horum quædam ex ter-
ra, quædam ex aqua, ex aëre alia, ex igne
quoq; permulta, vniuersa certè compo-
sita. Quædam tamen congesta magis, non-
nulla verò simpliciora. Illa graua, hæc le-
uia. Velocitas autem agitationis, illius va-
rietate generationē qualitatis inducit. Spi-
ratio enim crebra existēs, corporibus qua-
litatē vnā cum superabundantia vitæ sup-
peditat. Deus igitur Cosmi, id est mundi
pater. Cosmus autem eorū, quæ in cosmo,
& Cosmus quidem Dei filius. Quæ verò
in cosmo, sub cosmi ditione consistunt. ac
jure Cosmus appellatus est: omnia siqui-
dem varietate generationis *χοσμοῦ*, id est
exornat, necnō indefinēti vitæ operatio-
ne, perpetua necessitatis celeritate, elemē-
torum commistione, ordine genitorum.
Ipse igitur cosmus, id est ornatus, necessi-
tate simul & meritò nominatus est, ani-
manium omniū sensus & intellectio, quæ
ex externis influunt ab eo, quod continet
inspirata. Cosmus autem quæcūq; ab ipsa
D orig

origine suscepit à deo, perpetuò seruat
 Deus profectò, nò, vt quibusdam videtur
 sensu, mēteq; captus est. illi enim miseri
 pressi, perperam obloquuntur. Quæcunq;
 sunt, ô Æsculapi, in deo simul atq; à deo
 pendentia, partim per corpus agentia, par-
 tim mouentia per essentiã animalem, alia
 per spiritum viuificãtia, alia verò recepta-
 cula defunctorum. Rectius autē dicemus
 deum talia non habere, sed, vt veritatē li-
 quidam exprimamus, ipsum esse cūcta fa-
 rebimur. Nec ea quidem ab extimis cape-
 re, ad extima nihilominus porrigentem
 id est sensus, & intellectio dei. Vnde nullū
 vnquã futurum est tempus, in quo existi-
 tium aliquid in nihilum euanescat. Quo-
 ties verò existentia dico, dei dico thesau-
 rum: nam existentia ipse Deus amplecti-
 tur. Extra hunc nihil est, extra nihil, ipse
 Hæc tibi, ô Æsculapi, intelligenti, vera vi-
 debuntur: ignoranti autem, incredibilia.
 Intelligere enim, ipsum credere est: at non
 credere, proculdubio ignorare. sermo si-
 quidem meus ad veritatem vsq; cucurrit.
 Mens quoque ampla, & à sermone ad cer-
 tum quiddam deducta, veritatem atigit:
 denique comprehendens omnia, eaq; in-
 ueniens consona illis, quæ interpretaba-
 tur, cuestigio credidit, & in ipsa fide de-

COR

cora feliciter requieuit. Quæ igitur de diuinis dicuntur, intellecta creduntur quidem, non intellecta negantur. Hæc autem de intelligentia dicta sufficiant.

COMMENTARIA.

Nonus homines erudit, qui quum intellectu-
ne utantur omnes, materiales tamen ex demon-
um spermatis, quorum præsentia nulla pars
mundi destituta vacat, concipiunt, & præ-
gnantes tandem adulteria, stupra, homicidia,
paricidia, & omne flagitiorum genus pariunt.
Atqui essentielles, spiritualesq; viri omne virtu-
tum ornamentum seminatore deo concipiunt,
& omne bonum virtutis officium pariunt. Sunt
enim dei semina pauca, at illa quidem magna,
pulchra, & bona, & vitiorum innumerosæ
multitudini longè præstantiora: quæ tamen
qui sectantur, nec ipsi vulgo placent, neque
vulgus ipsis: insanire demum putantur, ri-
sumque reportant, quod terra sedes improbi-
tatis sit, & provincia. Mundus tamen ea
lege formatus est, ut à deo semina suscipiens
vniuersa, diuinitati dignum fieret organum,
& omnia in miro pulchre ordinationis deco-
re procederent ad ortum, in quo perseverent,
suumque tandem nanciscantur exitum. quod
perfecto fieret, nisi inimicus veniens, in medio

D. 2.

critici:

tritici superfeminaret Zizania. Vos ergo feligite diuina semina spirituales facti, & malorum semina demonum, qui nos materiali affectione dormientes occupare vigilant, cauti nunc effugite. Hæc nonus.

Mercurij Trismegisti Clauis ad
Tatium.

Hæternum, ô Æsculapi, sermonẽ ascripsi tibi: vnde æquum est hodiernum Tatium dedicare, eoq; magis id operæ pretium, quo disputatio præfens, omnium ad illum à nobis antedictorum compendiariorum quædam summa futura est. Deus & pater, & bonum, ô Tati, naturã eandẽ, imò eundem actum habent. Illa siquidem augmenti, diuinationisq; appellatio est, quæ circa mutabilia, & immutabilia, id est humana, & diuina versatur. quorum vnum quodque ille vult esse. alibi verò actum (quẽadmodum in aliis demonstraui) diuinorum atq; humanorũ, quæ quidem in hoc intelligere necesse est. huius actus voluntas est, huius essentia velle cuncta subsistere. Quid est Deus, & pater, & bonum, nisi ipsum esse horum omnium nõdum existentium. quinetiã existentia ipsa horũdem sunt, id Deus, id pater, id bonũ cui nihil aliud ex omnibus applicatur. Mundus enim ac sol eorum, quæ sunt se
cunc

fundum participationem pater, non tamē
viventibus vitę, bonitatisq; causa. quod si
hoc ita se habeat, comprehensus agitur à
voluntate boni, sine qua nec esse vnquam,
nec fieri potest. Cùm filiorum pater, tum
procreationis, tum etiam alimenti, per so-
lum appetitum boni suscipiens (nam bo-
num actiuū est) id alteri conuenire quàm
illi nequit. quod quū accipiat nihil, vni-
uersa vult esse. Non dico, ô Tati, vniuersa
facit: faciens enim, longo quodam tempo-
re deficiens, at indignum est. Siquidē in-
terdum facit, interdum cessat, egenū qui-
dem & quantitatis, pariter & qualitatis,
nonnunquam qualia, & quāta disponens,
aliās horum contraria. Deus autem & pa-
ter, & bonum, eo ipso quod omnia est. Ta-
le igitur ei quidem ista præcipere potest.
etenim hoc vult esse, & est. Et ipsum ma-
ximè verò ipsi, nam cetera omnia propter
ipsum. Proprium quippe boni, ô Tati,
se se notum præbere. id bonum est, ô Tati.
T A T. Visionis pater, bonæ & pulchræ
nos participes reddidisti, vnde meæ men-
tis oculus visione quasi jam expiatus est.
T R. Neque verò, quemadmodum solis ra-
dius fulgore nimio corrūpit oculos, cali-
gantesq; reddit, sic ipsius boni conspectio.
illustrat enim, atq; oculi lucem eo magis

exauget, quo quis capere magis potest
 intelligibilis splendoris influxum. Velo-
 cior est, & acutior diuina lux ad penetrā-
 dum, innocētiaq; & immortalitate singu-
 la complens. Qui nitorem hunc à corpo-
 re vberius haurire possunt, obdormiunt
 sæpenumero à corpore ad aspectum pul-
 cherrimum, quemadmodum Cælum, &
 Saturnus nostri progenitores assurgunt.
 T A T. Vtinam & nos pater. T R. Vtinam
 ô fili. Adhuc tamen imbecilliores sumus
 ad conspiciendum. Tunc autem poterim-
 us mentis oculos eleuare, bonumq; de-
 coremq; incomprehensibilem prospicere,
 quū nihil de illo prorsus dixerimus. ejus
 cognitio diuinum silentium est, & inten-
 ta omniū applicatio. Qui id intelligit, nil
 potest aliud cogitare. Qui id intuetur, nil
 præter ipsum aliud intueri. Qui id audit,
 nil audire post ipsum, neq; corporis etiā
 sui mēbra mouere. vniuersis profectò cor-
 poris sensibus, motibusq; solutus, intrep-
 idus agit, nam qui totum circumlustrat, vn-
 dique mentem totam quoq; irradiat, ani-
 mam abstrahit totam à corpore, totam in
 essentiam deniq; dei transfigurat. Impof-
 sibile enim, ô fili, animam hominis in cor-
 poris fœce iacentem, diuinā assumere for-
 mam. Neque licet etiam dei pulchritudi-
 nem

nem contueri, nisi quis antè in deum fuerit reformatus. T A T. Quonam pacto id dicis, ô pater? T R. Omnis animæ distributio, ô fili. T A T. Mutationes autem quonam modo interim distribuens? T R I S. Num in iis quæ generatim diximus, audisti, quemadmodum ab vna mûdi totius anima, vniuersæ profluunt animæ per omnem mundum tanquã distributæ circûcurrentes? Harû vtiq; animarum mutationes permultæ partim sanè in melius, feliciusq; partim autem in contrarium. Nam reptilium quædã in aquatilia transmutantur, aquatiliû animæ in terrestria migrât: terrenorû in volatilia scandunt, aëreorum vertûtur in homines, hominû deinde immortales animæ in dæmones transeunt, demum in deorum chorum feliciter reuolant. Chori deorû gemini, vagantiû vnus, non vagantium alter. atq; hæc est suprema animæ gloria. Anima verò in corpus humanum delapsa, si quidẽ mala perseuerauerit, non gustat immortalitatis quicquã, neq; bono etiam fruitur. reuoluto autem itinere in reptilia præcipitans. Hæc vtiq; adjudicatio, pœnaq; est animæ malæ, prauitas animæ, ignorantia. Anima naturæ rerum, boniq; inscia, orbata oculis, corporis sese passionibus implicat. Anima, ca-

codæmonis, id est mali dæmonis ritu corrupta, seipsam ignorans abjectis corporibus, mōstrisq; deformibus seruit. Corpus suū velut onus infestū circūfert, non præsidens corpori, sed ob ignorantia subjugata. contra verò virtus animæ cognitio est. eruditus enim re vera, bonus, pius, diuinus. T A T. Quis hic est, ô pater? T R. Qui nec loquitur, nec audit multa, qui duobus sermonibus, seu dicēdis, siue audiendis intēdit, & pugnat in tenebris. Nam deus & pater, & bonū, nec lingua pronūciatur, neque percipitur auribus. Quū hæc igitur ita se habeāt in omnibus, quæ sunt ex eo, quod seorsum ab illo esse nequeūt, sensus iusunt. Inter cognitionem autē, ac sensum multū interest. Sensus enim superātis motus existit cognitio: sciētiæ, terminus. Sciētia dei donū. siquidem vnaquæq; scientia incorporea mente vtens, vt organo, mens autē corpore: quamobrem vtraq; in corpora, tum intelligibilia, tum etiā materialia recurrunt. Ex oppositione enim, & contrarietate constare omnia necesse est, neq; aliter se habere possibile est. T A T. Quis igitur materialis iste deus? T R. Mundus, pulcher quidem, non tamē bonus. etenim ex materia constat, passionibusq; subjicitur: primusq; est eorum, quæ patiūtur: secund

secundus autem eorum, quæ sunt. Indigus præterea suapte natura, factus aliquando, semper existens in generatione, atq; genitus, qualitatuq; , & quantitatū omniū generatura. Mobilis enim. Omnis autē materialis motio, generatio dici debet. Intelligibilis quoq; itatus, hoc pacto motū materialem agit. Quoniā mundus sphaera est, id est caput, nec suprā materiale quicquam. quemadmodū neq; aliud sub pedibus intelligibile, at materialia cūcta. Mens verò caput in circulū agitatū, id est, secundū naturā capitis motum. quotcūq; igitur cōtingua sunt, capitis illius pelliculæ, quæ sanē anima est, immortalia nata sunt, quasi corpus sit in anima constitutū, animamq; habentia plena sunt corpore. Verū quicquid à pellicula procul, in qua sunt, quæ magis participant anima, corpus existit. totū verò animal est. Itaq; mundus ex materiali quodam, & intelligibili compositus est. Mundus animal primū, homo secundum, post mundum animal, primū autem animalium reliquorum. quodcūq; verò animæ munus conceditur aliis, homo quoq; possidet, neque solū non bonus, sed malus etiam, utpote mortalis perpenditur. Mundus enim non bonus, quia mobilis. non tamen malus, quoniam immortalis.

D S

Homo

Homo autē tum quia mobilis, tum etiam quia mortalis, malus esse censetur. Anima hominis in hunc vehitur modum. Mens in ratione, ratio in anima, anima in spiritu, spiritus in corpore. Spiritus per venas, arteriasq; , sanguinemq; diffusus, animal vndique ciet, molemq; corporis suspensam sustinet, atque circumfert. Vnde decepti quidam humorem sanguinis animam existimarunt; hos planē latuit, quia in primis oportet spiritum ad animam vsque manare. deinde sanguinem coalescere, venasq; , & arterias cauas extendi, demum resolui animal, eamq; mortem corporis esse. Ex vno autem principio cuncta dependent, principium ex vno, atque solo. Et principium quidem mouetur, vt rursus extet principium. ipsum tamen vnum præstat, nec ab vnitāte decedit. Tria igitur hæc sunt, Deus pater bonum, & mundus, & homo. Mundum Deus habet. mundus hominem. Mundus dei filius, homo genitura mundi. Neque enim ignorat Deus hominem, sed curam ejus habet, ab eoq; cognosci se vult. Hæc vnica salus homini, cognitio dei, hæc ad olympum ascensio. Ex hoc vno duntaxat anima bona, neque interdum quidem bona, aliās autem mala, at secundū necessit

cessitatem. T A T. Quomodo id asseris, ô
mi Trismegiste? T R I S M. Hoc, inquam,
asserô, animam pueri contēplari seipsam,
nondum ex natura sua propter corpus
egressam, nondum corpus omnino com-
pactum est, ac seipsam vndique pulchram
conspicere. Nam haud corrupta est adhuc
à corporis passionibus, mundi totius ani-
ma, tuncq; dependens. Quū verò compa-
ctum est corpus, animamq; in sui molem
dispergit, ac distrahit, tunc illa obliuioni
subjicitur, pulchritq;, ac boni visione pri-
uatur. Obluio autem ipsa improbitas est.
Idēque accidit iis, qui egrediuntur ex
corpore. Recurrente enim anima in se-
ipsam, spiritus in sanguinem, anima in spi-
ritum contrahitur. Mens à velaminibus
libera & diuina existens suapte natura
igneum sortita corpus, per loca omnia
circunuagatur, animamq; iudicio iusto,
ac merito supplicio derelinquit. T A T.
Quo pacto id ais ô pater? T R I S M.
Mens quidem ab anima, anima verò à
spiritu separatur. Indumentum mentis
anima. Indumentum animæ spiritus.
Cointelligere oportet, ô fili, cum dicente
auditorem, atque conspirare, auditumq;
acutiorē voce dicentis habere. Harum,
ô fili, vestium conuolutio in corpore ter-
reno

reno conficitur. siquidem nudam secundum se mentem in terra sistere mole penitus impossibile. neque enim potis est terrea fax mentem adeo diuinam suscipere, neque tantum numen paribili confirmatum corpore sustinere. Assumpsit ergo mens animam velut amictum. Quinetiam anima diuina existens, vehiculo spiritus utitur. Spiritus animal totum percurrit. Itaque quum primum mens a terreno corpore soluitur, proprium mox subit amictum, igneum videlicet corpus, quo sane quandiu circumtectata est, in terreum corpus turgescere nequit. Terra namque ignem minime sustinet, tota siquidem ab exigua scintilla cremaretur. Qua de causa terrenae moli circumfusus est humor, quasi quoddam ad combustionem ignis obstaculum: qui quum acutissimus ac velocissimus, sic omnium diuinorum conceptuum, singulorum comprehendit elementorum corpora: etenim ipse caelorum artifex, igne potissimum ad suam fabricam utitur. Opifex quidem totius utitur omnibus: omnis autem faber iis, quae sunt circa terram: orba namque igni mens hominis, ad humanamque dispositionem duntaxat idonea, diuina construere nequit. Humana certe anima, non omnis quidem, sed pia, beataque, diuina. Postquam vero huiusmodi

modi anima per mortem à carcere corporis est exempta. quū omnis subierit virtutis, pietatisq; mādāta, certè aut mens, aut deus efficitur. Certamen autem religiosæ pietatis hoc est, recognoscere deum, injuriam inferre nemini: anima tamen impia in natura propria remanet, ac seipsam nimium cruciat, corpus quærit, quod ingreditur, terrenū & humanum. Aliud quippe corpus quàm humanum, animam non capit humanam: neq; fas est in corpus animæ ratione carētis, animā rationalē corruere. Lex enim diuina generationē tam nefariā prohibet. T A T. Quo igitur modo cruciatur, ô pater, hominis anima, quódve suppliciū hujus animæ grauius? T R I S. Impietas, ô fili mi Tati. cuiusnā ignis ardētior flamma, quàm impietatis est? Quænam fera mordax ita corpus lacerat, ut impietas laniat animā? Nōne vides quot malis animus premitur impius? En sic, fili, vociferatur impius animus: Vror: absumor: quid agam nescio: deuorāt me miserum mala vndiq; confluentia: non video quicquam: heu miser, nō audio. Tales affiēti sunt animi voces: talis naturæ congrua mulcta: non qualē tu fortè fili, & alij quidam arbitrantur, quibus videtur anima nostra, postquam est humanam exuta
figur

figuram, in corpora degenerare brutorū.
 Hic enim impius error, verū castigatio-
 nis ejus, modus alter. Mens utiq; quū dæ-
 mon efficitur, ad obsequium dei jubetur
 igneum capessere corpus: inde in ani-
 mam transfusa nefariam, eam flagellis
 verberat peccatorum: his animus verbera-
 tus iniquus, ad neces, convicia, objurgia,
 rapinasq; varias sese vertit, ad ea denique,
 per quæ delinquent homines, vniuersa
 delabitur: at quum in sanctam mens in-
 fluit animam, extollit illam ad sapientiæ
 lumen. Hæc anima postmodum nūquam
 somni torpore languescit, sed & verbis pa-
 riter & operibus humano fert opem ge-
 neri, juuatq; modis omnibus, suum sem-
 per æmulata parentem. Quamobrem o-
 portet, ô fili, nos agentes deo gratias ob-
 secrare, ut bonæ mentis participes efficiamur:
 in melius quidem anima migrat, in
 deterius nunquam. Est etiam animarum
 communio quædam. deorum animæ com-
 municant hominum animis. Deus se
 communem singulis exhibet. præstantior
 enim cunctis ille. cuncta autem illo sunt
 imbecilliora. mundus deo, homo mun-
 do, homini brutum subiacetur. Deus su-
 per omnia est, & circa omnia. Dei ra-
 dij, actus existunt. mundi radij, sunt natu-
 ræ.

æ: radij verò hominis artes, atq; scientiæ.
Per mundum exercentur actus, iiq; in ho-
minē per mundi radios naturales descen-
dunt: naturæ per elementa: hominis per
artes, atque scientias. Hæc utiq; mundi to-
tius administratio, ex vnius natura depen-
dens, perq; vnam materiam rectè discur-
rens, qua nihil validius, nihil diuinius, ni-
hil denique magis vnitum. Hominum ad
deos, ad homines decorum cōmunio. Iste
bonus est dæmon: anima, quæ hoc plena
est, beata est, misera verò vacua. T A T.
Quānam ratione id ais, ô pater? T R I S M.
Scito, mi fili, quia anima omnis habet
ipsum bonū pro mente. de hac enim præ-
sens nobis est sermo, non de ministro hu-
jus, quē suprà diximus ex iudicio demis-
sum ad inferos. Anima mentis præsentia
destituta, nec agere quicquam, nec dicere
potis est. Sæpe verò mens extra animam,
quo quidē in tēpore, nec audit, nec videt.
anima, sed animali similis est ratione ca-
renti. Tanta est potētia mētis, quæ animā
huiusmodi deserit implicitam corpori, &
ab eodē tractā ad infera. Talis anima, fili:
mi, mentem nullam habet, ideoq; nec ho-
minem hunc appellare fas est. Homo si-
quidē animal est diuinū, nec est cum ter-
renis brutis, sed cum diis cælestibus com-
parandi

parandus. Quinimo, si audendum est verum fateri, homo verus vel cælicolis est præstantior, vel saltem pari sorte potitur. etenim quicumque cælitum descendit ad terram, cæli limitem deserit. homo autem ascendit in cælum, illudq; metitur: nec cum fugit quæ ima sunt, quæve sublimia, ad reliqua omnia diligenter inquirat. quodque majus est, terram quidem haud dimittens in cælum attollitur, tam ampla est humanæ naturæ potestas. Quamobrè audendum est dicere, hominem quidem terrenum, deum esse mortalem: deum vero cælestem, immortalem hominem. itaque horum virtute duorum, hominis scilicet ac mundi, gubernantur singula. vni demum cuncta subjiciuntur.

C O M M E N T A R I A.

Decimus deum omnia absolute esse constanter asserit, quæ singula singulatim participatione contrahunt. attamen deum patrem esse, & bonum eo ipso, quod ipse omnia est. Mox de anima in silentio raptu discussit. ubi quæ mentis oculis cernuntur, neque revelare fas, neque revelandi concessum est arbitrium. Quod autem de animalium transformatione subiungit, non verborum fictionem, sed fictionis allegoriam sequendam esse eiusdem Mercurij sequens sermo declarat, quum inquit: Aliud enim

enim corpus, quàm humanum, animam non
capit humanam: neque fas est in corpus animæ
ratione carentis, animam rationalem corrue-
re. lux enim diuina generationem tam nefas-
tiam prohibet. Et paulò pòst subiungit: Talis
natura congrua multa, non qualem tu fortè
fili, & alij quidam arbitrantur, quibus vi-
detur anima nostra, postquam est humanam
iuxta figuram, in corpora degenerare bruto-
rum. Hic enim impius error, quòd ei animam
ueneri causatur seipsam contemplantem. hoc
viderint qui mentem intelligentiamq; abditam
lesendunt. Hæc & similia Clauis.

Mens ad Mercurium.

XI.

DE fine tandiu differere, ô Trismegiste
Mercuri. file jam, antedictorum re-
niscere: etenim sensum tibi meum nō pi-
tebit exprimere, eoq; magis, quo multæ
& variæ inter mortales de mundo, deoq;
opinionēs pererrant. T R I S. Equidē, ut in-
genuè fatear, hujus rei veritatē nondum
eneo ipse. ergo, mi domine, purā exprime
eritatem. nam vnicum te elucidare talia
osse confido. M E N S. Audi me igitur, ô
li. tempus, deus, & vniuersum sic se ha-
ent. Deus æternitas, tempus generatio.
Deus æternitatem, æternitas mundum,
E. mund.

mundus tempus, tēpus generationem efficit. Dei quasi essentia est, bonū, pulchrum, beatitudo, sapientia, æternitas: essentia, ipsum idem. mundi ordo, temporis transmutatio, generatio, mors, & vita. actus dei, mens, & anima. æternitas, perseverantia, atque immortalitas, mundi institutio, & restitutio temporis. augmentū & diminutio, generationis deniq; qualitas. Æternitas ergo in deo, in æternitate mundus: tempus in mundo, in tempore generatio. æternitas extat circa deum, mundus in æternitate mouetur. tēpus terminatur in mūdo, generatio cōplectitur in tempore. Sors itaq; omniū deus, essentia verò æternitas. Opus æternitatis est mundus factus quidē non aliquādo, factus autem semper ab æuo. Quū verò nunquam cesset æuum, nunquam cessabit & mundus. Quumq; sit mūdos æternitate cōprehensus, nulla mūdi pars interit. T R I S. Dei verò sapientia quid est? M E N S. Bonum, pulchrum, beatitudo. omnis virtus, & æuum. vnde immortalitatem præstat æuum, perseverantiam materiæ tradens. Origo enim materiæ pendet ex æuo, quemadmodū ex deo æuum. Generatio quidem, ac tempus naturæ geminæ, & in cælo sunt & in terra. in cælo sanè immutabilia sunt hæc duo,

duo, atq; immortalia: in terra mutabilia,
corruptioni q; obnoxia: Æternitatis ani-
ma deus est, anima mundi æternitas, ter-
ræ anima cælum. Deus in mente, mens in
anima, anima autē in materia: omnia ve-
rò ista per æuum, totum hoc corpus, in
quo corpora omnia: anima mente, deo q;
plena, intima mūdi replet, cōplectitur ex-
tima, vitā omnibus hæc suggerit, extrin-
secus quidem, ingēti huic, perfectio q; ani-
mali mundi, intrinsecus autem cæteris,
quæ insunt mundo viuentibus. Supra q; in
cælo quod idem est, omnia sistens: infrā
verò in terra, generationē agitans. Mun-
dum profectò cōtinet æuum, siue per ne-
cessitatem, seu prouidentia, vel natura: &
si quid aliud quis cogitat, vel etiam cogi-
tabit vnquam, id omne deus agit. Actio
dei potestas insuperabilis, cum qua nec
humanam, nec diuinam vllam compara-
re quis audeat. Caue igitur, ô Mercuri,
nequid infernorum, nequid etiam super-
norum dei simile censeas: nam à veritate
penitus aberrares: nihil quippe simile est
ei, quod dissimile, solumq;, & vnum est.
Neque cuipiam putes eandem, quæ deo,
vim adesse: quid enim post illum tale, &
ad immortalitatem, & ad qualitatis trans-
mutationē? quid autem præter hoc aliud
A 2 deus

deus efficiet? neq; enim otiosus est deus: nam otiosa forent omnia: cuncta siquidē plena sunt deo: otium verò in nullis mūdi partibus reperitur: nomen profectò vanum est otium, tum secundum id, quod agit, tum etiam secundum id, quod agitur: vniuersa fieri necesse est, ac semper fieri secundum loci cuiusq; naturam. Agens non vni præsens est tantum, sed omnibus: nec vnum duntaxat, verum vniuersa producit: nam efficax existens in seipsa potestas, in iis, quæ facta sunt, minimè sufficiens est: sub ipsa enim sunt opera ab illo progenita. Agè, contēplare, pro me subiectum tuo conspectui mundū, atq; ejus diligenter circūspice formam, inuiolabile corpus, quo nihil antiquius per omne quidem adultum, ac vires. Inspice præterea mundos septē suppositos, ornatu mirifico fabricatos, ordine sempiterno, cursu suo differēter complentes æuum, plena lumine singula, ignis verò in illis nullo modo. Amicitia enim contrariorum, dissimiliumq; cōmistio, lumen instituit illustratū ab actu dei, bonorū omniū genitoris, totius ordinis principis, septemq; mundorū ducis æterni: lunam verò cæteris præcurrentem, naturæ organum, inferiorem materiam transmutantem, terram in mundi medio.

medio sitam, pulchri mundi subsellium,
nutrimentum terrenorum omnium, ean-
demq; nutricem. Meditare numerū mor-
taliū, immortaliumq; viventium, me-
dium verò quasi confinium utrorumque,
mortalium videlicet, atq; immortalium, lu-
nam ipsam circumeuntem. Anima rursus
omniū plena propriis ab ea motibus agi-
tata, partim quidē circa cælū, partim ve-
rò circa terram: nec ea, quæ dextra sunt, ad
sinistra, neq; læua ad dextra. Item nec su-
perna ad infera, neq; infera iterum ad su-
perna. Quòd autē hæc omnia genita sint,
ô dulcissime mi Mercuri, nequaquā nunc
opus est ut me differente perdiscas: nam
corpora sunt, habentq; animā, & mouen-
tur. hæc autem in vnū cōgredi absq; con-
gregantis virtute impossibile est. Opor-
tet igitur aliquem esse talem, ac penitus
vnum. Nam quum multi, variiq; sint mo-
tus, & dissimilia corpora, vnus autem or-
do velocitatis in omnibus, impossibile est
duos, aut plures esse factores: neque enim
ordo vnus probaretur in multis. Præterea
qui inter illos imbecillior esset, potentio-
ri nimirum inuideret, ex quo seditio quæ-
dam exoriretur. Itaq; si vnus eorum actor
mutabilium animalium extitisset, cuperet
quoq; immortalia gignere, quēadmodum
3 genit

genitor immortalium affectaret mortalia: quin etiā vna existente anima, vnaq; materia, ad quem illorum potissimum fabricatio pertinet? Quod si ad vtrumq; ad quem prouincia maior? sic autem cogita, omne corpus viuens, seu mortale siue immortale, ex materia constat & anima: omnia sanè viuentia corpora animata sunt, non viuentia verò nuda pæne in omnia. Anima quoq; similiter secundum seipsam suo propinqua parenti, vitæ causa est: vitæ autem causa est quilibet immortalium. Quonam igitur modo mortalia viuentia differunt à mortalibus? itemq; ab immortalibus? immortalia? esse itaq; horum omnium actoris præ cæteris est præcipuum. Nam anima vna, vita vna, vna quoq; materia. Quisnam iste, quis alter præter vnicum deum? Num alteri cuiuspiam quàm soli deo conuenit procreare viuentia? Vnus itaq; deus mundum vnū est confessus, Solem vnum, vnicam Lunā, vnam quoq; diuinitatē. Ipsum verò deum, vnum quidem credimus esse. Vnus igitur, singula facit in multis. Num censes arduum quiddam, & laboriosum deo vitam animam, immortalitatem, mutationemq; efficere? Tu enim tot, tantaq; potes, vides, audis, odoras, gustas, tangis, loqueris, graderis, spiras, intelligis. Neq;
alter

alter est in te, qui videt, quive audit alter. Nec loquitur vnus, graditur alius, hic odorat, ille gustat, hic spirat, intelligit ille: at vnus hæc omnia præstat, neq; etiã possibile est illa sine dei natura fieri. Vt enim qui cessat ab iis, non est ampliùs animal, sic qui ab illorum constructione cessaret, minimè deus esset. id autem suspicari nefarium. Quòd si concessum nihil in rerũ natura consistere, cui non insit naturalis quidam agendi vigor, simulq; certi operis executio, quantò magis asseuerandum est, deo non deesse potestatem omnium, & effectũ? nam quicquid otiosum, imperfectũ, imperfectum dicere deum, nefas. facit igitur omnia deus. Nunc mihi id paululum temporis, ô Mercuri, totus adesto, ipsum te mihi dedito, opus dei confestim intelliges. Hoc opus adesse necessarium erat, vt essent ea, quæ fiunt, quæ'ue fiebant, & quæ fient in posterum. Id autem, ô suauissime mi Mercuri, vita est, id verò pulchrum, id autem bonum, id deniq; deus. Sin autẽ petieris, vt hæc tibi per exempla operum ante oculos ponam, aduerte quid tibi accidat generare volenti. non tamen illius hoc simile: ille siquidem non diffunditur voluptate, nō habet operis adiutorẽ. Suapte natura efficax, vi propria operans

uersatur, in opere semper existens ipse, quodcunq; fecerit vnquam. Si à quodam influxum suum ille subtraxerit, deficiente vita in mortem corrueunt vniuersa. Quum verò viuant omnia, vnaq; sit vita cunctorum, vnus est deus. Rursus si omnia viuentia sunt, & quæ in cælo videntur, & quæ jacent in terra, vna profectò vita cunctorum manet ex deo, atq; ipsa & ipse est deus. ab vno fiunt omnia conditore. Vita verò est vnio mentis, & animæ: mors autē non perniciēs concretorum, sed vnionis pluriū dissolutio. Imago ergo dei æuum, æui mundus, mundi sol, solis autē homo. At verò mutationem quandam, populi mortem esse arbitrantur, ob eam cauam, quia moles resoluitur corporis, & vita se reuocat in occultum. Equidem, ô dilecte Mercuri, mundum quidem mutari hac te docco ratione, quia quædam illius particulæ in occultū jugiter abeunt, nunquam tamen interire illum existimato. Hæ profectò mundi sunt passionēs, reuolutio scilicet, atque occultatio. Reuolutio quidem cōuersio, occultatio autem renouatio est. Omniformis præterea mundus formas haud sanè aduentitias, peregrinasq; suscipit. Verū ipse eas in seipso coagitat, etiam omniformis mūdi similis erit: at si vnicam
formam

formam habuerit, in hoc erit mundo dete-
rior. Quid itaque dicemus ad hæc? ne obse-
ro in ambiguo resistamus. Quod enim
a diuinis ambiguum, nōdum cognitum:
nam igitur habet ideam: huius autē idea
impropria, quā aspectū fugiat oculorū, in-
corporea est, formasq; per corpora singu-
la exprimit. Neq; vllate prorsus admira-
tio teneat, quia sit quædam incorporealis
idea: est enim qualis idea sermonis, & in-
scriptionibus apices: videntur enim per
multū excedere: planè tamen ex natura, le-
uesq; sunt. Meditare autem quod nunc di-
citur audentius, quodq; verius etiā affere-
tur, quæadmodum homo nequit sine vita
vivere, ita nec deus vivere potest, nisi bo-
na producat: Hæc enim dei vita, hic ejus
actus, agitare singula, vitamq; omnibus
inspirare. Quædam verò eorū, quæ suprā
diximus, certam quandam requirūt intel-
ligentiam. Considera in hoc exēplo quid
notissimū significare velim. Omnia sunt
a deo, non tanquam in loco posita. Lo-
cus enim corpus est immobile, atq; ea quæ
posita sunt, motu carent. Locatur quippe
aliter in corpore, aliter in phantasia. Co-
gita singula continentē, cogita nihil esse
quā incorporealis natura capacius, nihil
clocius, nihil validius, ipsumq; omnium

E S capa

capacissimum, velocissimum, potentissimum. Sic iterum à teipso incipiens meditare, atq; animæ tuæ præcipito, quæ citius quàm præcipies euolabit. Iubeto, inquam, ut transeat in oceanum, illa, prius quàm iusseris, ibi erit, inde, ubi nunc est, nequaquam discedēs. Iubeto iterū, ut in cælum volet, nullis pennis egebit, nihil ejus obstabit cursui, non solis incendium, non ætheris amplitudo, non vertigo cælorum, non syderum reliquorum corpora, quin penetrās omnia, ad supernū corpus vsque transcēdat. Quinetiam si volueris globos omnes transire cælorum, quodq; superius est, inuestigare, id quoque tibi licebit. Aduerte quanta sit animæ tuæ potestas, quanta celeritas. Tūne potes ista, deus nō possit? Hoc igitur pacto contemplare deum, ut in seipso intelligētias omnes habētem, habentemq; seipsum ceu mundum penitus vniuersum, nisi te deo æquaueris, deū nunquam intelliges: nam simile semper à simili suo cognoscitur. Extende teipsum in magnitudine sine termino, emerge ex corpore, totū supergredere tempus, æternitas esto: sic deum deniq; noueris, impossibile nihil in te ipso supponens. Teipsum immortalem puta, comprehendere cuncta potentem, scientiam omnem, atq; omnem
pari

pariter artē : omni sublimitate sublimior
esto, omni fundo profundior, sensusq; fa-
ctorum tuorum singulos in te colligito,
ignis, aquæ, aridi, humidi, adesto simul
mundi partibus omnibus, cælo, terræq;
mariq;, per omnē ætatē, extra corpusculi
tui utrē habitato, per mortem nihil inte-
rire putato. Cuncta hæc simul cōprehen-
dito, loca, tēpora, moles, qualitates, & quā-
titates, sic deum intelligere poteris. Con-
trā, si animam tuā in corpus demerferis,
ipsamq; abjeceris, iisq; te verbis in cœnā
prostraveris, neq; scio quicquam, neq; sci-
re etiam valeo, vastum horreo maris fun-
dum, in cælum volare nequeo, non novi
quid nunc sim, non novi quid sim futurus
in posterū, quid tibi cum deo? neq; enim
potes, quum sis malus, corporisq; fœtidi
seruus, ipsum pulchrum, bonumq; perci-
pere: extrema verò prauitas, non recogno-
scere deum. At verò cōfidere, atq; sperare
se, bonum aliquando reperire posse, via
quædam diuina est, ad bonum recto trami-
te ducens, facilisq;, & peruia, passim pro-
cedenti tibi semper occurret, ambulanti,
nauiganti, die, nocte q; loquenti, pariter
atq; tacenti: nihil est enim in rerum na-
tura, quod non aliquam præ se ferat diui-
nitatis imaginē. TRIS. Nōne inuisibilis
deus?

deus? MENS. Religiosius loquere Trismegiste: nam quis illo lucidior? Ille quippe omnia ob eam causam fabricauit, ut eum per singula cerneret. Hæc dei bonitas, hæc ejus virtus est, illud fulgere per omnia. nihil est vel in incorporeis etiam inuisibile, mens ipsa intellectione videtur, deus autem in operatione conspicitur. Hæc hactenus enodata tibi sint, Trismegiste: cætera omnia ipse per te jam perscrutaberis, neque falsa veritatis imagine decipieris.

COMMENTARIA.

Vndecimus de mente, diuino sermone plenus declarat aeternitatem à deo, mundum ab aeternitate, tempus à mundo, transmutationem à tempore, à transmutatione mortem, atque vitam pendere, insuperabili dei potestati nullam potentiam, nec diuinam, nec humanam, nec supernorum, nec infernorum comparabilem esse, quem unicum esse cum rationibus, tum analogis, grauissimè permonstrat: qui quum otiosus esse nequit, semper omnia facit: quod de aeterna verbi generatione dictum rectè concipias: ait enim quòd opus diuinum adesse necessarium erat, ut essent ea quæ fiunt, quæ fiebant, & quæ fient in posterum, id vita est, id pulchrum, id bonum, id denique deus, & vita cunctorum: sed quid hoc nisi quod aliùs
Euan

Euangelistæ tuba cecinit, quum inquit: In principio erat verbum, & verbum erat apud deum, & deus erat verbum. Hoc erat in principio apud deum, omnia per ipsum facta sunt, & sine ipso factum est nihil. quod factum est, in ipso vita erat. Cunctorum ergo vita, à deo manat, atque ipsa deus est. Quò fit, ut ea vera mors, verusq; in non sit rerum interitus, qui pulgò putatur, verum ea, qua viventium vita in abditum se reuocans, res deserit. Mira profectò proportionem ad eum comprehendendum vititur, qui omnem effugit proportionem, qui comprehensus incomprehensibilis manet, & qui omnibus incognitus, omnibus in rebus se præstat cognoscibilem. Vos ergo quicumque huc huc toti nunc adesse, & mentis sermonibus vestram mentem inclinate, ut eum tandem cognoscatis, qui omnia ob eam causam fabricatus est, ut eum per singula cerneretur. Hæc Mens.

Mercurij ad Tatium de communi. XII.

MENS quidem, ô Tati, ex ipsa dei essentia, si qua tamen est ejus essentia, nascitur. Hæc qualiscunq; sit, sola seipsam sincera comprehendit. Mens igitur ab essentia dei nequaquam diuisa, sed illi potius eo modo connexa, quo Solis corpori lumen

lumen. Hæc mens deus est in hominibus, atq; id circo nōnulli ex hominum numero dij sunt, eorumq; humanitas est diuinitati quàm proxima: etenim bonus dēmon deos quidem prædicat immortales, homines autem mortales deos. In animalibus autem irrationabilibus, mens illa natura est. Nam vbicunque anima, ibi quoque mens: quemadmodum vbicūque vita, ibi etiam anima in viuentibus: absq; rationis discursu, anima est vita vacua mētis: mens quippe adiutrix est hominum animarum, eas in bonum proprium reuocans. In animalibus ratione carentibus, quum natura cuiusq; operando concreditur, in animis hominū resistit interdum, atq; repugnat. Anima siquidē infusa corpori, à voluptate, atque dolore continuo deprauatur, ex corporis enim commistione voluptas, & dolor, ceu riuuli quidā scaturiunt, in quos madens anima suffocatur. Quibuscunque igitur animis mens præsidet, suo illa fulgore illustrat, earum moribus, malisq; resistens: quemadmodum verò medicus eruditus ægrotantis corpus doloribus afficit, vrendo illud, atque secando, recuperandæ valetudinis gratia: eodem modo mens voluptuosam affligit animam, vt radices voluptatis euellat: ab hac enim omnis ani-

mæ

anæ morbus: morbus animæ grauiſſimus,
impietas eſt, opinio autem nō ad bonum
porſus vllum, ſed ad malum potiùs. alli-
git. At verò mens illa repugnans, ſic ani-
mæ bonum procurat, vt ſanitatē corpo-
is medicus. Quotcunq; hominum animæ
nentem nequaquam ſortitæ ſunt guber-
atricem, eadem, quæ & brutorū animæ,
patiuntur. Dimittit eas mens cupiditatum
imperio, ad quarum expletionem ardenti
quodam impetu perferuntur, rituq; ferarū
immoderatè & irāſcuntur, & cupiunt.
Quodq; deterius eſt, nec finem imponunt
ibidini vllum, nec malorum inueniunt,
paſſionumq; terminum. Hiſce velut liſto-
rem, vt vindicem deus legem propoſuit.
R A T. Hic, ô pater, diſputatio illa de fato,
quam in ſuperioribus imperfctam reli-
quimus, reuiuifcit. Nam ſi decretum ſit
quosdam adulteros, quosdam fore ſacri-
egos, cur aliquis inde mulctatur, quando-
quidem cōpulfus fati neceſſitate delique-
rit? T R I S. Omnia ſunt fati opera fili: abſ-
que illo nihil eſt corporaliū, non bonum
ſine illo quicquam poteſt, non malum fie-
ri ſine illo. Decretum eſt, eum, qui turpe
quid commiſerit, pati: ille ob id commit-
tit, vt patiatur inde quodcunq; patitur,
quando commiſerit. Cæterum de fati, ac
delicto

delictorum suppliciis, in aliis diximus. Præterens verò nobis est sermo de mente, quid mens valeat, quàm differens in hominibus, ac brutis sit ejus instinctus. atq; iterum quomodo in brutis quidem non est mens ipsa benefica, in hominibus autē libidinis impetum cohibet, iracundiæ restinguit ardorem. ex quo sequitur, ut inter homines, irracionales quidam, nonnulli rationales existant. Cuncti verò homines fato, generationi, trāsmutationi subjiciuntur: initium quippe finisq; fati duo hæc, generatio, scilicet, ac trāsmutatio. Et homines vniuersi id quidem patiuntur, quod instituit fatū. Verū rationales illi, quibus diximus mentem ceu gubernatricē assistere, non eodem modo, quo cæteri patiuntur, imò ab improbitate alieni, existentesq; non mali, patiuntur minimè malum. T A T. Quomodo rursus hæc ais, ô pater? T R I S. Adulter nōne malus? homicida nōne malus? Homo non adulter patitur, sed quemadmodum adulter. Non homicida, sed quemadmodum homicida. Qualitatē trāsmutationis efugere impossibile est, sicut & generationis effectum, prauitatem verò mentē habenti vitare licet. Quamobrem ego, mi fili, bonū semper dēmonem audiui dictātem, qui

qui si literis quæq; monimēta mandasset,
mira quædā in dies humano generi emo-
lumenta conferret. Solus ille, mi fili, tan-
quam ipse pro me genitus Deus, vniuersa
cōspiciens, diuina in nos effudit oracula.
Nunc equidem audiui sic aliquando præ-
dicantē, vnū omnia sunt, præsertim intel-
ligibilia corpora: viuimus potentia, actu,
æternitate Mens hujus bona, quemadmo-
dum & ejus anima bona: quū id ita se ha-
beat, nihil est intelligibilium ab intelli-
gibili distās. Potest præterea mens princeps
omnium, atq; anima Dei, quæcunq; vult
efficere: hæc ille. Tu igitur ista considera,
& ad hunc, quem inferam, sermonem de
fato, mente, arrectisq; auribus adsta. Si di-
ligēter litigiosas captiunculas enitaueris,
inuenies absq; dubio, quod mens anima
Dei dominatur omnibus, tum etiam legi,
ac cæteris vniuersis. neq; aliquid illorum,
quæ ad fatum spectant, impossibile men-
ti. Ideoq; humanus animus fato superior,
non tamen, quæ fato subiecta sunt, negli-
git. atque ista sunt oracula boni dæmonis
optima. T A T. Verè diuinè, atque etiam
commodè tractasti hæc, ô pater. At illud
insuper mihi declares obsecro. Mētem in
brutis operari naturæ modo dixisti, cum
illorum affectibus cooperiātem. Affectus
F autem

autem irrationalium (vt arbitror) passiones sunt: mens ergo passio quædam est, sic enim passionibus conformatur. TRISM. Euge, fili bone, quàm generosè rogas! æquum est vt tibi respondeam. Omnia, quæ insunt in corporibus incorporea, patibilia sunt, imo passiones propriè sũt. Omnis motus corporeus, in corpora quoq; mouetur à mente. motus autem passio. Vtraque ergo, tum quod mouetur, tum etiam quod mouet, patiuntur: hæc quidem dominans, illud verò subiectum. Quũ verò separatur à corpore, à passionibus liberatur, imo nihil vsquam impatibile, fili: cuncta enim patibilia. Sed passio & patibile in hoc maximè differũt, quòd vnum agit, alterum patitur: corpora verò secundum seipsa etiam agunt: aut enim immobilia sunt, aut mouentur: vtrum verò sit horum, passio est. Incorporea autem operantur semper, proptereaq; patibilia sunt. Neque appellationes moueant. operatio enim, ac passio idem, vocabulo tamè magis honorando vti nil obest. T A T. Perspicuam de his rationem reddidisti, ô pater. T R. Illud præterea considera, ô fili, quòd duo hæc soli ex omnibus animalibus homini Deus ipse largitus est, sermonem scilicet, atque mentem. quæ quidem
ejusd

eiusdē (ac immortalitas) prēmij esse cēsen-
tur. Iis quisquis ad id, quod decet, utitur,
nihil ab immortalibus discrepat. Quin-
etiā corporis solutus cōpedibus, ab vtrif-
que ducetur in chorū beatorū simul, atq;
deorum. T A T. Cætera præter hominem
animantia, nōne sermone utuntur? T R.
Non, fili, sed voce. permultum interest vo-
cem inter, atque sermonem: sermo cun-
ctis communis hominibus, vox autem
propria cuiusque hominis, propria etiam
cuiusq; generis animantium. T A T. O pa-
ter, diuersa genera hominū, diuersis utun-
tur sermonibus. T R I S M. Diuersis, ô fili:
vnus etiam sermo, qui per interpretatio-
nem huc, atque illuc translatus, vnum de-
nique verbum existere reperitur. Verbum
idem apud Ægyptios, Persasq;, & Græ-
cos. Sed videris, mi fili, verbi virtutem, &
amplitudinem ignorare. Beatus Deus, dæ-
mon bonus, animā esse in corpore, men-
tem in anima, in mente verbum pronun-
ciauit: Deum autem horū patrem asseruit.
Verbum itaq; imago, ac mens Dei est: est
corpus quidem ideæ, ideā verò anima est,
purissimāq; materiæ portio aër, aëris ani-
ma, animę mens, mētis deniq; Deus. Deus
verò circa omnia, simul atque per omnia,
mens circa animā, anima circa aërem, aër

circa materiam. Necessitas autem, prouidentiaq; , & natura , organa mundi sunt, ordinisq; materix. Etenim intelligibiliū vnumquodq; essentia , essentia verò illorum ipsum idem. At eorum, quæ mundo insunt, corporum, vnumquodq; est multitudo. Corpora composita ipsum idem habentia, atque inuicem mutuò transeuntia, immortalitatem ipsius ejusdem perpetuò seruant. In cæteris corporibus, quæ composita sunt, corporis cuiusq; numerus est. absque numero constitutionem, vel compositionem, vel dissolutionē fieri impossibile est: vnitates quippe gignunt, atque augent numerū, rursusq; solutæ, in se numerum retrahunt. Materia quidē vna, totusq; hic mundus, magnus est Deus, imago maioris, vnitus illi, patris ordinē, voluntatēq; seruans, vitæ totius integra plenitudo: neque est in eo quicquam per omnem æternitatē, restitutionemq; paternam seu ad totum, siue ad partem spectās, quod non vita fruatur: neque est vitæ expers in mundo quicquam, nec fuit antè, nec erit. Viuentem enim voluit pater ejus, quādiu est, esse mundum, vnde Deū hunc esse necesse est. Quomodo possunt, ô fili in Deo, in totius imagine, in plenitudine vitæ, esse quædam vita carentia? Priuatio

vita

vitæ corruptio est, corruptio verò pernicios. Quonam igitur pacto, pars vlla ejus, quod incorruptibile est, corrumpi, vel dei quicquam destrui potest? T A T. Nónne, ô pater, animalia, quæ in mûdo sunt mundi partes, intereunt? T R. Rectius loquere fili. Erras enim in nomine: non moritur in mundo quicquam, sed composita corpora dissoluuntur: dissolutio mors non est, sed mistionis resolutio quædam: soluitur autem vnio, non vt ea, quæ sunt, intereant, sed vt vetera iuuenescant. T A T. Quum sit quædam operatio vitæ, nónne motio quædã hæc est, atq; idcirco, quid in mundo immobile? T R. Nihil, ô fili. T A T. Nunquid immobilis tibi terra videtur? T R. Minimè, sed multis motibus agitata, sola tamen hæc quodammodo stabilis. An nõ ridiculum esset ipsam nutricem omnium, concipientē, parturientemq; singula, motu carere? impossibile enim aliquid absq; motu parere. Nec minus ridiculum illud, quàm id corpus sterile nuncupare: nihil enim aliud ipsius immobilis appellatio, quàm sterile quiddam significat. Torum hoc, ô fili, generatim considera, quod est in mundo, aut crescendo, aut decrescendo mouetur. Quod verò mouetur, id præterea viuít: singula tamen viuétia, haud eadem
3 esse

esse necesse est. Simul quippe mūdus vniuersus existens, totus quidem immobilis, partes autem ejus agitabiles vndiq;, nihil tamen corruptioni subiectum, sed appellationes quædam falsæ homines turbant. Neq; enim generatio, vitæ creatio est, sed latentis explicatio vitæ: neque mutatio mors, sed occultatio potius. Quū hæc igitur ita se habeant, immortalia cūcta. Materia quidē vitæ spiritus est, mens animæ. Ex mēte viuēs omne profuit. Omne igitur viuens per mētem, permanet immortale. Maximè verò omniū immortalis est homo, qui Deum capit, qui diuinæ cōformatur essentiæ. huic enim soli ex omni viuentiū genere, deus ipse congregitur, nocte quidem per somnia, die crebrius per portenta, per quæ omnia sibi futura prænūciat, per aues, per intestina, per spiritū, perq; Sibyllam, propter quæ verè dicitur homo scire, Quæ sunt, quæ fuerint, quæ mox ventura trahantur. Illud autē in primis animaduertas, fili mi, velim, quòd vnumquodque genus viuentium reliquorum, propriam mundi prouinciam habitat: humida quidem aquam, terrestria terram, aērē volatilia: homo autem in omnibus vtitur, terra, aqua, aērēq;, & igni, cælum suspicit, sensuq; illud attingit: Deus verò

verò circa omnia simul, atque per omnia,
 factus enim est omnium, atque potestas. nam
 arduum quiddam est, ô fili, Deum percipe-
 re. Hunc quoties intueri volueris, aduerte
 mundi ordinem, atque ordinis ejus orna-
 tum. Aduerte necessitatē eorum, quæ sen-
 su percipiuntur, prouidentiamq; cuncto-
 rum, quæ facta sint antè, & quæ quotidie
 fiunt. Aduerte plenam vitæ materiam, ta-
 lem, ac tantū Deum cum omnibus bonis,
 & pulchris diis dæmonibus, atque homi-
 nibus incedentem. T A T. At istæ, ô pater,
 operationes quædam sunt? T R. Ah fili,
 vnde hæc, nisi ab ipso Deo proficiſcuntur?
 num ignoras, quòd quemadmodum mū-
 di partes sunt cælum, aqua, terra, & aër:
 eodem modo Dei membra, vita, immorta-
 litas, necessitas, prouidentia, natura, ani-
 ma, mens? Horumq; omnium participa-
 tio ipsum bonum: neq; fit aliud vsquam,
 nec est factum, vbi Deus ipse non adfit.
 T A T. In materia ergo pater. T R I S M.
 Materia, fili mi, seorsum est à deo, vt locus
 illi proprius assignetur. Quid aliud illam
 existimas, quàm rudē, indigestamq; con-
 geriem hanc existere posse? ne secus cre-
 das nisi formetur. Quòd si formatur, ab
 aliquo certè formatur: operationes enim
 formandi, partes Dei esse diximus. A quo
 ergo

ergo vita donantur animantia singula, à quo fiunt immortalia, quæ immortalitatis munere perfruuntur, à quo mutantur, quæ mutabilia sunt, siue materiam, seu corpus nuncupaueris, Dei actus esse memento. Actumq; materiæ, materiæ rationem: actum corporeum, corporum rationem: actum essentiæ, essentiæ rationem: idq; omne, neque quicquam est in omni quod non sit ipse Deus. Itaq; nec magnitudo, neque locus, neque qualitas, nec figura, neque etiam tempus circa Deum: omne enim est. Omne autē circa omnia, atque per omnia. Hoc verbum, ô fili, cole, atque adora. Cultus autem Dei vnus est, non esse malum.

COMMENTARIA.

Duodecimus de inferiore mente, qua prima mentis imago, aut vestigium quoddam est prosequens post primæ mentis exactam determinationem, eam singulis animabus associat, sed in irrationalibus mens natura est, in hominibus autem ratio: cuius beneficio quicunque hominum destituuntur, ritu ferarum flagranti quodam impetu ad cupiditatum expletionem rapiuntur, nec finem suæ libidini statuunt ullum, nec suorum malorum inveniunt, passionumq;
terminis

terminum, qui fato, diuinoq; decreto patiuntur,
dantq; sua meritis ignorantia pœnas. Boni con-
trà, quibus mens praesidet boni, pulchriq; ima-
go, bona suscipiunt, quæ illis constituerit fa-
tum. Minime ergo fatum effugies: lex siquidem
diuina est fatum, mala tamen, pœnaq; prau-
tatis assecclas fugere potes. Mercurius oraculo
plenus multa discutit, sæpius oraculum infun-
dentem audiuit. duo diuina in hominibus mune-
ra commendat, mentem, atque sermonem. Ora-
cula boni demonis, vel, si mauis, celestis spiri-
tus diuinitus afflantis aperit, de deo, de verbo,
de mundo, de materia, nihil esse in mundo vitæ
expers, nihil mortale dicendum, sed potius disso-
lubile, quid esse sentiendum, nihil immobile.
Et soli dissolubili homini Deum varijs mo-
dis congregi, & quo pacto ex sensibilibus ad
Deum percipiendum homo assurgere possit. Hac
duodecimus.

Mercurij ad Tatium filium suum, de genera-
tione, & impositione silentij. X I I I.

TA T. In communibus pater sermoni-
bus, per ænigmata quædam, ac sine
declaratione ullius adjunctionis, de dei-
tate tractasti, asserens ante regeneratio-
nem saluum fieri neminem. Equidem,
dum ascendeabas in montem, supplex tibi
F S tunc

tunc astiti, obsecrās, vt mihi regenerationis rationem aliquādo referarēs : id enim solum restabat tunc mihi discēdum. Tunc demum spondidisti te reuelaturum, quū à mundo forem alienatus. Ecce jam paratus sum, pater, à mente mea mundi deceptiones excussi. tu ergo serua promissa. Regenerationis modum vel palām, vel clanculum, vt lubet, ediffere. Ignoro, ô Trismegiste, qua ex materia, quōq; semine natus fuerit homo. T R. O fili, contemplatiua in silentio sapientia, semen eius verum bonum. T A T. Quonam serente, pater? hoc enim ignoro. T R. Voluntate Dei, mi fili. T A T. Et quanti est, qui non est genitus? expers enim intelligibilis essentia. Quodd si aliter se habeat, qui gignitur, Deus erit Dei filius. T R. Omne in omni, constans ex omnibus potestatibus. T A T. Ænigmata fingis, ô pater, neq; patris more cum filio loqueris. T R. Hoc genus, ô fili, non eruditur. verbum quoties vult, sub insinuatione quadam in Dei memoriam reducit. T A T. Impossibilia inferis, ac nimium violenta, quapropter his cupio contradicere. T R. Admodum discrepas à paterno genere Tati. T A T. Ne inuideas mihi pater, legitimus enim sum filius. Agè precor, regenerationis modum
me

me doce. T R. Quid dicam fili? quod dicam præter hoc nō habeo quicquā, quod verum cerno spectaculū, ex Dei benignitate mihi jam oblatū, vnde in corpus sum immortale translatus, sumq; non ille, qui prius fueram, ac mēs nuper effectus. hoc mysteriū non docetur. Vide hoc elemēto formato, per quod videre licet, per quod neglecta est à me prima cōposita species, non quod sim coloratus, tactumq; ac terminum habeam: ab iis enim in præsentiarum alienus sum. T A T. In furorem me, insanumq; mentis æstrum, ô pater, nimiū concitasti, in præsentiarū me ipsum haud video. T R I S M. Utinam, fili charissime, tu quoq; teipsum non dormiens transcurrisses, instar eorum, qui somno in somniis occupantur. T A T. Dic age, quis est regenerationis auctor? T R. Dei filius homo, vnius voluntate Dei. T A T. Nunc mutū, ô pater, ac stupidum reddidisti: ipse quoque à pristino statu mentis alienatus, eandem aspicio imarum rerum caractere magnitudinem, in eoq; mendacium. Mortalis enim species per dies singulos trāsmutatur, hæc ad tempus, vtpote falsa, in augmentum, detrimentumq; vertitur. quid ergo verum Trismegiste? T R. Quod non perturbatum, non determinatum, nō color

coloratum, non figuratum, non cōcisum, nudum, perspicuum, à seipso comprehensibile, intransmutabile bonum, ac penitus incorporeum. T A T. Infans jam re vera, mi pater, quumq; sapientem abs te sperassem me fieri ejuscemodi cognitione, sensus obrusi sunt. T R. Sic accidit, fili. Nam sursum latum, vt ignis, & deorsum latum, vt terra, & humidum, velut aqua, necnon spirans, vt aër, quomodo ipsum sensu percipies, non durum, non molle, nō densum, non penetrabile? solum potentia, atq; actu considerandum. qui verò potest, oret, vt generationem, quæ in deo est, intelligat. T A T. Impotens ego sum pater. T R. Absit hoc, ô fili. recurre in teipsum, & consequeris. velis, ac fiet. Purga sensus corporis, solue te ab irrationalibus materiæ ipsius vltoribus. T A T. Num vltiores intra se sunt? T R. Non pauci, ô fili, sed horribiles, ac multi. T A T. Ignoro, ô pater. T R. En fili, hæc vna est vltrix, ignorantia: secunda, tristitia: tertia, inconstantia: quarta, cupiditas: quinta, iniustitia: sexta, luxuries: deceptio, septima: octaua, inuidia: fraus, nona: decima, ira: vndecima, temeritas: duodecima verò, malitia. hæc quidem sunt numero duodecim: sub his plures aliæ continentur, quæ per corporis

carc

carcerem inclusum, tristem hominem sensibus pati cogunt: absunt autē istæ ab eo, qui est dei frater clementia. Atq; ita constat regenerationis modus, ac sermo. Deinceps sileto, mi fili, deumq; silendo laudato, eoq; pacto diuina clementia nunquam à nobis aberit. Gaude deinceps, mi fili, nam potestate diuina in contemplationem es veritatis eleuatus. Descendit in nos cognitio dei: hac accedente, repulsa est ignoratio. Descendit in nos cognitio gaudij: hac præsentē tristitia penitus aufugit, in eosq; se vertit, qui ad eam parati sunt capiendam. Potestatem voco ad gaudium perducentem constantiam, cuius vis procul dubio suauissima est. Complectamur igitur eam libentissimè, fili: ea enim, quum primùm aderit, mollitiem omnem prorsus expellet. Quartā verò nunc continentiam voco, vim vniuersarum victtricem cupiditatum. Gradus hic, ô fili, iustitiæ fundamentum existit. Aduerte autem quo pacto à cunctis operibus iniustitiam expulit, iusti quidem effecti sumus, absente iniustitia, fili. Sextam voco potentiam in nos descendentem, communionē scilicet aduersus excessum, hac deniq; discedente, inuoco veritatem, aufugit mox deceptio, veritas adest. Vide quomodo absoluit

solutū est bonum, veritate præsentē. Li-
 uor enim discessit à nobis. veritatis enim in-
 natum est bonum, cum vita simul & lu-
 mine, nec vltra iræ vindex accessit. Verūm
 vltrices omnes repentino quodam impe-
 tu rejectæ sunt. Intellexisti, fili, regenera-
 tionis ipsius modū, denario præsentē nu-
 mero, intellectualis generatio composita
 est, quæ duodenarium numerū reiicit. Idq;
 ex ipsa generatione speculati sumus. Qui-
 cunq; igitur propter benignitatem gene-
 rationis, quæ secundū deum est, sensum
 amittit corporeum, seipsum cognoscit ex
 diuinis compositū, factusq; inde cliuus, di-
 uina potētia tota mente lætatur. T A T. O
 pater, concipio, non oculorum intuitu, sed
 actu mentis, qui per vires intimas exerce-
 tur: in cælo sum, in terra, in aqua: in aëre,
 in animalibus sum, in arboribus, in cor-
 pore, ante corpus atq; post corpus. At id
 præterea mihi dicas velim, quomodo vl-
 trices tenebrarum numero duodecim, à
 decem potestatibus repellūtur. Quis mo-
 dus Trismegiste? T R I S M. Tabernaculū
 istud, ô fili, est ex zodiaco circulo consti-
 tutū, qui ex duodenario numero constat
 illo Numeriq; vndecim sunt, vnus omni-
 formis secundū ideas naturæ, ad homi-
 nis peruagationem, atq; circuitum. Itaque
 disug:

disiugatae quodammodo sunt ab inuicem
ultrices illae, in agendo tamen quodāmo-
do conjugatae, ut ecce inseparabile est ab
ira temeritas. Merito ergo secundum rectā
rationem eatenus interuallum, quatenus
à potestatibus decem, id est à denario nu-
mero repelluntur. Denarius, ô fili, animæ
genitor est. Vita verò, & lux, ibi unitæ
sunt, ubi unitatis ipsius numeri sunt ex
spiritu nati: itaq; unitas secundum rationē
denariū complectitur, rursusq; denarius
unitatem. T A T. Eia, pater, vniuersum vi-
deo, meq; ipsum in mēte cōspicio. T R I S.
At hæc est regeneratio, ô fili, non adesse
ulterius corpori, quantitate dimenso. Ob
hanc profectò rationem, regenerationis
mysterium protuli, ne simus calūniatores
totius aduersus multos, quos deus ipse
vult. T A T. Responde ad hæc, ô pater, cor-
pus istud ex potentia constitutū, num ali-
quando dissoluetur? T R I S. Caue ne id
ulterius audeas. Impossibilia profers, ac
penitus erras, mentisq; oculis ita loquen-
do, impietate nimia profanaris. Sensibile
naturæ corpus ab essentiali generatione
procul admodū discrepat, vnum quidem
dissolubile, indissolubile alterum. Illud
mortale, hoc immortale. An verò igno-
ras, quòd & deus, & vnus filius natus es?

T A T.

TAT. O quàm vellem, ô pater, analogiam illam per hymnũ, quem dixisti, audisse te à potestatibus, dum ipse in octonario essem. TRISM. Octonarium, ô fili, cecinit ipse Pimander. Vnde te decet vmbraculũ soluere: purus enim ille Pimãder, mens diuinæ potentia, non plura mihi, quàm scripta sunt, aperuit, existimãs me reliqua scrutaturum, hortatus me est ad decora officia, ex quo omnes, quæ in me vires sunt, concinunt. TAT. O pater, audire hæc, & intelligere velim. TRISM. Quiesce, fili, quiesce, inquam, audies jam harmonicam cantilenam, regenerationis hymnũ, quem nunquam sic facile propalarem, nisi tibi conducturum considerem. Non docetur hoc, sed occultitur in silentio. Vide me, fili bone, obserua singula diligenter. Sic enim te quoq; decet orantem sub dio, occidente sole ad austrum, oriente verò ad eorum faciem vertere. Vniuersa mundi natura hunc audiat hymnum: Audi terra, audite turbines imbrum, ô siluæ filete, cantaturus sum creatorem omnium, totumq; & vnum. Audite cæli, quiescite venti, circulus immortalis dei orationem istam exaudiat. Cano jam creatorem omnium, terrarum distributorem, cælum æquilibrantem, iubentem ex oceano aquam vndique fluere

fluere dulcem ad hominum alimentum,
jubentem ignē fulgere supernè ad actio-
nes hominum, atq; deorum. Agamus illi
omnes vna voce gratias, trananti caelos,
naturamq; creanti. Hic mentis est oculus,
hic potentiarum benedictionem libenter
excipiet. O meæ vires, laudate ipsum vnū
& omne. Consonate voluptati meæ o-
mnes animi vires. Cognitio sancta, quæ
tuo lumine fulget, per te lumen intelli-
gibile cātans: gaudio mentis exulto. Omnes
potentiæ mecum vna concinite. Constan-
tia canta mecum. Iustitia mea, per me ju-
stum canat. Communio mea, totū ipsum
laudet, per me canat veritas veritatem.
Bonum nostrum, bonum denique canat.
O vita, ô lux, à vobis in nos benedictio
currit. Gratias habeo tibi pater, ætus o-
mnium potestātū. Gratias ago tibi deus,
omnium potestas actuum. Verbum tuum
per me te laudet, per me mundus verbo-
rum recipit sacrificium hoc, meæ vires
clamāt, totum cantant, voluntatem tuam
perficiunt. Tua voluntas abs te in totum,
sacrificium verborum, ab omnibus exci-
pe. O vita, totum, quod est in me, salua.
O lux totum illumina, spiritus deus. Ver-
bum tuum me regit spiritifer opifex. Tu
solus es deus. Homo tuus hæc clamat, per
G ignem,

ignem, perq; aërem, per aquam, perq; terram, per spiritum, perq; creata. Ab aternitate benedictionē inueni, qua desiderio in voluntate tua quiescam. T A T. Noui, pater, hunc hymnū abs te ex volūtatīs affectu cantatum, vnde mundū attrigi meum. T R. Intelligibilē dic mundum fili. T A T. Intelligibilem dico pater. Ex tua siquidē cantilena, illustrata mihi mens est, quo fit, vt ipse quoque ardeam amore canendi. T R I S. O fili mi Tati, ne sine proposito laudes cantato diuinās. T A T. Ex mente cantabo mi pater. T R I S M. Quæ speculator infundo tibi, generationis progenitor Tati. T A T. Deo verborum offero sacrificia. ô deus tu pater, tu dominus, tūque mens, accipe sacrificia verborum, quæ requiris à me: te volente perficiuntur omnia. T R I S M. Offero, fili, hostiam patri deo gratam, orationiq; tuæ intentus esto. T A T. Gratias habeo tibi pater, quòd ista mihi prædicare volueris. T R I S. Gaudeo fili, quòd tibi bona quamplurima ex veritate, quæ sanè sunt immortalia opera. id à me discēs, silentiū virtutis annuncia, nulli communicans regenerationis mysterium, ne tanquam calumniatores quidam reputemur. Etenim vterq; nostrum ad sufficientiam meditatus est, ego quid

quidem discens, tu verò condiscens, ex quo teipsum, patrémque nouisti.

C O M M E N T A R I A.

Tertiusdecimus est de arcano regenerationis mysterio, ante quam saluus fiebat nemo: cuius regenerationis auctor est dei filius homo, vnius voluntate dei: mysterium, quod non docetur, sed occultitur in silentio, & in silentio à sanctis veneratur. Tu, Christiane, cetera legito, & si noua regeneratione in deo per dei filium es reformatus, depulsis ignorantia, tristitia, cupiditate, iniustitia, luxuria, deceptione, inuidia, fraude, ira, temeritate, malitia, horribilibus duodecim tenebrarum vlticibus: decem oppositis dei pietate affectus potestatibus tota mente exulta, deo reformatori toto mentis vigore gratias agere memento, totus eius amore flagra, totus spiritus factus, & à spiritu regeneritus, pietatis hymnum concine, & regenerationis immaculatus pietatem retine. totus in deum parentem, & regenerationis auctorem eius filium conuersus, hunc ex hoc tercio decimo fructum consecutus, vel saltem ad tam piè cogitandum mentis tuae benignitate excitatus.

Mercurij ad Æsculapium Epilogus. x i i i l.

G 2

Quon

Quoniam filius meus Tarius (te absente) naturam omnium discere voluit, cunctari verò me noluit ipse, utpote junior, ac nuper accedens, ad cuiusq; cognitionem, coactus sum plurima dicere, ut facilis illi foret, atque expeditus intuitus, operæpretium esse censeui, ut ex multis eligens potiora, summam nunc tibi disputationem præcedentem repetam. Licet enim tecum, utpote rerum naturæ peritro, per mysteria quædam percurrere. Quæ sensu percipiuntur, facta sunt omnia, suntq; quotidie genita non à seipsis, sed ab altero fiunt. Multa sunt genita, sensu patentia singula, differentiæq; nec omnino similia, quæcumq; gignuntur procedunt ab altero. Est ergo quis factor istorum, atque is ingenuus, ut genitis antiquior sit. Genita enim diximus ab alio fluere. Nihil autem præter ingenuum, genitis esse potest antiquius. Factor quippe potentior est, & vnicus, solusq; re vera sapiens vniuersa, quum nihil omnino ipsum præcedat. Dominatur quoq; multitudini, magnitudini, actioni, continuitati, genitorumq; omnium differentiæ. Præterea genita visibilia sunt: inuisibilis ille, ob id verò facit, ut visibilis fiat, semper igitur facit. Dignum est intelligere, intelligendo mirari, admirando

se beatum vocare, patrem legitimū reco-
gnoscentem. Quid enim dulcius parente
legitimo? Quis iste? Quomodo eum repe-
riemus? an illi appellationem dei, soli de-
cens est attribuere vel factoris, vel patris?
an tria pariter cognomenia? Deum ergo
cognominato propter potentiam, factorē
propter actum, patrem deniq; propter bo-
num. Est enim potestas à genitis admo-
dum differens, actus autē in productione
cunctorum. Quamobrem sermonis va-
rietate, vanitateq; dimissa, duo hæc in pri-
mis meditari oportet, genitorem scilicet,
ac genitū: horū nihil est mediū, nec quic-
quam præter hæc aliud. Quū ergo omnia
intelligere volueris, horū recordare duo-
rū, eaq; esse vniuersa memeto, nihilq; tibi
erit ambiguum, nec supernorum, nec in-
fernorum seu diuinorum, seu mutabiliū,
aut patentium, aut eorū, quæ in tenebris
delitescunt. Duo nempe cuncta sunt geni-
tor ac genitū, nec secerni alterum ab alte-
ro potest: neq; enim genitorem absq; ge-
nito esse possibile est, vtrunq; illorum id-
ipsum existit. Itaq; neutrum disiūgi licet
ab altero, quemadmodū neutrum à seipso
diuidi: siquidē ipsum faciens, nihil præter
ipsum, quod facit, est aliud: simplex enim
est, vt semper est: ita semper est agens,
idem

idemq; sibiipſū, & in exiſtendo pariter, & in agendo. Nihil autem, quod genitū, à ſe ipſo genitū eſt: non ergo ſeorſum factum à faciente: qui horum vnum ſubtrahit, perdit & alterum. Vnus quippe natura propria, naturam ſemper alteram reſpicit. Si itaq; duo conceſſa ſunt, efficiens & effectum, vnita quidem ſunt inuicē: ſic tamen vt vnum præcedat, alterum verò ſequatur: præcedens ſanè deus efficiens, ſequēs verò id, quod eſt effectum. Quicquid id deniq; ſit, neq; diffidat quiſpiam iis, quæ diximus, varietate rerū perterritus, quaſi tam diuerſorum conſtructio vel ardua ſit, vel indigna maiestate diuina. Vnica enim deo gloria, omnium conſtitutio: arque id eſt velut corpus dei effector. Ab ipſo profeſſò factore, nihil malum, nihilq; turpe. Hæ ſiquidem paſſiones ſunt creata ſequentes opera, quemadmodum æs rubigo, animata corpora limus. At neq; faber ferrarius induxit rubiginem, neq; animati corporis genitor cœnum, ac ſordes: eodemq; modo, nec deus etiam malum. Generationis autem perſeueratio, malū ſurrepere cogit, eaq; de cauſa mutationē deus rebus inſtituit, & ceu quādam generationis ipſius purgationē. Præterea eidem pictori figurare licet cælum, terram, mare, deos,

deos, homines, bruta, arbores, ac vita carentia: deo verò vni, talium deerit agendorum facultas? O dementem, ô cæcum, & totius diuinæ cognitionis expertem! Nihil est magis, ô *Æsculapi*, ridiculum, quàm quod huic accidit: nam dum se deū venerari fatetur, ex eo, quòd creandi negotio, curaq; liberet, deum ipsum prorsus ignorat, quodq; deterius est, mortalium illi passiones ascribit, inuidiā, superbiam, ignorantiam, imbecillitatem. Nisi enim faciat omnia, aut superbus est, aut porius imbecillis, quorum virumq; nefariū. Deus enim vnicam, propriamq; naturam habet, idq; bonum est. Bonus autem, nec superbus est, nec impotēs. Ipsum verò bonum, deus est. Bonum quippe, ipsa vis omnium agendorum. Quodcunq; genitum, à deo genitum, id est à bono, & ab eo, quod omnia potest. Vide quomodo ille quidem facit, quomodo etiam illa fiunt. quod si comprehendere velis, licet magnam rationem, perpulchram, atque simillimam intueri. Aspice precor agricultorem, semina in terræ gremiū diffundentem, hîc triticum, ordeum alibi, alibi verò reliqui generis semina, aspice eundē vites, malosq;, & ficus repastinantem, atq; amputantem. Eodemq; modo deus ipse in cælum quidem

dem ferit immortalitatem, in terram verò mutationem, in totum deniq; mūdum vitam, atq; motum. Hæc autem haud multa sunt, sed pauca, certoq; numero determinata. Cuncta enim quatuor sunt, ac deus, & generatio, quibus omnia comprehenduntur.

COMMENTARIA.

Quartusdecimus hæc asserit, quæ sensu percipiuntur, facta esse omnia, atque continuè fieri: nam quemadmodum ab alio fluunt, qui omnibus omnipotens rebus dominatur, ita quoque ea continuè sustinet, ne sua natura sui prona casus ruant in nihilum, cuius sola cognitio felicem facit, atque beatum, qui deus, omnium factor, atque pater est, & solus ipse genitor, & cetera omnia genita, interq; genitorem, & genitum nullum intercipi potest medium: & hæc duo, vniuersa sunt: sunt enim duo omnia, genitor, atque genitum. Præterea hoc asserit, malum à deo non pendere (ut neque à ferrario fabro, ferri rubigo) sed creata sequi opera. Et ex humana nos arte ad diuinam artem concipiendam eleuat, & deum ipsum in celo immortalitatem ferere, in terra mutationem, in toto verò mundo vitam, atque motum. Hæc Epilogus. Hæc pauca per modum argumentorum subieciimus,
quam

quamuis ingenuè fateamur singulum quenque
dialogorum maiorem declarationis operam de-
siderare, & longè præstantius, quàm nostra mo-
dicula vires suggerant ingenium. Prodeat tamē
Mercurius hic de diuina potestate nūc in lucem
ad dei honorem, & ad illustrationē legentium,
ex ijs præsertim, qui ex gentilibus prodierunt
omnibus seculis insigni sermonum pietate con-
spicius, cui deinceps librum eiusdem de volun-
tate diuina subiungamus.

MERCVRII TRIS-

MEGISTI ASCLE-

PIVS, LVCIO APY-

leio Madaurenfi Philoso-

pho Platónico in-

terprete.

*

CAPVT I.

Asclepius iste, pro sole mihi
est deus: deus te nobis, ô
Asclepi, vt diuino sermoni
interesses, adduxit, eiq; tali,
qui meritò omnium antea
à nobis factorum, vel nobis diuino numi-
ne inspiratorum, videatur esse religiosa
pietate diuiniore: quem si intelligens vi-
deris, eris omnium bonorum, tota mente
6 5 plen

plenissimus, si tamen multa sint bona, & non vnum, in quo sunt omnia: alterum enim alteri⁹ cōsentaneū esse dignoscitur, omnia vnus esse, aut vnū esse omnia, ita enim vnum alteri connexum, vt separari alterum ab altero non possit. Sed de futuro sermone, hoc diligēti intētiōe cognosces. tu verò, ò Asclepi, procede paulū, atq; nobis, qui intersit, euoca. Quo ingressō, Asclepius etiā Amnonē interesse iuggesfit. Trismegistus ait, nulla inuidia Amnonē prohibet à nobis: etenim ad ejus nomē multa meminimus à nobis esse scripta, sicuti etiā ad amantissimū, & charissimū filiū, multa de physica, exoticaq; quāplurima. Tractatū hunc autē tuo ascribam nomini. prāter Amnonem verò nullum voca alterum, ne tantę rei religiosissimus sermo, multorū interuētū venientium, prāsentiāq; violerur: tractatū autem tota numinis maiestate plenissimum, irreligiosæ mentis est multorum conscientiaē publicare. Amnone etiam adytum ingressō, sanctoq; illo quatuor virorum religione, & diuina dei completo prāsentiā, competētī venerabiliter silentio ex ore Hermū animis singulorū, mentibusq; pendentibus, diuinus Cupido sic exorsus est dicere.

TRIS. O Asclepi, omnis humana immortalis

lis est anima, sed non vniiformiter cunctæ,
sed aliæ alio more, vel tempore. A S C L E.
Non enim, ô Trismegiste, omnis vnius
qualitatis est anima. T R I S. O Asclepi, ve
celeriter de vera rationis continentia di-
dicisti! Non enim hoc dixi, omnia vnum
esse, & vnum omnia, vt quæ in creatore
fuerunt omnia, antè quàm creasset omnia,
nec immerito ipse dictus est omnia, cuius
membra sunt omnia. Hujus itaq;, qui est
vnus omnia, vel ipse creator omnium, in
hac tota disputatione, curato meminisse,
de cælo cuncta descendunt in terram, &
in aquam, & in aëra. Ignis solùm, quod
sursum versus fertur, viuificū, quod deor-
sum, ei deseruiens. at verò quicquid de al-
to descendit, generans est: quod sursum
versus emanat, nutriens: terra sola in se
ipsam consistens, omnium est recepatrix,
omniumq; generum, quæ accipit, restitu-
trix. Hoc ergo toto (sicut meministi)
quod est omnium vel omnia, anima, &
mundus à natura comprehensa agitan-
tur. ita omnium multiformi imaginum
æqualitate variata, vt infinitæ qualitatū
ex interuallo species esse noscantur, adu-
natæ tamen ad hoc, vt totum vnum, & ex
vno omnia esse videantur. totus itaq; qui-
bus formatus est mundus, elementa sunt
quatuor,

quatuor, ignis, aqua, terra, aër, mundus vnus, anima vna, deus vnus. Nunc mihi adesto totus-quantum mente vales, quantum calles astutia: diuinitatis etenim ratio, diuina sensus intèrione noscenda, torrèti simillima est fluuio, è summo in prònum præcipiti rapacitate currenti: quo efficitur, vt intentionem nostram non solum audiècium, verumetiam tractantium ipsorum, celeri velocitate prætereat.

C O M M E N T A R I A.

Caput primum edocet, omnia vnus esse, & omnia vnum: vnus, vt à quo omnia: vnum, vt omnia effecta: in causa sunt vnum, animam humanam omnem immortalem esse, sed id diuersa esse sorte: de celo omnia descendere: quod descendit, generationem præstare: quod ascendit, sursumq; tendit, solum præstare vitam, id ipsum vnum, cuius sunt omnia, & quod est omnia mundum, & mundi formas omnes mouere, ex quibus coaluit mundus, ignem, aërem, aquam & terram esse: & sicut omnia corpora, vnus mundi corpus vnum efficiunt, ita quoque vult omnes rerum formas vnā omniformem vnus mundi efficere formam, quam mundi vocat animam, quare mundus omnicorpor, atque omniformis: & hæc sunt corpus vnum, anima vna, mundus vnus,

vnus, deus vnus, à quo diuina ratio, diuinumq;
verbum, torrenti fluuio è summo in prouum
præcipiti rapacitate currenti simillimum, omnia
permeat, illabitur omnia, influitq; in omnia: &
hæc diuina ratio, diuinumq; verbum, quidnam
aliud obsecro quàm diuina sapientia, omnium
artifex? quæ (vt sapiens canit) omnibus mobi-
libus mobilior est, & quæ quum sit vna, omnia
potest, & in se permanens omnia nouat. Hæc
prima particula.

CAPVT II.

Cælum ergo sensibilis deus, admini-
strator est omnium corporum, quo-
rum augmenta, detrimentaq; Sol, & Luna
fortiti sunt: cæli verò, & ipsius animæ, &
omnium, quæ in mundo sunt, ipse guber-
nator est, qui est omnium effector, deus.
A supradictis enim omnibus, quorum gu-
bernator est omnium, frequens per mun-
dum fertur influxio, & per animam o-
mnium generum, & specierum omnium,
perq; rerum naturam. Mundus autē præ-
paratus est à deo, receptaculum omnifor-
mum specierum: naturam autem per spe-
cies effigians, mundum per quatuor ele-
menta ad cælum vsq; adduxit. Cuncta dei
visibus placitura, omnia autē desuper pen-
dètia, in species diuiduntur, hoc quo dictu-

rus sum modo: Genera rerum omnium
 suas species sequuntur, vt fit ita totalitas,
 genus: species generis particula: genus er-
 go deorum, dæmonumq; genus: æquè &
 hominum: similiter & volucrum, & o-
 mnium, quæ in se mūdus habet, sibi fimi-
 les species generat: genus est & aliud ani-
 malis, genus sine sensibus quidem, attra-
 men non carens anima. vnde beneficiis
 gaudet, & aduersis minuitur, atq; vitiatur,
 omnium dico, quæ in terra radicem, stir-
 piumq; incolumitate viuiscunt, quarum
 species per totā terram sparsæ sunt. Ipsum
 cælum plenum est deo: supradicta autem
 genera inhabitant vsq; ad loca specierum
 earum rerum, quarū omnes immortales
 sunt species. Species enim generis est pars
 vt homo humanitatis, quam necesse est se-
 qui qualitatem sui generis, vnde efficitur:
 vt quamuis omnia genera sint immorta-
 lia, species tamen non omnes immortales
 sunt. Diuinitatis enim genus, & ipsum &
 species immortales sunt: reliquorum verò
 genera, quorum æternitas est generis
 quamuis per species occidat, nascendi ta-
 men fecunditate seruat. Ideoq; specie
 mortales sunt, vt homo mortalis, immor-
 talis humanitas: omnibus tamen generi-
 bus, omnium generum species miscen-
 tur

tur : quædam , quæ antè factæ sunt : quædam , quæ de his factæ sunt : hæc autem , quæ fiunt , aut à diis , aut à dæmonibus , aut ab hominibus , omnes simillimæ generibus suis species . Corpora enim impossibile est conformari sine nutu diuino , species figurari sine adiutorio dæmonum , animalia institui , & coli , sine hominibus non possunt . Quicunq; igitur dæmonum à genere suo defluentes , in speciem fortuito cōiuncti sunt alicujus speciei generis diuini , proximitate , & consortio diis similes habentur . quorū verò dæmonum species qualitate sui generis perseuerant , hi amantes hominum rationem , dæmones nuncupantur : similis est & hominum species aut eo amplior : multiformis enim variaq; humani generis species , & ipsa à prædicto desuper adueniens consortio : omnium aliarum specierum multas , & prope omnium per necessitatem conjunctiones facit , propter quod & prope deos accedit , qui se mente , qua diis junctus est , diuina religione diis junxerit , dæmonibus accedit , qui iis junctus est . humani verò , qui mediocritate sui generis contenti sunt : & reliquæ hominum species , iis similes erunt , quorum se generis speciebus adjunxerint .

COM

COMMENTARIA.

Caput secundum. Pro presentium iuvanda intelligentia, & quorundam sequentium, latere haudquaquam debet, Mercurium longè alio significatu vti vocabulo animalis, ac nos vti consuevimus, item & animæ vocabulo: nam animam ex secundo Pimandri dialogo, motu definit: animal autem ex sequenti capite, anima definit, & corpore. quare quicquid vim motricem habet, sua quidem locutionis observatione, animam habet: quicquid autem animam, & corpus, animal est. animal igitur calum, mundus, planta, & elementa. Verùm nostra consuetudo est, id solum vocare animal, quod sit corpus animatum, sensu præditum: & animam non solum motu definimus, sed vita, sensu, ultroque motu, aut intellectu. Quum itaque animal audimus, non nostro, sed suo more intelligamus. at nunc ad dialogum. Contendit calum, cælestique corpus ad cætera sensibilia, ut homo ad cætera animalia: homo autem cæteris animalibus, ut animalis deus, calum verò cæteris sensibilibus, ut sensibilis deus. At deum omnium rectorem, gubernatorem omnium esse, quæ sunt in mundo, nihil aliud esse crediderim, quàm deum omnibus providere, & omnia dispensare, per genera.

genera per species, quorum omnium mundus est receptaculum, & unicuique deus, ut apto instrumento, munus aliquod impartit, ut Sol, & Luna, ad rerum ortus & obitus, ad rerum augmenta, & detrimenta sunt diuinitatis organa, & homines per angelos, bruta verò per homines dispensat. At verò quod de demonibus dicit, species sine eorum adiutorio non figurari, & quosdam habuisse generi diuino, & proximitate, & consortio dñs similes habitos, quosdam vero in qualitate sui generis perseuerasse hominum rationem amantes: scimus ex sacris literis, angelos, qui non seruauerunt suum principatum, reliquisse suum domicilium, & in iudicium magni dei vinculis æternis sub caligine reſeruatos: qui, etsi simulent se hominum amatores, minimè tamen amant, sed ad præcipitia pertrahunt, quod à principio fecerunt: amare enim simulantes, quum mortem hominibus intulerunt, dicebant nequaquam moriemini, sed eritis sicut dñs, scientes bonum & malum. Quæ igitur de demonibus hîc dicit, non satis accommodè videntur posse ad piam trahi intelligentiam, sed errorem gentium sequi: verum de hominibus, qui hærent deo, diuinos euadere: qui autem demonibus, in sortes recipi demonum, demonibusq; iungi, qui in iudicium (ut dictum est) magni dei vinculis æternis sunt reſeruati, ingenue fateamur.

H

temur.

temur. Nam ex Dei ore pronunciatum esse cognoscimus, dicturum in iudicio ijs, qui in sinistra parte erunt, *Discedite à me maledicti in ignem æternum, qui paratus est diabolo & angelis eius. sed quidam illi erunt, nisi qui demonibus in hoc mundo adhaeserunt? Hæc pro secunda partitione.*

CAPVT III.

Propter hoc, ô Asclepi, magnum miraculum est homo, animal adorandum, & honorandum: hoc enim in naturam dei transit, quasi ipse sit Deus. hoc dæmonum genus nouit, utpote qui cum eisdem ortum se esse cognoscat, hoc humanæ naturæ partem in seipso despiciat, alterius partis diuinitate confusus. Cuius hominum quanto est natura temperatius, ac diis cognata! diuinitate coniunctius, partem sui, qua terrenus est, intra se despicit, cætera omnia, quibus se necessarium esse cælesti dispositione cognoscit, nexu secum charitatis astringit, sicq; suscipit cælum. sic ergo feliciore loco medietatis est positus, ut quæ infra sunt diligit, ipse à superioribus diligatur, colit terram, elementis velocitate misce-

tur, acumine mentis in maris profunda descendit: omnia illi lucent, non cælum videtur altissimum. quasi enim è proximo sagacitate animi intuetur. intentionem animi ejus nulla aëris caligo confundit: non densitas terræ operam ejus impedit: non aquæ altitudo profunda despectum ejus obrundit, omnia idem est, & vbique idem est horum omnium generum, quæ sunt animalia, desuper deorsum radices peruenientes habent: in animalium verò de imo, in superna vna radice syluescunt, quædam duplicibus aluntur elemētis, quædam autem simplicibus. alimenta autē sunt bina, animæ, & corporis, è quibus animalia constant: anima mundi inquieta semper agitatione nutritur. corpora ex aqua & terra inferioris mundi alimentis augefcunt. Spiritus, quo plena sunt omnia, permistus cunctis, cuncta viuificat, sensu addito ad hominis intelligentiā, quæ quinta pars sola homini concessa est ex æthere: sed de animalibus cunctis, humanos tantum sensus ad diuinæ rationis intelligētiā exornat, erigit, atq; sustollit. Sed quoniam de sensu commoneor dicere, paulò post & hujus rationem vobis exponā. est enim sanctissima, & magna, & non minor quàm ea, quæ est

H 2

diuin

diuinitatis ipsius . sed nunc vobis expediam , quæ cœperam . dicebam enim in ipso initio rerum de conjunctione deorum , qua homines soli (eorum dignatione) perfruuntur . Quicumque etenim hominum tantum felicitatis adepti sunt , vt illum intelligentiæ diuinum perciperent sensum , qui sensus est diuinior in solo deo , & in humana intelligentia . A S C L . Non enim omnium hominum , ô Trismegiste , vniformis est sensus . T R I S . Non omnes , ô Asclepi , intelligentiam veram adepti sunt , sed imaginem temerario impetu , nulla vera ratione inspecta , sequentes , decipiuntur , quæ in mentibus malitiam parit , & transformat optimum animal in naturam feræ , moresq; belluarum : de sensu autem , & de omnibus similibus , quando & de spiritu , tunc totam vobis præstabo rationem . Solum enim animal homo duplex est , & ejus vna pars simplex est , quæ , vt Græci aiunt , οὐσιώδης , aut quam vocamus diuinæ similitudinis formam : est autem quadruplex quod κοσμητικὴ Græci , nos mundanum dicimus , ex quo factum est corpus , quo circumtegitur illud , quod in homine diuinum esse jam diximus . in quo mentis diuinitas recta sola , quæ cognatis suis , id est mentis puræ sensibus

ibus, secum ipsa conquiescat, tanquam
nuro corporis septa.

COMMENTARIA.

*Tertium caput effert hominis dignitatem, in
qua summopere recognoscendus tantorum be-
nefactorum actor, ingentiq; amore, & perenni-
bus gratiarum actionibus semper prosequendus.
qui tantis, tamq; excellentibus donis hominem
insigniuir. nam, ut vult, effectus est homo, ut in
diuinam naturam transeat angelorum, demo-
numq; genus cognoscens, cum angelis nascitur,
quos habet ab ipso natiuitatis exordio praesides,
& custodes: naturam sortitus immortalibus co-
gnatam, deiq; insignitam caractere, compositus
ex mortali, & immortalis, terrena, & su-
pramundana particula: qui vero diuinitatis do-
tes non ignorat, terrenam despiciit, immortalis
aurem, & supramundana parte confidit, ad
caelum suspirat, ut qui illic meliore sui parte,
omnia sentiat affinia: attamen in mundi me-
dio positus, caetera, quibus se diuina ordina-
tione necessarium esse cognoscit, secum nexu
charitatis astringit, ut quae infra se sunt di-
ligens, à superioribus diligatur. colit terram,
elementis velocitate miscetur, acumine mentis
in profunda descendit, omnia illi lucent, ca-
elum non videtur altissimum, quippe qui quasi è*

proximo, sagacitate animi, ipsum intuetur: intentionem animi eius aëris caligo non confundit. non densitas terrae operam eius impedit: non altitudo aquae profunda despectum eius obtundit: & ex animalibus cunctis, Deus humanos tantum sensus, ad divinae rationis intelligentiam exornat, erigit, atque sustollit: intelligentia autem vel sola, hominis pars, aetheria, immortalis, & supramundanorum naturam sortita: attamen hominum quidam divinum sensum adepti sunt, & felices quidem, qui pia mentis intentione in deum iugiter feruntur: quidam verò mundanam, & sensualem, umbratilem quandam veram, divinaeque intelligentiae imaginem: quam qui sequuntur, errant. nam haec divinae intelligentiae obumbratio in eorum mentibus, qui illam sequuntur, malitiam parit, & transformat hominem, natura quidem optimum, & divinum animal, in naturam ferè, moresque bestiarum. Hec tertiae particula summa.

CAPUT IIII.

ASCLEPI. Quid ergo oportuit, ô Trismegiste, hominem in mundo constitui, & non ea parte, qua Deus est, eum in summa beatitudine degere? T. R. Rectè quæris, ô Asclepi, & nos enim deum rogamus,

gamus, vt tribuat nobis facultatem reddendæ rationis istius. quum enim omnia voluntate ejus dependeant, tum illa vel maximè, quæ de tota summitate tractantur, quam rationem præsentî disputatione conquirimus: audi ergo, Asclepi. dominus. & omniũ cõformator, quem rectè deum dicimus, quum à se secundum fecerit, qui videri, & sentiri possit, eundem secundum sensibilem ita dixerim, non ideo, quòd ipse sentiat (de hoc enim, an ipse sentiat, an non, alio dicemus tẽpore) sed eo quòd videntium sensus incurrit: quoniam ergo hunc fecit ex se primum, & à se secũdum, visusq; est ei pulcher, vtpote qui sit omniũ bonitate plenissimus, amavit eum, vt diuinitatis suæ partem. ergo quòd tantus, & tam bonus esset, voluit alium, qui illum, quem ex se fecerat, intueri potuisset, simulq; & rationis imitatore, & diligentia fecit hominem: voluntas etenim dei, ipsa summa est perfectio: vtpote quũ voluisse, & perfecisse vno, eodemq; temporis puncto compleat. Quum itaque *ἔπειτα* animaduerneret Deus, non posse omnium rerum esse diligentem, nisi eam munda-no integumẽto contegeret, texit eam corporea domo: talesq; omnes esse præcepit ex vtraque natura, in vnum confundens,

miscensq; , quantum satis esse debuisset. Itaq; hominem conformauit ex animi, & corporis, id est ex æterna, & mortali natura, vt animal ita conformatum vtrique origini suæ satisfacere possit, & mirari, atque orare cælestia, & æterna, & incolere, atque gubernare terrena: modò autem dico mortalia, non aquam, & terram, quæ duo de quatuor elementis subiecit natura hominibus. sed ea, quæ ab hominibus, aut in his, aut de his fiunt, vt ipsius terræ cultus, pascua, ædificatio, portus, nauigationes, communicationes, commodationes alternæ, qui est humanitatis inter se firmissimus nexus: & pars est mundi, quæ est aqua, & terra: quæ pars terrena mundi, artium, disciplinarumq; cognitione, atque vfu seruator, sine quibus mundum Deus noluit esse perfectum: placita enim Dei necessitas sequitur, voluntatem comitatur effectus. Neque enim credibile est deo displiciturum esse, quod placuit: quū & futurum id, & placiturum multò antè fecerit.

COMMENTARIA.

Quartum cap. discusit, cur Deus hominem non in intelligibilem regione, sed in mundo constit

constituerit, & aperta est discussio. Et etiam
cur ex utraque natura, mortali, & immortali,
hominem temperauerit, & visionem diuinæ si-
militudinis formam, quamq; ad suam similitu-
dinem, & imaginem creauit mentem, munda-
no, corporeoq; contexerit integumento. & vo-
luntatem Dei, summam esse rerum perfectio-
nem, quam necessitas sequitur, necessitatem au-
tem comitatur effectus. nam Deus, voluisse, &
perfectisse, vno, eodemq; temporis puncto com-
plet: quod mundum secundum Deum & hic &
cap. sexto appellat, perinde est, ac si diuitatem si-
cundam appellas vnitatem. nam diuitas vna,
vnusq; binarius. sed monas absolutè vna, bina-
rius autem non absolutè vnus, sed participatio-
ne, contractioneq; vnus, & secundus vnus. ita
deus vnus, absolutè Deus: mundus autem non
deus, sed participatione Deus, & sensibilibus
rerum pulcherrimum Dei vestigium. Hæc pro
quarta Asclepij particula.

CAPVT V.

SEd, ô Asclepi, animaduerto, vt celeri
smētis cupiditate festines audire, quo-
modo homo cæli, vel eorum, quæ in eo
sunt, delectum possit habere vel cultum.
audi itaque, ô Asclepi, delectus dei cæli,
cum iis, quæ insunt omnibus, vna est ob-
sequiorum frequentatio, hanc aliud ani-

H S mal

mal non confecit: nec diuinorum, nec animalium, nisi solus homo: hominum enim admirationibus, adorationibus, laudibus, obsequiis, cælum, cælestesq; delectantur, nec immedito in hominum cœtum, musarum chorus est à summa diuinitate demissus, scilicet, ne terrenus mundus videretur incultior, si modulorum dulcedine caruisset, sed potius, vt modulatis hominum cãtilenis, concelebraretur laudibus, qui solus omnia vt pater est omnium, atque ita cælestibus laudibus, nec in terris harmoniæ suauitas defuisset: aliqui enim, ipsiq; paucissimi, pura mente præditi sortiti sunt cæli suspiciendi venerabiliorem curam. Quicunq; autem ex duplici naturæ suæ confusione, interiorem intelligentiam mole corporis resciderunt, curandis elementis, hisq; inferioribus sunt præpositi: animal ergo homo non quidem eo est minor, quòd ex parte mortalis sit, sed ex eo fortè aptius, efficaciusq; compositus ad certam rationē mortalitate auctus esse videatur, scilicet quoniam vtrunq; nisi ex vtraque natura sustinere non potuisset, ex vtraq; formatus est, vt & terrenum, & diuinum posset habere delectum: rationem verò tractatus istius, ô Asclepi, non solùm sagaci intētionē, verū etiam cupio te animi

mi viuacitate percipere: est enim ratio plurimis incredibilis, integra autem, & vera percipienda sanctoribus mentibus: itaque hinc exordiar.

COMMENTARIA.

Quintum cap. instruit, musicam suauitatem, ad concinendas dei, celestiumq; laudes, hominibus indultam: quod & prophetas diuino spiritu plenos, precipere cognoscimus, quam iubilare, quam psallere deo, qui laudare dominum in tympano, in choro, in chordis, in organo precipiunt: hic enim musarum, totiusq; musicae optimus finis. Litera de se conspicua.

CAPVT VI.

A Eternitatis dominus, deus primus est, secundus est mundus, homo est tertius. effector mundi, deus, & eorū, quæ insunt omnium, simul cuncta gubernando, cum ipso homine gubernatore composita: quod est totum suscipiens homo, id est curam propriè effecit diligentiae suæ, ut sit ipse, & mundus, uterq; ornamento sibi, ut ex hac hominis diuina compositione, mundus Græcè rectius *χρόνος* dictus videatur. Is nouit se, nouit & mundum: scilicet ut meminerit quid partibus conueniat suis, quibus sibi utendum, quibus sibi
infer

inferuiendum sit, recognoscat, laudes, gratesq; maximas agens deo, ejus imaginem venerans, non ignarus se etiam secundam esse imaginem dei: cujus sunt imagines duæ, mundus scilicet, & homo. vnde efficitur, vt, quoniam est ipsius vna cōpago, parte, qua ex anima, & sensu, & spiritu, atq; ratione, diuinus est, velut ex elementis superioribus ascendere posse videatur in cælum. parte verò mundana, quæ constat ex igne, & aqua, & aëre, mortalis restet in terra, vt naturæ suæ omnia mūdāna vidua, desertaq; dimittat: sic enim humanitas ex parte diuina, & ex parte mortalis est effecta in corpore consistens: est autem mensura ejus vtriusq;, id est hominis: ante omnes religio, quā sequitur bonitas: ea demū tunc videtur esse perfecta, si etiam cupiditatum, omnium alienarum rerum sit despectus, virtute munita. sunt enim ab omnib⁹ diuinæ cogitationis partibus aliena omnia, quæcūq; terrena corporali cupiditate possidentur: quæ merito possessionum nomine nuncupantur, quoniam non nata sunt nobiscum, sed postea à nobis possideri receperunt. omnia ergo hujusmodi ab homine aliena sunt, etiam corpus, vt & ea, quæ appetimus, & illud, ex quo appetentiæ nobis est vitium,

dasp

despiciamus: vt enim animū rationis ducit intentio, homo hactenus esse debuit, vt contemplatione diuinitatis, partē, quæ sibi iuncta mortalis est, mundi interioris necessitate seruandi, despiciat, atque contemnat: nam vt homo ex vtraq; parte possit esse plenissimus, quaternis eū vtriusq; partis elementis animaduerte esse formatum, manibus & pedibus vtrisque binis, aliisq; corporis mēbris, quibus inferiori, id est terreno mundo deseruiat. illis verò partibus quatuor, sensus, animi, memorię, atq; prouidentię, quarū ratione, cūcta diuina norit, atq; suspiciat. vnde efficitur, vt rerū diuersitates, qualitates, effectus, quantitates, suspiciosa indagine homo sectetur. Retardatus verò graui, & nimio corporis vitio, has naturæ rerum causas, quæ veræ sunt, propriè peruidere non possit, hunc ergo sic effectum, conformatumq; & tali ministerio, obsequioq; præposito à summo deo, cumq; competenter, mūde mundum seruando, deum piè colendo, dignè & competenter in vtroq; dei voluntati parentem, talem quo munere credis esse munerādum (siquidem quū dei opera sit mundus, ejusq; pulchritudinē, qui diligentia seruat, atque auget, operamq; suam cum dei voluntate coniungit, quum
spec

speciem, quam ille intentione diuina formauit, adminiculo sui corporis, diurno opere, curâq; cōponit) nifiteo, quo parentes nostri munerati sunt? quo etiam nos quoque munerari, si fuerit diuinæ pietati complacitum, optamus piissimis votis, ut emeritos, atq; exutos mundana custodia, nexibus mortalibus absolutos, naturæ superioris partis, id est diuinæ, puros, sanctosq; restituat. ASCLE. Iustè, & verè dicis, ô Trismegiste: hæc enim merces, piè sub deo, diligēter cū mundo viuētib; se-
cus enim, impieq; qui vixerint, & reditus denegatur in cælū, & constituitur in corpora alia, indigna sancto animo, & fœda migratio: ut iste rationis sermo processit, ô Trismegiste, futuræ æternitatis spe animæ, in mūdāna vita periclitantur. sed aliis incredibile, aliis fabulosum, aliis forsitan videatur esse deridendū. Res enim dulcis est, in hac corporali vita, qui capitur de possessionibus fructus quare animam ob-
torto (ut aiunt) detinet collo, ut in parte sui, quæ mortalis est, inhæreat, nec finit partē diuinitatis agnoscere, inuidens immortalitati malignitas: ego enim tibi quasi prædiuinās dixero, nullū post nos habiturum delectum simplicē, qui est philosophiæ, quæ sola est in cognoscenda diuinitate.

tate frequens obtutus, & sancta religio: multi etenim eam multifaria ratione confundunt. Quomodo ergo multi incomprehensibilem philosophiam afficiunt, aut quemadmodum multifaria ratione confundunt? T R I S. O Asclepi, hoc modo in varias disciplinas, nec comprehensibiles, eam callida commentatione misceres, Arithmeticam, Musicam, Geometriam. Puram autem philosophiam, eamque tantum diuina religione pendentem, tantum intendere in reliquas oportebit, ut apocatastases astrorum, stationes praefinitas, cursumque commutationis, numeris constare miretur. Terrae vero dimensiones, qualitates, quantitates, maris profunda, ignis vim, & horum omnium effectus, naturam cognoscens, miretur, adoret, atque collaudet artem, mentemque diuinam. Musicen vero nosse, nihil aliud est, nisi cunctarum rerum ordinem scire, quaeque sit diuina ratio sortita. Ordo enim rerum singularum, in vnum omnium artificum ratione collatus, concentum quandam melo diuino dulcisonum, verissimumque conficiet. A S C L E. Quid ergo homines post nos erunt? T R I S. Sophistarum calliditate decepti, a vera, pura, sanctaque philosophia auerterentur: simplici enim mente, & anima, diuinitatem colere, ejusque facta venerari, agere etiam dei volumus.

voluntati gratias, quæ est bonitatis sola plenissima, hæc est nulla animi importuna curiositate, violata philosophia. & de his sit hucusque tractatum.

COMMENTARIA.

Sextum cap. differit, deum absolute primum esse deum: mundum, secundum, non absolute, sed participatione deum. ut qui sit prima absoluti dei imago: hominem, tertium, diuinitatis participatione deum, & secundum dei imaginem. deus autem non imago, sed imaginum omnium veritas. hominem, anima, sensu, spiritu, ratione, tanquam superioribus elementis, posse in celum ascendere. qua verò igne, aëre, aqua, terra coactus est, mortis obnoxium, terre mundana omnia diuina illa parte viduata relinquere. Mensuram, ad cuius modum vivere debet homo, religionem esse, quam sequitur bonitas. & que perfecta tandem esse videtur, quæ cupiditates omnium alienarum rerum virtute munita despicit, possessiones, corpus, & ea omnia, que appetimus, & ipsum deniq; appetitionis sensum. homo enim hætenus esse, diciq; debet, ut sua fert sententia, quatenus rationis intentio animum ducit: adeoq; ut diuinitatis contemplatione, eam partem, qua mortalis est, sibi quidem mundi inferioris necessitate seruandi, adiun-
cta

Et contemnat, atque despiciat. de posteris
 Aegyptijs diuinat Asclepius, nullum post eos
 futurum, qui puram, & de cognoscendo deo
 adipiscatur philosophiam. Mox Hermes redit,
 ad quid terra dimensiones, id est geometriam,
 qualitates, quantitates, maris profunda, &
 ignis vim, horumq; omnium naturam, id est
 vniuersam de numeris, calculibus globis, re-
 busq; naturalibus philosophiam, discere homi-
 nem oporteat, sane ut admiretur, adoret, col-
 laudet artem, mentemq; diuinam, horum o-
 mnium artificem. hanc enim puram esse phi-
 losophiam, atque tantum diuina religione pen-
 dentem, hanc musicam, hunc concentum, nosse
 cunctarum rerum ordinem, quem quaque res,
 diuina ratione sortita est, atq; in vitium ad o-
 mnium artificem rationem collatum, concen-
 tum quendam diuino melo dulcissimum, veris-
 simumq; efficere, & philosophiam nullam animi
 importuna curiositate vitiata, simplici men-
 te, & anima, diuinitatem colere, eiusq; facta
 venerari, agere etiam dei voluntati gratias,
 quae est bonitatis sola plenissima. Confirmatq;
 Asclepij vaticinium. Hac sexta partitio.

CAPVT VII.

DE spiritu verò, & de his similibus,
 hinc sumatur exordium. fuit deus, &
 I hyle,

hyle, quam græcè credimus mundum, & mundo comitabatur spiritus, sed nō similiter vt deo. nec deus sunt hæc, de quibus mundus est. idcirco non erant, quādo nata non erant. sed in eo jam tunc erant, vnde nasci habuerūt. Non enim ea sola nō nata dicuntur, quæ necdum nata sunt, sed ea, quæ carent fœcunditate generandi, ita vt ex eis nihil nasci possit. Quæcunq; ergo sunt, quibus inest natura generādi, hæc & generabilia sunt, quæ de his nasci possunt, tametsi ea ex se nata sunt: neq; enim dubitatur ex iis, quæ ex se nata sunt, facile nasci posse ea, de quibus cuncta nascuntur. Deus ergo sempiternus, deus æternus, nec nasci potest, nec potuit: hic est, hic fuit, hic erit semper: hæc ergo est, quæ ex se tota est natura dei. Hyle autem, vel mundi natura, & spiritus, quamuis nata videantur à principio, tamen in se nascēdi, procreandiq; vim possident, atq; naturam fœcunditatis; etenim initium in qualitate naturæ est, quæ & conceptus, & partus in se possidet vim, atque naturam. Hæc itaque sine alieno concepto est, sola generabilis: at verò ea, quæ vim solā concipiendi habent, ex alterius commistione naturæ, ita discernenda sunt, vt hic locus mundi cum iis, quæ in se sunt, videatur esse non natus,

tus, qui vtiq; in se vim totius naturæ habet: locum autē dico, in quo sunt omnia: neque enim hæc omnia esse potuissent, si locus deesset, qui omnia sustinere potuisset. Omnibus enim rebus, quæ fuerunt, præcauendū est loco: nec qualitates enim, nec quantitates, nec positiones, nec effectus dignosci potuissent, earum rerū quæ nusquā sunt: sic ergo & mundus, quamuis natus non sit, in se tamen omniū naturam habet, utpote qui omnibus iis ad concipiendū finis præstat fecundissimos: hoc ergo est totum qualitatis, materiæq; quæ creabilis est, tametsi creata non est. sicut enim natura materia qualitatis fecunda est, sic & malignitatis eadem est, æquè fecunda. Nec ego dixi, ô Asclepi & Amnon, (quod à multis dicitur) num poterat deus incidere, atq; auertere à rerum natura malitiam? quibus respondendū nihil omnino est. Vestri tamen causa & id prosequar, quod cœperam, & rationē reddam: dicunt enim ipsi, deum debuisse omnifariā mundum à malitia liberasse: ita enim in mūdo est, ut quasi membrū ipsius videatur esse: prouisum cautumq; est (quantum rationabiliter potuisset) à summo deo, tunc quū sensu, disciplina, intelligentia, mentes hominum est munerare dignatus. his

I 2

enim

enim rebus, quib² cæteris antestamus animalibus, soli possumus malitiæ fraudes, dolos, vitiâque vitare. ea enim qui antequàm iis implicitus est, ex aspectu vitarit, is homo est diuina intelligentia, prudentiaq; munitus: fundamentum enim est disciplinæ, in summa bonitate consistens: spiritu autem ministrantur omnia, & vegetantur in mundo, & quasi organum, vel machina summi dei voluntati subiectus est. Itaque hætenus intelligatur à nobis mente sola intelligibilis summus, qui dicitur deus, rector, gubernatorq; sensibilis dei ejus, qui in se complectitur omnē locum, omnem rerum substantiam, rotamq; gignentium, creantiumq; materiam, & omne quicquid est, quantumcunq; est spiritu verò agitantur, siue gubernantur omnes in mundo species, vnaquæq; secundum naturam suam à deo distributam sibi. Hyle autem vel mundus omnium est receptaculum, omniumque agitatio, atque frequentatio, quorum deus gubernator, dispensans omnibus rebus mundanis, quantum unicuique necessarium est, spiritu verò implet omnia, ut cujusque naturæ qualitas est. Est enim caua mundi rotunditas in modum sphaeræ, ipsa sibi qualitatis, vel formæ suæ causa, inuisibilis

rotat:

tota : quippe quū quemcūq; in ea summū
 subter despiciendi causa delegeris locum,
 ex eo in imo quid sit videre non possis:
 propter quod multis locis instat, qualita-
 temq; habere creditur : per formas enim
 solas specierū , quarum imaginibus vide-
 tur inculpta, quasi visibilis creditur : quū
 depicta mōstratur, re autē vera est sibi ipsi
 inuisibilis semper : ex quo ejus imum vel
 pars (si locus est) in sphæra græcè *ἄδης* di-
 citur. siquidem *ιδῆ*, græcè videre dicitur,
 quo visu imū sphæra careat, vnde & *ιδῆαι*
 dicuntur species, quòd sint inuisibilis for-
 mæ: ab eo itaq; quòd visu priuatur, Græcè
ἄδης, ab eo, quod in imo sphærae sunt, La-
 tinè inferi nuncupantur. Hæc ergo sunt
 principia, & antiquiora, & quasi initia, vel
 capita omnium, quæ sunt, in his, aut per
 hæc, aut de his. A S C L. Omnia ergo ipsa,
 vt dicis, quæ sunt, ô Trismegiste, mūdana
 (vt ita dixerim) specierum omniū quæ in-
 sunt, in vniuscujusq; sicuti est, tota substā-
 tia T R I S. Mundus itaq; nutrit corpora,
 spiritus animas. sensus autem (quo do-
 no cælesti sola felix sit humanitas) alit
 mentem : neque enim omnes, sed pauci,
 quorum ita mens est, vt tanti benefi-
 cij capax esse possit, vt enim sole mun-
 dus, ita mens humana isto clarescit lu-
 mine,

mine, & eo amplius. Nam sol quicquid illuminat, aliquando terræ & lunæ interiectu, interueniente nocte, ejus priuatur lumine: sensus autem quū semel fuerit animæ commistus humanæ, sit vna ex bene coalescente cōmissione natura, ita vt nunquam ejusmodi mentes caliginum impediantur erroribus. vnde iustè sensus, deorum animas esse dixerunt: ego verò nec eorum dico omnium, sed magnorum quorumque, & principalium.

COMMENTARIA.

Caput septimum continet de genesi mundi, de Hyle, mundiq; materia, de spiritu comitante, & de loco, velatam philosophiam. Omnia mundana in mundo esse: mandum in deo: continens, locum appellat: proinde, locum mundi natum esse non vult: mundum autem natum esse, & non natum: natum quidem, si creaturarum opificium respicis: at non natum, si opificij respicis veritatem. Hyle enim & spiritus, mundus scilicet, & vis quædam diuina per omnia means, atq; diffusa, in mundi opificio non erant quando nata non erant, sed in eo (inquit) iam tunc erant, vnde nasci debuerunt: sed in quouam erant, nisi in diuino illo verbo, per quod omnia facta sunt: & in quo, & quod factum

factum est, vita erat, & vnde tandem factum
prodiit quicquid est factum. Hylem fecundam
esse equè qualitatis, quæ rationem boni habet,
& equè fecundam malitiæ, quæ boni, ma-
liq; equè sit capax, ceu terra eadem, salutarium,
& noxiarum herbarum fecunda est, idq; ha-
bet terra, tanquam proprietatis suæ membrum,
sic & Hyle. Attamen deum in hominibus pro-
vidisse (quantum rationabiliter oportuit) sen-
su, licet disciplinam, intelligentiam, aduersus
huiusmodi materialem proprietatem, ne ma-
litiæ nostram hylem occuparet, ceu noxia qua-
dam herba desertam, neglectam, incultamq;
terram. Insuper de spiritu in omnia diffuso, de
inferis, de sensu, qui est superiorum mentium
in humanas mentes illapsio, ceu radiorum lucis
in oculos, paucula quadam disceptat. hæc septi-
ma particula.

CAPVT VIII.

ASCLE. Quos dicis rerum capita vel
initia primordiorum, ô Trismegi-
ste? **TRISM.** Magna tibi pando & diuina
nudo mysteria. cuius rei initium facio,
exoptato fauore cælesti. Deorum gene-
ra multa sunt, eorūque omnium pars
intelligibilis, alia verò sensibilis pars. in-
telligibiles dicuntur, non ideo quòd putē-

I 4 tur

tur non subiacere sensibus nostris (magis enim sentimus eos, quàm eos, quos visibiles nuncupamus) sicuti disputatio perdocebit, & tu, si intendas, poteris peruidere. sublimis enim ratio, eoq; diuinior ultra hominum mentes, intentionesq; consistens, si non attentiore aurium obsequio, verba loquentium acceperis, transvolabit, & transluet, aut magis refluet, suiq; fontis liquoribus miscebit se. Sunt ergo omnium specierum principes dij, hos sequuntur dij, quorum est princeps οὐσία. hi sensibiles variusque originis suæ confimiles, qui per sensibilem naturam conficiunt omnia. altera per alterum unusquisq; opus suum illuminans. cæli, vel quicquid est, quod eo nomine comprehenditur, οὐσαρχὴς est Iupiter: per cælum enim, Iupiter omnibus præbet vitam. Solis οὐσαρχὴς est lumen. Bonum enim luminis, per orbem solis nobis infunditur. x x x v i. (quorum vocabulum est Horoscopij) in eodem loco semper defixorum syderum, horum οὐσαρχὴς vel princeps est, quem Pantomorphon, vel Omniformem vocant, qui diuersis speciebus, diuersas formas facit. septem sphaeræ, quæ vocantur erraticæ, habent οὐσαρχὰς, id est suos principes, quam fortunam dicunt, & εἰρηοδόχου, quibus immutantur

tantur omnia, lege naturæ stabilitate fir-
missima, & sempiterna agitatione varia-
ta. aër verò organum est, vel machina o-
mnium, per quam omnia fiunt. est autem
vsfarches hujus secūdus. mortalibus mor-
talia, & his familia. His ergo ita se haben-
tibus ab imo ad summum se mouētibz,
sic sibi connexa sunt omnia pertinentia
ad se naturaliter, vt mortalibus mortalia,
sensibiliaq; sensibilibz annexa sint: sum-
ma verò gubernationis, summo illi domi-
no paret, vt non multa, at potiùs vnum. ex
vno etenim cuncta pendentia, ex eo po-
tiùs defluentia, quum distantia videntur,
creduntur esse plurima diuisim. adunata
verò, vnum vel potiùs duo, vnde fiunt o-
mnia, & à quo fiunt, id est de materia, de
qua fiunt, & ex ejus voluntate, cujus nutu
efficiuntur alia. A s c. Hæc iterum ratio,
quæ est, ô Trismegiste? τ ρ ι s. Talis, ô
Asclepi. Deus etenim vel pater, vel do-
minus omnium, vel quocunq; alio nomi-
ne ab hominibus sanctiùs, & religiosiùs
nuncupetur, quod inter nos, intellectus
nostri causa, debet esse sacratum, tãti ejus
numinis contemplatione, nullo ex iis no-
minibus eum definitè nuncupauimus. si
enim vox hæc est ex aëre spiritu percussio
sonus, declarans omnem hominis volun-
tatem,

tatem, vel sensum, quem fortè ex sensibus mente perceperit, cuius nominis tota substantia paucis composita syllabis, definita atque circumscripta est, ut esset in homine necessarium vocis, auriumq; cōmercium, simul & sensus, & spiritus, & aëris, & omnium in his, & per hæc, an cum his nomen est totum dei? non enim spero totius majestatis effectorem, omniumq; rerum patrem vel dominum, vno posse quamvis è multis composito nomine nuncupari. hunc verò vno nomine, vel potius omni nomine (si quidē is sit vnus, & omnia sit) necesse aut omnia esse eius nomen, aut ipsum omnium nominibus nūcupari. hic ergo solus, ut omnia, vtriusque sexus fecunditate plenissimus, semper voluntate sua prægnaans, parit quicquid voluerit procreare. Voluntas ejus est bonitas omnis. hæc eadem bonitas omnium rerum est. ex diuinitate ejus, natura nata, ut sint omnia, sicut sunt, & fuerunt, & futuris omnibus dehinc natura ex se nascendi sufficiat. hæc ergo ratio, ô Asclepi, tibi sit reddita, quare, & quomodo fiant omnia vtriusque sexus. ASCLE. Ergo deum dicis, ô Trismegiste. TRISM. Non solum deum ô Asclepi, sed animalia omnia, & inanimalia. impossibile enim est aliquid eorū, quæ

quæ sunt, infœcundum esse. fœcunditate enim dempta ex omnibus, quæ sunt, impossibile erit semper esse, quæ sunt. Ego enim & naturam, & sensum, & mundum dico in se continere hanc naturam, & nata omnia in se conseruare. procreatione enim vterq; plenus est sexus, & ejus vtriusq; cōnexio, aut (quod est verius) vnitas incomprehensibilis est, quam siue Cupidinem, siue Venerem, siue vtrunque poteris rectè nuncupare. hoc ergo omni vero verius, manifestiusq; mente percepto, quod ex omni illo loco totius naturæ deo, hoc sit cunctis in æternum procreandi inuentum, tributumq; ministerium, cui summa charitas, lætitia, hilaritas, & cupiditas, amorq; diuinus, innatus est. & dicendum foret quanta sit ejus ministerij vis, atque necessitas, nisi ex sui contemplatione vnicuique ex intimo sensu nota esse potuisset. si enim illud extremum temporis, quo ex cerebro ad ritū peruenimus, vt vtraque in vtranq; fundat natura progeniem, animaduertis, vt altera alterius auidè rapiat semen, interiusq; recondat. deniq; eo tempore ex commistione communi, virtutem marium etiam fœminæ adipiscuntur, & mares fœmineo corpore latefcūt. Effectus itaq; hujus tã blādi, necessarij q; ministerij
in.

in occulto perpetratur, ne vulgò irriden-
 tibus imperitis, vtriusque naturæ diuini-
 tas ex committione sexus cogatur erube-
 scere. multò magis etiam, si visibus irreligi-
 oforum hominum subiciatur. sunt au-
 tem non multi, aut admodum pauci, ita
 ut numerari etiam in mundo possint, re-
 ligiosi. vnde contingit in multis remane-
 re malitiam, defectu prudentiæ, scientiæq;
 rerum omnium, quæ sunt. ex intellectu
 enim religionis diuinæ, qua constituta
 sunt omnia, contemptus, medelaq; nasci-
 tur vitiorum totius mundi. perseuerante
 autem imperitia, atq; inscitia, vitia omnia
 conualescunt, vulnerantq; animam insana-
 bilibus vitiis, quæ infecta iisdem, atq; vi-
 tiata, quasi venenis intumescit, nisi eorū,
 quorum animarum disciplina, & intelle-
 ctus, summa curatio est. si ergo solis, &
 paucis hoc proderit, dignū est hunc pro-
 sequi, atq; expedire tractatum, quare scili-
 cet solis hominibus intelligentiam, & di-
 sciplinam suam, diuinitas sit impartiri di-
 gnata. audi itaq; deus pater, & dominus,
 quū post deos, & homines efficeret ex par-
 te corruptiore mundi, & ex diuina, pari
 lance cōponderans, contigit vitia mundi
 corporibus commissa remanere, & alia
 propter cibos, victumq;, quem necessariò
 habemus

habemus cum omnibus animalibus communem. quibus de rebus necesse est cupiditatum desideria, & reliqua mentis vitia, animis humanis incidere. diis verò, utpote ex parte mundissima naturæ effectis, & nullis indigentibus rationis, disciplinaq; adminiculis, quāvis immortalitas, & vnius semper ætatis vigor ipse sit eis prudentia, & disciplina, tamen propter rationis unitatem, pro disciplina & intellectu ne ab his essent alieni, ordinem necessitatis lege conscriptum, æterna lege constituit. hominem ex animalibus cunctis de sola ratione, disciplinaq; agnoscens, per quæ vitia corporum, homines auertere, atque abalienare potuissent, ipsos ad intentionem, spemq; immortalitatis prætendit. denique & bonum hominem, qui posset immortalis esse, ex vtraq; natura composuit, diuina, atque mortali, & sic compositum per voluntatem dei hominem, etiam constitutum est esse meliorem diis, qui sunt ex sola immortali natura formati, & omnibus mortalibus. propter quod homo diis cognatione conjunctus, ipsos religione, & sancta mente veneratur. diiq; etiam pio affectu, humana omnia respiciunt, atque custodiunt: sed de hominibus paucis. istud dictum est, pia mente præditis..

§ IO MERCVRII TRISM.

ditis. de vitiosis verò nihil dicendum est.
ne sanctissimus sermo, eorum contempla-
tione violetur.

COMMENTARIA.

Caput octauum hæc complectitur, de vfi-
archis, substantialibusq; principibus, quos
deos appellat: cæli vfiarcham appellat Iouem.
vfiarcham solis, lumen. triginta sex ponit ho-
roscopios, id est horarum speculatores, syderum
semper in eodem loco defixorum: horum au-
tem principem Pantomorphon, id est omniformem.
septem spherarum erraticarum princi-
pes: ponit fortunam & fatum. ponit & aeris
vfiarcham. sed hæc demonum figmenta esse
videntur, & vana quedam inuolucra ad gen-
tilitios errores pertrahentia, & quæ in his diu-
tius immorantes vanescere cogunt potius,
quàm perficiunt. Hinc ad summi dei redit con-
templationem, ineffabilis, & innominabilis,
aut qui omnium nominatur nominibus, fæ-
cunditate plenissimis, à quo omnia id habent,
ut nihil esse possit infæcundum. hinc amor ille
procreandi, & ingens naturæ studium, nihil
prorsus fædum, nihil dedecorum in se habens,
dum religiosè cogitur, & de eo talis habeat-
ur sermo, tracteturq; non minus religiosè. est
enim

enim id indultum, ad diuinæ fecunditatis
amulationem. verum quia maxima pars ho-
minum mysteria ignorat, diuinas leges pro-
fanat, & belluarum more, insanè, irreueren-
ter, & quasi furibundi, & amentes illa tra-
ctant; ideo de talibus nunc vix aut cognari,
aut loqui præ verecundia quicquam auden-
dum, quod inordinata illa, & hominum illæ
erga venerabundam dei ordinationem irreue-
rentiæ, sese sensibus, cogitatibusq; ingerunt, non
autem illa pulchra, sancta, incontaminataq; dei
ordinatio: & quia paucis concessum est, puros
habere sensus, censeo paucis de talibus cogitan-
dum esse, atque loquendum. Mox subiungit,
deum solis hominibus intelligentiam, discipli-
namq; esse impartitum, quo vitia, particula eius
immortalis, & diuina deuitare posset: quæ alio-
qui admistione corporeæ molis incurreret facile.
nam ratione corporis, & dissolubilis particula,
neceffe est hominum animus, cupiditatum desi-
deria, & reliqua mentis vitia incidere. Hæc
octaua particula.

CAPVT IX.

ET quoniam de cognatione, & con-
sortio hominum, deorūque, sermo
nobis inducitur, potestatem hominis, ô
Asclepi,

Asclepi, vimq; cognosce. dominus & pater, vel (quod est summum) deus, ut effector est deorum caelestium, ita homo effector est deorum, qui in templis sunt, humana proximitate contenti, & non solum illuminantur, verum etiam illuminant, nec solum ad eum proficit, verum etiam confirmat deos. Miraris, ô Asclepi, an nunquid diffidis, ut multi? A S C L E. Confundor, ô Trismegiste, sed tuis verbis libenter assensus, felicissimum hominem iudico, qui sit tantam felicitatem consecutus. TRISM. Nec immerito miraculo dignus est, qui maximus est omnium deorum. Genus enim omnium sine cōfusione manifestum est, de mundissima parte naturæ propagatum. signaq; eorum, sola pro omnib⁹ esse quasi capita: species verò deorum, quas conformat humanitas, ex natura utraque conformata est. ex diuina, quæ est prior, multoq; diuinior, & ex ea, quæ intra homines est, id est ex materia, qua fuerunt fabricatæ, & non solum capitibus solis, sed membris omnibus, totoque corpore configurantur. Ita humanitas, memor naturæ, & originis suæ, in illa diuinitatis imitatione perseverat. ut sicuti pater, ac dominus, ut sibi similes essent, deos fecit æternos, ita humanitas deos suos

uos ex sui vultus similitudine figuraret.
 A S C L. Statuas dicis, ô Trismegiste? T R.
 Statuas, ô Asclepi, vidēsne quatenus tu
 ple diffidas? statuas animatas, sensu, &
 spiritu plenas, tanta, & talia facientes sta-
 tuas futurorum præcias, easq; fortè vates
 omnes somniis, multisq; aliis rebus præ-
 dicētes, imbecillitates hominibus facien-
 tes, easq; curātes, tristitiamq; pro meritis.
 An ignoras, ô Asclepi, quod Ægyptus ima-
 go sit cæli, aut, quod est verius, translatio,
 & descensio omnium, quæ gubernantur,
 atq; exercentur in cælo? & , si dicendum
 est verius, terra nostra totius mundi est
 æplum: & tamen, quoniam præscire cun-
 ta prudentes decet, istud vos ignorare
 non est. futurum tempus est, quum ap-
 areat Ægyptios incassum pia mente di-
 uinitatem sedula religione seruasse, &
 omnis eorū sancta veneratio in irritum
 casura frustrabitur. è terris enim ad cæ-
 lum est recursura diuinitas. linqueretur Æ-
 gyptus, terraq;, quæ fuit diuinitatis sedes,
 religione viduata, numinū præsentia de-
 titueretur. alienigenis enim regionē istam,
 terramq; cōplentibus, non solum negle-
 ctus religionū, sed (quod est durius) quasi
 e legibus, à religione, pietate, cultuq; di-
 uino statueretur. proscripta pœna, prohibi-
 tio

K

tio

tio erit. tunc terra ista, sanctissima sedes
delubrorum, atq; templorū, sepulcrorum
erit, mortuorumq; plenissima. O Ægy-
pte, Ægypte, religionum tuarum sola su-
pererunt fabulæ, & æquè incredibiles po-
steris suis, solaq; supererunt verba lapidi-
bus incisa, tua pia facta narrātibz. & in-
habitabit Ægyptum Scythes aut Indus,
aut aliquis talis, id est vicinia barbara. di-
uinitas enim repetet cælum, deserti ho-
mines toti morientur, atque ita Ægyptus
deo, & homine viduata deferetur. Te ve-
rò appello, sanctissimum flumen, tibiq; fu-
tura prædico, torrenti sanguine plenus, ad
ripas usque erumpes, undaq; diuinæ non
solum proluetur sanguine, sed totæ rum-
pentur, & viuis multò major erit nume-
rus sepulcrorum. superstes verò qui fuerit,
lingua sola cognoscetur Ægyptus, acti-
bus verò videbitur alienus. Quid fles, ô
Asclepi? & his amplius, multoq; deterius,
ipsa Ægyptus suadebitur, imbueturq; ma-
joribus malis, quæ sancta quondam, &
diuinitatis amantissima deorum in terra;
religionis suæ merito, sola seductio san-
ctitatis, & pietatis magistra, erit maximæ
crudelitatis exemplum, & tunc tædio ho-
minum, non admirandus videbitur mun-
dus, neq; adorandus: hoc totum bonum,
quo

quo melius nec est, nec fuit, nec erit, quod
 videri possit, periclitabitur, eritq; graue
 hominibus, ac per hoc contemnetur, nec
 diligetur totus hic mundus dei opus im-
 mutabile, gloriosa constructio, bonū mul-
 tiformi imaginum varietate compositum,
 machina voluntatis dei, in suo opere sine
 inuidia suffragantis in vnum omnia, quæ
 venerari, laudari, amari deniq; à videnti-
 bus possunt, multiformis adunata conge-
 stio. Nam & tenebræ præponentur lumi-
 ni, & mors vita utilior judicabitur. nemo
 suspiciet cælum. religiosus pro infano, ir-
 religiosus putabitur prudens, furiosus for-
 tis, pro bono habebitur pessimus. anima
 enim & omnia circum eam, quibus aut
 mortalis nata est, aut immortalitatem se-
 consecuturam esse præsumit, secundum
 quod vobis exposui, non solum risus, sed
 etiam putabitur vanitas. sed mihi credi-
 te, etiam periculum capitale constituetur
 in eum qui se mentis religioni dederit. no-
 ua constituentur jura, lex noua. nihil san-
 ctum, nihil religiosum, nec cælo, nec cæ-
 lestibus dignum audietur, aut mente cre-
 detur. fit deorum ab hominibus dolenda
 secessio, soli nocentes angeli remanent,
 qui humanitati commisti, ad omnia au-
 daciæ mala miseros (manu injecta) com-
 pell.

pellent in bella, in rapinas, in fraudes, & in omnia, quæ sunt animarū naturæ contraria. tunc nec terra constabit, nec navigabitur mare, nec cælum astrorum cursibus, nec syderum cursus constabit in cælo. omnis vox diuina, necessaria taciturnitate mutescet. fructus terræ corrumpentur. nec fecunda erit tellus: & aër ipse, mæsto torpore languescet. hæc, & talis senectus veniet, mundi irreligio, & inordinatio, & irrationabilitas bonorum omnium. quum hæc cuncta contigerint, ô Asclepi, tunc ille dominus, & pater Deus primipotens, & vnus gubernator mundi, intuens in mores, factaq; voluntaria, voluntate sua, quæ est dei benignitas, vitiis resistens, & corruptelæ omnium errorem reuocans malignitatem omnem vel alluione diluens, vel igne consumens, vel morbis pestilentibus vbique per diuersa loca dispersis, finiens, ad antiquam faciem mundū reuocabit, vt & mundus ipse adorandus videatur, atque mirandus. & tanti operis effector, & restitutor Deus, ab omnibus, qui tunc erunt, frequentibus laudum præconiis, benedictionibusq; celebretur. hæc enim mundi genitura, cunctarum reformatio rerum bonarum, & naturæ ipsius sanctissima, & religiosissima restitutio

stitutio peracto temporis cursu, quæ est & fuit sine initio sempiterna. voluntas etenim dei caret initio, quæ eadē est, & ubiq; est sempiterna. A S C L. Dei enim natura consilium est voluntatis, bonitas summa, consilium, ô Trismegiste. T R. O Asclepi, voluntas cōsilio nascitur, & ipsum velle est ex voluntate. neque enim impensè aliquid vult, qui est omnium plenissimus: & ea, quæ vult, habet. vult autem omnia bona, & habet omnia, quæ vult. omnia autem bona & cogitat, & vult. hoc est autē deus ejus boni imago mundus. A S C L. Bonus, ô Trismegiste. T R. Bonus, ô Asclepi, vt ego te docebo. sicuti enim deus omnibus speciebus, vel generibus, quæ in mundo sunt, distributor, dispensator q; est bonorum, id est sensus animæ, & vitæ, sic & mundus præstitor est, & tributor omnium, quæ mortalibus videntur bona, id est alternationis partium, temporalium fructuum, natiuitatis, augmentorum, & maturitatis, & horū similium: ac per hoc Deus supra verticem summi cæli consistens, vbique est, omniaq; circūspicit. sic est enim vlt̃ra cælum locus sine stellis, ab omnibus rebus corpulentis alienus. dispē sator, qui est inter cælum, & terrā locum obtinet, quem Iouē vocamus. terræ verò,

K 3 & mari

518 MERCVRII TRISM.

& mari dominatur Iupiter Plutonium, & hic nutritor est animantium mortalium, & fructiferarum. horum omnium viribus, fructus, arbuta, & terra vegetantur: aliorum verò vires & effectus, per omnia quæ sunt, distribuuntur. Distribuentur verò qui terræ dominantur, & collocabuntur in ciuitate in summo initio Ægypti, quæ à parte solis occidentis conderetur. ad quam terra, mariq; festinabit omne mortale genus. A S C L. Modò tamen hoc in tempore, vbi isti sunt, ô Trismegiste? T R. Collocati sunt in maxima ciuitate in monte Libyco. & hæc eouſque narrata ſint.

COMMENTARIA.

Caput nonum hoc vniuerſum, profanum eſt, quod & rectè coarguit Auguſtinus in libro de Ciuitate Dei. idololatriam probat, miris laudibus effert, predicat, caſum eius deplorat. deum quendam ſupra celi verticem ponit cuncta circumſpicientem, intra verò eum locum, qui celo, & terra continetur, Iouem ponit diſpenſatorem. Plutonicum autem Iouem, terra, mariq; diſpenſatorem, quaſi alius Deus ſit in celo, alius in aëre, alius in terra, atque mari: quæ vniuerſa ingentem continent errorum impietatem,

pietatem. nam ex diuinis eloquijs, castè, purè, & sanctè sumus edocti, quòd Dominus ipse est deus, in celo sursum, & in terra deorsum, & quòd non sit alius. aduersus verò idola, & idolorum latriam sapientia, & diuino loqui propheta nos cautè præmonent, ne tanta impietatis macula inquinemur, ne tanto sædemur errore. nam idolum ipsum quidem maledictum est, & qui fecit illud. & rursus: Infandorum idolorum cultura omnis mali causa est, & initium, & finis. similique modo, odio sunt Deo impius, & impietas eius. nam quod factum est, cum illo, qui fecit, tormenta patientur. hæc, & pleraque alia de idolis, & idololatria ex Sapientia. Et in Leuitico Deus ipse ex se præcipit: Ego dominus Deus vester, non facietis vobis idolum, & sculptile: nec titulos erigetur, nec insignem lapidem ponetur in terra vestra, vt adoretis eum. Et de idolis Aegypti, præcipit in Ezechiele: In idolis Aegypti nolite pollui. ego Dominus Deus vester. Et de cessatione, per eundem dicit: Disperdam simulacra, & cessare faciam idola de Memphi, & dux non erit amplius de terra Aegypti. Quas autem Mercurius dicit idolorum, statuarumq; animas, sensumq; & spiritum, imbecillitates hominibus facientes, eaq; curantes, malos proculdubio cognoscimus esse spiritus, & indubitata fide eos esse, de quibus

K 4 Prophe

Propheta ore veridico dicit : Omnes dñi gentium demonia. Hæc pauca aduersus Mercurij, & huius nonæ particula impuritatem satis sint. nam ad eos habemus sermonem, qui veri dei cognitione sunt imbuti, quem (vt sapiens dicit) posse consummata iustitia est, & eius iustitiam, & virtutem scire, radix immortalitatis. LaZarelus hunc locum ad analogiam trahit, quasi idola apostoli sint: fictor homo, Christus: virtus desuper indita, spiritus sanctus: Aegyptus tenebræ gentium, & persecutio discipulorum, apostolorum, & martyrum. lapides inscripti pia facta narrantes, posteritatis corda, non opera, sed sola verba fidei retinentia. hæc excogitata pie, sed ad litteram foris violenta. lapsus Hermetis cum Augustino & in hoc, & in terciodecimo capite sentio. Id enim Gentium vates (vt Balaam, vt Sibylla) videntur habere: vt lucem patiantur, & tenebras, & lucida, & opaca vaticiniorum interualla, prout interdum & nonnunquam impura. Hæc pro capite nono.

CAPVT X.

DE immortali verò, & mortali, modo differendum est. multos enim spes, timorq; mortis veræ rationis ignares, excruciat. mors enim efficitur, dissolutione

lutione corporis labore defessi, & numeri cōpleti, quo corporis membra in vnā machinam ad vsus vitales aptantur. moritur enim corpus, quando hominis vitalia ferre posse destiterit. hæc ergo est mors, corporis dissolutio, & corporalis sensus interitus. de qua sollicitudo superuacua est. Sed & alia necessaria, quam aut ignorantia, aut incredulitas contemnit humana. A S C L E. Quid est, ô Trismegiste, quod aut ignorant, aut esse posse diffidunt? T R. Audi ergo, ô Asclepi. quum fuerit animæ à corpore facta discessio, tūc arbitrium, examēque meriti ejus transfiliet in summi dæmonis potestatem: isq; eam, quum piam justamq; præuiderit, in suis competentibus locis manere permittet. Sin autem delictorum illitam maculis, vitiisq; oblitam viderit, desuper ad ima deturbans, procellis, turbinibusque aëris, ignis & aquæ sæpe discordantibus tradet. atque inter cælum & terram mundanis fluctibus, in diuersa semper æternis pœnis agitata, raptabitur, vt in hoc obsit animæ æternitas, quòd sit immortali sententia, æterno iudicio subjugata. Ergo ne his implicemur, verendum, timendum, cauendumq; esse cognosce. incredibiles enim post delicta cogentur

K 5 credere

credere, non verbis, sed exemplis: nec minis, sed ipsa passione poenarum. A S C L. Non ergo, Trismegiste, hominum delicta, sola humana lege puniuntur. T R I S. Primo enim, ô Asclepi, terrena omnia quæ sunt, mortalia sunt. tunc ea etiam, quæ sunt ratione corporali viuentia, & à viuendo eadem corporali lege deficientia, ea omnia pro vitæ meritis, aut delictis, poenis obnoxia, tantò post mortem sænioribus subiiciuntur, quantò inulta forsitan fuerint celata dum viuerent. præscia enim rerum omnium diuinitate, reddentur (perinde ut sunt) pro delictorum qualitatibus poenæ. A S C L. Qui sunt digni maioribus poenis, ô Trismegiste? T R. Qui damnati humanis legibus vitam violenter amittunt, ut non naturæ animam debitam, sed poenam pro meritis reddidisse videantur. contra, iusto homini in dei religione, & in summa pietate præsidium est. Deus enim tales, ab omnibus tutatur malis. pater enim omnium, & Dominus, qui solus est omnia, omnibus se libenter ostendit. Non ubi sit loco, nec qualis sit qualitate, nec quantus quantitate, sed hominem sola intelligentia mentis illuminans. qui discussis ab animo errorum tenebris, & veritatis claritate percepta, to

to se sensu intelligentiæ diuinæ commi-
scet: cuius amore a parte naturæ, qua mor-
talis est, liberatus immortalitatis futuræ
concepit fiduciam. hoc ergo inter bonos,
malosq; distabit. vnusquisq; enim pietate,
religione, prudentia, cultu, & veneratio-
ne dei clarescit, quasi oculus vera ratione
perspecta, & fiducia credulitatis suæ in
tantum inter homines præstat, quantum
sol cæteris astris lumine suo antestat. ipse
enim Sol, non tam magnitudine numi-
nis, quam diuinitate, & sanctitate, cæteras
stellas illuminat. secundum enim deum
hunc credo, ô Asclepi, cætera omnia gu-
bernantem, omniaq; mundana illustran-
tem animalia, siue animantia, siue inani-
mantia. si enim animal mundus, viuensq;
semper, & fuit, & est, & erit nihil in mun-
do mortale est. viuentis etenim semper,
vniuscuiusq; partis, quæ est in ipso mûdo,
sicuti in vno, eodemq; animali semper vi-
uente, nullus est mortalitatis locus. ergo
vitæ, æternitatisq; ipse esse debet plenissi-
mus, si semper eum necesse est viuere. Sol
ergo, sicuti mûdo, sempiternus est, sic &
ipse semper gubernator vitaliū, vel totius
viuacitatis, eorumq; frequentator, & dis-
pensator est. Deus ergo viuentiū, vel vita-
liū, quæ sunt in mûdo, sempiternus guber-
nator

nator est, ipsiusq; vitæ dispēfator æternus. Semel autem dispensauit æterna lege cunctis vitalibus vitam præstans, hoc more quo dicam. In ipsa enim viuacitate æternitatis, mundus agitatur: & in ipsa vita æternitate, locus est mundi. propter quod nec stabit aliquando, nec corrumpetur aliquando, sempiternitate viuendi circūualatus, & quasi constrictus ipse mūdus. Est igitur dispensator vitæ, omnibus quæ in se sunt, & est locus omnium, quæ sub sole gubernantur, cuius mundi commotio, ex duplici constat effectu: viuificatur enim ipse extrinsecus ab æternitate, viuificatq; ea, quæ intra se sunt omnia, differens numeris, & temporibus statutis, atq; præfixis. cuncta per solis effectum, stellarumq; discussum. omnia temporalia, ratione, diuinaq; lege conscripta, terrenum autem tempus aëris qualitate. æstuum, frigorisq; varietate dignoscitur, cæleste verò reuersionibus siderum ad eadem loca, temporali conuersione recurrentium: & mundus est receptaculum temporis, cuius cursu, & agitatione vegetatur. tempus autem ordine seruatur. ordo & tempus innouationem omnium rerum, quæ in mundo sunt, per alternationem faciunt.

C O M

Decimum de morte, de examine animæ,
quum corpus excesserit, quòd magis puniantur
post mortem, quibus iustè legibus humanis, præ
celerum magnitudine, vita adempta est. quòd
iustus deus sit præsidio. de solis, & mundi diui-
nitate. ponit mūdum primum sensibilem deum,
sōlem secundum mundum nunquam quieturum,
nunquam corruptum iri. nos autem nomen dei
incommunicabile, neque soli, neq; mundo tri-
buimus, mundumq; credimus aliquando soluen-
dum. intellecta igitur hæc (ut simplicia sonant
Hermetis dicta) errorem gentilium præ se fe-
runt. participatione tamen illis ceu excellenti-
bus operibus dei, diuinitatem tribuimus. Hæc
partitio decima.

CAPVT XI.

Cunctis ergo ita se habentibus nihil
stabile, nihil fixum, nihil immobile,
nec nascētium, nec cælestium, nec terre-
norum. solus enim deus, & meritò solus,
in se, & à se, & circum se totus est plenus,
atq; perfectus, isq; sua firma stabilitas
est, nec alicujus impulsu, nec loco moueri
potest, quū in eo sint omnia, & in omni-
bus ipse est solus. nisi aliquis audeat dice-
re, sui cōmotionem in æternitate esse, sed
magis

magis etiā & ipsa immobilis æternitas, in quam omnium temporum agitatio remeat, & ex qua omnium temporum agitatio sumit exordiū. Deus igitur stabilis fuit, semperq; cum eo similiter æternitas constitit, mundū non natum, quem rectè sensibile dicimus, intra se habens. huius dei imago hic mundus effectus est æternitatis imitator. habet autem tēpus stabilitatis suæ vim, atq; naturā, quāuis semper agitetur, ea ipsa in se reuertendi necessitate: itaque quamuis sit æternitas stabilis, immobilis, atq; fixa, tamē, quoniā mobilitate tēporis, in æternitatē semper reuocatur agitatio, eaq; mobilitas ratione temporis vertitur, efficitur, vt & ipsa æternitas immobilis quidē, sola per tēpus, in quo ipsa est, & est in eo omnis agitatio, videatur agitari. sic efficitur, vt & æternitatis stabilitas moueatur, & temporis mobilitas stabilis fiat fixa lege currēdi. sic & deum agitari credibile est in se ipsum eadē immobilitate: stabilitatis enim ipsius in magnitudine est immobilis agitatio. ipsius enim magnitudinis immobilis lex est. Hoc ergo, quod est tale, quod non subicitur sensibus, infinitum, incomprehensibile, inæstimabile est. nec sustineri, nec ferri, nec indagari potest, vnde enim, & quo, & vbi, aut quomodo.

modo, aut quale sit, incertum est. fertur enim in summa stabilitate, & in ipso stabilitas sua, seu deus, seu æternitas, seu uterque, seu alter in altero, siue uterque in utroque sit, propter quod æternitas, sine definitione est tēporis: tempus autē, quod definiri potest, vel numero, vel alternatione, vel per alterius amplitudinē rediēs, æternum est. utrūq; ergo infinitum, utrūq; videtur æternū. stabilitas enim utpote defixa, quòd sustinere, quæ agitata sunt, possit beneficio firmitatis, meritò obtinet principatū: omnium enim, quæ sunt, primordia, deus est & æternitas, mūdus autē quòd sit mobilis, non habet principatum. prauenit enim mobilitas ejus stabilitatē suā in lege agitationis sempiternæ, habēdo immobilē firmitatē. Omnis ergo sensus diuinitatis, similis, immobilis, ipse in stabilitate sua se commouet, sanctus, & incorruptus, & sempiternus est, & si quid melius potest nuncupari. in ipsa dei summi veritate cōsistēs æternitas plenissimus omniū sensibiliū, & totius discipline, consistens (ut ita dixerim) cū deo. sensus verò mundanus, receptaculū est omniū sensibilibium & specierū, & disciplinarū: humanus verò ex memoriæ tenacitate, quòd memor sit omniū, quas gesserit rerū. vsq; ad
humana

humanū enim animal sensus diuinitatis
 descēdendo peruenit. Deus enim sensum
 summum, diuinumq; cunctis cōfundi no-
 luit, ne erubesceret aliorum cōmistiōne
 animantium. Intelligētia enim sensus hu-
 mani, qualis, aut quanta sit, tota in memo-
 ria est præteritorū. per eam enim memo-
 riæ tenacitatem, gubernator effectus est
 terræ. Intellectus autem naturæ, & quali-
 tatis, & sensus mundi, ex omnibus, quæ in
 mundo sensibilia sunt, poterit peruideri.
 æternitas, quæ secunda est, ex sensibili
 mundo, sensus datus, qualitasq; digno-
 sciur. at intellectus qualitatis, qualitasq;
 sensus summi dei, sola veritas est. cuius ve-
 ritatis in mundo ne quidē extrema linea
 umbra dignoscitur. vbi enim quid tempo-
 rum dīmentione cognoscitur, vbi sunt
 mēdacīa, vbi genituræ, vbi errores viden-
 tur? Vides ergo, ô Asclepi, in quibus con-
 stituti, quæ tractemus, aut quæ audeamus
 attingere: sed tibi, deus summe, gratias
 ago, qui me videndæ diuinitatis tuę, illu-
 minasti lumine: & vos, ô Tati, & Asclepi,
 & Amnon, intra secreta pectoris, diuina
 mysteria silentio regite, & taciturnitate
 celare. hoc autem differt intellectus à sen-
 su, quòd intellectus noster, ad qualitatem
 sensus mundi intelligendam, & digno-
 scen

scendam mentis peruenit intentione. Intellectus autem mundi peruenit ad æternitatem, & deos noscendos, qui supra se sunt: & sic contingit nobis hominibus, vt quasi per caliginem ea, quæ in cælo sunt, videamus, quantum possibile est per conditionem sensus humani. hæc autem intentio peruidendis tantis bonis angustissima est. latissima verò quum viderit felicitate conscientia.

COMMENTARIA.

Vndecimum cap. pandit, quòd solus deus immobilis sit, & stabilis, cætera autem mutabilia. deus infinitus, incomprehensibilis, inestimabilis, & qualis sit ignotus, de sensu dei sancto, incorrupto, & sem. piterno: de sensu mundi: de sensu hominis: de differentia intellectus à sensu. Hæc vndecima particula summa.

CAPVT XII.

DE inani verò, quodq; etiam magnum videtur esse quamplurimis, sic sentio, inane nec esse aliquid, nec esse potuisse, nec futurū vnquā. omnia enim mūdi sunt membra plenissima, vt ipse mūdus plenus sit, atq; perfectus corporibus, qualitate, formaq; diuersis, & speciē suam habentibus, & magnitudinem, quorū vnum est.

est alio majus, aut alio minus, & validitate, & tenuitate diuersa. Nā & quædā eorū validiora facilius videntur, sicuti & maiora: minora verò, & tenuiora, aut vix videri, aut omnino non possunt. quas solum res esse, attrectatione cognoscimus. vnde cōtingit multis credere hæc non esse corpora, sed esse inanes locos, quod est impossibile. sicuti enim quod dicitur extra mundū, si tamē est aliquid (nec istud enim credo:) sic ab eo plenū esse intelligibiliū rerum, id est, diuinitatis suæ similiū, vt hic etiā, qui dicitur sensibilis mūdus, plenissimus sit corporū, & animalīū naturæ suæ, & qualitati conueniētium. quorum facies non omnes videmus, sed quasdā vltra modum grādes, quasdā breuissimas, aut propter spatij interjecti longitudinem, aut quòd acie sumus obtusi, tales nobis esse videantur, aut omnino propter nimiam breuitatem, à multis non esse credantur. dico nunc demonas, quos credo commorari nobiscum, & heroas, quos inter aëris purissimam partem supra nos, & terram, vbi nec nebulis locus, nec ex signorū aliquorū agitatione cōmotio. propter quod, ô Asclepi, inane nihil esse dixeris, nisi cuius rei inane sit hoc, quod dicis inane, prædixeris: vt inane ab igne, & ab aqua, & ab

& ab iis similibus. quod etsi cōtigerit videri. quòd inane possit esse à rebus huiusmodi quāuis breue sit, vel magnū, quod inane videtur, spiritu tamen, & aëre vacuū esse non possit. Similiter verò de loco dicendum est quod vocabulū solum intellectu caret. Locus enim ex eo, cuius est, quid sit apparet Principali etenim nomine dempro, significatio mutilatur. Quare aquæ locus, ignis locus, aut his similiū, rectè dicimus. sicuti enim inane esse aliquid impossibile est, sic & locus solus, quid sit, dignosci non porest. Nam si posueris locum sine eo, cuius est, inanis videbitur locus, quem in mundo esse non credo: quòd si inane nihil est, nec per se quid sit locus apparet, nisi ei aut longitudo, aut latitudines, aut altitudines, addideris, vt corporibus hominum signa. His verò sic se habentibus, ô Asclepi, & vos, qui adestis, scitote intelligibilē mūdum, id est deum, qui mentis solo obtuitu dignoscitur, esse incorporalē, nec ejus naturæ misceri posse aliquid corporale, id est, quod possit qualitate, quantitate, numerisq; dignosci. in ipso enim nihil tale consistit. hic ergo mundus, qui dicitur sensibilis, receptaculum omnium sensibilibum specierum, qualitatum, vel corporum, quæ omnia sine
1 2 deo

deō vegetari non possunt. Omnia enim deus, & ab eo omnia, & ejus voluntate omnia, quod totum est bonum, decens, & prudens, inimitabile, & ipsi soli sensibile, atq; intelligibile: & sine hoc nec fuit aliquid, nec est, nec erit. omnia enim ab eo, & in ipso, & per ipsum, & multiformes qualitates, & magnæ quantitates, & omnē mensuram excedentes magnitudines, & omniformes species, quas si intellexeris, ô Asclepi, gratias acturus es deo: sin totum animaduertes, vera ratione perdisces mundum ipsum sensibilem, & quæ in eo sunt omnia, à superiore illo mundo, quasi ex vestimento esse contexta. Vnūquodq; enim genus animalium, ô Asclepi, cujusq; vel mortalis, vel immortalis, vel rationalis, siue sit animans, siue nō sit, prout cujusq; est genus, sic singula generis sui imagines habet: & quāuis vnūquodq; animalis genus, omnem sui generis possideat formam, in eadem tamen sui forma singula dissimilia sunt: vt hominum genus quāuis sit vniforme, vt homo dignosci ex affectu possit: singuli tamen in eadem forma sibi dissimiles sunt. species enim quæ diuina est, incorporalis est, & quidquid mente comprehenditur. Quum itaq; hæc duo, ex quibus constat forma,

&

& corpora, & incorporalia sint, impossibile est vnamquanq; formam alteri similimam nasci, horarum, & climatum distātib; punctis, sed immutatur toties, quot hora momēta habet circuli circū urrentis, in quo est ille omniformis (quē diximus) Deus. species ergo permanet, ex se toties pariens imagines tantas, tamq; diuersas, quanta habet conuersio mundi momenta, qui mundus in conuersione mutatur, species verò nec mutatur, nec conuertitur. sic generum singulorū formæ sunt permanentes, in eadem forma, sibi dissimiles. A S C L E. Et mundus speciem mutat. ô Trismegiste. T R I S. Vides ergo, ô Asclepi, tibi omnia quasi dormienti esse narrata? Quid est enim mūdus, aut ex quibus cōstat, nisi ex omnibus natis? A S C L. Ergo vis dicere de cælo, terra, & elementis. T R I S. Nanq; alia magis frequēter mutantur in species, cælū humescēs, vel arefcens, vel frigescens, vel ignescens, vel clarescens, vel sordescens, in vna cæli specie hæ sunt, quæ specie alternātur species. terra verò suæ speciei multas immutationes semper habet, & quum parturit fruges, & quū eadem partus nutrit suos, quū reddit omnium fructuum varias, diuersasq; qualitates, & quantitates, ac stationes, &

cursus ad omnes arborum, florum, bacca-
rum qualitates, odores, saporos, species.
Ignis etiā facit cōuersiones plurimas, atq;
diuinas. Solis enim & Lunæ omniformes
imagines. sunt enim quasi speculorū no-
strorum similes imaginum similitudines,
æmulo splendore reddentium: sed jam de
ualibus sint satis dicta talia.

C O M M E N T A R I A.

*Duodecimum differit, inane, vacuumq; in
rebus locum nullum habere, dæmones nobiscum
circa terram diuersari, at propter nimiam sub-
tilitatem, à nobis imperceptibiles. Hercas pu-
riorem obtinere aëris portionem. Loci nomen
solitarium inane esse, quod ad aliquid sit, sine
cuius intelligentia, quid sit locus intelligi non
possit, & id omnibus relatinis commune est.
intelligibilem aëstruit mundum, quo sensibilis
mundus, & quæ in eo sunt omnia, quasi vesti-
mento contegitur, utpote qui in mundo conti-
neatur intelligibili, uniformium generum sin-
gularum quorumque dissimiles esse formas, ut
hominum, & id secundum momenta, & horas
circuli, cui præsidet Pantomorphus, quem horo-
scopiorum dixit superius esse deum. nos au-
tem deum illum ignoramus, & stultitiæ re-
linquimus*

linquimus gentiliū, si qui adhuc usque adeò
manifestò desipiunt, ac delirant. at nobis iuxta
beatissimi Pauli sententiam, Vnus deus est pa-
ter, ex quo omnia, & nos in illo, & vnus do-
minus Iesus Christus, per quem omnia, & nos
per ipsum species & formas, id est ideas, de
quibus apud Platonem, & Platonicos, tot &
tanta, inmutabiles quidem, & inuariabiles
collocat in Pantomorpho, hinc nomen habente,
quasi omniformi, & omni ideali, à quibus sin-
gulis horis, & momentis, singula eadem quidem
forma, sed variè format. cetera verò mutabilia
esse, & mundum, & cælum, & terram. verum
sint, qui pantomorphon Mercurij, & ideam Pla-
tonis, inter fragmenta reponant. Hæc cap. duode-
cimi summa.

CAPVT XIII.

ITerum ad hominē, rationemq; redea-
mus, ex quo diuino dono, homo ani-
mal dictum est rationale. minus enim mi-
randa, etsi miranda sunt, quæ de homine
dicta sunt. sed omnium mirabilium vin-
cit admirationem, quòd homo diuinam
potuit inuenire naturam, eamq; efficere.
quoniam ergo proavi nostri multum er-
rabant, circa deorum rationem increduli,
& non animaduertentes ad cultum, reli-
gion

gionemq; diuinam, inuenerūt artem, qua deos efficerent. cui inuentæ adjunxerunt virtutem de mundi natura conueniētem, eamq; miscētes: & quoniā animas facere non poterant, euocantes animas dæmonum, vel angelorum, eas indiderunt imaginibus sanctis, diuinisq; mysteriis, per quas solas idola & benefaciendi, & malefaciendi vires habere potuissent. Auus enim tuus, ô Asclepi, medicinæ primus inuentor, cui templum consecratum est in monte Libyæ circa litus crocodylorum, in quo ejus jacet mundanus homo, id est corpus (reliquus enim, vel potius totus, si est homo totus in sensu vitæ, melior remeauit in cælum) omnia etiam nunc adjumenta hominibus præstans infirmis numine nunc suo, quæ antè solebat medicinæ arte præbere. Hermes, cujus auitum mihi nomen est, nōne in sibi cognomini patria consistens, omnes mortales vndique venientes adjuuat, atque conseruat? Isin verò uxorem Osiris, quam multa bona præstare propitiam, quantis obesse scimus iratā? terrenis etenim diis, atque mundanis, facile est irasci, utpote qui sunt ab hominibus, extraq; naturam facti, atq; compositi. vnde cōtingit ab Ægyptiis, hæc sancta animalia nūcupari, colliq;

liq; per singulas ciuitates eorum animas, qui ea conlecrare viuētes, ita vt eorum legibus incolantur, & eorum nominibus nuncupentur, per hanc causam. ō Asclepi, quod aliis, quæ colenda videntur, atq; veneranda apud alios dissimiliter habentur, ac propterea bellis se lacessere Ægyptiorum ciuitates solent. A S C L E. Et horum, ō Trismegiste, deorum, qui terreni habentur, cuiusmodi est qualitas? T R I S. Constat, ō Asclepi, de herbis, de lapidibus, de aromatibus vim diuinitatis naturalem in se habentibus, & propter hanc causam, sacrificiis frequentibus oblectantur, hymnis, & laudib⁹, dulcissimis sonis in modum cælestis harmoniæ concinentibus, vt illud, quod cæleste est, cælesti usu, & frequentatione illectum in idola possit lætum, humanitatis patiens, longa durare per tempora. sic deorum fictor est homo, & ne putes fortuitos effectus esse terrenorum deorum, ō Asclepi, dij cælestes inhabitant summa cælestia, vnusquisque ordinem, quem accepit, complens, atq; custodiens. Hi verò nostri, sigillatim quædam curantes, quædam sortibus, & diuinatione prædicentes, quædam prouidentes, hisq; pro modo subuenientes, humanis quasi amica cognatione, auxiliantur.

COMMENTARIA.

Tertiumdecimum caput hoc cum capite nono simili impuritate laborat, & in quo vult Mercurius hominem esse diuinissimum, & maximè admirandum, in hoc certè homo maximè impius est, atque profanus, quòd scilicet idololatriam inuenerit, quod daemonicos spiritus euocatos imaginibus indiderit, rursusq; & sacrificia addiderit. de Aesculapio, Mercurio, Iside, Osiride, qui ab Aegyptijs colebantur, de animalibus, quae Aegyptij sancta habebant, de herbis, lapidibus, & aromatibus, concentibus, & hymnis, quibus propitiarent spiritus illos statuis, imaginibusq; inditos. quod adhuc facere solent nonnulli pythonici (ô seculum infelix) qui aut in annulis, aut vasculis se spiritus clausos habere putant, genus hominum impurissimum, deo, hominibusq; insensum, ac ex aduerso constitutum inimicum. & contra hunc profanum impietatis errorem, agit beatus Augustinus, & iure quidem agit, in libro de Ciuitate Dei, & pro veritate conuincit. Hæc pro capite tertiodecimo.

CAPVT XIII.

ASCL E. Quam ergo partem rationis
 ἀνθρώπων vel fata incolunt, ô Trismegiste,

megiste, si cælestes dij vniuersim domi-
nantur, terreni incolunt singula, quam
εἰς ἀρχὴν nuncupamus? T R I S. O Ascle-
pi, ea est necessitas omnium, quæ gerun-
tur, semper sibi catenatis nexibus iuncta.
hæc itaq; est aut effectrix rerum, aut deus
summus, aut ab ipso deo, qui secundus ef-
fectus est deus, aut omniū cælestium, ter-
renarumq; rerum firmata diuinis legibus
disciplina. Hæc itaque *εἰς ἀρχὴν* & necessi-
tas, ambæ sibi inuicem indiuiduo conne-
xæ sunt glutino, quarum prior *εἰς ἀρχὴν*
rerum omnium parit initia: necessitas ve-
rò cogit ad effectum, quæ ex illius pri-
mordiis pendent. has ordo consequitur,
id est contextus, & dispositio temporis,
rerum perficiendarum. nihil est enim sine
ordinis compositione. In omnibus istis
mundus iste perfectus est. Ipse enim mun-
dus ordine gestatur, vel totus constat ex
ordine. Hæc ergo tria *εἰς ἀρχὴν*, id est fa-
tum, necessitas, ordo, vel maximè dei nu-
tu sunt effecta, qui mundum gubernat sua
lege, & ratione diuina. Ab his ergo omne
velle, & nolle diuinitus auersum est totū:
nec ira etenim cōmouentur, nec flectun-
tur gratia, sed seruiunt necessitati ratio-
nis æternæ, quæ æternitas, inauersibilis,
immobilis, insolubilis est. Prima ergo
εἰς ἀρχὴν

ειμαρμένη est, quæ velut jacto semine futurorum omnium suscipit prolem sequitur necessitas, quæ ad effectum vi coguntur omnia. Tertius ordo, textum seruans earum rerum, quas *ειμαρμένη*, necessitasq; disponit. hæc est ergo æternitas, quæ nec capit esse, nec desinet, quæ fixa immutabili lege currendi, sempiterna commotione seruatur: oriturq; & occidit alterna sæpe per membra, ita vt variatis temporibus, iisdem, quibus occiderat, membris, oriat. sic est enim rotunditas volubilis ratio, vt ita sibi coarctata sint cuncta, vt quid sit volubilitatis initium ignores, quum omnia se semper & præcedere, & sequi videantur. Euentus autem & fors, insunt omnibus permista mundanis.

C O M M E N T A R I A.

Caput XIII. de fatiis, quæ vocat *ειμαρμένη*, necessitatem, ordinem, alij Clotho, Lachesis, Atropon. circa quæ non minus solebant ethnici ineptire, quàm circa reliquos, quos sibi finxerunt, deos, noua & miripotentia fingentes numina. velocius autem de his Mercurius & parcius, & quasi ambiguè, veluti tria hæc essent, præfinitio, prædestinatioq; mentis diuinæ, quam necessitas rerum, vt sint, sequitur, quas demum

demum existentes, ordo conseruat, quemadmodum diuina, eternaq; lege sancitum est, ita vt primum fatum, sit diuina præfinitio: secundum, rerum consecutio: tertium, conseruatio. & hæc tria aut diuina lex, aut seriem diuina legis comitantia, & definitarum, ac secundum naturam causarum, ordinem continent, atque & fatum, in contingentibus rebus, indefinitas, præter naturam, indeterminatasq; causas etiam permittit: verum de his alij iudicent. Et hæc præsentis partitione.

CAPVT XV.

Dictum est nobis de singulis, vt humanitas potuit, vt voluit, permisitq; diuinitas: restat hoc solum nobis, vt benedicentes deum orantesq; ad curam corporis redeamus. satis enim de diuinis rebus tractantes, mentem velut animi pabulis saturauimus. de adyto verò egressi, quum deum orare cœpissent, in austrum respicientes erant. sole etenim occidente, quum quis deum orare voluerit, illuc debet intendere: sicut & sole oriente, in eum, qui subsolanus dicitur. Iam ergo dicentibus, precationem, Asclepius ait submissa voce, ô Tati, suggeramus patri, iusserit vt thure addito, & pigmentis precem dicamus deo. Trismegistus audiens, atq; commotus.

motus, ait, Melius, melius ominare, ô A-
sclepi. hoc enim sacrilegius simile est, quû
deum roges, thus, atq; cætera incendere.
nihil enim deest ei, qui ipse est omnia, aut
in eo sunt omnia: sed nos agêtes gratias,
adoremus. hæc enim sunt summæ incen-
siones dei, quû aguntur gratiæ à mortali-
bus. Gratias tibi agimus, ô summe, & ex-
perantissime. tua enim gratia tantum su-
mus cognationis tuæ lumen cõsecuti: no-
men sanctum, & honorandum: nomen
vnum, quo solus deus est benedicendus re-
ligione paterna. quoniam omnibus pa-
ternam pietatem, & religionem, & amo-
rem, & quæcunque est dulcior efficacia,
præbere dignaris, quum donas nos sensu,
ratione, intelligentia. sensu, vt te cogno-
scamus: ratione, vt te suspicionibus inda-
gemus: intelligentia, vt te cognitione co-
gnoscentes gaudeamus, ac numine saluati
tuo gaudeamus, quòd nobis te ostenderis
totum. gaudeamus, quòd nos in corpori-
bus sitos, æternitati fueris consecrare di-
gnatus Hæc est enim sola humana gratu-
latio, cognitio maiestatis tuæ. Cognoui-
mus te, & lumen maximum, solo intelle-
ctu sensibile intelleximus te. ô vitæ vera
via! ô naturarum omnium fœcunda præ-
gnatio! cognouimus te, totius naturæ
tuo

tuo conceptu plenissime. cognouimus te,
æterna perseveratio : in omni enim ista
oratione, adorantes bonum bonitatis tuę,
hoc tantum deprecamur, vt nos velis ser-
uare perseverantes in amore cognitionis
tuę, & nunquam ab hoc vitæ separari ge-
nere. hæc optantes, conuertimus nos ad
puram, & sine animalibus cœnam.

COMMENTARIA.

*Quintumdecimum caput dialogum religio-
sè finit, in gratiarum actionibus : adoratione
autem finita, & gratijs deo persolutis, Mercu-
rius, Asclepius, Amnon, & Tatius quatuor vi-
ri, qui sacrum adytum impleuerant, secundum
religiosum Aegyptiorum ritum se conuer-
tunt ad puram, & sine animalibus
cœnam. & hic Hermes*

*de voluntate dei
libelli*

FINIS.





